

Livingston



13-21.B.1





Page 10 of 10



# LEGALES CONGRESSVS OPVS

Non minus vtile, quàm iucundum.


AVCTORE GRATIOSO VBERTO

Cæsenate, I. V. D.

~~Ad Illvstrissimvm Principem~~  
AD ILLVSTRISSIMVM PRINCIPEM

FRANCISCVM BARBERINVM

S. R. E. CARDINALEM AMPLISSIMVM.



ROMAE, Apud Ludouicum Grignanum. MDCXXX.

SUPERIORVM PERMISSV.

*Die 20. Aprilis 1630 J. R. 13. 7.  
Monasterii S. Francis Romæ an 1641.*

Imprimatur, si videbitur Reuerendis. P. Mag. Sacri Palatii Apost.

*A. Episc. Bellicastren. Vicefg.*

**L**egales Congressus Adm. Ill. ac Excell. D. Gratiofi Vberti, ita concedente Reuerendis. P. Nicolao Riccardo Magistro Sacri Palatii Apostolici, legi, diligenterq. examinaui, nihilq. reperi, quod vel bonis moribus, vel Catholicæ religioni aduerferetur. Immo omnia singulari methodo ita digesta, vt mira cum facilitate difficultates omnes, quæ circa originem, & progressum Iuris, vel antiquitus propositas, vel recentèr introductas, iam dissoluat; vt nihil dubij amplius superfit. & ideo publici Iuris fieri posse censeo. Romæ 13. Kal. Iulij 1629.

*Ita est Angelus Lucianus I.V.D. & in Gymnasio Alma Vrbis Pontificij  
Iuris professor in prima sede horis pomeridianis, manu propria.*

Imprimatur. *Fr. Nicolaus Riccardius Sac. Pal. Apostol. Magist.  
Ord. Prædic.*

ILLVSTRISSIMO PRINCIPI  
FRANCISCO BARBERINO  
S. R. E. CARDINALI.

E T  
V R B A N I V I I I  
F R A T R I S F I L I O .

GRATIOSVS VBERTVS. F.



DEREME (CARDI-  
NALIS AMPLISSIME)  
Legales Congressus, an-  
ceps eram. Verebar opus  
tenui ingenio, & horis furtiuis cōposi-  
tum, exhibere. Non audebam, foro ver-  
sans, librum offerre vacuum rebus illis,  
quæ ad causas agendas pertinent. At do-  
lebam laboris interitū. Mecum ipse re-  
colebam tempora illa, quibus legum cau-  
sas, iurisq. rationes meditari fas erat. Vi-  
debam

debam multa in libro congesta ad con-  
feruandam, in litibus agendis, integrita-  
tem, non parùm conferre. Iussit ratio, li-  
brum exire, & honestos labores subijci  
studioforum oculis, omni procul mole-  
stia, & obscuritate. Parendum fuit. Petit  
lucem, qui diù latuit; & quasi fracto obli-  
uionis vinculo, libertatem Proclamat:  
Confugit ad statuam Principis. Tu igitur  
VRBANI Nepos, Principis Imago, ser-  
uum excipe, & luce custodi. & Qui Prin-  
ceps rerum est omnium, te suauissimi  
Regiminis Principem diutissimè con-  
feruet.



# A V C T O R A D L E C T O R E M.



**O** TII, & animi causa libellum  
composui. Edidi autem, non  
vt futurus sit testis alicuius  
Studij, vel doctrinæ: sed ho-  
nestæ occupationis, & volun-  
tatis. Benigne Lector excusa-  
tionem peto, non laudem: absit igitur vt ne-  
ges. Vale.

---

## LIBELLVS AD LECTOREM.



*Valis Ego fuerim, tu nescis, an albus, an ater:  
Extat res omnis decolor in tenebris.  
Exurgunt formæ, cernuntur luce colores:  
Et maculas rerum condit amica manus.  
Proferor in lucem, qui longa nocte quieui:  
Contege in mendas, Lector amice, meas;*


# ARGUMENTVM

## PRIMI CONGRESSVS.


- I. **I**UVENIS studiosus, & Legum cupidus, Maurus nuncupatus, quasi niger factus ob varias dubitationes conceptas de Legibus, & Legum studio, adit Praeceptorem suum Aestiuo tempore, à publico munere exemptum, Lucium nuncupatum, quasi lucem allaturum, ut difficultates, quas proponere intendit explicare non recuset. pag. 1
- II. Maurus considerat legum studium quasi Mare magnum; conspicit in eo quinque Naues, velut fluctuantes, quas describit, & metu perterritus, cogitat ulterius hoc mare non sulcare. 3
- III. Lucius suadet nè desistat, probatq. Iuvenes studia deserentes incidere in vitia, tanquam in scopulos. 6
- IV. Dissertitq. de necessitate, & utilitate Studiorum aduersus sensualitatem, fortunam, inuidiam, & mortem. 7
- V. Atque ostendit tria esse, quae Iuuenum animos solent à studijs abducere, praesumptionem, seu temeritatem, laborem, & diffidentiam. 14
- VI. Maurus, dubitans adhuc de necessitate, & utilitate studij legum, rogat Lucium, ut secum velit de hac re differere; Lucius autem se excusans, tandem omnem suam operam pollicetur. 17

# A R G V M E N T V M

## S E C V N D I C O N G R E S S V S .

- I.  *AVRV S* proponit suas difficultates, & considerans Legale Studium versari circa leges Humanas; arguit, eas non fuisse necessarias, neque utiles; sed probat satis fuisse legem Divinam, & Naturalem, quarum necessitatem, & utilitatem extollit. pag. 21
- II. Quaecunque Humanis legibus inuenta sunt tanquam salubria medicamina arguit fuisse venenata. 26
- III. Potestatem, Iurisdictionem, seu Imperium, arguit fuisse inutiliter inter homines introducta. 27
- IV. Idem dicit de Rerum divisione, & de Meo, & Tuo. 29
- V. Idem de Commercio, seu Contractu. 33
- VI. Idem de Successione. 36
- VII. Idemq. de Iudicio. 39
- VIII. Arguit contra legis virtutem, qua est imperare, vetare, permittere, & punire. 42
- IX. Argumentatur, homines à solo Deo sufficienter puniri, & differit de remorsu conscientia. 43
- X. De Cruciatu Inferni. 45
- XI. Et de pœnis temporalibus quas Deus infligit. 47
- XII. Arguit pœnas corporales, & pecuniarias ab homine, & humana lege non potuisse imponi. 48
- XIII. Invehitur contra leges Humanas quasi, incerta sint innumerabiles, mutabiles. 50
- XIV. Invehitur contra Studium Legum ob Authorum qualitatem, Librorum multitudinem, & opinionum diversitatem. 52
- XV. Lucius commendat Mauri desiderium, & curiositatem inuestigandi Legum causas, ceteraq. subtiliora, & pro viribus se offerre eius dubitationibus satisfacturum. 57,

# ARGUMENTVM TERTII CONGRESSVS.


- I.  *VCIVS* proficitur, se satisfacturum dubitationibus *Mauri* non serio tractatu, propterea res postularet, sed breui discursu, & quadam rationum & exemplorum suauitate, propterea exigere videtur *Iuuenis* utilitas. 59
- II. Ostendit, legem ab homine positam, non esse contrariam, neque oppositam legi, quæ à Deo est: sed illius esse participem, & ab ea deductam per discursum humanum, & communi hominum consensu: & probat legem illam, quæ rationi non conuenit, legis nomen mereri. 59
- III. Respondet, hominem respectu Dei esse creaturam imbecillam; sed respectu aliarum creaturarum, esse excellentiorem. 65
- IV. Distinguit duplicem hominis finem, naturalem, & supernaturalem: & ostendit per legem Naturalem homines dirigi ad finem naturalem huius vite, per Diuinam verò ad supernaturalem future vite. 67
- V. Considerat triplicem hominis statum, ante peccatum, post peccatum, & post mortem; respectu primi considerat, sufficientem fuisse legem naturalem; sed respectu secundi necessariam fuisse legem humanam; respectu verò tertij necessariam fuisse legem Diuinam. 70
- VI. Incipit loqui de potestate, probatq. eam à Deo esse, & fuisse omnino necessariam pro lege ferenda, interpretanda, & exequenda. 72
- VII. Respondet, potestatem humanam non fouere, sed omnino comprimere cupiditatem malorum radicem. 78
- VIII. De Tyrānide differit, & recenset quosdā actus Tyrānicos. 79
- IX. Loquens de Meo, & Tuo, & Rerum distinctione, probat, ea conuenire rationi tam Naturali, quam Diuinæ. 80



- X. De diuitijs differit, & an licite appetantur; explicatq. Euangelicum dictum, Facilius esse per foramen acus camelum intrare, quàm diuites in regnum Celorum. pag. 83
- XI. Respondet ad obiectum de aurea etate, putatq. illam nunquā existisse, & affert rationem quare Senes, ut plurimum, laudant præterita tempora, & præsentia despiciunt. 87
- XII. Respondet meritum esse etiam Laicorum, si proprijs bonis bene, pieq. utantur, & non tantum Religiosorum, qui propria recusant habere. 89
- XIII. Differit de ortu Belli, probatq. ortū fuisse ante diuisione rerū. 90
- XIV. Ostendit Bellum conuenire, tam Iuri Naturali, quàm Diuino, ratione defensionis. 90
- XV. Refert plures auctoritates de necessitate, utilitate, & iustitia Belli. 92
- XVI. Maur. refert alias auctoritates in contrariū, & arguit Bellū non esse licitū, nec ratione propria, neque aliena defensionis. 98
- XVII. Lucius respondet ad opposita, & ostendit, quando Bellum sit iniustum, & quæ sit causa, seu occasio Bellorum, & vnde accidat, quòd populi deuincantur in Bello. 100
- XVIII. Concludit Bellum esse quid bonum propter finem, idest pacem, sicut medicina propter salutem; & considerat amaritudinem Belli aliquo pacto diminui respectu Principum ex necessaria diffidatione, qua præcedente, quisque rebus suis potest providere, & respectu militum, ex gloria militari. 105
- XIX. Ostendit quòd solatiū remaneat victis, & captis in Bello. 106
- XX. Affert rationem, quare tot tantorumq. hominum cedes, & locorum deuastationes, quæ tempore Belli accidunt, æquo animo sint ferende: & Maurus tandem satisfactus quoad dubitationes propositas de Lege, de Potestate, de Meo, & Tuo, & de Bello, rogat Lucium, ut quadam notabilia de eisdem materijs compendiose referat, quibus faciliora reddantur eius studia. id, quod in sequenti Congressu Lucius se acturum pollicetur. 108

# A R G V M E N T V M



## Q V A R T I C O N G R E S S V S.

- I.  *E Lege Aeterna primo legum omnium fonte describitur, & an Antiqui in tenebris illam cognouerint, & quomodo post lucem Euangelicam ad eum fontem homines peruenerint. pag. 110*
- II. *An omnes Leges insimul, an uerò certo ordine una post aliam emanauerint ab eodem fonte. 114*
- III. *De Lege Naturali, dicitur quomodo proveniat ab Aeterna, & quid dicet, & cur sola non sufficiat. 115*
- IV. *De Lege Mosayca, & Prophetica sermo habetur, & quae praecepta contineat, & an solis Iudaeis, an uerò etiam Gentilibus fuerit data. 124*
- V. *De Lege Ciuili dicitur, quod duplex sit, & quae contineat praecepta. 130*
- VI. *De Lege Euangelica, & Apostolica, & quae praecepta contineant, & de Lege Canonica, & ex quibus constet. 132*
- VII. *Ostenditur quomodo se habeant inter se Lex Naturalis, Lex Vetus, & Lex Noua. 141*
- VIII. *Et quomodo Lex Ciuilis, & Lex Canonica se habeant inter se, & cur sint necessariae. 144*
- IX. *Queritur, an insimul hodie utamur omni Iure Naturali, Diuino, & Humano. 147*
- X. *De Potestate differitur, quae diuiditur in Sacularem, & Ecclesiasticam. 150*
- XI. *Potestas Sacularis diuiditur in publicam, & priuatam, & de publica dicitur quàm sit necessaria, & an penes unum sit, uel plures. 152*
- XII. *Ostenditur qui sint actus potestatis Sacularis, & qui respiciant*

- spiciant publicam, & qui privatam utilitatem. pag. 156
- XIII. Demonstratur quare necessaria fuit constitutio Magistratum, & quam Iurisdictionem Princeps inferioribus Magistratibus tribuerit. 158
- XIV. Differitur de Iurisdictione in genere, de Imperio mero, & mixto, & de simplici Iurisdictione. 160
- XV. Dicitur de quatuor gradibus Magistratum. 163
- // XVI. Ostenditur quomodo Superior se gerere debeat cum Inferiore, & Inferior cum Superiore. 164
- XVII. De privata Potestate differitur, & quanta sit potestas Domini in Seruum. 165
- XVIII. Differitur de potestate Patris in Filium. 166
- XIX. De potestate Tutoris in Pupillum. 167
- // XX. De potestate Mariti in Uxorem. 167



# ARGUMENTVM QVINTI CONGRESSVS.

- I.  *VCIVS* loquitur de Ecclesiastica potestate, & ostendit, qualiter sit exercenda. pag. 173
- II.  *Differit de Ecclesia, & de diuerso personarum statu, ordine, officio, & dignitate.* 175
- III. *Dicit nonnulla de Ecclesia Romana, aliarum Ecel. siarum capite.* 177
- IV. *Notat quedam de Romano Pontifice, & de eius dignitate, & prerogatiua.* 178
- V. *Probat antiquam Urbis gloriam minime diminutam esse temporibus Pontificum.* 181
- VI. *Sermonem habet de Anno Sancto, & de accessu fidelium ad Urbem, precipue de tempore S. D. N. Papa VRBANI VIII. & de quibusdam eius gloriosis gestis.* 181
- VII. *Dicit nonnulla de Clauibus, & reddit rationem cur Imago Sancti Pauli in Bullis Papalibus ponatur ad dextram, & Petri ad sinistram.* 184
- VIII. *Dicit aliqua de Cardinalibus, & de eorum dignitate, & creatione.* 187
- IX. *Differit de Episcopis, & eorum institutione.* 189
- X. *Ostendit multa esse que Papa Inferioribus non communicauit, & que per se solus facere potest absque aliorum Consilio.* pag. 192
- XI. *Maurus mouet tres dubitationes, una est an Papa possit ligare manus Successoris, altera, an Ecclesia habeat Ins gladij, postrema an liceat appetere potestatem, sine Sacularem, sine Ecclesiasticam, quibus breuiter Lucius satisfacit.* 194
- XII. *Lucius notat quedam de Meo, & Tuo, & ostendit in*

	rerum diuisione unam partem Deo, alteram Reipublica, & reliquam singulis personis fuisse attributam.	pag. 196
XIII.	Differit de portione Deo reservata.	197
XIV.	De portione Reipublica.	206
XV.	De portione singulorum, & de possessione.	207
XVI.	De dominio.	211
XVII.	Ostendit qua ratione fuerit necessaria inter homines distributio rerum.	213
XVIII.	Maurus inuehit contra Venatores, Piscatores, & Aucupes: sed Lucius eos tuetur.	214
XIX.	Lucius notat nonnulla de Bello, quod sit necessarium, & iustum contra Hostem; & refert nonnulla obseruanda inter Bellatores.	218
XX.	Ostendit, Bellum oriri ex humani consilij, sed non sine Dei iudicio.	221
XXI.	Probat, Victoriā, & liberationem à solo Deo expectandam esse.	222
XXII.	Dicit nonnulla de captiuitate bonorum, & hominum in Bello.	227



# A R G V M E N T V M

## SEXTI CONGRESSVS.

- I.  *VCIVS* respondet ad dicta per *Maurum* in secundo Congressu contra *Cōmercium*, & *Contractus*, quorum necessitatem, & *utilitatem* demonstrat. pag. 230
- II. Respondet *Contractus* non esse laqueos hominum, & ostendit leges rescindere, & annullare *Contractus* illos, quibus error, vel metus, vel dolus causam dedit. 235
- III. Differit de mercatura, & de cautelarum usu, quarum necessitatem, & *utilitatem* demonstrat. 237
- IV. Respondet ad opposita contra *Successiones*, quas probat *Iuri*, & *aquitati naturali*, *Divinaq. dispositioni* convenire, & nonnulla curiosa dicit de obitu *Avari*. 244
- V. De *Substitutionibus* loquitur, quas declarat esse *utiles*, & respondet earum nomina non esse *Aenigmata*, sed terminos claros *legalis scientia*. 248
- VI. De *Testamentis* differit, & explicat, quae dent causam *libris* super eisdem. 249
- VII. Probat conveniens esse, ut quisque moriens testetur. 251
- VIII. Et pro anima legata pia relinquat. 253
- IX. Et provideat de cadavere sepeliendo. 254
- X. Et disponat pro *conservatione Familiae*, & *masculos* *feminis*, *agnatosq. cognatis* praeferat. 261
- XI. Atque demonstrat *Leges* *utiliter* providisse, ut ex *conjecturis* colligatur, & declaretur *Testatoris voluntas*, & *intentio*. 262
- XII. Cur homines testari negligant, & differant ad extremum. 263

>

AR.

# ARGVMENTVM SEPTIMI CONGRESSVS.

- I.  *VCIV* Respondet ad ea, qua opposuit *Mau-*  
*rus* in secundo Congressu contra Iudicia, quo-  
*rum* initium deducit à Deo, à Natura. pag. 266
- II. *Probat* in Iudicijs agendis necessarios esse *abel-*  
*liones*, *Procuratores*, & *Aduocatos*, eisque iure  
merito laboris praeium deberi, & calumniatoribus poenam  
infligi. 268
- III. *Ostendit* inconueniens non esse, ut qui in probationibus desi-  
cit, in Iudicio succumbat. 269
- IV. Respondet leges non fouere lites, sed eas dirimere, & liti-  
giosos homines odio habere. 270
- V. *Explicat* qualis esse debeat *Iudex*, & an ex arbitrio proce-  
dere possit. 270
- VI. *Iudicia* executiua, & possessoria respondet, habere celerem  
expeditionem. 273
- VII. *In* causis petitorijs probat, periculosam esse celeritatem, & ne-  
cessarium esse ordinem Iudicarium. 274
- VIII. *Explicat* quid sit cognoscere causas de plano. 276
- IX. *Reddit* rationem cur in Iudicijs ordinarijs *Unica* Sententia  
non sufficiat. 277
- X. *Et* cur necessarium sit plura discutere ante discussionem nego-  
cij principalis. 278
- XI. *Demonstrat*, qua ratione *Iura* dent *Dilationes*. 278
- XII. *Et* *Ferias* indicant. 279
- XIII. *Appellationes* permittant. 280
- XIV. *Nullitates* tollant. 281
- XV. *Restituant* in Integrum. 282
- XVI. *Et* *Argentata* reuocent. 282

XVII. *Red-*

- XVII. Reddit rationem cur executio personalis fieri non debeat in Domo, vel Ecclesia.* pag. 283
- XVIII. Et cur Executio realis debeat retardari Dilationibus, & Inhibitionibus Iudicum.* 284
- XIX. Et cur debeat impediri per Cartas Dotales.* 184
- XX. Respondet ad ea, quæ contra virtutem Legum adduxerat Maurus in secundo Congressu.* 285
- XXI. Et differit de pœnis, & probat eas sustinendas esse æquo animo.* 285
- XXII. Dicit quomodo se habeant inter se pœna, remorsus conscientie, & cruciatus Inferni cum pœnis, quas Leges Humana infligunt.* 287
- XXIII. Ostendit, Leges dum puniunt, vel permittunt non facere de bono malum, nec de malo bonum, nec offendere Præceptum negatiuum, Non occides, quando pœna mortis delinquentes afficiunt.* 287
- XXIV. Ostendit, Fures iure merito puniri mortis pœna.* 289
- XXV. Respondet conueniens esse, ut in statuendis pœnis deferatur dignitati.* 290
- XXVI. Reddit rationem, cur causa Criminales, quibus agitur de vita hominis, citius expediantur, quàm Ciuiles, quibus agitur de bonis.* 291
- XXVII. Differit de Tormentorum usu, & an æquum sit, ut Tormentorum vi Reorum confessiones extorqueantur.* 292
- XXVIII. Redditur ratio, cur actus premiandi non enumeretur inter actus, scilicet virtutes Legis.* 297
- XXIX. Condemnati, & traditi ultimo supplicio, an quidquam boni, pœna soluta, consequi possint.* 298
- XXX. Cur Ecclesiastici mortis pœnam non imponant, & cur taceatur reos ad Ecclesiam confugientes.* 299



# A R G V M E N T V M

## OCTAVI CONGRESSVS.

- I.  *AVRVS* repetit breuiter, quæ dixerat in secundo Congressu contra studium Legum, & Lucius quoad Legum mutabilitatem, respondet, non esse reprehensibile, ut leges mantentur necessitate suadente. pag. 305

---

- II. *Quoad obscuritatem Legum ostendit, interpretationem sup-  
plere.* 310

---

- III. *Et quoad multitudinem Legum respondet, plura etiam re-  
manere Legibus non definita.* 311

---

- IV. *Ideòq. infert, interpretationem Iurisperitorum fuisse necessa-  
riam.* 312

---

- V. *Reddit rationem, cur Iustinianus prohibuerit suis Legibus  
Commentaria applicari, & Interpretationes adijci.* 313

---

- VI. *Varia Interpretationes, & contraria Doctorum opiniones,  
an Ius conturbent.* 314

---

- VII. *An Legum intelligentiam confundant.* 315

---

- VIII. *An confundant Ius dicendum.* 317

---

- IX. *An turbent studiosorum mentem.* 318

---

- X. *An Iuris Interpretes laudem mereantur, etiam si in aliqui-  
bus errauerint.* 321

---

- XI. *An recentiorum Interpretationes utiles sint post plura anti-  
quorum Commentaria.* 323

---

- XII. *Ad ea, quæ Maurus opposuit in secundo Congressu contra  
Iustinianum, Tribunianum, & alios Iurisconsultos, Lucius  
breuiter respondet.* 325

---

- XIII. *Ostenditq., Iustinianum nullum damnum intulisse, dum ex  
pluribus Iurisconsultorum libris potiora selegit, & reliqua per-  
didit.* 327

---

- XIV. *Pro-*

- XIV. *Probat, responsa Prudentum, & Imperatorum sancita, in libris Iuris Civilis contenta, non esse imperfecta, diminuta, vel obscura, & nonnulla dicit de tempore.* pag. 327
- XV. *An libri Iuris Civilis compositi sint absque ordine, & contineant contrarietates, breuiter demonstrat.* 328
- XVI. *Glossatores, & Interpretes Legum quam utilitatem attulerint, & an utilis sit librorum copia.* 330
- XVII. *Respondet Lucius, fieri non posse, ut paucis libris seruatis, reliqui tradantur igni.* 332
- XVIII. *An utile foret, ut Princeps controuersias Doctorum sua lege definiret, & plura eorum dicta in unum colligeret.* 333
- XIX. *Ostendit, laudandos esse Doctores potius, quam arguendos, dum in difficilibus modò unam, modò alteram opinionem resellunt.* 334
- XX. *Differitur de Decisionibus Rote, & ostenditur quanta sit earum auctoritas.* 336
- XXI. *Excusat Lucius Glossatorum, & Interpretum mutuas detractiones.* 339
- XXII. *Maurus agnoscit libros Iuris Pontificij velut fomes canonice aequitatis.* 340
- XXIII. *Respondet Lucius ad id, quòd Maurus dixerat in secundo Congressu, Leges esse telas araneas, & impossibile esse, ut idem homo diuersis Legibus in diuersas partes trahatur.* 340
- XXIV. *Reddit rationem, cur Doctores non videantur certi de eorum Legibus.* 340
- XXV. *Cur fiat error in applicatione.* 341
- XXVI. *Et cur Litigatores nunquam videantur tuti de eorum Iure.* 342
- XXVII. *An Lex humana imponat homini necessitatem in foro conscientiae.* 343



# ARGVMENTVM NONI, ET VLTIMI CONGRESSVS.

I.	<b>I</b> VCIVS, & Maurus concordēs differunt de personis.	pag. 346
II.	De Legislatoribus.	346
III.	De Subditis.	348
IV.	De Scriptoribus.	350
V.	Quæ observare, & vitare debeant Scribentes.	352
VI.	De Censoribus Librorum.	357
VII.	De Lectoribus, seu publicis Legum professoribus.	359
VIII.	De Scholaribus.	362
IX.	De Iudicibus.	364
X.	An Iudex possit esse Illiteratus.	366
XI.	An possit sequi propriam conscientiam.	367
XII.	Iudex non debet affectu moveri.	368
XIII.	Nec muneribus trahi.	368
XIV.	Nec quemvis admittere in suam familiaritatem.	369
XV.	Debet Iudex cum consilio, & maturitate procedere.	370
XVI.	An possit Iudex cogere partes ad concordiam.	370
XVII.	Et gratificari Amico.	371
XVIII.	De Notarijs.	372
XIX.	De Advocatis.	374
XX.	Advocati, quæ debent observare.	377
XXI.	Quæ vitare.	377
XXII.	Vulgus erroneè loquitur de Advocatis.	379
XXIII.	Quid dictum fuerit de Demosthene, & alijs.	379
XXIV.	An præmium debeatur Advocatis.	380
XXV.	Advocati quando excusandi sunt, si errant.	381

XXVI. De

XXVI. De Procuratoribus .	pag. 383
XXVII. In quo differant ab Aduocatis .	383
XXVIII. An Procuratoris officium sit vile .	384
XXIX. Quales sint Procuratores in magnis Curijs .	386
XXX. Quid obseruare debeant .	387
XXXI. Quid uisare .	388
XXXII. De Litigatoribus , qui insidiantur Aduersario .	388
XXXIII. Qui recta Consilia non acceptant .	390
XXXIV. Qui sunt fallaces , & Iudici fucum faciunt .	390
XXXV. Qui obtecti passionibus Iudices prouocant .	391
XXXVI. Qui persequuntur Aduersarium , & eius famam lace- rant .	391
XXXVII. De debitore condemnato , & latitante .	391
XXXIII. De auido creditore usurpante bona debitoris .	391
XXXIX. De Litigatore molesto patrocinantibus .	392
XL. De Litigatore omnia promittente , & nihil dante .	392
XLI. De Paupere litigante cum Potentiore .	392
XLII. De Litigatore conquerente, quod intellecta non fuit eius bona ratio .	393
XLIII. De Litigatore maledicente Procuratori , qui causam in- tricanit .	394
XLIV. De Litigatore maledicente Aduocato , qui non tetigit pun- ctum .	394
XLV. De Clientibus , qui ab initio satisfaciunt , deinde defi- ciunt .	395
XLVII. De magnis Clientibus non soluentibus , & Chiragra affe- ctis .	395
XLVII. Gratias Maurus agit Lucio , & datur finis Operi .	396



# PRIMVS CONGRESSVS.

MAVRVS. LVCIVS.

*Mau.* **A**M venit luci optatum tempus, quo vacare licet à publico legendi munere.

*Luc.* Venit Deo dante.

*Mau.* Equidem gaudeo, non quia nouerim, te ægrè vnquam tantum ponderis sustinuisse: sed quia te, non ita publico oneri alligatum, potero libentiùs, omni procul timore inferendæ molestiæ, alloqui.

*Luc.* Omni tempore tu inter ceteros fuisti mihi gratissimus.

*Mau.* Non defuit tua benignitas: potui omni tempore alloqui, & interrogare, & mihi sæpè ac sapiùs quærenti haud vnquam detrectasti responsum dare. Verùm habui nonnullis ab hinc diebus quoddam in mente, super quo tecum disserere exoptabam. videbam id, te grauioribus negocijs detento, minùs commodè accidere posse: in tempus vacationum distuli; quod cum extet, non possum non lætari.

*Luc.* Æquè, ac tu ipse lætor, si futurum sit, vt assequi valeam, quod semper volui, tibi scilicet inferuire, consulere tuis necessitatibus. dic igitur quicquid animo concepisti.

*Mau.* Tuam cognoui humanitatem: ea tamen nollem abuti.

*Luc.* Si me amas liberè dic, quæ dicere statuisti, nisi fortè summam, quam spero, iucunditatem, cun-

A cta-

I.  
Adit Maurus  
Præceptorẽ  
Lucium, vt  
quasdam diffi-  
cultates ob-  
ceptas de le-  
gem studio  
tollat.

Stationis amaritudine tibi placeret temperare.

*Man.* Parendum est. Quanto tempore legum studio, te Præceptore, operam dederim, optimè nosti; quem autem fructum perceperim, non video. tot sunt, quæ mentem meam torquent, terrentq. animum, ut aliquando nesciam ubi caput habeam. Sum pluries anceps, & perplexus velim nè studium legum prosequi, an deserere.

*Luc.* Sectanda sunt, Maure, quæcumq. optima sunt, & in eis laudabilius est deficere, quàm in vilioribus superare. Est studium legum cæterorum optimum, frequentissimum, ac celeberrimum.

*Man.* Tetigisti plagam. audieram multos multa de legum laudibus decantauisse: & incitato satis, atque inflammato animo studio earum me commisi, sperans aliquando ad aliquod laudis felicitatisq. culmen, quod ipsi promittebant, peruenire. Sed concepta spe frustratus, quo magis procedo, longiùs, quod optabam, video abesse. multa occurrunt dubia, quæ velut obscuræ nubes claritati legum; quæ tantum celebratur, officiunt; mihiq. sese opponunt tot contraria, ut quasi ictu hostium perterritus, necesse habeam aut retrogradi, aut medio itinere deficere.

*Luc.* Non desunt in hoc nostro legum studio difficultates, anfractus, & labyrinthi penè inextricabiles; ob id tamen deserendum nonnisi illi affirmarent, quos animi secordia, & inertia triumphatricis gloriæ expertes facit. tu ex illorum turba non es, qui solummodo ardua prospiciendo pauent. expertus sum, ubi non omnia, ut inquirunt, strepere; audiam libenter quid dicturus sis.

*Man.*

*Maur.* Iamdiù de legum studio, non secus, ac alij, ipse quoque benè sentiebam, & quamvis ab initio, quasi procul, nullum fructum perciperem, nullum comprehenderem laboris exitum, nullam veritatis imaginè prospicerem; mihi tamen ipse minimè diffidens sperabam fore, vt temporis diuturnitas, assiduus labor, Præceptorum solertia, copia librorum, & recta studendi methodus, ingenij mei vires firmarent, fugarent tenebras intellectus, mentemq. legalis scientiæ seminibus imbuerent; & quasi viam expurgarent à spinis, saxis, & ruderibus difficultatum, adeò, vt exitus aliquando videretur. Sed, proh dolor, spes me fefellit. quantò magis elaborabam, eò magis elaborandum cognoscebam: quantò magis progrediebar, eò magis aberam. Putabam quasi ad vellus aureum aspirare, sed inania quæritasse, summa cum animi molestia sentio. vndè cœpi mecum dubitare, nè legibus operam dantes, velut umbram sectaremur, quæ semper fugit, nunquamq. potest apprehendi.

Et ex ijs, quæ de legum studio dici solent, nihil verum puto; nisi quòd sit mare magnum: illud enim intueor, quasi mare turgidum, & procellosum, quo miseri nauigantes, assiduis fluctibus modò huc, modò illuc miserè vexantur. Quinque Naues conspicio; Prima est miserorum subditorum, qui dum cursum dirigunt ad optatum felicitatis portum, dum putant quierè, & pacatè viuere, ecce frementes fluctus aggrediuntur; variæ scilicet, & dubiæ tantarum legum permissiones, prohibitiones, sanctiones, punitiones, quæ reflectunt miseram nauem, agitant

## II.

Considerat  
Maur. legum  
studij quasi  
mare, & cõ-  
spicit quin-  
que Naues.

ipforum mentes, animos torquent, libertatem impediunt, infidiantur vitæ; quare amissam deplorant libertatem, de damnis conqueruntur, furentes procellas non sperant euadere, falsosq. potus iam, haustos euomere, nullum remedium superest, nisi fremere, stridere, ululare. Altera est litigatorum hoc mare fulcantium inueniendi gratia lapillos, & margaritas: recuperandi scilicet, vel tuendi propria bona. Sed, heu miseros, ecce consulentium Aduocatorum figmenta, cauillationes Procuratorum, Notariorum technæ, quasi vehementes, & terribiles procellæ ita concutiunt miseram nauem, ita nauigantes miseros angunt, vt gemebundi propè lethum videntes, cogantur nauem leuare, & preciosiora, quæ secum habent, proijcere; & si qui euadunt, si qui in Iudicijs victores existunt, pro luculenta, quam fecerunt, iactura exiguum quid reportant. Tertia est eorum, qui in Iudicio versantur, quales sunt Notarij, Procuratores, Aduocati, Iudices, quorum ferè nemo videtur esse, qui inexplebili voracitate in miseros litigantes impetum non faciat, eosq. quasi piratarum more, non depredetur. Quarta exoritur medio mare longa luris professorum Nauis, qui dum veritatis, & iustitiæ portum attingere quærunt, tanta rerum difficultate, multitudine legum, opinionumq. confusione, velut æstuantibus fluctibus huc illucq. exagitantur, vt quasi inter vitæ mortisq. vias constituti, multis premantur curis, multis vexentur solitudinibus. Tandem non procul à litore vltima Nauis est, quam louenum legum studiosorum turba spe honoris, & vtilitatis conscendit, qui, vt noscunt incerto, & reflu-



fluentibus vñdis stridenti pelago ferri, vtq. vident à longè alteram, quàm cōsestantur, iuris professorum, nauem miserè iactari, & ferè submergi, ingenti perturbantur timore, & omninò perterriti & exanimati statuunt ad terras, quas post terga reliquerunt, quamprimum redire. quorum vnus ego sum, qui sciens prudentis esse periculum, quod cernitur, cuitare, statuo vltèriùs non fulcare: quàm maxima enim dementia esset, velle æstuantibus fluctibus immergi, angì difficultatibus inextricabilibus.

*Lnc.* Circà litora magis, quàm in alto deprehenduntur, & maiores videntur motus maris. vñdè non miror, si quasi à longè hoc legum mare tam procellosum iudicaueris. mare turbatum auctor est Plinius lib. 2. cap. 103. oleo tranquillari, & lib. 28. cap. 7. fœmina connudata tempestates abigi. cui adscribo, sciens multos recta studendi ratione, & methòdo, velut oleo, viam facilem, & tutam in legali scientia sibi fecisse, & pura mente, integròq. animo, semotis proprijs, & aliorum passionibus, veluti fœmina connudata, tempestates exortas repulisse, diluisse cauillantium fallacias, calumniantium fucata argumenta, erroneas opiniones; & tandem veritatis, & iustitiæ portum omnibus procul scopulis, feliciter attingisse. tuta sanè vtilisq. est hæc nauigatio; quandoquidem iure medio capiuntur pisces, homines scilicet improbi puniuntur; inueniuntur lapilli, & margaritæ; bonum, videlicet, & æquum dignoscitur. huc illucq. asportantur præciosæ merces, locorumq. necessitatibus succurritur. multa videlicet de nouo instituntur, instituta vetera modò tolluntur, modò exten-

duntur; sicq. humanis necessitatibus succurritur, vt verè dicere possimus, quod in adagio est, mare pro-  
luit omnia mortalium mala. putant nonnulli mor-  
fos à cane rabido, si nouies mergantur in mare, à ra-  
biq. liberari. de quo nobis ambigendum non est, cum  
certè sciamus, ab iniquis oppressos, à rapacibus spo-  
liatos, ab astutis deceptos, si clarè de iuribus eorum  
docuerint, legum remedio releuari, restitui, redin-  
tegrari. quod si secùs quandoq. accidere videatur,  
improbitati hominum potiùs, quàm legibus tri-  
buendum est; nemo enim putaret medendi artem  
damnandam, si quis eam ad hominum perniciem  
conuerteret: sed solius abutentis Medici vitium  
damnaretur.

## III.

Suadet Lu-  
cius Studi-  
um non esse de-  
serenda.

Nolo itaque, vt ab incepto desistas, sed pergas con-  
stanti firmoq. animo euasurus angustias, & scopu-  
los, quorum tandem iuuabit meminisse. inquit  
multi cognitu rarissimum esse, naues in alto pe-  
rijisse, sed propè litora sæpiùs naufragia cerni. itaq.  
magis expedit, in altum longissimè refugiendo, pe-  
riculum euitare; quàm, litus petendo, naufragium  
facere.

*Man.* Quodnam periculi, naufragijq. genus modò  
conspicis?

*Luc.* Vera dicam, quæ experientia docet. multi  
sunt iuuenes, qui à studijs eorum operam, & in-  
dustriam libentiùs aliò traducunt, putantes illis pro-  
cul laboribus, & incommodis, quæ secum afferunt  
literarum studia, se honestiori, & feliciore vita po-  
tituros. sed res non ex eorum animi sententia suc-  
cedit. statim voluptatum illecebris illecti, & deliniti,  
in

# CONGRESSVS. 7<sup>o</sup>

in vitia, in syrenum scopulos offendunt, vt mirabile sit, si periculosis illius ætatis fluctibus non deperiant. qui verò euadunt, aut ocio, aut fœcordia, quæ acriter ab omnibus damnata est, degunt, nihil prorsus agentes, quo se homines testentur. aut in struendis, cumulandisq. opibus, quæ pertinent ad solius corporis cultum, ita inhærent, vt sibi renunciare, & hominis nomen abijcere videantur. In quem errorem non prolaberentur, si iuxta Apollinis responsum, seipsum cognoscerent. si, inquam, conspicerent, hominem non esse corpus, sed animum.

*Man.* Quid ais?

*Luc.* Probabiliter dicam. illud, quod aliqua re vitur, ab eo, quo vitur, aliud est. homines vituntur partibus sui corporis, vt manibus, pedibusq. ergò aliud est homo, & aliud corpus, adeò vt quâturn inter artificē, & instrumentum interest, tantum inter hominem, & corpus interesse videatur. quòd si, inquam, existimarent, hominem, esse animum, corpus autem quasi vas, & aliquod animi receptaculum. non ita pro huius corporis cultu elaborarent, vt seipsum, animum, scilicet obliuiscerentur. neque ita studia proijcerent, vt animum, qui studiis alitur, incultum iacere, ieiunumq. languescere paterentur. sed hæc dicta sint iuxta sententiam Platonis in lib. 25. de amore, quæ ad hoc maximè confert.

*Man.* Moritur nè homo sine studiis?

*Luc.* Ita quidem, vt non remaneat, nisi corpus, quod colitur vt cadaver, & nō agit quod hominis est. doceat sacrę literę, summum rerum omnium opificem

## IV.

Probat studia prodesse aduersus sensualitytē, fortunam, inuidiā, & mortē

Deum, perfecta hac propter hominē mundi machina hominem deniq. propter semetipsum creasse, tanquam diuini templi antistitem, spectatorem operum cælestium: idcirco inter cætera, inquirunt, animalia eum solum rectum corpore, statu, oreq. sublimi fecit: vt cælum Dei conditoris sedem intueretur. consilio & mente instruxit. vt eius diuina opera admiraretur, virtutem, potestatemq. prospiceret. sermonem soli dedit, ac linguam cogitationis interpretem: vt maiestatem Domini sui enarraret. postremò ei cuncta subiecit. vt factori, atque artifici Deo esset ipse subiectus. quæ officia, nonnisi studiorum auxilio ab hominibus potuisse præstari, sentio.

*Mau.* Ad quid igitur anima tot potentijs prædita?

*Luc.* Anima, quamuis ab immortalī Deo perfecta, infundatur multiplici facultate, ea tamen huius terre corporis mole irretitur, & circūfunditur sic prorsus, vt nisi studiorum auxilio iuuetur, ac proferatur; quasi lumen absconditum non resplendeat, quasi gēma sordibus affecta vilescat, quasi is, qui vinculis habet manus impeditas non se exerceat, & quasi is, qui aliqua mole obrutus est, sui ipsius obliuiscatur. si hominēs huius animæ studiorum opem denegassent, nihil prodesset appetendi, cognoscendiq. facultas; appeterent ea, quæ soli subiacent sensui: cognoscerent quæ cætera non prætereunt animantia. scirent præterita, quæ sibi tantum contigissent; futura non præuiderent, cuperent quæ sibi bona falsò viderentur. non cognoscerent Deum, de diuinis non differerent. nescirent rerum causas, quid bonum, quid vtile, quid honestum iustumq. sit, non addi-

## CONGRESSVS.

addiscerent; atque, ut primi illi homines, qui se benè intelligere nedum cœperant, in agris passim, bestiarum more, vagarentur, sibi victu ferino vitam propagerent: nec ratione animi quicquam, sed pleraque solis viribus corporis sibi administrarent.

*Man.* Nô ita rudes sunt nostrę ætatis homines. quisque præstare putat, quod hominis est, omni procul literarum studio.

*Luc.* Animus noster scientiam appetit, sicuti corpus cibum: Omnes enim homines, ut ait Arist. 1. Metaphysic. natura scire desiderant. & sicut corpus cibo crescit, ita animus scientia: hinc dicit D. Augustinus de quantitate animę, cap. 19. quemadmodum triplex est corporis incrementum, vnum necessarium, quo naturalis convenientia impletur in membris; alterum superfluum, quando accidunt, quę nimia sunt, & monstruosa, ut sextus digitus in manu; & tertium noxium, quando accidunt quę bonam expugnant valetudinem, sicuti tumor. ita triplex est animi incrementum; necessarium, quando augetur animus honestis & ad benè beatèq. viuendum accomodatis disciplinis. superfluum, quando augetur animus scientia eorum, quę mirabilia sunt, non tamen vtilia. noxium verò quando augetur scientiis illis, quę bonam expugnant valetudinem. hinc videmus, quòd præclara literarum studia simulatque homines colere incipiunt, titillatione quadam honestissimę voluptatis alliciuntur. illecti saluberrima præcepta percipiunt. non tantum benedicendi, verum etiam benè viuendi ingrediuntur vias; igniculisq. glorię, quibus animus accenditur excitatis,

quan-

quantus sit in virtute splendor, quantā in vitijs deformitas, addiscunt. atque ita laudabiliter vitam instituunt, vt mentem pulcherrima, atque honestissima plurimarum rerum, quæ ad vsum vitæ pertinent, cognitione compleant; & animum virtutis, & honestatis studio excolant; & quicquid voluptatis titillatione perficitur, quicquid corpus oblectat, quicquid deniq. impura, ac nefaria oblectatione sensum, animumq. permulcet, summa cum laude effugiant.

*Mau.* Deus bone, quot, quanti. q. reperti sunt, qui, etsi literis claruerint, ita tamen vitiorum cœno polluti visi sunt, vt dubium fuerit, an maiorem ex studijs laudem sibi comparauerint; an potius ob eorum animi prauitatem, venerint in maiorem hominum vituperationem?

*Luc.* Proni sunt hominum sensus, & cogitationes, ab ipsis penè incunabilis, ad malum: Sic prorsus, vt vitia, non usu didicisse, non cum nutrice lacte suxisse; sed cum ipsa exoriente natura penitus traxisse videatur. quamobrem si lutosam viam facilius pertranseunt, qui baculo stabiliunt gradum, fateri necesse est, eos, qui studijs quasi scipione nituntur, facilius vitiorum limum, quo tota hæc vitæ via infecta est, euitare: nam si sepositis illis, quasi baculo deiecto, pertransire auderent, modò vno, modò altero sæpius prolabentes pede, non sine magno periculo, & dedecore exciderent, excontaminarentur. afferunt studia hominibus tantum præsidij, vt sensualitatem, quæ belluina pars est, ad flagitia malaq. omnia omnibus horis propensa, nedum cohibeant; & imperio rationis subijciant, sed etiam, vt graues fortunæ ictus facil-

facillimè ferant, inuidiæ morsus euitent, euadant, mortis tenebras.

*Mau.* Si verum sit, multum iuuant.

*Luc.* Etsi fortuna potens, fortisq. sit, vt eos, quibus aduerfatur, nullo ferè negocio euertat: attamen, si cum virtute insignito, & literis armato dimicet, tantam vim patitur; ita eius furor, & audacia comprimitur, vt deuicta cedere, & alteram faciem (illam enim antiqui vates dixere Bifrontem) vertere, & ostendere, compellatur. Quod multorum exemplo confirmari potest, Socratis scilicet, Xenophontis, Anaxagoræ, Zenonis, Catonis, aliorumq. studiosorum virorum, quos nullis vnquam mutatos fuisse casibus; nulli succubuisse calamitati, ex historiarum monumentis percipimus.

*Mau.* Id euenire solet hominibus quibusdam, qui studijs intenti negligunt seipsos, & mundum.

*Luc.* Laudandi sunt isti viri. & quæcunque fortunæ subiacent imperio, tanquam terrena, & fragilia despiciere, & nulla eorum mutatione commoueri, laudabilis est sapientia, & fortitudo quam maxima. Sed neque minùs laudabilis est prudentia aduersus inuidorum detractorum, ac malignantium rabiem, morsusq. se tueri: qui cum muribus minimè sint dissimiles, alienum cibum, alienam famam semper rodere, & deturpare contendunt. res quidem eis succedit, si ignauos, simplicesq. homines persequantur; at si proponant sibi prudentes, eruditosq. viros, tanquam scopulum, ad quem sagittas suas dirigat: quod volunt, non assequuntur; sed, velut retractis eisdem sagittis, feriuntur. dum scilicet illi se corrigentes, & magis cautè se gerentes, à vitiorum rete, qua se maior pars ho-

hominum inuoluit, secedentes, per viam honoris, & virtutis felicissimè progrediuntur. vnde fit, vt eorum gloria, quam obrectantes delere quærebant, viuidiore magis lacerentur.

*Mau.* Cum autem sentiunt se iniuste morderi, quid agunt?

*Luc.* Tacitè sinunt eorum insolentiam transcurrere, vt intelligant ab se aspernari, tanquam odiosi, & indigni, qui ab aliquo spectentur. quod inuidorum est supplicium tale, vt præ dolore, quasi rabidi canes semper baubari, & consumi videantur.

*Mau.* Quid si inuadunt eos, qui literarum studia, neglexerunt?

*Luc.* De eis magno fastu triumphant.

*Mau.* At ego semper vidi maledicos, & obrectantes durioribus, quàm studiorum armis percuti, & prosterni.

*Luc.* Aliud est, quod inuasus se defendat, ne lædatur, & aliud, quod offensus quærere debeat occasionem vindictæ; quæ tametsi dolorem minuat, vulnus tamen non tollit.

*Mau.* Superest, vt dicas, quid profint studia aduersus mortem.

*Luc.* Eruditi homines virtutis clypeo muniti mortis faciem non horrent; immò tanta fiducia, & animi alacritate eam obeunt; ita fortiter digladiantur, vt ferè perterrita, contra eos sua arma, suam inuidiam, exercere non audeat. Ignauos autem, & desides prosternit, & inculcat. miseri semper mortis excruciantur timore. nunquam quieto animo viuunt, inuasi tandem intereunt prorsus, obliuionisq, putredine

cor.



corrumpuntur, qui, si studijs, quasi balsamo, scirent se aduersus mortem obliuionisq. putredinem tutos fore, eam non metuerent: quippè quæ claudit officinam miseriarum, laboribus, & malis finem imponit; sed potiùs summa fiducia, & gaudio obirent; quod multos fecisse legimus, quorum nomen, & fama minimè læsa perpetuò uiuit, & celebratur. Dijs assimilari eos, qui mortem non timent, sensit Seneca in Agamemnone, dicens:

*Qui vultus Acherontis atrì,  
Qui Stygia tristem non tristis uidet,  
Audetq. vitæ ponere finem,  
Par ille Regi, par superis erit.*

Qui literarum studijs se dèdere, vt occidant, paruo & lare, humiliq. iaceant angulo obscuræ domus; nulla est eorum obliuio; nullus locus ignarus eorum nominis; est mortuus quis? uiuit. est absens? adest, perq. ora volitat omnium: atque illis est quies quam dulcis, & secura.

*Man.* Occurrunt nè alia de laudibus studiorum?

*Luc.* Longè plura; sed deficeret dies. Hoc vnum dicam. si studia de mundo tollerentur, nec essent, qui rectè loquendi, rectèq. scribendi artem docerent; orandi præcepta traderent; animum componendi, scrutandi rerum naturam, ac benè disserendi rationem, medendi artem, moderatè, iustè, & religiosè viuendi, colendi superos, ac diuina contemplandi rationem docerēt: vniuersa hæc hominum societas destrueretur; & quasi diruta hac mundi machina, qui essent homines, quæ bruta dignosci nō posset: omnia æquè

æquè vitiorum sordibus, & ignauiz cæno oblita-  
iacerent, & deprauata: hinc puto, Mitylencos non-  
alia ratione consueuisse populis illis, quos deuicerant,  
pœnam hanc irrogare; ne liberos suos literas edoce-  
rent: nisi quia illis, velut iumentis, uti; eosq. seruili  
opere mancipare proponebant: & nemo est, qui ne-  
sciat, eas tantùm Ciuitates florere posse, in quibus  
literarum studia coluntur.

*Man.* Sed qua ratione tot sunt Iuuenes, qui non stu-  
dent?

*V. Luc.* Tria sunt, quæ Iuuenum animos, ut plurimum  
solent à studijs abducere. quædam præsumptio, seu  
temeritas, labor, & diffidentia. nonnulli vento læuior-  
es, ut se noscunt nobili genere natos, ita sibi placent;  
ita intumescunt, ut literarum studia colere, ac si  
indè emersura esset infamia, dedignentur.

*Man.* Quid est, quod eos cogat marcescere studijs, &  
laboribus, si eorū nobilitate excelsi sunt, & conspicui?

*Luc.* Imposita est maior necessitas colendi præclara  
studia ijs, qui claris parentibus nati sunt, ne scilicet  
alieno glorientur. ridicula enim iactantia est alienæ  
incumbere famæ: atque ne auorum splendor, & glo-  
ria maculas eorum detegeret, & ipsi plus criminis  
degeneres acciperent, quàm celebritatis. nobilitas  
maiorum posteros ad virtutes suo exemplo excitat,  
& quasi lumen est, quod neque bona eorum, neque  
mala patitur in occulto.

*Man.* Sunt multi, qui putant sanum esse viuere pro-  
cul laboribus, & angustijs: immò Medici consulunt  
nobilibus, ut tanquam delicatioris complexionis  
prætermittant labores, & studia.

*Luc.*

*Demonstrat  
tria Iuuenū  
animos à stu-  
dijs abduce-  
re.*

**Luc.** Est modus in rebus, sunt certi deniq. fines. & non omnia consilia optima sunt, sed ea dumtaxat, quæ à ratione proueniunt. eiectis studijs, fugatis laboribus, ocium succederet; languerent animi, corpora torperent. Sic admonet Ouid. lib. 1. de Ponto.

*Cernis, ut ignauum corrumpant ocia corpus?*

*Et capiant vitium, ni moueantur aqua?*

& dicebat Lucanus lib. 1. belli Ciuilis:

*Variam dant semper ocia mentem.*

illud autem, quod inter studia, & labores recipitur, moderatum ocium, quantum animo profit, & corpori, explicat idē Ouid. eod. lib. 1. de Ponto, dicens:

*Ocia corpus alunt: Animus quoque pascitur illis,*

*Immodicus contra carpit verumq. labor.*

**Mau.** Hoc benè intellexi: prosequere.

**Luc.** Alij sunt, qui eadem præsumptione ducti, cum sint diuitijs satis instructi, vt se quieti delicijsq. tradere possint, ita contemnunt studia, vt audeant dicere, quod si eis operam nauarent, dementes viderentur. Sed verè delirant, siquidem nulla alia re suspiciendi sunt, quàm propter diuitias, quæ fortunæ sunt. at fieri potest, vt fortuna, quod suum est, reposcente, nudi remaneant, & deludantur inertes. habent hoc diuitiæ, vt studia, colendi non modò occasionem, verùm etiam causam; neque causam tantum, sed etiam necessitatem afferant: quoniam si aliquid honoris diuitiæ afferant, afferunt tantum si cum virtute coniungantur. Occurrunt tertij, qui excelsiore animo armorum tractationem, & militaris rei gloriam sibi proponentes, literarum studia ad se non pertinere sentiunt: ac si eruditi homines in bello  
muti

muti iacerent, & despicerentur. quod si scirent quantum in medio bellorum tumultu literæ valeant, nullis se diligentius armis munire, quam literarum studio curarent. Iam dicam de alijs, quos præsumptio à studijs auertit. Sunt quidam, qui rei familiaris angustia pressi studia amplecti suum non esse existimant; quod si animaduertent, permultos studiorum ope ad maximas diuitias peruenisse, certè non magis ad aliquam artem facitandam, quam ad ea se conferrent. Qui verò labore deterrentur, & diffidentia, longè plures sunt. sed illi, quos labor deterret, intelligere deberent, quòd ea tantum est grata voluptas, quæ labore percipitur. metalla, quæ summa tellure iacent, & facilè inueniuntur, paruo valent precio: sed quæ in fundo latent altè eruenda, & difficilius reperiuntur, æstimantur plurius. Chrysippus tanta studijs intētus perfruebatur voluptate, ut eum, tanquā extrā se positum, cibi potusq. caperet obliuio. Syracusanus Archimedes præ ea, quam ex studijs capiebat oblectatione, prius hostilis gladij cuspidem in corpore excepit, quam urbem in hostium potestatem venisse sentiret. Demosthenes plus olei, quam vini læto animo consumebat, atque extrema etiam senecta ad lucernulam illam suam, summa cum animi iucunditate, exercebatur. Illi verò, quos diffidentia exanimat, animaduertere deberent, quia prima sectantem, ut dicebat Cicero, honestum est etiam in secundis, tertijsq. consistere: non enim in Poetis Homero soli locus est, aut Archiloco, aut Sophocli, aut Pindaro, nec verò Aristotelem in Philosophia deterruit amplitudo Platonis; nec ipse Ari.

**Aristoteles** in Philosophia, sicut nec **Bartolus**, nec **Baldus** in iure, ceterorū studia restrinxerunt. Non est igitur, **Maure**, cur tua spes infringatur, & vilescat ingenium. absit, ut te labor, aut diffidētia deterreant. studia sequi debes, ut tua hac florida, atque æstuante ætate studiorum præsidio firmata, efferentibus sese cupiditatibus fræna facilius iniicias; mentem pulcherrimam, atque honestissimam plurimarū rerum, quæ ad vsū vitæ pertinent, cognitione compleas; & tandem inconstantia fortunæ, obrectantium insolentia, neglectaque mortis invidia, vitam hanc, summa cum laude traducas; & maiorum tuorū nobilitatem, dignitatēque augeas; & facultates, quibus non indignus existis, generose cōserues.

**Maure.** Haecenus non intelligo quā ratione debeam perdere oleum, & operam in studio legum: dum inuenio, nullam esse istarum legum necessitatem, nullam vtilitatem, iucunditatem nullam, nullam firmitatem, nullam certitudinem.

**Luc.** Neque ego intelligere possum, cur non idem de hoc studio sentias, quod de alijs: non enim video quid magis conferat ad id, ad quod nati sumus, quàm iuris prudentia diuinarum, atque humanarum rerū notitia, iusti atque iniusti scientia; qua duce Deū colimus, diligimus homines, auxiliamur patriæ, honestè viuimus, suum cuique tribuimus, amplectimur iustum, iniustum depellimus. sine ea non populi, non vrbes, non regna, non imperia stare possent: non ipsum denique humanum genus coalesceret. nihil prodesset nobilitas nobilibus, diuitibus diuitiæ, nisi iure medio improborū imperus reprimerentur, puniretur nefarii, & quisque in sua dignitate, decore, & felicitate conseruaretur.

**Maure.** Non ita sentio; & rationes afferā, quibus moueor.

## VI.

Discutitur an  
vtilis sit dis-  
putatio de  
necessitate,  
& vtilitate  
studij legū.

*Luc.* Vix audeo hanc disputationem aggredi: si quia dubito an id fieri possit sine rubore.

*Man.* Non licet de hac re disputare?

*Luc.* Hæsito quidem.

*Man.* Crederem honestam fore disputationem, dum solis rationibus, & autoritatibus contenderetur.

*Luc.* Equidem reor, parum licere hoc legum studiū, quod longo vetustissimoq. maiorum nostrorum vsu comprobatum, & receptum est, in dubium reuocare, an vtile sit. Idq. vetusto more prætermisso, rationum, & autoritatum libra ponderare.

*Man.* Cur ergo singulis annis, antequam intermissa studijs opera reddatur, habentur publicę orationes de legum laudibus; si de illis dubitare non liceat?

*Luc.* Hac eadē ratione sunt, qui existimant superuacaneum, & inutile esse studiorū, legumvè laudes satis peruiulgatas recensere; & incitare eos, qui suaprē cupiditate ad studia feruntur: non tamen verum est, quoniā rerum laudabilium cōmemoratio, quamuis vulgarissimarū, iucunda est illis, qui eas adepti sunt: ceteros autē nō parū solet excitare. sciebāt optimē adolescētes Romani egregia prædecessorum facta; tamen seniores, non semel tantū in conuiujs carmine cōprehensa pangebant, quoad ea imitanda eorū animos redderent alacriores. Astantium acclamationes cursu certantibus velocitatem, & quasi alas addunt. Equitantes nonnunquā spontē currentibus equis, quo celerius currant, subdunt stimulos, & calcaria. Rhetores in laudandis studijs, nullis cōtendunt argumentis; sed exemplo eorū, qui literis claruerunt, adolecentiū animos cōmouent. Tubicinę, & tympanistę ad optatā victoriā milites solo crepitu, & sono, tacitis bellorū incōmo-

modis incitant, & inflāmant. Laudatur Tyrteus Poeta apud Platonem in lib. de legib. dial. 1. quia fuit author victoriæ Lacedemoniorum aduersus Messenios; dum pugnantium animos carminibus ad bellum incendebat, laudando eos, qui in bello excelluerunt.

*Mau.* Dicam liberè quod sentio; id agunt ex industria mercatorum more: qui nugis quamplurimis cælant mercium maculas, quò magis deludāt incautos emptores. qua arte Iustinianus, vt mihi videtur, vsus fuit: qui incautam, suapteq. natura cupidam iuuentutē vt hortaretur ad legū studia; obtulit librum Institutionū, vt liceret, inquit ipse, prima legum Cunabula, non ab antiquis fabulis discere, sed ab imperiali splendore. & nihilominus ipse fatetur, in eodem libro collectū esse omne ius antiquum, & expositum quod antea obtinebat: ergò easdē antiquas fabulas tradidit, quāuis preciosiora tradere profiteatur, nisi fallor, quantò magis legum laudes oppugnantur, tantò clariores redderentur; sicut aromata tantò magis redolent, quantò magis conteruntur.

*Luc.* Equè liberè ipse meam sententiā fero: in meo auditorio quasi cōuiuium, tu inter ceteros existis, dū pro mea substantia, pro mediocritate ingenij mei ferūtur epulæ, exponuntur iura, & ceteri quasi māducantes saturantur, student, proficiunt; nollē vt tu solus disputando de vtilitate, & necessitate huius studij, quasi in dubium reuocans, an cibus, & potus necessarius, vel utilis sit humano corpori; finito tandem conuiuium remaneres debilis, & ieiūnus.

*Mau.* Incidi in tot difficultates, vt quasi sentiens tormenta, coactus sim ab isto conuiuium recedere.

*Luc.* Nolo id facias. quò magis degustaueris, agno-

scēs ciborū suauitatem . Plat. in lib. de leg. dial. 1. censuit, tunc rectē fore cōstitutus leges, si vna erit lex prāclarissima, quę iubeat, ne quis iuuenū quērere audeat; rectē nē, an contra se leges habeant; sed vno omnium ore, vnaq. voce rectē tanquā à Dijs positas. concedi; prācipiat. nec vllō modo aliter pati quicquam à iuuenibus cogitari.

*Man.* Rē noui. quia grauioribus negocijs intentus es, mihi, fortē nemiū molesto, hanc Platonis legem ferre desideras. at si pro mea vtilitate laborandū putas, expedit, vt aſtuo hoc tempore, quo tot laboribus, ac negocijs non es inuolutus, mecum de legum neceſſitate, & vtilitate differas.

*Luc.* Si meā tibi operā profuturā putas, quā ſemper libētiffimē pollicitus ſū, nullo vnquā tēpore denegabo.

*Man.* Nō erit inutilis, nec iniucundus tuus labor, ſi diſſicultates, quæ mihi legū ſtudia ſectanti, velut nubes legū claritatem inuoluere; & obſtacula, quæ meum curſum impedire, & diuertere videntur, quaſi placidus Aquilon, ſuaui ſtatu, diſcuſſis nubibus, aerē ſerenam reddideris; & quaſi remotis impedimentis viam facilem, & tutam præparaueris.

*Luc.* Dum hæc à me pro tua vtilitate expoſcis, neceſſe eſt vt pro viribus præſtem. quaſcunque igitur diſſicultates, & obſtacula, quæ mihi propoſueris diluēda, curabo ita diſcutere, ita rem planam facere; vt omni procul obice, & quaſi in meridie, iuris & iuſtitie culmē, quod cæteri legū ſtudioſi reſpiciūt, aſcēdere valeas.

*Man.* Læticia geſtio; aſſecutus ſum quod volebam. deficit dies, deficit præludium noſtræ diſceptationis. reuertar quam cito, interim vale.

*Luc.* Quā auidiſſimē te expectabo. expiciā ſæpius an venis.



# SECUNDVS CONGRESSVS. <sup>21</sup>

MAVRVS. LVCIVS.

*Man.* **A**RATVS venio.

*Luc.* Quæ tecum affers?

*Man.* Multas difficultates, quas, si placet, hodie proponam, quò possis facilius sequenti congressu, quasi infirmitate cognita, operam, quam pollicitus es, præstare.

*Luc.* Iterum polliceor.

*Man.* Dicam plura, eaq. fortè tenuiora: sed discendi cupiditati, qua moueor, indulgeas.

*Luc.* Audiam, cum animi iucunditate, quæcumque dicturus es; & filum tui discursus non interrumpam.

*Man.* Cum diutius anceps fuisset, an hoc legum studium necessarium esset, vel vtile: volui animum vertere ad prima initia, & fundamenta, ut cognoscerem, quæ esset illorum firmitas, & constantia: & nonnisi quod cogitaueram accidit. reperi leges humanas esse huius studij fundamentum, & subiectum: quarum tantam cognoui infirmitatem, & debilitatem, ut amplius haud mirer, si nedum legum studiosi, sed qui eas profitentur, quique habentur omnium permissimi, semper dubitent, trepident, vacillent: deq; suis nunquam tuti sint legibus. tu, Luci mi, si debiles hominum vires, qui hæc iecerunt fundamenta mecum metieris, humanarum legum infirmitatem, & leuitatem non negabis.

*Luc.* Non me mouet, quod ratione non probatur:

B 3 *Man.*

I.

Arguit Maurus contra leges humanas & legis diuinæ, & naturalis necessitatem, & utilitatem probat.

BIBLIOTHECA NAZ.  
ROMA  
EX LIBRIS MANTE

*Man.* Reperio duplicem legem, vnam à Deo profectam, alterà ab homine, quæ à Deo profecta est, partim residet humanis indita mentibus, quæ naturalis dicitur; partim verò scripta legitur in sacris paginis. circa legem diuinam nequimus dicere studiū hoc versari. versatur tantum circa leges ab hominibus positas. In libris, quibus tum Legistæ, tum Canonistæ vtuntur, Institutionum scilicet, Digestorum, Codicis, Authenticorum, Decreti, Decretaliumq. nil aliud inuenio, quàm hominum responsa, leges, constitutiones, dicta, præcepta, regulas.

*Luc.* Homines terram colunt, sibi homines vicissim opem ferunt: ex hominibus alij imperant, alij parent, docent alij, alij discunt: ergò non est mirum, si hominum legibus, & constitutionibus homines gubernentur. proseguere.

*Man.* Scrutabar qualis esset vtriusq. legis firmitas: & quantum firmitatis, vtilitatis, suauitatisq. in lege diuina cognoui; tantum infirmitatis, damni, & acerbitatis in lege humana cōsideraui; non aliò spectans, quàm ad earum causas.

*Luc.* Non aliò spectare debebas, quia qualitas causæ arguit qualitatem causati, l. restituendæ, in fin. iuncta glos. final. C. de aduocat. diuersi. Iudic.

*Man.* Lex diuina est à Deo omnium rerum creatore potentissimo. lex humana est ab homine creatura imbecilli; homo vanitati similis factus est, Psal. 143. Ea à potentissimo torius gubernatore, hæc ab insipienti subdito. Homo, cum in honore esset non intellexit: comparatus est iumentis insipientibus, & similis factus est illis, Psalm. 48. Ea ab eo, cui omnia pa-

parent, hæc ab eo; cui omnia reluctantur. dicunt sancti Patres non immeritò bestias hominibus relucari, cum ipsi Deo suo sint rebelles, cui sol, luna, & stellæ obediunt. Ea ab eo, qui omnibus prodest; hæc ab eo, qui nemini non nocet. lupus est homo homini dicebat Plaut. in asin. Ea à vera charitate, Deus charitas est, Ioan. epist. 1. cap. 4. hæc ab ipsa cupiditate: homo enim sibi magis vult, lex omnibus, C. de decur. lib. 10. Ea ab infallibili veritate, hæc à mendacio: est autem Deus verax, omnis autem homo mendax. Paul. ad Rom. cap. 3. Ea ab æterno, incorruptibili, & immortalī Deo; hæc à corruptibili, & mortali homine. Deus creauit de terra hominem, & iterum conuerteret illum in ipsam, Ecclesiastic. cap. 17. Ea deniq. à suprema felicitate; hæc ab extrema miseria: homo natus de muliere, breui viuens tempore, repletur multis miserijs; qui quasi flos egreditur, & conteritur, & fugit velut umbra, & nunquam in eodem statu permanet, Iob cap. 14. quod etiam optimè admonet. Virg. lib. 3. Georg.

*Optima quæq. dies miseris mortalibus aui*

*Prima fugit, subeunt morbi, tristisq. senectus:*

*Et labor, & dura rapit inclementia mortis.*

Diuina lex semper est certa; humana verò incerta, cogitationes mortalium timidæ sunt, & incertæ prouidentiae nostræ, Sap. cap. 9. Ea immutabilis; hæc verò mutabilis: iura quæ diuina prouidentia constituta sunt semper firma, atque immutabilia permanent; ea verò, quæ sibi quæq. Ciuitas constituit, sæpè mutari solent. §. sed naturalia, instir. de iur. nat. gent. & ciuil. Ea indissolubilis; hæc verò dissolubilis. Si ex

hominibus consilium est, aut opus, dissoluitur. si  
 verò ex Deo, dissolui, non potest, Act. Apost. cap. 5.  
 Ea remota est ab omni errore; hæc verò errori expo-  
 sita. Iudicium Dei innititur veritati, quæ non fallit,  
 nec fallitur; Iudicium verò hominis opinionem se-  
 quitur, quam fallere sæpè contingit, & falli, c. à no-  
 bis il 2. de sentent. excommunic. Deus scientiarum,  
 dominus est, 1. Reg. cap. 2. scrutatur corda, & renes  
 Deus, Psal. 7. homo autem, quasi infirmis oculis, videt  
 ea tantum, quæ apparent: Dominus autem intuetur  
 cor, 1. Reg. cap. 16. hinc est, vt lex diuina habeat in  
 se veram iustitiam; humana verò simulatam. Dicebat  
 Cic. 3. Officior. veri iuris, germanæq. iustitiæ soli-  
 dam, & expressam effigiem nullam tenemus: vmbra,  
 & imaginibus vtimur. Ea, quoniam iusta est, ligat.  
 quoscunque; hæc, quoniam iniusta est, ligatis tenuio-  
 ribus; potentiores dimittit. Interrogatus Solon, quid  
 esset humana lex, respondit, telam aranæ, quæ, si  
 quid debile est, retinet; si quid fortè validum incide-  
 rit, rescissa tela pertransit. Ea, quoniam est æqua, om-  
 nibus æquè subuenit; hæc, quoniam iniqua, diuiti tan-  
 tum, non etiam pauperi. Diuiti decepto multi recu-  
 peratores; locutus est superba, & iustificauerunt illū;  
 humilis deceptus est, insuper & arguitur; locutus est  
 sensatè, & non est datus ei locus. diues loquutus est,  
 & omnes tacuerunt; & verbum illius vsque ad nubes  
 perducent. pauper loquutus est, & dicūt, quis est hic?  
 & si offenderit subuertent illum, Ecclesiastic. cap. 13.  
 Equidem nescio, an secus homo potuerit operari, cu-  
 ius natura labitur ad delicta, §. si verò is, authent. de  
 Monach. qui nihil est vnquam paratus dicere, facere,  
 aut

aut cogitare : nisi quod ad propriam referat gloriam, ad propriam vtilitatem, ad propria commoda . inquit Terent. in Andria.

*Verum illud verbum est, vulgo quod dici solet,*

*Omnes sibi melius malle, quàm alteri .*

At Deus summam , & infinitam curam habet de nobis , 1. Petr. cap. 5. ipse solus, & potuit, & solus voluit nos purificare, illuminare, sancta docere, à malo convertere, dirigere ad bonum, lætificare, corda sanctificare, veram deniq. beatitudinem elargiri, desiderabiliorem auro, preciosiorē lapidibus, & melle, fauoq. dulciorem , Psal. 18. de Deo, quidquid melius possumus, debemus cogitare; de homine autem, quidquid deterius . multa est hominis malitia, & cuncta cogitatio cordis eius intenta est ad malū omni tempore , Genes. cap. 6. sensus, & cogitatio humani cordis in malum prona sunt ab adolescentia sua , Genes. cap. 8. in fin.

*Luc.* Quanto agens est perfectius , tantò effectus est perfectior . ideò mirum non est, si lex diuina sit perfectior , firmiorq. humana . multæ cogitationes in corde viri ; voluntas autem Domini permanebit . Prouer. cap. 19. lex diuina satis extolli non potest ; at lex humana minimè deprimenda est , cum à diuina pendear, & regatur . respicit Dominus vias hominū , & omnes gressus eius considerat . Prou. cap. 5. à Domino diriguntur gressus viri , quis autem hominum potest intelligere viam suam ? Prou. cap. 20. effectus quandoq. melior est sua causa , 1. quod ex libertate , C. de oper. liber. ergò parum interest, si homo talis sit , qualem dicebas : cum etiam ab homine componentur,

nantur medicamina, quę nihilominus necessaria sunt;  
& vtilia ad corporis sanitatē. quare dixit Ecclesiastic.  
cap. 38. honora Medicum propter necessitatem.

II.  
Inuenta le-  
gū arguit vti  
perniciosa.

*Mau.* Vulgo fertur, leges humanas ita necessarias esse  
pro salute Reipublicę sicut medicina humano corpo-  
ri. sed perexigua laus mihi videtur, cum nemo sit,  
qui nesciat, Romam longo tempore sine medicina  
floruisse. sed ne diuino oraculo præcipienti, Medicū  
honorari propter necessitatem, videar præferre, aut  
Romanorum temeritatem, aut scribentium testimo-  
nium, medicinę non detrahā, quę cum doceat;  
& præparet salubria, & opportuna remedia, utique  
prodest ad corporis sanitatem. ostendam solū quę-  
cunque à lege humana inuenta sunt. quasi salubria  
remedia, ea vti maligna, & venenata humanę so-  
cietatis infirmitatem augere magis, quàm salutem  
operari.

*Luc.* Magna indiges probatione.

*Mau.* Rempublicam, inquiunt, valere, quando ciues;  
ex quibus quasi membris constat, benè agunt; tran-  
quillè, & pacatè viuunt; vigent virtutes, & iacent vi-  
tia. è conuerso languere, quando malè agunt, dissi-  
dent, & insidiantur, vitiaq. vigent, & iacent virtutes:  
cuius morbi causa potissima est cupiditas, sicut salu-  
tis est charitas.

*Luc.* Radix omnium malorum est cupiditas: Radix  
autem omnium bonorum est charitas, vt dicitur in  
cap. quia radix, de pœnit. distin. 2.

*Mau.* Perscrutemur modò si legum inuenta, vnam  
vel alteram reprimant magis, vel foueant.

*Luc.* Dissere, vt lubet, attentus sum.

*Mau.*

*Man.* Cœpit humanum genus infirmari, & languere cupiditatis vitio per imposturam Principis vitiorum, qui à principio ruinæ suæ modis omnibus conatur humanum genus euertere. volentes fortè istæ leges hominibus ita vulneratis, & infirmis providere, (ò summam cecitatem) composuerunt medicamina venenata, introduxerunt iurisdictionem, siuè imperium, vt alij alijs præessent, imperarent, infligerent pœnas.

*Luc.* Remedium fuit valdè necessarium.

*Man.* Proh Deum atque hominum fidem ! quid vnquam excogitari potuisset, quod magis incenderet humanam cupiditatem, quàm imperium ? si æqualis esset hominum conditio, quid esset, quod homines cuperent ? & si quid fortè, quid magis, quàm super alios efferri, & imperare ? qua de causa armorum impetu societas humana tumultuaret, furentibusq. animis fluctuaret mundus, si libido imperandi hominum pectora non arderet ? non sollicitaret ? complures se scelere contaminarunt imperij cupiditate. Infiniti fuerunt illi, quos popularis ambitio, & armorum impetus ad fastigiū prouexit. dicit Ecclesiastic. cap. 10. Regnum à gente in gentem transfertur propter iniustitias, & cōtumelias, & diuersos dolos. Experiuntur miseri homines huius medicaminis venenū : alij imperantium sæuitia opprimuntur ; efferuntur alij ; alij iniuria deprimuntur. hoc erit ius Regis, dixit Samuel Philistym 1. Reg. cap. 8. filios vestros tollet, & ponet in curribus suis, faciet sibi equites, & præcursores quadrigarum suarum, & constituet sibi tribunos, & centuriones, & aratores agrorum suorū,

&c

& mēsores segetum, & fabros armorum, & curruum suorum, filios quoque vestros, & vineas, & oliueta optima tollet, & dabit eunuchis suis, & seruos etiam vestros, & ancillas, & iuuenes optimos, & asinos auferet, & ponet in opere suo; greges quoq. vestros, vosq. eritis ei serui. qua ratione monet Ecclesiastic. cap. 9. longè abesto ab homine habente potestatem occidendi, & non suspicaberis timorem mortis. idem suadet Ouid. lib. 3. de Tristibus.

*Vsibus edocto, si quidquam credis amico;*

*Vive tibi: & longè nomina magna fuge.*

*Vive tibi: in quantumq. potes praelustria vita:*

*Sauum praelustri fulmen ab arce venit.*

*Nam quamquam soli possunt prodesse potentes:*

*Non profit potius, si quis obesse potest:*

*Effugit Hybernas, demissa antenna procellas:*

*Lataq. plus paruis vela tumoris habent.*

Vt verè dixerit Lucan. lib. 8. belli ciu.

*Virtus, & summa potestas non coeunt.*

Hæc potestas superbiam parit, gignit vanam gloriam, iactantiam nutrit, fouet adulationem, blanditur hypocriti, suffragatur odio, pascit inuidiam, iram refouet, iniuriam recipit. si hæc potestas abiret, quæ existerent inter homines discordiæ? quæ dissensiones? quæ bella? quæ mala? si dijs placet, cui prodest hæc potestas? qui eam assecuti sunt, anguntur assiduo timore: nunquam de propria tuti sunt vita: semper dubij, semper anxij cernunt sibi hinc, illincq. paratos laqueos, fraudes, dolos, astutias, versutias, insidias, machinationes, conspirationes, seditiones, venena. Testis est Seneca in Agamemnone.

Nun-



*Nunquam placidâ sceptrâ quietem,*

*Certumvè sui tenuere diem,*

*Alia ex alijs cura fatigat,*

*Quæq; sua vexatq; animos noua tempestas;*

*Non sic lybicus syrtibus æquor*

*Furit alternos voluere fluctus:*

*Qui verò subditi sunt, quæ damna non patiuntur?*

*Quibus non subiacent angarijs, perangarijs, extorsio-*

*nibus, crudelitatibus? semper afflicti pauent superio-*

*rum prælonga brachia, emissitios oculos, asininas au-*

*res: exploratores dico, qui dum virtuti, alienoq. ho-*

*norum infames inuident; nunquam non operantur,*

*nunquam non vident, nunquam non audiunt in al-*

*terius iacturam.*

*Lucanus Quiesce parum in manu Dei potestas terræ, &*

*vitilem rectorem suscitabit in tempus super illam,*

*Ecclesiastic. cap. 10. & Deus mutat tempora, & ætates.*

*pertransfert regna, atque constituit. dat sapientiâ sapien-*

*tibus, & scientiâ intelligētibus disciplinam. Daniel.*

*cap. 2. ergo non sine diuino nutu potestas de publico*

*introducitur est cum necessitate iuris dicendi, & æqui-*

*tatis statuendæ; gloss. & Doct. in l. 1. ff. de iurisdic.*

*omn. iud. & sine hac potestate iustitia periret; non*

*esset qui ius diceret, qui suum cuiq. tribueret.*

*Mau. Amplius quiescere nequeo; quia dum leges hu-*

*manæ post introductam inter homines potestatem*

*distinxerunt etiam rerum dominia, & introduxerunt*

*Meum, & Tuum: velot imperiti Medici morbum exa-*

*cerbarunt; addiderunt ignem igni, & oleum camino.*

*ita accenderunt hominum sensus, ut nec modus ullus,*

*nec finis possit inueniri cupiditatis habendi: vnde*

*dice-*

**IV.**

Improbat rei  
rum diuisionem, & Meum  
& Tuum.

dicebat Horatius lib. 1. ferm. Sat. prima.

*At bona pars hominum decēpta cupidine falso,*

*Nil satis est, inquit.*

Et Cicero lib. primo Paradoxorum, neque enim vnquam expletur, nec satiatur cupiditatis sitis.

Homines, dicebant Philosophi, quietissimè viuerent; si duo hæc pronomina, meum, & tuum de medio tollerentur. equidem non video, quæ sint mala humanæ societati noxia, quæ ab hoc fonte, non emanent. si tolleretur meum, & tuum, vnde orirentur bella? captiuitates? cædes? rapinæ? tot discordiæ? tot scelera? prima illa ætas aurea dicebatur, quia ignotum erat meum, & tuum, semota erat ab omni cupiditate, plena existerat pace & iustitia: quia omnia erant communia. ea defecit, quamprimum inuentum est meum, & tuum: idq. quanto magis coepit coalescere, tanto magis ætas quælibet visa est defecisse, & fieri pessima de peiore. hinc Virg. 8. Æneid.

*Aureaq. res perhibent, illo sub Rege fuisse.*

*Secula, sic placida populos in pace regebat.*

*Deterior donec paulatim ac decolor ætas,*

*Et belli rabies, & amor successu habendi.*

Idem dixit Horat. Oda 6. lib. 3.

*Ætas parentum peior anis tulit*

*Nos nequiores, mox daturos*

*Progeniem vitiosorem.*

Quam rem cum benè intelligerēt antiquiores, quinque ætates distinxerunt. auream bonam, argenteam malam, æream peiorem, ferream pessimam, & ultimam, quæ nunc agitur sceleratam, ferreâq. peiorem. non oportet cogitare si ratio vlla suaserit, vt, quæ

na-

natura fecit communia, homines diuiderent.

*Nam propria telluris herum natura nec illum,  
Nec me, nec quemquam statuit; nos expulit ille:  
Illum aut nequities,* dicebat Horat. Sat. 2.

Si iustitiæ vis, ut aiunt, in æquitate consistit, siuè æqualitate, quæ igitur ratio induxit homines, ut inter se diuiderent, quæ æqualiter possidebant, aliquidq. proprii, & priuati haberent, fierentq. impares, qui pari nituntur conditione? Poetæ, qui non mendacia, & ficta cecinisse, sed vera quibusdam figmentis, & versicoloribus figuris, quò carminibus leporem adderent, comperti sunt representasse; ut ostenderent quàm indignum fuisset illud hominum facinus, fabulati sunt Astream aureo illo sæculo è cælo in terras migrasse: & tandem mortalium scelere offensam, cælum repetiuisse. vndè Ouid. 1. Fastor.

*Nondum iustitiam facinus mortale fugarat.*

Mirum sanè videtur, quod tanta dementia, tanta cecitas, tanta cupiditas, tanta audacia homines eò usque perduxerit; ut non contenti solos terræ fructus distribuisse, etiam elementa ipsa, aerem, aquam, ignem, terram, Solemq. diuidere, ac priuatim habere voluerint, de quo conqueritur Titania apud Ouid. lib. 6. Metamor.

----- *Dea sic affata vetantes.*

*Quid prohibetis aquas? vsus communis aquarum est,*

*Nec solum proprium natura, nec æra fecit,*

*Nectennes undas: ad publica munera veni.*

*Quæ tamen ut detis supplex peto.*

De qua re naturam indignatam demonstrauit Virgil.

lib. 1. Georg.

*Antè*

*Antè Iouem nulli subigebant arua coloni;*

*Nec signare quidem, aut partiri limine campum*

*Fas erat; in medium querebant. ipsaq. tellus*

*Omnia libentius nullo poscente ferebat.*

Et Ouid. lib. 1. Metamor.

*Ipsa quoque immunis, rastraq. intacta neque ullis*

*Sauicia vomeribus per se dabat omnia tellus.*

Repugnat sanè istud humanum facinus iuri tam na-

turali, quàm diuino. Iure naturali omnia sunt com-

munia. Iure constitutionis hoc meum est; illud al-

terius: quod quisque possidet, possidet iure humano;

Iure diuino, Domini est terra, & plenitudo eius: pau-

peres, & diuites Deus de vno limo fecit; & pauperes,

& diuites vna terra supportat. §. 1. §. 10. 8. dist.

**Luc.** Si tuum non vis, meum mihi relinque. noli tam

acriter damnare dominiorum distinctionem; cum

nemo sit, qui non videat sine meo, & tuo nequaquam

consistere potuisse inter homines, liberalitatem, pie-

tatem, iustitiam, similesq. præclaras virtutes.

**Man.** Nulla alia ratione existimo, tum antiquiores

Philosophos, tum sanctos Patres propria patrimonialia

contempsisse, deseruisse; nisi quia ferre non poterant

inter homines inæqualitatem in eis, quæ communi-

ter elargita est natura. intelligebant meum, & tuum

inuentum fuisse in hominum perditionem. Laudatur

Democritus, quod agros suos dereliquerit, eosq. pa-

scua publica fieri passus sit. Crates Thebanus totum

patrimonium in nummos redactum proiecit in mare

dicens, Abite meæ diuitiæ in profundum, ego potius

vos immergash, quam immergar à vobis. constat

inter sapientes, in diuitiarum contemptu, vim ac ra-

tionem

tionem virtutis apparere. sancti Patres, vt se ostenderent veros Christi Saluatoris nostri imitatores, proprii, ac priuati quicquam habere contempserunt; & eò spectasse visi sunt, vt illam naturalem rerum communionem, illam auream ætatem, solo rerum vsu contentam, sibi ipsis ad propriam salutem restituerent.

*Luc.* Communio potius, quàm rerum diuisio est causa discordiæ. qui in communi dissident diuisi statim conueniunt. affectus nimius damnatur, non vsus rerum. inter paucos utilis est societas, utilis rerum communio. inter plures pacata non est. Mala, quæ ex omnium rerum communiōe proueniebant, sublata sunt vniuersali rerum diuisione. & malis illis, quæ ex nimia habendi cupiditate oriri possunt, prouident vtiliter humanæ constitutiones.

*Man.* Istæ lèges humanæ, ne imperitia redarguerentur, vel inuidia, tria alia emplastra composuerunt: introduxerunt, scilicet, contractus, successiones, & iudicia; quibus etsi profiteantur quasi proficuis, humanam societatem iuuare; eis tamen, vt malignis magis nocuisse comperio.

*Luc.* Si id cæteri comperiissent, vtique exularent contractus, successiones, & iudicia.

*Man.* Quantum ad contractus, non video ad quid profint, nisi vt homines se inuicem decipiant. legitur in l. in causæ, la 2. §. idem Pomponius, ff. de minor. naturaliter licere contrahentibus inuicem se decipere. quod verbum, naturaliter, vt puto, non

V:  
Commercii  
& cōtractus  
non appro-  
bat.

C venit

venit intelligendum, idest secundum naturam humanam, nihil est enim quod æquitati naturali magis contrarium sit, quàm alios fallere, l. nam hoc natura, ff. de condit. indeb. & iure naturali, cum essent omnia communia, ignoti erant contrahentes, quibus talis licentia circumuertiendi concederetur. glosa ibi exponit, naturaliter licere, idest de iure gentium: quasi dixerit, gentes ea ratione, & fine introduxisse contractus, vt se inuicem fallerent. sic dicimus homini naturale esse semel mori: quia nascitur eo fine, vt moriatur.

*Luc.* Quando volumus cognoscere quo fine aliquid agatur; solemus attendere modum agendi, & considerare ea, quæ præordinata sunt ad finem: & omne agens, secundum Philosophos, agit propter finem: & finis est, qui mouet agentem. vide igitur ne deficias in ratiocinatione.

*Man.* Dum considero quid agant leges, video mille technas, mille contrahendi modos, cautelas, & cauillationes innumerabiles miseris contrahentibus parare, & suggerere: non ad alium finem, nisi vt se inuicem fallant. & qui callidiores sunt in contrahendo, maioreq. versutia alios decipiunt, ab istis legibus, quasi eorum magistris, laudantur, & defenduntur. hæres, vt legitur in l. si hæres, la. 1. ff. ad leg. Falcid. vendidit astutè hæreditatem, quæ non erat soluendo; & lex illum laudat, quia maius precium consequutus est sua astutia propria, & emptoris stultitia. eundemq. hæredem defendit à petentibus legata, attento precio, quod ex venditione con-

consequutus est: quia dicit, illud non ex bonis defuncti, sed ex propria astutia sibi acquisiuisse. & ut hæc fraus inter contrahentes magis coalescat, statuerunt istæ leges, dignum esse, fraudem in suum authorem retorquere; ut non accipiat fructum suæ calliditatis, qui voluit alterum defraudare. & qui alij nocendum esse existimauit, ipse suam sentiat iacturam. l. penultim. C. de legat. quasi non sint contentæ, si vnus alterum decipiat; nisi & ille ab altero vicissim decipiatur, & mutua fraude, quasi pilæ ludo contrahentes se exerceant. Noto pulchram legum sycophantiam: verebantur fortè, ne homines aliquando ita astuti fierent, ut foret difficile, quòd se inuicem circumuenirent: quasi blandiendo simplicitati, simplicitatem legibus amicam esse promulgarent, quò facilius multi pura simplicitate ducerentur, & inciderent in callidorum laqueos, & fraudes, quos postea deludunt dicentes, vigilantibus, & non dormientibus iura subueniunt. l. pupillus, in fine, ff. de ijs, qui in fraud. creditor. isti contractus sunt velut cibi duræ digestionis, generantes malos humores, & infirmitates. quandoquidem nulla diligentia, nulla cura, nullum studium in illis conficiendis sufficit. quilibet etiam minimus defectus cuiusuis leuioris formulæ, & clausulæ eos corrumpit; generat iurgia, rumores, & non rarò tristes effectus. si duo priuatim contrahant nihil est; nam altero negante, quicquid gestum sit, sciri non potest. si adhibeantur testes, ex eorum dissimilibus, varijs, contrarijs, incertis depositionibus, quæ non

sine dispendio haberi possunt; totum negotium confunditur; generantur lites immortales, quæ non solum rei in contractu deductæ estimationem, sed totam contrahentium substantiam, vitamque consumunt. si priuata, publicæ conficiatur scriptura, mille exoriuntur dubitationes ob verborum ambiguitatem, ob sensus varietatem, ob præsumptam contrahentium voluntatem; an sit plus dictum, quam scriptum; vel ob Notariorum malitiam inculcantium plures, & ut plurimum repugnantes, contrariasque clausulas, non solum contrahentibus, sed etiam sibi metipsis omninò ignotas; unde exultant soli legum professores, canentes, imperitia Notariorum implet bursam Aduocatorum.

*Inc.* Non sunt leuia ista hæc, quæ dixisti de contrahentibus; supersunt ne alia.

**VI.**  
Successio-  
nes refellit.

*Man.* Satis dictum sit de eis; dicam de successione, quæ quantum accendat concupiscibilem, & irascibilem exasperet, ex tristissimis euentibus iam diu cognitum est. nullæ excogitari possunt insidiæ, quibus homines vti non fuerint soli succedendi cupiditate. didicerunt alij blandis verbis, & simulato vultu testatorum voluntates retorquere, & proprios filios, aliosque consanguineos à legitima successione excludere; alij studuerunt propriorum parentum, fratrumque & proximorum voluntates conhibere: eosque testari volentes omni prohibere conatu, & malitia. nec defuerunt qui timentes, ne aut debita, aut quasi promissa successione priuarentur; & ne voluntas, quæ est ambulatoria usque ad mortem,





tunc quando omnes vires deficiunt, quando soli charitati locus esse deberet, euomere didicerunt, alios sibi hæredes instituendo, posq. ex hæredando: adeo vt hæc successio sit quasi species vindictæ: quod etiam deduco ex l. 1. C. de his, quibus vti indignis, dum dicitur, hæredes, qui testatoris necem inultam reliquerunt, hæreditatis commodo priuandos esse, quasi non ad alium, quàm ad vindicandi finem hæredes extitissent. inquit summam æquitatem esse, vt quisque moriens, quando aliud velle non potest, valeat saltem liberè de rebus suis disponere, l. 1. C. de sacrosact. Eccl. sed mihi videtur potius magna iniquitas, & summa iniuria; quòd parentes libertatem ipsam, qua viuentes delectabantur, disponendi de bonis à prædecessoribus relictis, possint eorum filijs, & successoribus, quasi per inuidiam adimere, vel coarctare, tot tantisq. legatorum, substitutionum, & fideicommissorū vinculis. Illi, qui rudes sunt, & idiotæ, dum condunt testamenta plena institutionibus, substitutionibus, fideicommissis, & alijs clausulis, quas minimè intelligunt, non possunt censerì ita velle; cum velle non possimus, quod non intelligimus. Testamenta verò Doctorum, quamuis insignium, maioribus ambiguitatibus, controuersijs, & litibus subiactis vsu compertum est. quæ de successione, & hæreditatibus leges statuerunt, & conscripserunt Doctores, non regularum, non dogmatum effigiem habent; sed ænigmatum indissolubilem. fuitas, institutio, substitutio vulgaris, pupillaris, fideicommissaria, bonorum possessio, petitio hæreditatis, legata, & cætera huiusmodi, nihil aliud sunt, quàm figmenta quædam obsecu-

obscura, & intricata, quæ à Magistris doceri, à discipulis addisci, & ab alijs sciri nunquam potuerunt. Materiam hanc successionum omnes exclamant, latam, confusam, controuersam, intricatam, & difficilem; eamq. appellant omnium litium causam potissimam. Quisquis sit, qui vel testatoris iudicio, vel legis dispositione futurus sit successor; vel violentia inuasoris expellitur, vel occupantis potentia excluditur, vel saltem immixtus in possessione, multis litibus inuoluitur, quæ animum sollicitant, mentem torquent, exhaustiunt substantiam. Gloriabatur Baldus, sola substitutionum materia, quam maximum lucrum congestisse.

*Luc.* Successionum controuersia in iudicio quotidie dirimuntur.

*Man.* Aut nunquam hoc accidit, aut nonnisi post consumptam hæreditatem, infinitis penè litium dispendijs. sed videamus quàm utile fuerit inuenisse, & introduxisse iudicium.

*Luc.* Videbo, quæ argumenta adduces.

*Man.* Iudicium, inquiunt legibus inuentum eo fine, vt suum cuiq. tribuatur, & succurratur hominum malis. sed imposturam, quam istæ humanæ leges fecerunt, etsi artificiosè dissimulauerint, diutius tamè latere euentus non permisit. dant leges liberâ cuiq. accusandi, agendiq. facultatem. accusandi, ne delicta maneant impunita; & vt improbis hominibus expurgentur ciuitates. agendi, vt suum quisque recuperet. & dum hominū infirmitatibus mederi dissimulant, venenum offerunt: dant liberam accusandi facultatem, vt qui nec sibi confidunt, nec vilijs nituntur

VII.  
Iudicia re-  
probat.

viribus; eosq. quos odio prosequuntur, calumni-  
 entur; imputationibus vexent iniquis, falsa obijciant,  
 crimina; legalibus vlciscantur armis: ò rem deplo-  
 randam! ò summam calamitatem! ò miseram atque  
 deterrimam hominum conditionem! fortè peruersus  
 Dæmon hominibus abundè fraudes non suggererat,  
 quod etiam istæ leges, istæ sycophantæ, illis nouas ar-  
 tes, noua arma, quibus inter se atrociter digladiantur,  
 voluerunt subministrare: sed quod maiorem inui-  
 diam arguit, alliciunt miseros, cæcosq. homines ad  
 accusandum; eosq. postea, quasi id calumniosè fece-  
 rint, acriter puniunt. qui autem per calumniam ac-  
 cusati fuerunt, non sine dispendio dimittuntur, & ia-  
 ctura. dant cuilibet liberam agendi facultatem, vt  
 suum cuiq. tribuatur; sed fucum faciunt: immò vt  
 suum cuiq. auferatur, & increassentur illi, qui earum  
 fouent iniquitatem, pinguescant scilicet Notarij, qui,  
 fabricando processus prolixiores, explicant res paucas  
 magnis scripturis; implent plures paginas distatibus  
 lineis, & longè distantioribus verbis, & literis, quò  
 faciliùs miseros litigatores extenuent. vt saturentur  
 procuratores, qui semper mille technas construunt,  
 quibus aduersariù aut opprimant, aut ob causæ diffi-  
 dentiam ad compositionem adigant. remq. ita pro-  
 ducunt, donec miseros clientes excoarint. vt diten-  
 tur Aduocati, qui semper clientibus bonam causam  
 probant, cõsilijs, & auctoritatibus firman, nihil scrupuli esse contendunt. immò certam spem, & victoriã  
 ipsis promittunt, quò facilius mulgeat eorum crume-  
 nas: & tandem, vt expleantur Iudices, qui, non con-  
 tenti præmijs sibi constitutis, semper excogitant quo-  
 modo

modo possint maius lucri aucupium facere. profectò  
iudicium istud venenum dici potest, quod est vita  
serpentis, & mors hominum: quandoquidem quoti-  
diè experimur, multos ob defectum probationis rem-  
sibi, vel quantitatem debitam non consequi. alios ob  
negligentiam etiam minimam, seu contumaciam nò  
audiri. alios ob ignorantiam vel malitiam Aduoca-  
torum, vel Iudicum, iniuste damnari. alios proces-  
suum tricis inuolutos, præteritis sumptibus degluba-  
tos, & futuris perterritos à lite recedere, & causam, &  
sumptus miserè deperdere. alios deniq. quorum pars  
æquior iudicatur, nò nisi post multos annos, post mul-  
ta incommoda, post multas instantias non posse quie-  
scere. Siccine suum cuiq. tribuitur! sic hominum  
malis succurritur? ex hoc iudicio emanant grauissi-  
mæ discordiæ inter ætissimo sanguinis, & necessitu-  
dinis vinculo coniunctos. Ex hoc prouenit ciuium  
destructio, qui inter se litibus contententes, bona  
dilapidant, perduntque. Ex hoc còtemptus Dei, chari-  
tatis extinctio, falsitates, periuria, homicidia, malaq.  
omnia proficiscuntur. quare dixit Apostol. ad Corinth.  
cap. 6. iam quidem omninò delictum est in vobis, qui  
iudicia habetis inter vos. & ipsemet Iustinianus Im-  
perator in l. properandum, C. de Iudic. ait, lites ma-  
teriam sæpè criminibus creare noscuntur. & tamen  
leges eas introduxerunt, magis, magisq. fouent. iudi-  
candi facultatem homini tribuunt (homini inquam)  
qui cæco intellectu in tenebris ambulans, nihil aliud  
didicit, quàm errare. qui cum sola moueatur utilitate,  
nihil magis callet, quàm alienis bonis inuidere, & in-  
hiare. qui tandem cum ad iram libentissimè promo-  
ueatur,

ueatur, nihil magis querit, quam nocere. igitur quasi famelico venenatos cibos apponentes; aut gladium insipienti, iratoque puero committentes, humanæ societatis tranquillitatem perdiderunt.

*Luc.* Iudicia dirimunt lites. & si forsan accidar, ut iniuste iudicetur, hoc tamen utile est reipublicæ, dum ciuium contentiones aliquando finem capiunt. legitur Prouerb. cap. 26. Iudicium determinat causas, & qui imponit stulto silentium, iram mitigat. delicta, quæ in iudicijs accidunt, hominum sunt, non legum. non iudicant leges: sed quomodo iudicandum sit, ostendunt, non omnes ægri conualefcunt, nihilominus utilis est ars medicinæ, Cic. lib. 2. de nat. Deorum, paulò post principium.

## VIII.

Arguit contra legis virtutem, quæ est imperare, vetare, permittere, & punire.

*Man.* At quoniam ego sæpius audiui, & legi, humanas leges humanæ societati multum profecisse, imperando, vetando, permittendo, & puniendo: scire cupiens, quidnam leges imperarent, vetarent, permitterent, & punirent, cœpi mecum ratiocinari; quæcunque fieri, agere possunt ab hominibus, aut bona sunt, aut mala, aut indifferentia. Si leges imperant quæ bona sunt, & puniunt quæ mala, inanis est labor: homo ad agendum mouetur à voluntate, voluntas autem tendit in suum obiectum, quod est bonum, & malum. vnum appetit, alterum fugit. si deficit voluntas, actus est inuoluntarius, & non iudicatur bonus, neque malus. minimè ergò necessarium fuit, ut leges sibi hoc assumpserint opus, imperandi quæ bona sunt, & puniendi quæ mala; cum voluntas ex se appetat, quæ bona sunt, & fugiat quæ mala. Si leges permittunt, & vetant quæ sunt indifferentia; nedum inanis,

inanis, sed perniciosus est labor: si permittunt indifferens, faciunt ex non bono bonum: si vetant indifferens, faciunt ex nō malo malum. & modo vnum, & modo aliud prohibendo, durioribus vinculis homines natura liberos constringunt: atque mala malis addentes, eos pessimos faciunt, qui vel mali erant, vel peiores.

*Luc.* Vera est illa vulgaris distinctio; alia prohibita, quia mala, alia mala, quia prohibita. hac tamen prohibitione non augetur malum; sed bonum perficitur. prosequere ceptum discursum; expedit, ne te amplius interrompam: & si quæ alia legum virtuti obijcies, memoria commendabo.

*Man.* Inquiunt utile esse, vt istæ leges puniant fontes; & eos tanquam putrida membra separent ab vniuerso corpore, ne totum putredine corrumpatur. at ego non video, quid oportuerit, vt ob patrata inter homines scelera, ita excandescerent, & laborarent de illorum vltione, cum hoc opus sit diuinæ potentia, non humana, quæ fragilis est, & sæpè amicitia, sæpiusq; precio corrumpitur. dicebat Sapiens cap. 12. quis dicet tibi, quid fecisti? aut quis stabit contra iudicium tuum? aut quis in conspectu tuo veniet vindex iniquorum hominum? aut quis tibi imputabit si perierint nationes, quas tu fecisti? non est enim alius Deus, quàm tu, cui cura est de omnibus.

Duplici poenarum genere animaduertio homines puniri à Deo, cuius magna sunt iudicia, & inenarrabilia. vnum est remorsus conscientia, & alterū cruciatus inferni. inditam habet quisque nostrum conscientiam à Deo, quæ ita est animæ sociæ, sicut vmbra corporis. Corpus nostrū sociam sibi vbiq; circumfert

## IX.

Argumentatur homines a solo Deo sufficienter puniri, & differit de remorsa conscientia.

umbram; veluti negotiorum contestem; quæ nunquam abest, sed vel præcedit, vel sequitur anima; verò semper sociam habet conscientiam, quæ nusquã recedit; & interiorum quarumcunque cogitationum semper conscia est: Vndè Ouid. lib. 1. Fast.

*Conscia mens; ut cuiq. sua est: ita concipit intra  
Pectora; pro facto, spemq. metumq. suo:*

Hæc, uti Pedagogus ad bonum nos horratur, & à malo crebris clamoribus, verberibusq. auertit, vndè Aul. Pers. Sat. 3. vers. 93.

*Stat contra ratio; & secretam gannit in aurem  
Ne liceat facere id, quod quis vitiauit agendo.*

Hæc, uti accusator, scelerum nostrorum vindictam perit; ob oculos nostros iugiter eorum, quæ patrauimus, grauitatem ponit. nunquam fileat. nullis modis flectitur. nullis corrumpitur promissis. assistit nobis assiduè, congregitur, clamat, obiurgat, exprobrat; & uti Iudex terribilis, formidine plenus; incorruptus rationem diligenter exquirat, delictorum nostrorum crudelem in nos fert sententiam. imponit pœnas intolerabiles. vndè Iuuen. Sat. 13.

*Exemplo quodcunque malo committitur, ipsi  
Displicet auctori. prima hæc est ultio, quod se  
Iudicis nemo nocens absoluitur, improba quamvis  
Gratia fallacis: Prætoris ruerit tornam.*

Hæc tandem, uti carnifex, torquendi nunquam finem facit; semper obturbat, vexat, angit, lænat, flagellat, lancinat, circuitq. mille cruciatibus; mille pœnis, mille tormentis, quorum quæ leuiora sunt, plus acerbitalis, & doloris habent, quàm verbera, laquei, & secures, cæteraq. id genus tormenta, ut  
iure



xiure exclamauerit Lucan. lib. 7. belli ciuil.  
*Heu quantum misero pœna mens conscia donat?*  
 Et hoc, ni fallor, innuere voluerunt Poetæ fabulan-  
 tes, Eumenides speculartrices esse, & vindices facino-  
 rorum, & sceleris; eosq. qui aliquid impiè egerint, &  
 sceleratè commiserint, tedis ardentibus agitare, &  
 perterrere: vt enim explicat, Cicero primo de legib.  
 post medium, agitant, insectanturq. impios furia, non  
 tedis ardentibus, sicut est in fabulis, sed angore con-  
 scientiæ, fraudisq. cruciatu.

Vt autem meditor alteram pœnam, quam apud  
 inferos luunt miseræ animæ, horret animus, obriget  
 sanguis, ossa tremunt, commouentur viscera; ipseq.  
 tanti horroris metu totus commoueor; ac penè con-  
 cido. ibi non profunda Cocyti stagna, nō Stygiam pa-  
 ludem, non Phlegethontem, non Orcum, non tricipi-  
 tis Cerberi rabiem, non Plutonis, non Aæci, non  
 Rhadamanthi iudicium inuenio. ibi non Ixionem  
 intueor, volubili alligatum rotæ, perpetuo volutari.  
 non Sisyphum ad môtis verticem, ingens saxum penè  
 elatum, repentè deorsum relabens, continuò cogi  
 prouoluere. non Tantalum perpetua fame, ac siti tor-  
 queri Eridani fluuij aquis, & pomis, quæ capiti eius  
 imminet, captationè eius fugientibus. non Tityum  
 consumptum illicò renasci, semperq. pati vultures  
 iecur lancinare, nunquamq. à discerpendo cessare.  
 non Prometheus sub Caucaaso à vulturibus rodi, vt  
 Poetæ fabulati sunt. sed locum tenebrosum contem-  
 plor, voraginem horrèdam, lacum profundissimum,  
 Tartarum absorbentem quoscūque qui inquinati vi-  
 tiorum sordibus ab hac vita discesserunt. ibi cōsidero

X.  
 Meditatur  
 cruciatus in-  
 ferni.

per-

perpetuum carcerem, barathrum irremeabile, inextinguibilem ignem, intolerabilem graucolentiam, inenarrabiles horrores, infinitos cruciatus. meditor iustissimum ineffabilis immutabilisq. Dei iudicium. formido acerbissimas reorum damnationes. metuo perpetuas pœnas, quarum ministros plures intueor: tineas scilicet perpetuò obrodentes, vermes lacerantes, horrendos serpentes veneniferis laniantes dentibus. & quod terribilius, & horribilius est; audio ibi tumultuosam Dæmonum turbam præ inuidia frementem, concrepantem præ ira, præ superbia obiurgantem. eosq. summo cum tremore contemplor: eos tremebundus video, flentes, eiulantes, stridentesq. animas in ignem vrgere, impellere, ferròq. confixas in camino ignis perpetuò reuoluere. O rem horrendam! in reos euomunt spiritus infernales fœtorem intolerabilem, insanabile venenum. quodcumque pœnarum genus excogitari vnquam posset, in eas crudelissimè exercent: satiati nunquam, nunquam defessi pœnas pœnis, tormenta tormentis iugiter addendo, magis, magisq. sæuiunt. inhiantq. corporibustandem resurrectionis, ne ipsa præstiti ministerij pœnas effugiant: ibi nulla spes, nulla gaudia, nulla solatia, nulla quies, nullum refrigerium, sed sempiternus horror inhabitat. ibi est fletus, & stridor dentium, amaritudo perpetua, perpetua maledictio. O summam, & incorruptam omnipotētis Dei iustitiam! quid iam, Luci mi, oportuit, vt alias pœnas humanæ leges delinquentibus imponerent? putarunt nè fortè se Deo iustiores, & sagaciores? multa sunt, quæ intellectus humanus scire, & intelligere nequit. neque  
pau-

pauciora sunt, quæ potentia humana nequit providere, cauere, vitare: quapropter dicebat Sum. Pont. in cap. 2. à nobis, il 2. de sent. excomm. Iudicium Dei veritati, quæ non fallit, nec fallitur, semper innititur. Iudicium autem Ecclesiæ, nonnunquam opinionem insequitur, quam & fallere sæpè contingit, & falli. propter quod contingit interdum, vt qui ligatus est apud Deum, apud Ecclesiam sit solutus, & qui liber est apud Deum, Ecclesiastica sit sententia innodatus. Quæ humanam deludunt, expugnantq. iustitiam, fortitudo, astutia, versutia, calliditas, apud Deum nullius sunt roboris. nemo potest eruere quemquam de manu Dei, Deut. cap. 23. Ira, odium, amicitia, benevolentia, consanguinitas, dignitas, nobilitas, fauor, quæ corrumpunt, sibiq. conciliant humanam iustitiam, nihil iuuant apud Deum. nulla sunt hominum auxilia, quæ prodesse possint aduersus manum Dei. Osee cap. 5. miseria, paupertas, calamitas, imbecillitas apud Deum nihil nocent. apud Deum non est acceptio personarum. iustus est Dominus & iustitias dilexit, Psalm. 10. non est autem homo iustus in terra, qui faciat bonum, & non peccet, Ecclesiastic. cap. 7. & vt inquit, Paul. ad Rom. cap. 3. non est iustus quisquā non est qui faciat bonum, non est vsque ad vnum.

Sed vltra istas pœnas, remorsus scilicet conscientie, quæ viuentibus datur intrinseca: & cruciatus inferni, quæ vita sanctis perpetua est: infligit etiam vitā hanc agentibus pœnas temporales, & extrinsecas iustissimus Deus. alio tamen, & meliori fine, quàm faciant humanæ leges. flagella enim, seu pœnæ à Deo proueniunt, vt per Magistr. sentent. lib. 4. dist. 15. lit. A.

vel vt

XI.

Considerat  
Dei homi-  
nibus penas  
temporales  
infligere.

vel ut iustis per patientiam merita augeantur, ut Iob, quem manus Dei tetigit cap. 1. vel ad custodiam virtutum, nè superbia tentet, ut Paulo, qui se à Deo humiliatum fuisse dicebat 2. ad Corinth. vel ad corrigenda peccata, ut Mariæ sorori Moyfi, quæ in Mbyfen obmurmurauerat, & apparuit lepra candens uti nix, Num. cap. 12. vel ad gloriam Dei, ut de cæco nato Ioan. cap. 9. vel ad iudicium pœnæ, ut Herodi, quem percussit Angelus Domini, eo quod non dedisset honorem Deo, & consumptus vermibus expirauit, Act. Apost. cap. 12. leges autem humanæ profitentur punire, & afficere ultimo supplicio delinquentes, ut solatio sint cognatis, & affinibus interemptorum, l. capitalium, §. ultimo, ff. de pœn. sed summa est iniquitas, cum iniquum sit inimici morteolari. unde dicit Ecclesiastic. cap. 8. noli de inimico tuo mortuo gaudere, sciens quoniam omnes morimur, & in gaudium volumus venire.

## XII.

Arguit pœnas corporales, & pecuniarias per legem humanam non potuisse imponi:

Insuper dum in mentem reuoco, quod inquirunt; legum finem esse, facere homines simpliciter bonos. nescio qua ratione eos cogant formidine pœnæ; cum id, quod metu fit, ex virtute non fiat. immo sic faciunt homines malos: nã quod timore fit, non spontè fit; & quod non spontè, non est laudabile. & dū dicūt, pœnas alias esse corporales, alias pecuniarias: quoad corporales, non video quomodo possit humana potestas, contra præceptū Decalogi negatiuum, Non occides, pœnam mortis infligere. quomodo possit ciuilis potestas habere dominium in membra hominum & vitam, cum id nec habeat quisque in semetipsum: quomodo possit humana sapientia velle, quam Deus damnauit ultio.

ultionem, & vindictam. & deniq. non intelligo, quo pacto, quos Deus vult, vt conuertantur, & viuant, morti tradere liceat humanis legibus. sed transeat, quod pœna corporali afficiantur, qui in corpus alterius deliquerunt: sed qui rebus alienis insidiantur, vt sunt fures; quod morte puniantur, vix ferri potest: cum non liceat magis fortunas hominis, quàm vitam proximi diligere. & quod istæ pœnæ corporales, non omnibus pro æquali delicto imponantur; sed fiat differentia inter vnum, & alium; inter nobilem, & ignobilem; inter priuatum hominem, & constitutum in dignitate; vix, ac ne vix quidem ferri potest. quoad pœnas autem pecuniarias, quod parti, ludici, vel Fisco applicentur, nescio quàm æquum sit, vt quæstibus inhonestis anhelando, desideret quisquàm cum aliena iactura locupletari. immò videntur istæ leges, imponendo pœnam pecuniariam, contra Decalogi præceptum, Non furtum facies, permittere iniustâ damni illationē, alienæq. rei deliberatam voluntatem. vndè videmus quotidie homines inter se cõtendere, & foro disceptare; & quasi canina rabie, & furore agi, huc atq. illuc rapi, nullumq. quieris locū inuenire: nisi prius alterius vitam, famam, aut saltem bona, quæsito hoc pœnarum iure, momorderint, ac decerperint.

*Luc.* Leges, imperâdo quæ bona sunt, & puniēdo quæ mala, excitant pigram hominis voluntatem ad bonū appetendū, & malū fugiendū. dum verò ex his, quæ ex accidenti possunt esse vel bona, vel mala, aliquid vetant, vel permittunt: edocent homines quid fieri possit vel bonū, vel malum. ita fatagunt, vt homines quietē, & feliciter viuant. vellem itaq. vt tu etiam cū

D alijs

alijs diceret, leges inuentas esse ad salutē ciuium, Ciuitatū incolumitatē, vitamq. hominū quietam, & beatā.

## XIII.

Inuenit eō-  
tra leges hu-  
manas quasi  
incertæ sint  
innumerabi-  
les, mutabi-  
les.

*Mau.* Si Dijs placet. sunt incertitudine ipsa incertiores; innumerabiliores astris; mutabiliores vento; duriores quolibet ænigmate; inextricabiliores labyrintho. quid est in iure certum? aut quid tam certū, quod medio iure in controuersia deduci nequeat? quid prodest infinitus penē legū numerus, si memoria hominis fragilis est, & quantū recipit, tantū necesse est, ut amittat? quid profunt tot legū volumina, cū pro eorū lectione, nō sufficiat tota hominis ætas? saltē possibile esset librorum multitudinem refecare. sed citiūs terra ætherē conscenderet. sunt hydræ omninō similes, cui reciso vno capite plura protinus renascebantur. Quæ est legum firmitas, quæ constantia? nulla, nulla prorsus: ut meritō non amplius tabulis æneis incidatur, affiganturq. parieti; sed leuibus folijs conscribi soleant, & quasi filo suspendi, quō faciliūs omni ventorū flatu flectantur, lacerentur, deiiciantur. si istæ leges sunt mutabiles, quomodo igitur earū præcepta sūt bona? sunt iusta? sūt honesta? immō si quæ abrogantur præcepta, & quæ abrogant, possent esse simul honesta, iusta, & bona; non tamen utilis posset esse talis mutatio: nihil enim magis impedit sanitatem, quàm crebra remediocum mutatio. inquinant potiūs, quàm alant cibi varij, & diuersi. Propter varias Doctōrū opiniones inter se cōfликтantium totū ius conturbatū est; ut nihil certū, nihil firmū, etiam ab ipsis Iurisperitis queat reperiri. nunquā repertus est vllus iure quāuis peritissimus, qui cuiuscunque legis verū, & firmū sensum potuerit elicere. refert Accurs. in l. penult. C. fin. regund.

regund. quendam Petrum Baylardum, qui se iactauit  
 ex qualibet quantumcunq. difficili lege extracturum  
 aliquē sanum intellectum, ibi dixisse, nescio. quod idē  
 fuisse responsurū in intellectu l. diem functo, ff. de off.  
 assess. putauit Cagnol. ibid. n. 3 4. Ego ob tantam legū  
 cōfusionē, perturbationē, & controuersiā inter DD.  
 vereor, ne quasi ædificantium turrim Babel, legumla-  
 torū, scribingentiūq. linguæ cōfusæ fuerint, vt vnusquisq.  
 vocem non audiat proximi sui. ob niminiam nempe  
 temeritatē, quasi leges ferre, & iudicare nō sit huma-  
 ni cōsiliij. vnus est enim Legislatoꝝ, & Iudex, qui po-  
 test perdere, & liberare, dicit S. Iacob. in Epist. Cathol.  
 c. 4. Nulla lex est ita benè explicata, quæ alia nō egeat  
 explicatione. Nulla sunt iura, quæ vario modo nequeāt  
 exponi. si demū multiplices sunt istę leges, eaq. inter  
 se contraria præcipientes; nullo modo fieri potest, vt  
 miser homo, vno & eodem tempore, illis contraria iu-  
 bētibz obtēperet. velut equus, qui eodē tempore co-  
 gitur cursū arripere, sistere, circumire: dum alius mo-  
 uet calcaria, alius contrahit habēnas, & alius vertit in  
 gyrū, nemini valet obedire. trahitur hūc à lege natu-  
 rali, illuc à iure gentium: hāc à iure ciuili, illac à Ca-  
 nonico; aliò à municipali, & aliò à nō scripto: heū heū,  
 qui sūt maiores implexus? est nē possibile, vt hic ho-  
 mo in varias, & diuersas partes, eodē tempore, distra-  
 hatur? si vnus est legū finis, vna mens humana, vnus  
 intellectus, vna generis humani natura; cur tā varia,  
 & diuersa, tāq. cōtraria, multæ, diuersæq. leges homi-  
 ni præcipiunt? vulgò fertur, legū vsum tam necessa-  
 riū esse Reipublicæ; quā elementorum ignis, & aquæ.  
 ego etiā facillē assentirer, si innuere vellent, leges igni,

& aquę nō esse absimiles; nā tanquā violētus, & vorax ignis incēdūt, & cōsumunt omnia, vt nihil remaneat, nisi cinis; homines videlicet cineracei, sine libertate, sine bonis, sine sāguine, sine spiritu. & velut aqua hęc, atq. illac rapidē fluens, abluensq. omnia, nihil aliud relinquūt, nisi lutū. Iā verō Luci, quid dicis de tuis legibus?

*Luc.* Intereunte die, nolo finē tui discursus aliqua responsione prorogare: dixisti multa contra humanas leges, contra earum virtutem, & finē. si quid dicendū superest contra earum studium, libentissimē audiam.

#### XIV.

Inuehitur cōtra studium legū ob authorum qualitatē, librorū multitudinē, & opinionum diversitatē.

*Man.* Nonnulla breuiter dicam. Ius, cui operā damus, duplex est, Ciuile, & Canonicum. Ciuile cōtinetur in libris Digestorū, Codicis, Authenticorū, & Institutionum, quorum author fertur Iustinianus Imperator, quē dicūt fuisse literarū expertem, & analphabetū: qui scilicet, nec elementa literarum nouerat. ita vt haud amplius mirer, si ab authore imperito nihil possit addisci. Continent isti libri responsa quorundā prudentum, ac etiā quasdam Imperatorum constitutiones, leges nuncupatas: quę tamen omnia sunt ita mutilata, vt neque sensus verborum, nec vera dicti ratio percipi possit. sunt tot tituli, tot leges, tot paragraphi, vt nec Mitridatis memora sufficeret. nullum possunt habere fundamentū verę iustitię, & honestatis: quandoquidem emanarunt ab illis prudentibus, & Imperatoribus, qui erant Idolatrę; non cognoscebant Deum; odebant Diuinam legem; Christi fidem persequēbatur. deductę sunt ex lege duodecim tabularū à Gręcis mutuata, & ex alijs Romanorū legibus, plebiscitis, Senatusconsultis, & Prętorum edictis: quorum interpretatio eisdem prudentibus committebatur. Habuit

penēs



penès se Iustinianus quemdam virum nomine Tribunianum, qui, vt refert Suidas fuit cõtemp̃tor cuiuscunque Religionis, præsertim Christianæ. fuit magnus avarus. lucri gratia, ius semper venale habebat. interpretabatur leges prout amici res postulabat. istius viri opera fuerūt cõpositi prædicti libri, vt in præmio Institutionum, & in l. 1. & 2. C. de vet. iur. enucl. qui vir si quid boni præstare potuerit, ipse nescio. in eisdem libris continentur glossæ Accursij adeò strictæ, obscuræ, & ambiguar, vt illæ maiori, quàm leges, declaratione indigeant. inquit Accursium, quando quadragenarius erat, cœpisse legibus operam dare; parum ergò proficere potuit. &, vt puto, tanquam vir duri capitis, scripsit illis temporibus quicquid voluit; quicquid venit in mentem; & tanquam cœcus, leguleiorum turbas traxit in magnam obscuritatem, & confusionem. hoc à Iustiniano disco, qui in d. l. 2. §. nostra autem, C. de veter. iur. enucl. fanciuit, vt Iurisperiti in posterum nō auderent commentari dd. eius libros; nec eorum claritatē sua verbositate confundere, quemadmodum antiquioribus temporibus factum fuerat; vt per contrarias interpretantium sententias, totum ius conturbatum esset. Doleo Iustiniani contemptionem. hodie magis conturbatum est totum ius. maior est numerus librorum, ac penē infinitus; quorum alij glossas continent, alij lecturas, alij summas, practicas, methodos, regulas, conclusiones, quæstiones, tractatus, consilia, decisiones; cum tanta varietate, contrarietate, & confusione, vt quid verum sit, nullus percipere valeat. Hanc appellarem potiùs

iuris ignorantiam, quàm scientiã. neminem reperio etiam ex grauioribus Iurisconsultis, qui ignorantia notatus non fuerit. Hirnerius, qui primus prædictum Iustiniani Decretum cõtempnit, licet ab aliquibus fuisset nuncupatus Lucerna Iuris, tamen maior pars dixit, tenebras legum ab eo initium sumpsisse. paulò post Placentinus, inter alios eminens, composuit quendam Summam; sed Accursius in l. cogi, C. de petit. hæredit. in glos. fin. circa med. dicit, eum somniasse, & locutum fuisse mirabilia. nec melius accidit Ioanni Bossiano Cremonensi, Præceptorì Azonis, cù scripsisset quamdam Summam, quam Odofredus deridebat, dicens in l. 1. in princ. ff. de eden. eam esse ventosam, & nihil boni reperiri in illa Summa. ne plures enumerem, Bartolum, quem Iuristarum Principem colimus, somniasse dicit Baldus in l. posthumo, in princ. C. de bon. poss. contra tabul. & in l. in annalibus, in princ. C. de legat. ait, Bartoli solutionem non valere vnam fabam, & in l. potuit, col. 3. C. de iur. delib. nu. 11. asserit, non esse tenendam opinionem. Bartoli ibi, quia est quoddam ridiculum. sed de Baldo non minus dicit Castr. in l. vn. in princ. C. quando non peten. par. eum scilicet volare per aera, & nubes. & difficultare multò magis, & potius loqui ad ostentationem, quàm ad vtilitatem. & Alex. in l. quod in eo, nu. 12. ff. de acquir. poss. dicit, eundem Baldum multa mirabilia dixisse, & singularia, sine legibus, & rationibus; & sæpè falli. ita ut non sit dubitandum, an de reliquis longè inferioribus, eadem, vel peiora dici possint.

Quam

Quantum verò ad ius Canonicum illud clauditur  
 in tribus libris; Decreti . qui fuit cõpositus à Gratiano  
 Monacho Sancti Proculi, & continet dicta, & senten-  
 tias plurium Sanctorum, & Patrum . sed quod affert  
 non modicam admirationem, non habet vim legis,  
 post alios Felin. refert in cap. 2. col. 2. 4. de rescriptis.  
 Secundus est liber Decretalium auctoritate Gregorij  
 Noni, opera tamen S. Raymundi cõpositus, qui cõ-  
 tinet quasdam Epistolas, quibus Pontifices prædeces-  
 sores de iure cõsulentibus respondebant. & tertius est  
 nuncupatus Sextus Decretalium, cõpositus auctori-  
 tate Bonifacij VIII. opera Riccardi Cardinalis, & Dyni  
 Mugelani; qui continet quasdam constitutiones, seu  
 Decretales. cui libro Sexto Decretalium, additæ sunt  
 quasdam Clementis V. constitutiones, auctoritate  
 Ioannis XXII. congestæ, ac etiam xx. constitutiones  
 Extrauagantes eiusdem Ioannis. & re vera istud ius  
 Canonicum, non minùs quàm Ciuile, varijs glossis,  
 & commentarijs conturbatum est. sed Canonistarum  
 scientiam parui faciunt, ac penè derident legistæ, &  
 appellant Canonistas simplices, teste Baldo in l. 1. in 2.  
 lectura, nu. 44. C. de sacrosanct. Eccles.  
 Hinc, vt experientia docet, si quid lege aliqua, seu  
 decretali determinatum sit; adhuc nulla est certitu-  
 do: dubium sit, si verba propriè, vel impropriè; latè,  
 vel strictè sint sumenda; an extendenda, vel restrin-  
 genda ex ratione, quæ controuertitur; an sit expressa,  
 vel tacita; an sit finalis, vel impulsiva. si recurritur ad  
 glossam, res magis inuoluitur, loquitur amphibolo-  
 gicè; tanquam oraculum. adducit alias leges, alias

decretales in contrarium, pro quarum intellectu difficultas multiplex oritur; & pro vnius intellectu, elaborandum est magis super plurium intelligentia; circa earundem verba, & rationes. si assumuntur interpretes, res fit obscurior. vnus affert vnum intellectum, alter alium. non enim aliò videntur eorum gloriam posuisse, quam si alijs cōtradican; somnient novos intellectus; nouas construunt opiniones: cessante lege, si quid communi Doctorum opinione firmetur, adhuc nulla est firmitas: quisque anceps est, an contraria extet opinio, quæ vel sit magis communis, vel magis rationabilis: an rigor, vel æquitas præferenda sit: an Iuri Ciuili contradicat Ius Canonitū: an Iuri communi contrarietur municipale, & an iuri scripto repugnet ius consuetudinis, an verò obsequius speciale, specialis constitutio, rescriptum, bannum vè: an idquæ in vñ receptum sit, an seruetur in praxi, an vigeat stylus, firmata tandem iuris dispositione difficultas sit in applicatione, in qua nemo est, qui non errēt. Hæc torquent Doctorum mentes. sed multo peiora sunt, quæ litigantium animos cruciant. sit dubium, quæ actio cōpetat; quæ exceptione possit elidi; an instrumentum contractus, vel testamenti, vel alterius actus, quo quis nititur, sit in forma probanti, sit validum. & an verba vnum, vel alterutrum sensum recipiant, an contrahentium, vel testatoris mens verbis conueniat. an plus dictum sit, quàm scriptum. an libellus, vel petitio rectè cōcepta sit. an testes probent. an sint validè examinati. Vndè fit, vt litium euentus sit dubius; litigantiumq. animi nunquam quie-

quisque: & patrocinatē accipit dītrahantui cura,  
vt modò sperent, modò disparent cause victoriā.  
Si quid eādem iudicis decreto, vel sententiā firmetur,  
adhuc dubium est, an appellationē possit retractari:  
an adsit res iudicata: an sententiā sint conformes:  
an reuocari possint remedio restitutionis in integrū:  
an vitio nullitatis subiaceant: an repugnent foro con-  
scientiā, vt per denunciationem euangelicā destrui  
possint. ita, vt nullum in hoc studio videam ignoran-  
di, dubitandi finem: nullam sperem vilitatem;  
nullam iucunditatem inueniam. Itaque tuum erit Luci  
hanc rem mihi planam facere: vt pollicitus es. &  
postquam Sol occidit, vale.

*Luc.* Argumenta, quibus in leges humanas, & earum  
studium inuectus es, non magis oblectarunt, quā  
incenderint animum meum, maiori desiderio iuuan-  
di te in tuis studijs. videns te ab initio legum causas,  
& effectus, ceteraq. subtiliora tam curiosē inuesti-  
gasse: conijcio non fore ex illorum turba, qui satis  
putant, si quas vulgatissimas conclusiones, & qual-  
dam litigandi formulas, & fori cautelas, vsu quodam  
didicerint. qui viridariorum curā præpositi sunt,  
dum vident plantulas quasdam ita virere, & florere,  
vt quodammodo magnam, & insolitam fructuum  
copiam promittant, maiori desiderio eas excolendi  
commouentur. doleo autem ingenij mei tenuita-  
tem: & vereor, ne mihi contingat quod illis, qui vi-  
ribus imparia moliri audent. vellem potius tecum  
eruditioris sententiam sciscitari, quā tibi dubitan-  
ti de hisce respondere. Verū ne tibi mihiq. desim,  
quic-

V X.

Commēdat  
Mauri desi-  
deriū, & pro  
viribus se  
offert.

quicquid in me erit, ad tui utilitatem, Deo benè  
iuvante, præstare conabor.

*Man.* Ero tibi perpetuò deuinctus, citò reuertar.

**Lnc.** Hoc tuz libere voluntati paratissimus relin-  
quo.



TER:

# TERTIVS CONGRESSVS.

MAVRVS. LVCIVS.

*Man.*



DSVM Luci concepta spe, vt si nostri priores congressus, quasi nouo- vere folia protulerunt, isti sequen- tes, velut æstate, autumnouè ma- turos fructus, dulcesq. producant.

*Luc.*

Perpendi tuas dubitationes, quibus terigisti mul- ta, quæ non breuem discursum, qualem vix audeo polliceri. sed tractatum exigent copiosiores in his tamen studiorum tuorum initijs, hoc solum per- tinere puto ad tuam vtilitatem, vt quæcunque in me- dium attulisti, ego quadam rationum lenitate, & sua- uitate exemplorum, velut placido ventorum flatu nubes diluam: & tu in futurum sereno cælo, animoq. magis excitato prosequaris quod cœpisti.

*Man.* Hoc cupio.

*Luc.*

Distinguebas legem in diuinam, & humanam. & quò magis illam ob auctoris excellentiam extolle- bas, eò magis hanc ob conditoris imbecillitatem de- primebas.

*Man.*

Ita est.

*Luc.*

Si vis modo intelligere qualiter lex, quæ con- dita est ab homine, nullatenus opponitur ei, quam Deus concepit, nec diuersa est ab ea, sed est illius par- ticeps, & ab ea deriuatur, cogita mecum, an vllus sit artifex, qui acturus quidquam non antea mente con- cipiat quandam rei agendæ rationem.

*Man.*

Nullus, nisi casu quodâ quis ad agendû erumpere.

*Luc.*

I.

Proposit se satisfacturū difficultati- bus propo- tis breui, fa- ciliq. discus- sa.

II.

Ostendit le- ges humanas non esse op- positas legi, quæ à Deo est, sed ab ea deductas esse per discursum huma- num.

*Luc.* Concepta hac agendi ratione, quam vocant ideam, nonne artifex delineationem quandam facit futuri operis, ex qua cognoscant illi, quos pro implendo opere adhibiturus est, quid agere debeant, & quò modo?

*Man.* Quisq; sanè opifex eius, quod acturus est, formam quandam concipit; quam dicunt graphidem, Archetypum, seu exemplar.

*Luc.* Opus exinde formatum per artifices adhibitos, erit nè contrarium, seu oppositum operi auctoris?

*Man.* Certè non; quatenus præscriptæ formæ, exemplariq; proposito respondeat.

*Luc.* Dum autem error, & discrepantia cognoscitur, nonne opus est emendatione?

*Man.* Vtiq;.

*Luc.* Iam verò considera, quod sicut fatemur Deum potius mundi creatorem, & gubernatorem vniuersi; ita necesse est, vt fateamur Deum rectam gubernandi rationem, nedum mente concepisse; verum etiam quasi forma, & delineatione quadam indicasse, quid pro Orbis regimine agendum, omittendumvè sit. quæ inspecta, quidquid homines pro Urbium, & Vniuersitatum gubernatione statuerunt, non vti quid oppositum legi Dei, sed vti ab ea deductum censeri debet.

*Man.* Vbi est ista forma, ista delineatio, qua inspecta potuerint homines componere eorum leges?

*Luc.* Formatur hoc quæsitum in Psalm. 4. ibi, Quis ostendit nobis bona? & respondetur, Signatum est super nos lumen vultus tui Domine. Dicunt sacri Theologi, qui de legibus scripserunt, & præcipuè D. Thom.



22 D. Thom. 1. 2. quæst. 91. artic. 1. in responsione  
 1 Deum supremum totius vniuersi gubernatorem, cu-  
 2 ius Diuina mens nihil concipit ex tempore, sed con-  
 3 ceptum habet æternum; ab æterno gubernandi ratio-  
 4 nem concepisse, quam legem æternam appellant; &  
 5 definiunt esse summam rationem; vel voluntatē Dei,  
 6 secundum quā omnia sunt ordinatissima; & ad eam  
 7 referunt verba, quæ leguntur Prouerb. cap. 8. Domi-  
 8 nus possedit me in initio viarum suarum; antequam  
 9 quidquam faceret à principio, ab æterno ordinata sū,  
 10 & alia subsequētia; quando legem ponebat aquis,  
 11 cum eo eram cuncta componens. Hanc dicunt fon-  
 12 tem, & originem omnium legum, non latam, sed fe-  
 13 rentem; non impressam, sed imprimentem; non de-  
 14 niq. alterius participationem, sed cuius omnes sunt  
 15 participes. Soc. de iustit. & iur. lib. 1. quæst. 3. art. 1. cō-  
 16 clus. 2. cuius æternæ legis, quasi delineatio, & forma  
 17 est procul dubio lex naturalis; quam dicunt esse im-  
 18 pressionem diuini luminis in nobis. Siquidem indidit  
 19 Deus in rerum omniū creatione singulis rebus suos  
 20 instinctus, & stimulos, quibus in fines suos agantur.  
 21 D. Thom. 1. 2. quæst. 91. art. 2. in respon. & ista vis  
 22 etiam quoad bruta dicitur lex naturalis, impropriè  
 23 nomen, & per similitudinem. cui conuenit definitio,  
 24 quam habemus in §. ius naturale, instit. de iur. nat.  
 25 gent. & ciuil. Ius naturale est, quod natura omnia ani-  
 26 malia docuit. Propriè verò lex naturalis dicitur, quo-  
 27 ad solum hominem, cui Deus naturalem quandam  
 28 rationem mente impressit, secundum quam agat. cui  
 29 conuenit dictum Iurisconf. in l. omnes populi, §. quod  
 30 verò, ff. de iustit. & iur. quod naturalis ratio inter  
 31 ho-

homines constituit, id apud omnes gentes per æquæ custoditur, & vocatur ius gentium. ex qua lege naturali, tanquam Archetypo diuinæ voluntatis, & legis æternæ, benè intelligunt, & deducunt homines, quid agendum: Vnde dixit Apost. ad Rom. cap. 2. gentes, quæ legem non habent, naturaliter, quæ legis sunt, faciunt. atque etiam inspecta huiusmodi graphide, & æternæ legis delineatione, homines per rationem scilicet, & legem naturalem ratiocinando, alias leges, quas humanas dicimus, pro temporum, locorum, & negotiorum qualitate composuerunt. & quâdocunq. in illis deprehensus fuit error, & discrepantia ab exemplari, eas correxerunt, & reformatunt: ait D. Thom. 1. 2. quæst. 91. art. 3. in respon. ad contr. quod sicut in ratione speculatiua, ex principiis indemonstrabilibus naturaliter cognitis, producuntur conclusiones diuersarum scientiarum, quarum cognitio non est nobis naturaliter indita, sed per indutriam rationis inuenta: ita etiam ex præceptis legis naturalis, quasi ex quibusdam principiis communibus, & indemonstrabilibus, necesse est, quòd ratio humana procedat ad reliqua magis particulariter disponenda. & istæ particulares dispositiones adinuentæ secundum rationem humanam, dicuntur leges humanæ. Non possunt homines conqueri de humanis legibus. cõpositæ enim fuerunt communi eorundem hominum consensu, & non aliundè deductæ, quàm à ratione naturali per discursum humanum. dicitur in l. 1. ff. de legib. lex est commune præceptum virorum prudentum, consultum; & communis Reip. sponso. & in l. ergò omne ius, ff. eodem. omne ius aut consensus fecit,

aut

aut necessitas constituit, aut firmavit consuetudo: & vt legitur in cap. 1. dist. 2. lex est constitutio populi, qua maiores natu, simul cum plebibus aliquid sanxerunt. & quamuis solus Princeps legem condant, l. 1. ff. de constit. princ. ea tamen facta censeri debet populi consensu; quippe qui antea legem constituebat, §. lex est, instit. de iur. nat. gent. & ciuil. & deinde omnem potestatem transtulit in Principem; & consensit in Regiam potestatem, d. l. 1. ff. de constit. princ. quinimò Imperator probauit, humanum esse, vt Princeps non solo nutu, sed Procerum, Patrumq. conscriptorum, & iudicum vniuerso consensu, leges constituat, l. humanum, C. de legib. Idèdòq. humanæ leges dicuntur ab homine eorū auctore, sicut & quædam leges à proprio conditore, & à propria Ciuitate nomen sortitæ sunt, c. quædam sunt leges, 2. distinct. §. sed ius quidam ciuile, instit. de iur. nat. gent. & ciuil. & legem nihil aliud esse, quàm quod ratione consistit, dicitur in cap. consuetudo, 1. distinct.

*Man.* Lex igitur naturalis est quasi delineatio legis æternæ?

*Luc.* Ita est, & Deus eam fecit in nobis. docet S. Th. 1. 2. quæst. 91. art. 2. in responsi. legem naturalem esse participationem legis æternæ, quæ est in rationali creatura. & huc tendunt quæ dicebat Cicero in Oratione pro Milone, Hæc iudices non scripta, sed data est lex, quam non didicimus, accepimus, legimus; verum etiam ex natura ipsa arripimus, hausimus, expressimus. ad quam non docti, sed facti; non instituti, sed imbuti sumus. huc etiam videtur respexisse Bald. in repet. l. Æmilius, nu. 13. col. final. circ. med. ff. de

ff. de minor. dum ait, nullam esse rationem, quæ non participet esse diuinitatis.

*Man.* Cum igitur leges humanæ deductæ sint, & deriuatæ à lege naturali, tanquam à forma, & delineatione legis æternæ, poteruntne appellari Diuinæ?

*Luc.* Vtique. quod etiam antiquiores intellexerunt. Demosthenes in sua diffinitione, quæ refertur in l. nā & Demosthenes, ff. de legib. legem appellat inuentiōnem quandam, & donum Dei, dogma autem sapientiorū. & Imperator in l. fin. C. de præscript. long. temp. ait, maiores nostros subtilissimo animo, & diuino quodā motu leges composuisse. & in l. 1. §. sed neque, C. de vet. iur. enucl. dicit, leges diuinitus promulgatas fuisse per ora Principum. Cum ergo lex æterna sit ratio gubernationis in supremo gubernante; necesse est, quod omnes rationes gubernationis, quæ sunt in inferioribus gubernatibus, à lege æterna deriuentur, ita docet D. Thom. 1. 2. quæst. 93. art. 3. in respons.

*Man.* Sed quid si rationi non conueniant?

*Luc.* Leges humanæ, quatenus à ratione declinant, non modo leges habendæ nō sunt, sed nec appellandæ quidem. est enim lex, inquit Cic. lib. 1. de legib. ratio summa insita in natura, quæ iubet quæ faciendæ sunt, prohibetq. contraria; eadem ratio, cum est in hominis mente confirmata, & confecta, lex est. idēdē dicitur in cap. erit autem lex, 4. distinct. ut lex sit, debet esse honesta, possibilis, secundum naturam, secundum Patriæ consuetudinem, loco, temporiq. conueniens, necessaria, utilis, manifesta quoque, ne aliquid per obscuritatem in captionem contineat, nullo priuato commodo, sed pro communi Ciuum utilitate, con-

conscripta. hinc dicere possumus cum Bald. in dicta  
repet. l. Æmilius, d. col. fin. circa med. licet magnus sit  
Cæsar, maior tamen est ratio, & veritas; quando sci-  
licet Princeps stat in finibus suæ priuatæ opinionis,  
nec transit ad fines publicæ constitutionis.

*Mau.* Et quando lex humana deuiat à naturali, debet  
nè corrigi, & ad eius formam reduci.

*Luc.* Ira sanè, prout iuxta exemplar emendari debet  
error exempli. nam vt post Diuum Augustin. lib. 1.  
de lib. arbitr. ait D. Thom. 1. 2. quæst. 95. artic. 2.  
in respons. non videtur esse lex, quæ iusta non fue-  
rit. & in quantum habet de iustitia, in tantum habet  
de virtute legis. si verò in aliquò à lege naturali dis-  
cordet, iam non erit lex; sed legis corruptio. & vt  
ait idem Angelic. Doctor 1. 2. quæstione 93. art. 3.  
in responsione, omnes leges in quantum participant  
de ratione recta, in tantum deriuantur à lege æter-  
na, & propter hoc subiungit, dixisse Diuum Augusti-  
num in lib. 1. de liber. arbitr. quòd in temporali le-  
ge nihil est iustum, ac legitimum, quòd non ex lege  
æterna homines sibi deriuauerunt.

*Mau.* Adhuc me turbat hominis imbecillitas, & in-  
firmitas, vt dicebam.

*Luc.* Quamuis respectu omnipotentis Dei, & sine  
eius auxilio homo sit creatura imbecillis, & infir-  
ma; respectu tamen aliarum creaturarum excellen-  
tior est. Deus hominem minuit paulò minus ab  
Angelis, & constituit eum super opera manuum  
eius, Psalm. 8. Profectò, Maure, si ea ratione puta-  
res humanas leges inutiles, quia ab authore infirmo,  
& debili positæ sunt; necesse esset, vt etiam panem,

## III.

Respondet  
homine re-  
spectu Dei  
esse creatu-  
ram imbecil-  
lem, sed re-  
spectu alia-  
rum creatu-  
rarum esse ex-  
cellentiorè.

E obso.

obsotia, vestes, aliaque hominum opera, & artificia, ad humanam vitam omninò necessaria, sibi superflua putares, solo contentus aere, sola aqua, solistera frugibus;

*Man.* Parce Luci, si quæcunque ab homine composita sunt, suades boha, & appetenda, venorum appetere; appetere hominum fraudes, inaltias, fallacias, vulnera.

*Luc.* Si homo ratione ducitur, & agit, quod ad alterius conferat utilitatem; quasi Deo similis est; homo homini Deus, in adagio erat. sin autem à ratione deuius; in alienam salutem, & utilitatem inuehitur; ferarum pessimus est. respectu animæ, quæ oritur à celo, & à quâ scientia est, homo habet communitem cum Deo. respectu verò corporis, quod est à terra, & à quo ignorantia; & malitia proficiscitur, communitem habet cum animalibus; dicebat Lactantius Firmianus lib. 3. de falsa sapientia, cap. 6.

*Man.* Ego dicebam de lege diuina, & scripta in sacris paginis, ex cuius necessitate, & utilitate, ad humanæ legis superfluitatem, & utilitatem inferobam.

*Luc.* Recôrdor. & eodem artificis exemplo dubitationem tollam. Itaque mecum rursus cogita, quid acturus foret artifex, si primam delineationem in aliqua parte corruptam, maculave deturpatam videret.

*Man.* Noua delineatione suppleret; atque, ut omni procul errore opus perficeretur, sui ipsius præsentiam addere non recusaret.

*Luc.*

*Luc.* Creavit Deus hominem, inquit omnes, ad duplicem finem; naturalem scilicet, & supernaturalem; finem naturalem dicunt statum, quietum, & pacificum humanæ societatis in terra: finem verò supernaturalem appellant felicitatem illam æternam futuræ vitæ: quid autem pro vnius, & alterius finis consecutione agendum, omittendumvè esset, clarè designavit, & monstravit Deus homini per lumen naturæ. ut enim docent sacri Doctores, homo antè lapsum triplici cognitione præditus erat: rerum scilicet propter se factarum, & creatoris, & sui ipsius, ut per Magistrum sententiarum lib. 2. distinct. 23. lit. C, post prævaricationem autem primi parentis, quasi atramento superinducto, prædicta delineatio, & graphis deturpata remansit in ea parte, quæ supernaturalem finem respiciebat: sic enim confiteri debemus primum hominem Adami, cum mandatum Dei in Paradiso fuisset transgressus, statim sanctitatem, & iustitiam, in qua constitutus fuerat, amisisse. eamq. non sibi soli, sed nobis etiam perdidisse, ut decrevit sacrum Concil. Tridentin. sess. 5. cap. 1. de peccato originali: cognitionem autem, & scientiam eorum, quæ pro vlu rerum, & cōservatione humanæ vitæ, & societatis necessaria sunt; peccato non perdidit, ut subiungit Magister dicta distinct. 23. lit. C, vndè tanquam opus esset nova delineatione, dedit Deus legem per Moysen, & Prophetas. quæ cum non sufficeret, venit IESVS Christus Filius Dei, quem fateri debemus à Deo hominibus datum fuisse; non solum uti Redemptorem, cui fidant; sed etiam,

E 2 uti

## IV.

Ostēdit per legem naturalem dirigi homines ad finem naturalem: per divinam verò ad supernaturalem.

vti Legislatorem, cui obediant, vt statuit saer. Conc. Tridentin. sess. sexta, canon. 21. de iustificatione. & in cap. primo, & secundo eadem sess. sexta de iustificatione dicitur, cum homines in prauaricatione Adæ innocentiam perdidissent facti immundi vsque adeò serui erant peccati, & sub potestate Diaboli, ac mortis. vt non modò gentes per vim naturæ, sed ne Iudæi quidem, per ipsam etiam literam legis Moyfi, indè liberari, aut surgere possent. tametsi in eis liberum arbitrium minimè extinctum esset, viribus licèt attenuatum, & inclinatum. Quo factum est, vt cælestis Pater misericordiarum, & Deus totius consolationis Christum IESVM Filium suum, & antè legem, & legis tempore sanctis Patribus declaratum, ac promissum, cum venit beata illa plenitudo temporis, ad homines miserit: & vt Iudæos, qui sub lege erant redimeret, & gentes quæ non sciebantur iustitiam, iustitiam apprehenderent. atque omnes adoptionem filiorum reciperent. id quod ex parabola Euangelica Lucæ capit. 10. benè deducunt sacri expositores, etsi graue non putas, audi Euangelica verba, & pulchram propositoq. nostro accommodatam expositionem.

*Man.* Rem gratissimam facis.

*Luc.* Homo quidam, Adam scilicet, seù humanum genus. descendebat à Hierusalem, idest de Paradiso, & statu immortalitatis. in Hierico, idest in miserias, & defectum vitæ præsentis. & incidit in latrones, idest in Dæmonum potestatem. qui spoliauerunt eum, indumenta gratiæ immortalitatis,

&



& innocentiz auferendo. *& plagis impositis*, idest naturalibus vulneratis, & debilitatis per peccatum. *abierunt semiuino relicto*, remanente sola vita naturæ, & amissa vita gratiæ. *accidit autem, ut Sacerdos quidam descenderet eadem via*, *& viso illo praterire*. similiter *Leuita*, cum esset *secus locum*, *& uideret eum pertransire*. Sacerdos, significat legem, quæ data est per Moysen. Leuita verò significat Prophetas, qui descenderunt post Moysen. hi viderunt genus humanum sauciari; quia per legem inducta est cognitio peccati; sed genus humanum sanare non potuerunt. *Samaritanus autem quidam*, Samaritanus interpretatur custos; & Christus est verus custos. *iter faciens*, de cælo descendens in hunc mundum propter nostram salutem. *videns eum*, scilicet oculo misericordiæ. *misericordia motus est*, scilicet ex eius compassione. *& approprians alligauit vulnera eius*, scilicet in baptismo peccata eius remittendo. *infundens oleum*, *& vinum*. oleum infundit in vulnera, cum spem pœnitentibus tribuit. vinum verò infundit, cum terrorem, scilicet mortis æternæ, pœnarum inferni, & dici Iudicii homini incutit. *& posuit illum in iumentum suum*. Iumentum caro est ipsius, in quo posuit vulneratum; quando peccata nostra ipse portauit super lignum in corpore suo, ut patet Isaia cap. 54. Verè languores nostros ipse portauit. *duxit in stabulum*, idest in presentem Ecclesiam. *& curam eius egit*, quia circa ægrotum sollicitus fuit, sicut bonus, & fidelis medicus. *Altera die*, prima enim dies fuit dies Pasionis; altera dies Resurrectionis, & hæc immortalitatis. *protulit duos denarios*, idest duo testamenta. *& dedit stabulario*,

ideſt ſummo Pontifici, ideſt Petro, & Apoſtoliſ, qui-  
bus aperuit ſenſum, vt intelligerent ſcripturas noui,  
& veteris Teſtamenti. & ait, *curam illius habe*, ideſt  
corporis, & animę. ſic dixit Petro, Paſce oues meas.  
& *quodcunque ſupererogaueris*, ideſt præceptis meis ſu-  
peraddendo, conſilia ſcilicet, & præcepta, & cum  
ſubditis, & fidelibus laborando. *ego cum rediero*, ſcilicet  
in Iudicio extremo. *reddam tibi*, reddet enim Domi-  
nus IESVS vnique iuxta eius opera. Haſtenus in-  
telligere potuiſti Maure, qualiter lex diuina ſupplet  
etiã partem legis naturalis, quæ peccati macula obli-  
terata fuit. nec dubitare debes, quin vtraq. lex, natura-  
lis ſcilicet, & diuina poſitiua, proueniat ab æterna illa  
legē, quia ſicut cauſę inferiores à cęleſtibus regũtur, &  
cęleſtia agunt in corporibus; ita omnis lex poſitiua,  
tã diuina, quã humana, à lege naturali, & naturalis  
ab æterna, & æterna à Deo regitur. neque exiſtimare  
debes diuinę legis neceſſitatem, & vtilitatem exclude-  
re neceſſitatem, & vtilitatem legis humanę: quando-  
quidem lex diuina dirigit hominem ad finem ſuper-  
naturalem, humana verò ad finem naturalem, quoad  
vſum rerum, & conſeruatiõem humanę ſocietatis.

V. *Mau.* Hoc libenter intelligam.

Conſiderat  
triplicē ho-  
minis ſtatũ.  
& ideo tri-  
plicem legē  
huius neceſ-  
ſariam, natu-  
ralē ſcilicet,  
humanā, &  
diuinā.

*Luc.* Triplicem hominis ſtatum conſiderat Magiſter  
ſententiarum lib. 2. diſtinct. 19. aitque, quod in pri-  
mo ſtatu, ſcilicet antè peccatum, homo habuit poſſe  
mori, & poſſe non mori. & eius corpus fuit animale,  
egens ſcilicet alimonijſ ciborum. factus enim fuit  
primus Adam in animā viuentem, in animā corpus  
ſenſificatē, quod egebat cibus, vt per animā viueret.  
In ſecundò verò ſtatu, poſt peccatum, habuit poſſe  
mori;

mori; & non posse non mori. & corpus propter peccatum factum est mortuum, propter necessitatem moriendi. in tertio verò habebit posse non mori, & non posse mori; quia ad illum statum pertinet moriendi impossibilitas: quod ex gratia erit, non ex natura. & ita in resurrectione erit corpus spirituale, agile, & cibus non egens, & immortale, non sicut in primo fuit, scilicet, quod possit non mori; sed etiā quod non poterit mori. vnde dicere possumus, quod respectu primi status lex naturalis necessaria fuit, & sufficiens. lex verò humana necessaria est, & utilis respectu status præsentis vitæ. lex verò diuina omninò necessaria fuit, & utilis respectu tertij status, & vitæ futuræ. S. Thom. 1. 2. quæst. 91. art. 4. in respon. docet, quod præter legem naturalem, & legem humanam, necessarium fuit ad directionem humanæ vitæ, habere legem diuinam, quadruplici ratione. prima, quia homo non ordinatur ad solum finem naturalem; sed etiam supernaturalem beatitudinis æternæ, quæ excedit proportionem naturalis facultatis humanæ. Ideò necessarium fuit, vt suprà legem naturalem, & humanam, dirigeretur etiam ad suum finem, lege diuinitus data. secunda, quia propter incertitudinem humani iudicij, præcipuè de rebus contingentibus, & particularibus, contingit de actibus humanis diuersorum esse diuersa iudicia. propter incertitudinem humani iudicij, homo scire non posset absque dubitatione, quid ei agendum esset, & quid vitandum, ratione finis supernaturalis; ideò necessarium fuit, vt dirigeretur per legem diuinitus datam, de qua constat, quod non potest errare. tertia, quia iudicium huma-

num non potest esse de interioribus moribus, qui latent, sed solum de exterioribus, qui apparent. & tamen ad perfectionem virtutis requiritur, quòd in vtrisque actibus homo rectus existat. & ideò lex humana non potuit cohibere, & ordinare sufficienter interiores actus: sed necessarium fuit, quòd ad hoc superueniret lex diuina. quarta, quia sicut dicit D. August. lib. 1. de lib. arbit. lex humana non potest omnia, quæ malè sunt, punire, vel prohibere. vt ergò nullum malum improhibitum, & impunitum remaneat, necessarium fuit superuenire legem diuinam, per quam omnia peccata prohibètur. & subiungit istas quatuor causas tangi in Psalm. 18. vbi dicitur, Lex Domini immaculata, idest nullam peccati turpitudinem permittens. conuertens animas, quia non solum exteriores actus, sed etiam interiores dirigit. Testimonium Domini fidele, propter certitudinem veritatis, & rectitudinis. sapientiam præstans paruulis, in quantum ordinat hominem ad supernaturalem finem, & diuinum,

*Man.* Dic modò an humanarum legum inuenta, de quibus disserui, necessaria fuerint, & vtilia, & primò de potestate.

## VI

*Incipit loqui de potestate, probatq. eà à Deo esse, & fuisse omnino necessariam pro lege ferenda, interpretanda, & exequenda.*

*Luc.* Non est potestas, nisi à Deo. & Deus ipse, potestas est incomprehensibilis, & sempiterna. cap. 3. Deut. Potestas Dei est. Psalm. 61. in fin. Ipse creauit cælum, & terram, Genes. cap. 1. Cætera deindè creaturus, iussu quodam dixit, Fiat lux; Fiat firmamentum; Faciamus hominem ad imaginem, & similitudinem nostram. vt autem hominem creauit marem, & fœminam, subiungitur eodem cap. 1. Genes. Benedixit illis Deus, dicens,

*Gen.* *dicens, Crescite, & multiplicamini, & replete terram, & subijcite terram, & dominamini piscibus maris, & volatilibus cæli, & vniuersis animalibus, quæ mouentur super terram. Vnde patet potestaté, & imperium esse ipsius Creatoris, qui cum ad suam imaginem hominem creasset, eidem potestatem, imperium, dominiumq. super alijs creaturis fuit elargitus.*

*Man.* Quorsum hæc, si homo uti rebellis, eiectus statim fuit de Paradiso; eiq. omnes aliæ creaturæ relictantur?

*Luc.* Homo quidem propter lapsum amisit illum facilem, & minimè laboriosum dominandi actum: sed retinuit ius eiusdem domini, hac tamen conditione; ut nonnisi cum labore actu posset dominari. Hanc enim Deus tulit sententiam, *Genes. cap. 3.* Maledicta terra in opere tuo: in laboribus comedes ex ea cunctis diebus vitæ tuæ. spinas, & tribulos germinabit tibi, & comedes herbas terræ. in sudore vultus tui vesceris pane, donec reuertaris in terrā, de qua sumptus es. Sua quidem spontè terra seruauisset plantis; & plantæ animalibus, & animalia homini. sed post prædictæ sententiæ promulgationem, terra nonnisi humano opere excolta, plantæ nonnisi humana accedente industria, animalia nonnisi hominis cura custodita, eiusq. magisterio erudita, homini valent inseruire. & quamuis remaneant aliqua animalia suapte natura homini infensa, & inimica: in eis tamen, quamuis ferocissimis, remanent quædam vestigia seruitutis erga hominem, quem velut Principem naturaliter timent, eiusq. præsentia valdè terrentur, ut de elephante, tigride, & alijs, tradunt naturales.

*Man.*

*Matth.* Superest, ut mihi ostēdas, an à Deo sit, ut homo homini imperet.

*Luc.* Docet Apostolus ad Rom. cap. 13. non esse potestatem nisi à Deo, & omnem animam sublimibus potestatibus subesse debere, eumq. Dei ordinationi resistere, qui potestati resistit: quod refertur in cap. omnis anima, de censib. & ut legitur in Deuteron. cap. 7. qui Principi non obedierit, morte morietur. ut refertur etiam in cap. 2. de maior. & obed. & ex auctoritate Petri Apostoli dicitur in cap. solitæ, eodem tit. de maior. & obed. Subditi estote humanæ creaturæ propter Deum, siuè Regi, & quam præcellenti, siuè Iudicibus tanquam à Deo missis ad vindictam malefactorum, laudem verò bonorum. Deus ipse præfecit populo Moysen, Exod. cap. 3. & David quoque electus est diuina ordinatione, 1. Reg. cap. 16. & ut dicitur in cap. magnum, 11. quæst. 1. nemo constitutionem iustitæ terreni Regis contemnere debet. si enim censum Filii Dei soluit, quis homo tantus erit, qui non putet esse soluendum? si summus rerum omnium opifex uniuerso orbi imperat; si superiora inferioribus dominantur; si homo præest cæteris animantibus; si anima corpori, sensui ratio, caput membris, filio pater, magister discipulo imperant, & præcipiunt, quæ agenda sint: conuenit etiam, immò necesse est, ut pro regimine Reipublicæ sint aliqui, qui cæteris imperent, & dominantur. si æqualis esset omnium potestas, non esset, qui vnus, vel alterius audaciam comprimeret, cohiberet ambitionem, cupiditatem refrænaret, coerceret maliciam. quælibet domus, quælibet societas, uniuersitas, ciuitas, prouincia, regna, imperia, totusq. de-

deniq; Orbis, quasi naui rectore destituta, furenti  
 mare corruerent, perirent: immò nullum est animà-  
 rium genus, inter quę Principatus, & Imperium non  
 dignoscatur: cum etsi gregatim currant, aut volitent,  
 vnum tamen apparet cetera ducens: suo imperio,  
 cap. in apibus 7. quęst. 1. Verum est, quod par in-  
 parem non habet imperium, l. nam magistratus, ff. de  
 arbit. sed quamuis omnes homines eiusdem sint ge-  
 neris, & speciei, & sic pares in substantia; ex accidenti  
 tamen sunt inæquales. Plato de legib. dial. 3. consti-  
 tuit septem imperandı dignitates: Prima est, vt pater,  
 & mater, & simpliciter genitores, ubiq; natis impe-  
 rent: Secunda, vt ignobilibus generosi: Tertia, vt  
 iunioribus seniores: Quarta, vt Domini seruis: quin-  
 ta, vt potentiores dominantur, imbecilliores seruiant:  
 Sexta, vt ignorantes sequantur, & prudentes ducant:  
 Septima; & vltima vt is, quem fors elegerit, imperet;  
 ille verò quem repulerit, pareat: Aliter etiam dicere  
 possumus, par in parem non habere imperium, idest  
 a seipso: sed quia potestas, & sufficientia regendi à  
 Deo pendet, vt enim ait Apostolus ad Corinth. 2. c. 3.  
 non sumus sufficientes aliquid cogitare ex nobis, qua-  
 si ex nobis: sed omnis sufficientia ex Deo est. Statim,  
 vt quis eandem potestatem assequitur, alijs efficitur  
 superior, itavt non amplius tanquam par possit con-  
 siderari.

*Mau.* Potestas igitur conuenit diuinę legi, & naturali,  
 & est omninò necessaria, & utilis pro conseruatione  
 humanę societatis, & pro hominis directione ad  
 vtrumq; finem.

*Luc.* Iam dixi, & addo, potestatem à Deo triplici  
 ra-

ratione, inter homines distributam fuisse, pro lege, scilicet ferenda; pro lata interpretanda; & pro ea exequenda. Pro lege ferenda, nam Deus de cælo constituit Imperium, ut difficilibus imponat, quæ apud eum sunt bona, & leges aptet secundum naturæ varietatem, §. quia igitur auth. de fid. instrum. & procul dubio non est lex, nec ligat absque potestate. l. fin. ff. de iurisdic. omn. iud. Pro lege interpretanda; quia ait Gaius in l. 2. §. post originem, ff. de orig. iur. constare non potest ius, nisi sit aliquis Iurisperitus, per quem possit quotidie in melius produci. & Imperator in l. leges sacratissimæ, C. de legib. inquit, Si quid in legibus latum fortassis obscurius fuerit, oportet id Imperatoris interpretatione patefieri, duritiamq. legum humanitati incongruam emendari. Pro ea exequenda; nam ut dicitur in d. l. 2. §. post originem, ff. de orig. iur. parum esset ius in Ciuitate esse, nisi sint qui iura reddere possint. & in cap. vbi periculum, §. præterea, de elec. lib. 6. dicitur parum est iura condere, nisi sit qui eadem tueatur, & ut legitur 3. Reg. cap. 10. Deus constituit Regem, ut faceret iudicium, & iustitiam.

*Mat.* Vim facit, quod legimus, Principatus scilicet, & Imperia multa ex superbia, & praua hominum cupiditate processisse.

*Luc.* Semper à Deo potestas est, siuè boni, siuè mali eam exercent. Saluator noster respondit Pilato, non haberes potestatem aduersus me ullam, nisi tibi datum esset desuper, Ioan. in Euang. cap. 19. non est potestas nisi à Deo, siuè iubente, siuè sinente. c. quid culpatur 23. quæst. 1. si mali sunt actus nostri, & operamur



malignum in conspectu Domini; dantur nobis Principes secundum cor nostrum, c. audacter, 8. quæst. 1. Et ex merito plebis, nonnunquam Episcopi deprauantur, quatenus procliuius cadant, qui sequuntur. c. ex merito, 6. quæst. 1. legitur Iob cap. 34. Deus facit regnare hypocritam, propter peccata populi. & Osee cap. 13. dabo tibi Regem in furore meo, & auferam, in indignatione mea. & Prouer. cap. 8. Meum est consilium, & æquitas: mea est prudentia, mea est fortitudo. per me reges regnant, & legum conditores iusta decernunt. per me Principes imperant, & potentes decernunt iustitiam. Docet Magister sententiarum lib. 2. dist. 44. lit. B, tumoris elationem, non potestatis ordinem in crimine esse: potentiam enim Deus tribuit, elationem verò potentiae malitia nostræ mentis inuenit. Verum, quoniam nemini Deus mandauit impiè agere; & nemini dedit spatium peccandi, Ecclesiastic. cap. 15. idè post Luciferi casum, Isai. c. 14. Nembrot, cum eius turri destructus est, Genes. c. 11. Pharaon, cum Ægyptiorum exercitu, in mari rubro submersus, Exod. c. 14. Nabuchodonosor, ex hominibus abiectus est, & fœnum, vt bos, comedit, & rore cæli corpus eius infectum est; donec capilli eius in similitudinem aquilarum crescerent, & ungues quasi auium. Daniel c. 4. Dathan, & Abyron terra fuerunt absorpti, Num. c. 16. Sennacherib à filiis iugularus, 4. Reg. c. 19. in fin. & Antiochus à vermibus consumptus, 2. Machabæor. c. 9. Certum est, eos, qui præsent alijs, ob eorum delicta crudeliùs puniri, quam ceteros, c. præcipuè, 11. q. 3. maiori reatu delinquit, qui potiori honore perfruitur: grauiora facit vitia peccatorum,

torum, sublimitas peccantium. c. nulli fas, 25. quæst.  
prima.

*Man.* Hæc potestas nonne auget humanam cupidita-  
tem?

**VII.** *Luc.* Hæc potestas, cum sit diuini muneris, non au-

Respondet  
potestatem hu-  
manam non  
fouere, sed  
omnino cõ-  
primere cu-  
piditatem et a-  
liam radicem.

tem humani consilij, non alit; sed comprimit cupidi-  
tatem, omnium malorum radicem. confouet charita-  
tẽ, radicem omnium bonorum. si æqualis esset homi-  
num conditio, certè prauī homines non aliud magis  
cuperent, quàm super alios efferrī; sed dum diuina,  
prouidentia paucos extulit, cæterorum omnium libi-  
dinẽ dominandi restrinxit. quæ si adhuc inter homi-  
nes excitat bella, contentiones, controuersias, rixas:  
certè magis fureret; nisi cõpressa esset intrà angustos  
fines. Quando homines (quod solo Dei permisso eue-  
nit) vel usurpant imperia aliena, vel propria regunt  
nimia ducti cupiditate, ad propriam utilitatem, & cõ-  
modum priuatum, utiq. cauendum est ab eis, ut di-  
cebas. Virtus cum eorum potestate non coit; nulla  
eos recreat quies; semper pauent; ira Dei eos insequi-  
tur; abominabiles sunt in conspectu eius. quando ve-  
rò, quod Dei sit iussu, Imperium legitimè consequun-  
tur, illudq. sola ducti charitate, & iustitia exercent,  
respiciunt populorum commoda, societatem ciui-  
lem conferuant innocenter, absque iniuria augent  
cuiusq. substantiam, & dignitatem: tutum est ad eos  
refugium; sunt optimum populi præsidium; coeunt  
virtus, & potestas; quietè viuunt, feliciter dominan-  
tur; pugnat Deus pro eis. Boni Principes benè intel-  
ligunt, non suum, sed Dei, esse Imperium. optimè  
sciunt non esse factos homines propter Principes, nec

ut Principum emolumentis seruiant; sed Principes à Deo constitutos fuisse ad populorum commodum, & ministerium iustitiæ, non putant populum propter Principatum; sed Principatum existere propter populum. docet Plato in lib. 1. 6. ciuil. vel de Regno, veram rationem gubernandi habere esse, ut qui gubernat, semper ita ad salutem subditorum respiciat, sicut ad nautarum; nauisq. salutem respicit gubernator. hinc admonet Cicero primo Officiorum, omnino qui Reipublicæ præfuturi sunt; duo Platonis præcepta teneant; vnum, ut utilitatem ciuium sic tueantur, ut quidquid agunt ad eam referant oblitum commodum suorum: alterum, ut totum corpus Reipublicæ curent, ne, dum partem aliquam tuentur, reliqua deferant; ut enim tutela, sic procuratio Reipublicæ ad utilitatem eorum, qui commissi sunt, non ad eorum, quibus commissi, gerenda est.

At si quis secus agat, Tyranni potius, quam Principis vices gerit. actus tyrannicus specialiter consistit in affligendo subditos; & dicitur tyrannus, qui angustiat, & eruciat suos; Bart. in tractatu de tyrannia, quest. 2. nu. 7. Plutarch. de regim. Princip. notat decem actus tyrannicos, quos repetit Bart. in eodem tract. de tyrannia, 8. quest. num. 27. Primus est, quando Princeps, potentes, & excellentes homines Ciuitatis perimit: ne contra ipsum possint insurgere; Secundus, quando sapientes discriminat; ne cognoscentes mala arguant, & populum contra ipsum prouocent. Tertius, quando disciplinam, & studium nedum perimit; sed etiam operatur ne fiant sapientes: semper enim timet per sapientiam reprehendi. Quartus,

## VIII.

De tyrânide  
disertit, &  
recēset quos  
dā actus ty-  
rannicos.

tus, quando congregationes licitas non permittit; timens ne contra eum insurgant. Quintus, quando habet per Ciuitates plures exploratores; cum enim cognoscit, se malè agere, semper credit, quòd homines de se malè loquantur, & contra ipsum machinentur. & ex hoc tales relatores libenter audit. Sextus, quando conseruat Ciuitatem in diuisione, vt quælibet pars de alia timeat, & contra ipsum non insurgat. Septimus, quando curat subditos facere pauperes, vt sic occupentur circa curas eorum, vnde viuant. & contra ipsum non contingat aliud machinari. Octauus, quando procurat bella, & mittere belatores ad partes extraneas, ita vt interim contra eum non cogitent: sed propter bella homines depauperentur, & auocentur à studijs: atque vt ita habeat bellatores sibi, quando expedit. Nonus, quando sui custodiam non facit per suos, sed per forenses: timet enim de ciuibus. Decimus, & vltimus, quando in Ciuitate sunt partes, & ipse semper vni adhæret, vt cū illa aliam fugare possit. & Bart. in loco præalleg. declarat quem posse esse tyrannum, vel ratione mali exercitij, quando eius opera non cedit ad bonum commune; sed ad proprium eius commodum. vel ex defectu tituli, quando scilicet quis in Ciuitate, vel Regno sine iusto titulo principatur.

*Man.* Quos dicunt homines iustos esse dominandi titulos?

*Luc.* Successionem, electionem, contractum, occupationem, & ius belli.

*Man.* Incidimus in difficultates iam propositas.

*Luc.* Verum dicis. at quoniam hæcenus intellexisti legem,

legem, potestatemq. humanam à Deo esse, mox, intelliges meum, & tuum, rerum scilicet diuisionem, non fuisse hominum inuentum, vt dicebas: sed ea esse quasi prima principia iuris naturalis per homines ductu rationis explicata.

meo, & tuo, & rerum distinctione, probat ea conuenire rationi tam naturali, quàm diuine.

*Man.* Audiam libentissimè.

*Lus.* Hæc sunt prima principia, quæ natura omnia animalia docuit. Coniunctio maris, & femina; liberorum procreatio, & educatio. Scilicet ius naturale, instit. de iur. nat. gent. & ciu. Hæc dicitur natura homini quasi præco diuini edicti, promulgatrix æternæ legis Dei. Qui cum creasset hominem masculum, & feminam, benedixit illis, dicens, Crescite, & multiplicamini; & replete terram, Genesi. cap. 1. cum autem eos eiecisset de Paradiso, dixit mulieri, In dolore paries filios, & dixit Adæ, In laboribus comedes, & in sudore vultus tui vesceris pane, Genesi. cap. 3. prædicta igitur præcepta per naturam promulgata perferuntur homines, etiam ab initio rudes, proprias cognouerunt vxores, proprios filios educarunt; & vt quisque proprio opere, & labore, sibi suisq. vxoribus, & liberis prouideret, necessariò cognouerunt distinguendum esse meum, & tuum. & primò solum vsum rerum distinxerunt, & res habuerunt proprias, ratione solius vsus, & possessionis: deindè, aucto hominum numero, discretæ fuerunt gentes, & distincta dominia, & agris termini positi, Lex hoc iure, ff. de iustit. & iure. sic primus parens operatus fuit terram, & de eius fructibus se, vxorem, & liberos aluit in sudore vultus sui, & pane suo. Mox, quando filij Adæ creuerunt, Cain fuit Agricola; & de fructibus terræ,

F quos

quos, scilicet ratione usus, proprios faciebat, obtulit munera Domino. & Abel fuit pastor ouium, & ex fructibus gregis sui sacrificauit, Genesis cap. 4. & quamuis sacra Scriptura ibi non faciat mentionem, nisi de Cain, & Abel; præsupponere tamen videtur, tunc extitisse plures homines super terram ex primis parentibus procreatos: nam si Cain, ut subiungitur in textu, occiso fratre Abel, cum à Deo corripere- tur, conquerebatur dicens, Omnis ergò, qui inue- nit me, occidet me? & respondit Deus, Nequaquam tibi fiet: sed omnis, qui occiderit Cain, septuplum punietur; clarè sequitur, quod si alij tunc non ex- tissent, nulla timoris causa fuisset. Deindè, si, ut legi- tur ibidem, Cain cum profugus habitaret, cogno- uit uxorem suam, quæ peperit Enoc; ergò inter plu- res tunc erat proprius usus rerum. tunc uxores pro- priæ erant. Postea, quando genus humanum excre- uit; fuerunt diuise res, quoad proprietatem in die- bus Phaleg filij Heber, qui fuit abnepos Sem primi filij Noè; ut refert Diuus Augustinus de Ciuitate Dei, lib. 6. cap. 3. & cap. 10. & hoc idem legitur in primo Paralip. cap. 1. ibi, porro Heber nati sunt duo filij, nomen vni Phaleg; quia in diebus eius diuisa est terra. Abraham, & Loth, quæ communiter pos- sidebant, diuiserunt, Genesis cap. 13. Moyse, & Iosue diuiserunt bona inter Tribus iussu Dei, Iosue c. 13.

*Mau.* Meum igitur, & tuum conuenit iuri diuino?

*Luc.* Vtique. & eo iure præcipitur non furtum fa- cies; non concupisces rem proximi tui; non retinebis mercedem mercenarij tui usque ad mane. *glos. in L. ex hoc iure, in verb. dominia distincta, ff. de iust. & iur.*

*Mau.*

*Mau.* Sed quomodo conuenit iuri naturali, si eo iure omnia sunt communia?

*Luc.* Iure naturali sunt omnia communia, idest tempore necessitatis omnia sunt communicanda, vt explicat glos. fin. in l. 2. §. cum in eadem, ff. ad l. Rod. de iact. & glos. in c. sicut, 47. dist. in verb. commune. Aduertit Archid. in c. ius naturale, n. 5. 1. dist. naturalē rationem dictare, vt quantum ad multiplicationem generis humani, vxor sit propria. quantum ad educationem, proprii sint filij. quantum ad vsum rerum, & conseruationem humanæ societatis, aliqua sint propria: ne alioquin si boni operarētur, ociarentur mali; si industriosi laborarent, fruerentur ignari.

*Mau.* Non ergo magis quietē viuerent homines sine meo, & tuo?

*Luc.* Experientia docet, communionem discordias excitare, l. cum pater, §. dulcissimis, ff. de leg. 2. Propter immēsas discordias plerumq. res ad diuisionem peruenit, l. in re communi, ff. de seruit. vrb. præd. & cum sit naturale vitium negligi, quod cōmuniter possidetur, l. 2. C. quādo, & quibus quar. pars lib. 10. nulla esset inter homines virtus; ars nulla; nulla industria, si omnia inter homines communia existerent.

*Mau.* Quid ergo discitabant Philosophi?

*Luc.* Homines quietissimē viuerent sine meo, & tuo; idest sine immoderata habendi cupiditate: quæ si extingueretur, quam maxima esset humanæ societatis tranquillitas. ideòq. Seneca in lib. de morib. querit, quæ sunt diuitiæ maximæ? & respondet, non desiderare diuitias. Omnes quidem scimus in diuitijs cupiditatem reprehendi, non facultatem.

X.

De diuitijs differit, & an licet appetatur, explicatq. euangelicū dictum facilius esse per foramē acus Cameli intrare, quam diatē in regnum celorum.

*Mau.* Ergò meū, & tuū conuenit iuri diuīno, & naturali? ergò bonæ sunt diuitiæ? at si hoc est, qua ratione dicitur in Euang. Marc. c. 10. facilius esse Camelū per foramen acus intrare, quam diuitē in regnū celorū?

*Luc.* Nota præcedentia verba eiusdē textus, ibi, filioli, quā difficultē est cōfidentes in pecunijs in regnū Dei introire. ea enim apertē indicant, diuitē ibi sumi pro avaro, cuius inordinatus est amor habēdi, & qui superabundat in amando, & retinendo, & deficit in dando. Cui Deus licet de potētia posset dare gloriā æternam: nō tamen potest de iustitia. & idē facilius est, volēte Deo, vt funis nauticus intraret in foramen acus, quā vt avarus in calū: cum resistat diuina iustitia. Dixerunt nonnulli in Ciuitate Hierusalē exitisse quandā paruā portam, quæ vocabatur acus. ad quam, cū veniebant Cameli pro cōpendio viæ non poterant cū suis oneribus transire sub illa: exonerati tamen transibant. & receptis deindē oneribus itinerabātur. Quia igitur facilius est, vt Camelus exoneretur, quā vt avarus deponat amorē diuitiarum; idē facilius est, vt Camelus intret in portā acus, quā vt avarus intret in portam Paradisi. nam sicut ij, qui per insaniā mente translati sunt, nō iam res ipsas, sed passionis suæ phantasias vident; ita etiam mens auari semel vinculis cupiditatis adstricta, semper aurum, semper argentū videt, semper redditus cōputat, gratius aurū intuetur, quā Solem. & de his est textus in c. sicut, 47. distinct. & ibi notat Archidiac. dicto num. 5.

*Mau.* Non ergò licet appetere, & amare diuitias?

*Luc.* Ratione necessitatis, & cōseruationis sui status licet amare, & appetere diuitias, vt optimē distinguit Alex.  
de



de Alef. in 2. par. Summæ, quæst. 108. ideòq. Salomon Prouerb. 30. dixit Domino, mendicitatem, & diuitias ne dederis mihi, tribuè tantum victui meo necessaria: ne fortè satiatus illiciar ad negandum, & dicam quis est Dominus? aut egestate compulsus fuer, & periurem nomen Domini. & vt ait S. Thom. 2. 2. quæst. 83. art. 6. temporalia licet desiderare, non quidem principaliter, vt in eis finem constituamus: sed sicut quædam adminicula, quibus adiuuamur ad tendendum in beatitudinem, in quantum scilicet per ea vita corporalis sustentatur; & in quantum nobis organicè deseruiunt ad actus virtutum, vt etiam Philosoph. dicit 1. ethic. & ideò pro temporalibus licet orare. & hoc est, quod D. Augustin. dicit ad Probam quòd sufficientiam vitæ non indecènter vult, quisquis eam vult, & non ampliùs. quæ quidem non appetitur propter seipsam, sed propter salutem corporis, & congruentem habitum personæ hominis, vt non sit incòueniens eis, cum quibus viuendum est. ista ergò cum habentur, vt teneantur; cum non habentur, vt habeantur, orandum est. Ratione autem anxie superfluitatis, malum est diuitias appetere: vndè D. Hieronymus ad Demetriadem dicebat, diuitiarum amor insatiabilis est; & expleri nescit bonorum cupido, accelerantes habituræ finem, sine fine quærantur. Hæc quidem anxietas habendi superflua, non hominem beatum, sed calamitosum facit. hinc Seneca ad Lucil. epist. 99. ait, Calamitosus est animus futuri anxius; & antè miseras miser, qui sollicitus est, vt ea, quibus delectatur ad extremum vsque permaneant. & sanè diuitem esse consistere videtur in vtendo magis, quam possidèdo;

quia, vt ait Arist. lib. 5. Rethor. frugifera sunt, ex quibus reditus capimus; quibus verò fruimur, ex his nihil magni præter vsum consequimur. Admonet David Psal. 61. Diuitiæ si affluant; noli cor apponere. & ait Salomon Prouerb. cap. 11. Qui confidit in diuitijs suis, corrui. Ratione deniq. voluptatis superfluz, diuitiæ malè appetuntur; quia sic peccato auaritiæ adduntur peccata gulæ, & luxuriæ: vndè de diuite Epulone in Euang. Lucæ 16. dicitur, quod erat diues, qui induebatur purpura, & bysso; & epulabatur quotidie splendide. quo loco Beda declarat, non reprehendi diuitem, quia terram coluerit, vel fructus in ea congregauerit: sed quia fiduciam vitæ in illis posuerit, nec pauperibus erogauerit, vt ab eis recipere-  
tur in æternis tabernaculis.

*Mau.* Profectò negari nō potest, quin ex hoc meo, & tuo plura vitia inualuerint. auaritia in retinendo; rapina in acquirendo; luxuria in abutendo; & prodigalitas in effundendo.

*Luc.* Negari etiam non potest, quin totidem virtutes contrariæ insurrexerint, liberalitas in erogando; pietas in subueniendo; prudentia in cōparando; & parsimonia in conseruando. quæ virtutes, si omnia esset communia, prorsus iacerent: prædicta autem vitia sola dominarentur.

*Mau.* Nonnè magis quietè homines viuerent, saltem si diuisio fuisset facta æqualiter, vt nemo indigeret?

*Luc.* Æqualitatem inter ciues proponebat suis legibus Plato: sed ea displicuit Platoni in 1. Politic. & nullis recepta est Vrbibus. Hæc est æqualitas seruanda in Republica Christiana, vt alij sint diuites, alij pauperes.

peres: neque enim iniquus est Deus, vt nobis non æqualiter distribuat vitæ subsidia. etsi enim pauper eget diuitis liberalitate, & pietate; diues pariter indiget pauperis opera, & oratione. nec censeri debet inæqualitas, si Deus diuiti voluit benignitatis suæ experimenta conferre; pauperem verò per virtutem patientiæ coronare. tunc sanè res reducitur ad sanctam æqualitatem, quando diues benè, vt oportet, intelligit esurientium panem esse, quem ipse detinet; & nudorum indumentum, quod recludit; & miserorum redemptionem & absolutionem, pecuniam, quam in terram defodit, iuxta dicta S. Ambrosij relata in dicto cap. sicut, 47. dist. & quādo secum benè cogitat, nullā se ex diuitijs laudem apud homines, nullamq. apud superos gloriam consecuturum, nisi ea, qua decet, pietate, & liberalitate illis vtatur. nec est, vt diues sese extollat, dum euenire potest, vt deprimatur, eiq. in extremo Iudicio respondeatur, Recepisti bona in vita tua, c. cauendum, de pœnit. distinct. 3. neque est vt contristetur pauper ob rerum indigentiam, dum sperare potest, fore, vt, purgato aliquo scelere, gloriam ascendat. vt enim dicitur in c. quid ergò turbamur, de pœnit. dist. 3. non potest malus in omnibus malus esse, neque bonus in omnibus esse bonus: sed habet aliqua peccata. cum ergò prosperitatem malus habet, malum capitis sui est: cum enim pro illis paucis retributionem hic accipit, illic iam plenius punietur.

*Matu.* Iam verò quid dices de aurea illa ætate, & de sæculis nostris, quæ peiora præteritis reddita sunt, vt dicebam?

*Luc.* Equidem non inuenio, quo vnquam tempore

ad obiectū  
de aurea æ-  
tate, pucatq.  
illā nūquam  
exstitisse, &  
affert ratio-  
nē quare se-  
nes vt pluri-  
mū laudant  
præterita tē-  
pora, & præ-  
sentia despi-  
ciunt.

extiterit illa aurea ætas à cupiditate semota, plena pace, & iustitia. primi parentes statim rebelles facti sunt creatori suo. terra statim, & animalia contra hominem, contra dominum hostilia referre cœperunt. inter primos genitos, odia statim exorta sunt, & cœdes. Illud autem, quod Poetæ fabulati sunt, referri posse puto ad priorem statum gratiæ: ipsi enim Gentiles cognitionem etiam habuerunt librorum Moysis, tametsi infructuosam. quantum verò ad sæcula, omnia ferè eadem fuisse puto. omni ætate aliqui garruli senes conquesti fuerunt, quasi mores in dies deprauentur, & ruant in peius; ampliùs non inueniatur amicitia, integritas, qualis erat suis temporibus. quorum opinionis rationem triplicem considero: vna est, quòd senes transactio læto illo, & florido iuuentutis tempore, velut inuidi, ferre non possunt, si videant adolescentem aliquam voluptatem quærere. altera, cum senectus, vt plurimum iunioribus permolesta sit, vt se vident senes à iuuenibus sperni, quasi vindices increpant præsentium temporum mores: & mirabilia de se ipsis, suisq. temporibus enarrant. postrema, dum se vident deficere, cætera omnia putant secum defecisse. Testis sit mihi Cornelius Gallus ibi.

*Stat dubius, tremulusq. senex, semperq. malorum*

*Credulus, & stultus, quæ facit ipse timet.*

*Laudat præteritos, præsentis despicit annos,*

*Hoc tantum rectum, quod facit ipse putat:*

*Se solum doctum, se iudicis esse peritum;*

*Et quod sit sapiens, desipit ipse magis.*

*Multa licet nobis referens, eademq. reuoluens,*

*Horret; & alloquium conspuat ipse suum.*

Certè

Certè dum animaduerto, eundem rerum Creatorè, eorum, quæ creauit, omni tempore curam habuisse; semper fuisse idem cælum, idem mare, terram eandè, eodè terræ fructus, intelligere non possum, quid efficere potuerit, vt omni tempore non fuerint eiusdem generis homines, ijdem mores. quam rem optimè explicasse videtur Seneca Epist. 98. ad Lucill. dicens, Erras mi Lucilli, si existimas nostri sæculi esse vitium, luxuriam, & negligentiam boni moris, & alia, quæ obijcit, suis quisque temporibus. hominum sunt ista, non temporum. nulla ætas vacauit à culpa.

*Man.* Vt omninò satisfactus remaneam de meo, & tuo, dic quæso, an imitatione, & laude digni sint illi, qui Saluatorem nostrum imitantes, proprias res habere recusarunt, vt dicebam?

*Luc.* Vtique; sed pari imitatione, & laude digni sunt etiam illi, qui res proprias retinuerunt charitatem, exercentes, & pietatem. Duo sunt genera Christianorum, vt dicitur in Canon. duo sunt genera, 12. q. 1. vnum est Clericorum; illorum scilicet, qui mancipati sunt diuino officio, contemplationiq. dediti, & orationi. qui idcirco cessare debent ab omni strepitu temporalium, eorumq. capitis rasio, capillorū rasura, clericalis corona indicat temporaliū depositionem; vt cōtenti sint victu, & vestitu; rerum autè proprietatē non habeant. alterum est laicorum, qui occupantur circa curam, & conseruationem temporalium: & licitè retinent res proprias, dummodo illis non abutantur; & benè saluari possūt, si vitia, benefaciendo, euitauerint.

*Man.* Nonnè igitur ex distinctione mei, & tui orta sunt bella, vt dicebam?

*Luc.*

## XII.

Respondet non minus meritū esse laicorum si proprijs bonis bene, pieque vtatur, quàm Religiosorū, qui propria recusāt habere.

## XIII.

*Disserit de  
orta belli,  
probatq; or-  
tum fuisse  
antè diuifio-  
nem rerum.*

*Luc.* Orta sunt occasionaliter ex priori distinctione mei, & tui, quoad rerum vsum, antè tamen dominiorum distinctionem, antè dies Phaleg, quibus res diuisæ fuerunt quoad proprietatem, vt dicebam. legitur enim in Gen. c. 4. inter filios Cain extitisse Tubalcain, qui fuit malleator, & faber in cuncta opera æris, & ferri. & vt putant aliqui, acuebat etiam ferrum ad vsum belli. & inuentores bellorum, vt dicitur, fuerunt filij Cain, & Lamech, & cum dicat sacra Scriptura, antè diluuium creuisse hominum malitiam ad summum, Genes. c. 6. existimandum est, etiam viguisse bella, & iurgia. si enim erant qui alios offenderent, necessariò etiam fuerunt, qui se, & alios defenderent. & bella, præcessisse dominiorum distinctionem, clarè deducitur ex l. ex hoc iure, ff. de iustit. & iur. vbi primo loco dicitur introducta fuisse bella, deindè discretas gentes, regna condita, & dominia distincta.

*Man.* Si bella introducta sunt de iure gentium, ergò conueniunt cum lege naturali, & diuina?

*Luc.* Hoc sequitur ex præmissis.

## XIV.

*Ostendit bel-  
lū cōuenire  
tam iure na-  
turali, quàm  
diuino ratio-  
ne defensio-  
nis.*

*Man.* O vtinam homines contrarium experti non fuissent, & non contingat, nos vltèrius hisce temporibus experiri. Non pariunt bella, nisi cōtemptum Dei, sacrilegia, incendia, cædes, direptiones Vrbium, agrorum depopulationes, destructiones populorum.

*Luc.* Ait Bart. in d. l. ex hoc iure, nu. 2. bella licita esse de iure dispositiuè; illicita verò non dispositiuè, sed occasionaliter. & ibi Bald. num. 6. dicit, ex bellis finaliter sequi bona, si bellum sit iustum; quia rebelles reducantur ad debitum rationis: & cuius finis bonus est, ipsum quoque bonum est. & iustum est omnia

nia

nia suo fine determinari. & sicut in naui non attenditur periculum maris, quia hoc est de natura sua; ita nec in bello. & sicut accessorium disponitur secundum exigentiam principalis dispositi; ita ordo disponitur secundum exigentiam sui finis. Bellum ergo licitum, quod scilicet fit ad defensionem, conuenit iuri naturali: non autem illicitum, quod fit ad offensionem, & iniuriam. ut enim vim, & iniuriam propulsemus, iure hoc euenit; hominem autem homini insidiari nefas est, dicit Vulpian. in l. ut vim, ff. de iustit. & iur. Conuenit etiam iuri diuino, quia defensio conuenit ad charitatem, quæ est de iure diuino. cap. charitas est, ut mihi videtur, de pœnitent. distin. secunda; immò, ut dicit Paul. de Castr. in d. l. ex hoc iure, num. 10. licet aliquando ex parte principij bella non sint probata iure diuino; ex parte tamen finis possunt approbari, scilicet, si, post subiectionem, sequitur iusta & recta dominatio, prout patet in Imperio Romano, quod per vim, & violentiam creuit in libidinem dominandi; & tamen à Deo postea probatum est, ut in Euangel. Matthæi capit. 22. Reddite quæ sunt Cæsaris Cæsari, & quæ sunt Dei Deo. nemo est, qui nesciat, pharmacum esse rem permolestā. eam rem tamen fatemur omnes omninò necessariam ad repellendum morbum, ad restituendam corporis sanitatem. sic bellum per antiphrasim dictum, quasi minimè bellum, est malum omninò necessarium ad repellendū hostes, ad restituendā Reipublicæ pacē. nullū sanè bellū est, quod ex vna parte non sit licitū. cum enim bellū sit contrariorū, necesse est, quod vna pars foueat iustitiam, quia contrariorū extre-

extremorum si vnuni est æquum, aliud est iniquum; Bald. in d. l. ex hoc iure, nu. 12. aliquando autem potest esse iustum ex vtraq. parte; quando vtraq. pars putat se iustam causam defendere, *Sot. de iustit. & iur. lib. 5. quæst. 1. art. 7.*

## XV.

Refert Lucius plures auctoritates de necessitate, utilitate, & iustitia belli.

Placet referre nonnulla dicta S. Augustini, & aliorum Patrum in hac materia, quæ leguntur in libro Decreti: militare non est delictum; sed propter prædam militare peccatum est. ad quam cupiditatem extinguendam, certa militibus constituuntur stipendia. & apud veros Dei cultores etiã ipsa bella pacata sunt, quæ non cupiditate, aut crudelitate, sed pacis studio geruntur; vt mali coerceantur, & boni subleuentur. c. militare, & c. sequenti, 23. quæst. 1. quid ergò culpatur in bello, inquit D. Augustinus, an quia moriuntur quãdoq. morituri, vt dominantur in pace victuri? hoc reprehendere timidorum est, non religiosorum. c. quid culpatur, in princ. 23. quæst. 1. Et si aliter non meruit habere pacem domus David, nisi Absalon filius eius in bello, quod gerebat contra Patrem, fuisset extinctus; quamuis magna cura mandauerat suis, vt eum, quantum possent, viuum saluumq. seruarent; vt esset cui pœnitentia paternus affectus ignosceret, quid ei restitit, nisi perditum flere, & sui Regni pace acquisita, sua mœstitia consolari? sic dicitur in c. quis enim nostrum, 23. quæst. 5. nocendi cupiditas, viciscendi crudelitas, impacatus, atque implacabilis animus, feritas rebellandi, libido dominandi in bellis iure culpantur. & ordo naturalis mortalium paci accomodatus hoc poscit, vt suscipiendi belli authoritas, atque consilium apud Principes sit. & nõ est bellandi po-



potestas, nisi à Deo, siuè iubente, siuè finente. Et propterea etiam vir iustus, si fortè sub Rege, homine etiam sacrilego; militet, rectè potest, illo iubente, bellare, si vice pacis ordinem seruans, quod sibi iubetur, vel non esse contra Dei præceptum certum est; vel vtrum sit, certum non est, itavt fortasse reum faciat Regem iniquitas imperandi; innocentem autem militem ostendat ordo seruiendi, dicto c. quid culpatur. Et summa militiæ laus inter alia benemerita hæc est obedientiâ Reipublicæ utilitatibus exhibere; quodq. sibi utiliter imperatum fuerit, obtemperare. c. summa militiæ, 23. quæst. 1. ideoq. miles, cum obediens potestati, sub qua legitimè constitutus est, hominem occidit; nulla Ciuitatis suæ lege reus est homicidij: immò nisi fecerit, reus est imperij deserti, atque contempti. quod si sua sponte, atque auctoritate fecisset, in crimen effusi humani sanguinis incidisset. Itaque vnde punitur si fecerit iniussus; inde punietur nisi fecerit iussus, c. miles, 23. quæst. 5. Nec existimandum est, eos Deo placere non posse, qui armis bellicis militant: in his enim erat sanctus Dauid, cui Dominus tam magnum perhibuit testimonium. in his plurimi illius temporis iusti: in illis erat & ille Centurio, qui dixit Domino, non sum dignus, vt intres sub tectum meum. Pacem siquidem debet habere voluntas; bellum necessitas; itavt hostem pugnantem necessitas perimat, non voluntas, c. noli existimare, 23. quæst. 1. iussit Deus ad Iesum naue, vt constitueret sibi retrorsus insidias, idest insidiantes bellatores ad insidiandû hostibus. vnde admonemur, hoc non iniuste fieri ab his, qui iustum bellum gerunt; vt nihil homo iustus præ-

præcipue cogitare debeat in his rebus, nisi ut iustum bellum suscipiat, cui bellare fas est. Non enim omnibus fas est. Cum autem iustum bellum susceperit, utrum aperta pugna, utrum insidijs vincat nihil ad iustitiam interest, c. Dominus noster, 23. quæst. 2. & dolus contra hostem licite fieri potest, c. ut pridem, & ibi glos. in verb. à dorso, 23. quæst. 8. & ideo nequaquam contra præceptum, Non occides, fecerunt, qui Deo auctore bella gesserunt, aut personam gerentes publicæ potestatis, secundum eius leges, hoc est iustissimæ rationis imperium, sceleratos morte punierunt, c. si non licet, vers. & ideo nequaquam, 23. q. 5. Hinc ductor exercitus, aut populus ipse non magis cenferi debet auctor belli, quam minister Dei, apud quem non est iniquitas, & nouit quod cuiq. fieri debeat, d. c. Dominus noster, 23. quæst. 2. & ut dicit D. Hieronymus super Ioelem ad c. 2. & legitur in c. non solum, 23. quæst. 5. Non solum homines ministri sunt, & ultores iræ Dei in his, qui malum operantur, unde non sine causa gladium portant: sed etiam contrariæ fortitudines, quæ appellantur furor, & ira Dei, demones scilicet. & D. Ambrosius de Cain, & Abel, lib. 2. cap. 4. ut refertur in c. remittuntur peccata, 23. q. 5. ait, puniuntur peccata etiam per populos: sicut legimus, quia sæpè ab alienigenis Dei iussu excitatis, propter diuinæ maiestatis offensam subactus est populus Iudæorum. Animaduertere tamen debet quisquis sit, qui bellum etiam iustum suscipit; ut diuino potius innitatur præsidio, quam auxilio humanarum virium: aliàs res ex voto minimè succedit. legitur Isaïæ cap. 19. quod Ægyptus à Nabuchodonosor deuastata est,

est, quia filijs Israel contra Assyrios, & Chaldaeos protectionis, & defensionis auxilium promissit. & quod baculus arundineus est Rex Aegypti, super quem si aliquis innixus fuerit, confringetur, & perforabit manum innitentis; dicitur Ezech. cap. 29. & ipsi Iudaei captiui ducti sunt, quia opem suae liberationis, non in solo Deo; sed in homine posuerunt, prout refertur in 9. 1. 23. quæst. 3. Iustum autem est bellum, quod ex edicto geritur de rebus repetendis, aut propulsandorum hostium causa, c. 1. 23. quæst. 2. Iusta bella diffiniri solent, quæ vlciscuntur iniurias; si qua gens, vel Ciuitas, quæ bello petenda est, vel vindicare neglexerit, quod à suis improbè factum est: vel reddere, quod per iniurias ablatum est, c. 2. ead. 23. quæst. 2. Iusta erant bella, quæ gerebatur à filijs Israel contra Amorrhæos: innoxius enim transicus denegabatur, qui iure humanæ societatis æquissimo patere debebat. c. 3. eadem quæst. 2. Iustum est bellum contra Sarracenos, & alios, qui Christianos persequuntur, & ex vrribus, & proprijs sedibus pellunt. Cû Iudæis verò, qui ubiq. seruire parati sunt, iustè non pugnatur, c. dispar nimirum, 23. quæst. 8. Contra infideles iustum non est bellum sola hac ratione, vt conuertantur ad fidem: cui enim vult Deus, miseretur; & quem vult, indurat. Non enim tales inuiti saluandi sunt, sed volentes, vt integra sit forma iustitiæ. sicut enim homo proprij arbitrij voluntate serpenti obediens perijt, sic vocante se gratia Dei, propriæ mentis conuersione homo quisque credendo saluatur. Ergò non vi, sed liberi arbitrij facultate vt conuertantur, suadendi sunt, non potius impellendi. c. de Iudæis, 45. distinct. Ad fidem nul-

nullus cogendus est inuitus. & boni mores non eliguntur, nisi libero arbitrio, c. ad fidem, 23. quæst. 5. quod si infideles occupant terras Christianorum; contra eos iustum est bellum pro recuperatione, vt de Sarracenis occupantibus partes Hispaniarum dixit Oldrad. conf. 72. & de Mapmethanis occupantibus terram Sanctam dixit Innocent. in cap. quod super nu. 7. de voto, & voti redemptione. Aduerte tamen, quia qui nati sunt in fide, cogi possunt inuiti ne recedant: sicut qui in puteo se deiiciunt, vt ibi moriantur; inuiti debent extrahi, & liberari ne pereant: c. displicet, 23. quæst. 4. sic etiam, qui conuersi sunt ad fidem, inuiti constringi possunt, ne recedant: ne nomen Domini blasphemetur, & fides, quam susceperunt, vilis, & contemptibilis habeatur. d. c. de Iudeis, in fin. 45. distinct. immo in bello iusto, licet Christianis vti auxilio infidelium, vt pluribus rationibus, & exemplis probat Oldrad. conf. 71. sic enim Paulus Apostolus ad sui defensionem prouocauit Phariseos, & dixit se Phariseum, Actuum Apost. c. 23. & petijt à Præside milites, quorum auxilio seruaretur illatus, c. Maximinus; 23. quæst. 3. & Machabæi, qui fuerunt viri Sancti, & pugiles fidei, inierunt pactum cum Romanis; vt mutuò se iuuant, & tamen Romani erant Pagani, ita legitur 1. Machab. cap. 8. & elegit Iudas Eupolemum filium Ioannis, filij Iacob, & Isachem filium Eleazaris, & misit eos Romam constituere cum illis amicitiam, & societatem: & vt auferrent ab eis iugum Græcorum, quia viderunt, quod in feruitutem premerent Regnum Israel: & abierunt Romanam viam multam valde, & introierunt Curiam,

& dixerunt: Iudas Machabæus, & fratres eius, & populus Iudæorum miserunt nos ad vos statuere vobiscū societatem, & pacem: & conscribere nos socios, & amicos vestros. & placuit sermo in conspectu eorum. & hoc rescriptum est, quod rescripserunt in tabulis æreis, & miserunt in Hierusalē, vt esset apud eos memoriale pacis, & societatis. Benè sit Romanis, & Genti Iudæorum, in mari, & in terra in æternum: gladiusq. & hostis procul sit ab eis. Abraham pepigit fœdus cum Maner, Escol, & Mambre; qui non erant de lege sua: & secum duxit ad prælium contra Regem Sodomorum pro liberatione Loth eius fratris, Genesis c. 14. David non recusavit auxilium Achis Philistijm, vt ad Israelitas bellandi causa prodiret, 1. Reg. c. 29. Quod autem damnatur 2. Paralipomenon c. 19. Impio præbes auxilium, & his, qui oderunt Dominum, amicitia iungeris: intelligitur vbi bellum sit iniustum. Et si Iosaphat Rex Hierusalem fuit ibi per Prophetam reprehensus, quia voluit se iuuare cum Regibus Israel; ratio fuit, quia illi de Israel volebant eos de Iudæa, & Hierusalem inducere ad adorandum vitulos aureos, Oldrad. dicto conf. 71. Iustum est etiam bellum, quod geritur contra pyratas, contra latrunculos nauigantibus insidiantes, c. præterea, 23. quæst. 8. Item quod geritur pro defensione tam suā, quā Patriæ, seu legum paternarum, c. si nulla, 23: q. 8. Alios quatuor casus, quibus iustum est bellum, notat Bald. in dicta l. ex hoc iure, ff. de iustit. & iur. num. 10. videlicet contra rebelles patriæ, l. minimè, ff. de relig. & sumpt. funer. contra transfugas ad hostes, l. 3. §. transfugas, ff. ad l. Corneliam de sicar.

G

con-

contra bannitos pro graui maleficio : nam hoc ipso ; quod possint impunè occidi , indicitur eis bellum ; & valet statutum suggerente ratione atrocitatis delicti , & contumacia , argumento l. 1. §. quod autem , ff. de alea lusu , & alea . Item propter debitum pecuniarum non solum potest indici bellum , quando Imperator , nec alius posset ciuilitè iudicare : quod enim ciuilitè fieri non potest , licet facere de facto pro iure suo consequendo , l. ait Prætor , §. si debitorem , ff. quæ in fraud. creditor. Laudatur fortitudo , quæ in bello , vel ructur à barbaris patriam ; vel domi defendit infirmos ; vel à latronibus socios ; & dicitur plena iustitiæ , cap. fortitudo , 23. quæst. 3. & dicitur etiam utilis . ex eo enim quod quis fortitudinem latronis , pyratarum , vel furis eneruat , eosq. infirmos reddit ; prodest illis sua infirmitas : nam debilitata membra , quibus prius non benè utebantur , à malo opere cessabunt , cap. si quis fortitudinem , 23. quæst. 3. Quando igitur bellum est iustum , non est retardandum ; sed necessitate cogente , suscipi debet omni tempore , etiam quadragesimali : ne Deum videatur homo tentare , si habeat quid faciat ; & suæ vel aliorum salutis consulere non procurat , dicto cap. si nulla , 23. q. 8. & qui potest obuiare , & perturbare peruersos , & non facit ; nihil aliud est , quam fauere eorum impietati : nec enim caret scrupulo societatis occultæ , qui facinori manifestò desinit obuiare , c. qui potest , & c. ostendit Propheta , 23. q. 3.

*Mau.* Si placet , referam quædam in contrarium .

*Luc.* Audiam , & satisfaciam , ut potero .

XVI.  
Refert in cō  
trariū Mau.

*Mau.* Legitur Matthæi cap. 5. Si quis percusserit in  
vnam

vnam maxillam, præbe ei & alteram. & ei qui vult  
 tecum iudicio contendere, & tunicam tuam tollere,  
 dimitte ei & pallium; & quicumque angariauerit te  
 mille passus, vade cum illo & alia duo. & Apostol.  
 ad Romanos cap. 12. præcipit, Non vosmetipsos de-  
 fendentes charissimi, sed date locum iræ; scriptum  
 est enim, Mihi vindictam, ego retribuam, dicit Do-  
 minus. Ergò nos, qui sumus Christi sectatores, pro-  
 hibemur repellere iniuriam propriæ personæ. Rur-  
 sus legitur Matthæi cap. 26. dixisse Iesum Petro vo-  
 lenti gladio eum defendere. Conuertere gladium tuum  
 in locum suum; omnes enim, qui acceperint gla-  
 dium, gladio peribunt; an putas, quia non possum  
 rogare Patrem, & exhibebit mihi modo plusquam  
 duodecim legiones Angelorum. & legitur de Beato  
 Andrea in ipsius martyrio, quod cum fieret concur-  
 sus populorum, vt eum de manibus iniqui Iudicis  
 eriperent, & ab iniuria mortis eum defenderent;  
 ipse è contra, & exemplo, & verbo patientiam docens,  
 rogabat eos, ne suum martyrium impedirent. Ergò  
 docemur, nedum proprias, sed etiam sociorum in-  
 iurias patienter tolerare, nec ad arma concurrere.  
 Pariter legitur Matthæi cap. 13. patrem familias di-  
 xisse seruis colligentibus zizania, Sinite vtraque cre-  
 scere vsque ad messem, & tunc dicam messoribus col-  
 ligite zizaniam, & alligate in fasciculis ad comburen-  
 dum. Ergò prohibemur, nedum propriam, & socio-  
 rum iniuriam propulsare, & vindicare; sed adstrin-  
 gimur delinquentium vindictam diuino examini re-  
 seruare, vt legitur 23. q. 1. in princ. & Sanctus Gre-  
 gorius lib. 7. epist. ad Sabin. inquit de se ipso, si in-

rus alias in-  
 torica: s, &  
 arguit bellū  
 non esse li-  
 citū, siue ra-  
 tione pro-  
 priæ, siue a-  
 lienæ defen-  
 sionis.

.IIVX

228091.  
 12. 211. 211.  
 211. 211. 211.  
 211. 211. 211.  
 211. 211. 211.  
 211. 211. 211.  
 211. 211. 211.  
 211. 211. 211.  
 211. 211. 211.  
 211. 211. 211.

Longobardorum morte me miscere voluifsem, hodie Longobardorum gens nec Regem, nec Duces, nec Comites haberet; atque in summa confusione effecta diuisa: sed quia Deum timeo, in mortem cuiuslibet hominis me miscere formido, c. si in morte, 23. q. 8. & S. Hieronymus in Leuit. admonet, si quis vult Pontifex esse, non tam vocabulo, quam meritis debet imitari Moysen, qui indefinenter in tabernaculo Dei erat, vt ab eo aliquid disceret, aut ipse populum doceret. & subiungit in hæc verba, est aliud opus, quod facit Moyses, ad bella non vadit, non pugnat contra inimicos; sed quid facit? orat; & donec ille orat, vincit populus eius: si relaxauerit, & dimiserit manus; populus eius vincitur, & fugatur. Oret ergo sacerdos Ecclesiæ indefinenter, vt vincat populus, qui sub ipso est, c. vlt. dist. 36. D. Ambrosius docet, Christi milites non debere querere pila ferrea, nec arma sumere; sed dolor, fletus, orationes, & lachrymæ debent esse eorum arma, & munimenta, vt refertur 23. q. 8. c. non pila.

## XVII.

*Respondet  
Lucius ad  
opposita, &  
ostendit quã-  
do bellum sit  
iniustum, &  
vnde acci-  
dat quod po-  
puli bello  
devincatur.*

*Luc.* Vltio non est iniqua; sed vitiosa est libido vlciscendi. Patientia autem, humilitas, & mansuetudo, tendunt ad perfectionem Christianam, iuxta ea, quæ docentur in c. sex differentiarum, 23. q. 3. monentur personæ priuatæ, ne in vlciscenda sociorum iniuria se immisceant: non autem prohibentur hi, qui in potestate constituti sunt, quin sibi, suisque illatas iniurias propulsent, vindicent, puniant. ideòque dicitur in c. non inferenda, 23. q. 3. quod non inferenda, sed repellenda iniuria, lex virtus est, qui enim non repellit iniuriã à socio, si potest, idest, vt supplet gloss. ibidem  
si



fi est in potestate positus, tam est in vitio, quam ille, qui facit. Is autem gladium tanquam Petrus accipere dicitur, qui nulla superiori, ac legitima potestate, vel iubente, vel concedente in sanguinem alicuius armatur, c. ille gladium, 23. q. 4. Si laudatur mansuetudo eius, qui iniuriâ patitur, vt dicebas de sancto Andrea, non tamen probatur negligentia, seu permissio eius, qui facultatem habet obuiandi. Qui enim crimina, cum potest emendare, non corrigit, ipse committit. c. præterea, 23. q. 8. Propheta David, cum dixit, Erige egenum, & pauperem, ostendit nec illos immunes à scelere esse, qui permiserunt Christum Principibus interficere; cum præ multitudinem timerentur, & possent illos à facto, & se à consensu liberare. Qui enim definit obuiare cum potest, consentit. sunt verba D. Augustini super Psalm. 81. relata in c. ostendit Propheta, 23. q. 3. Monentur quidem Christiani vindictam diuino examini referuare; sed non prohibentur Reges, & potestatem habentes iniurias repellere, & crimina punire, quippè qui in vindicandis malis sunt Dei ministri: quicumque enim percutit malos in eo quòd mali sunt, & habet causam interfectionis, minister Dei est. qui verò sine aliqua publica administratione maleficum, furem, sacrilegum, & adulterum, periurum, vel quemlibet criminofum interfecerit, aut truncauerit, vel membris debilitauerit, velut homicida iudicabitur: & tantò acrius, quantò nò sibi à Deo concessam potestatem abusiue vsurpare non timuit, dicit D. Augustinus in lib. de Ciuitate Dei, & refertur in c. penult. 23. q. 8. Zizanium, quod vulgò dicitur lolium, eradicari non potest, antequam creuerit, nam

antè à tritico, vel hordeo non benè dignoscitur, propter eius effigiem hordeo similè. ideo dicitur in Parabola Euàgelica, Sinite vtraq. crescere, ne fortè cum vultis eradicare zizania, eradicetis simul cum ipsis etiam triticum, vt refertur in c. nolite recedere à Domino, 11. q. 3. vbi glos. in verb. de zizanijs, exponit, idest, de occultis peccatoribus; improbatur enim illorum arrogantia, qui de occultis volunt iudicare; cum nò sint vindicàda delicta, nisi quæ nota sunt, & probata, iuxta ea, quæ habètur in c. quātus arrogantie tumor, iūcta glos. in verb. zizania, 23. q. 4. Dicta per S. Gregoriū, quæ referebas, non negant Pontificis potestatem, sed voluntatē. immò de eodem S. Gregorio legitur in c. vt pridem, 23. q. 8. quòd ipse misit milites in succursu bellantium, eosq. non solum ad bellum; sed etiam vt hostes dolo vincerent fuit cohortatus, vt ibi glos. subiungit in verb. à dorso. prout etiam hortatus fuit Mauritium; & Vitalianum, vt hostium loca depræderentur, quatenus scilicet Dominus eos adiuerit, cap. suppliciter, 23. q. 8. & deindè Hadrianus Papa rogauit Carolum Magnum, vt susciperet bellum contra Longobardos, quod prius à patre eius Pipino, Stephano Papa supplicante, cum magna difficultate susceptum fuerat, c. hortatu, 23. q. 8. Si Moyse orabat pro populo, vt vinceret, duxit etiam exercitum, & inimicos profligauit: is enim cum vidisset Hebræum ab Ægypto iniuriā accipientem defendit; ita vt Ægyptum prosterneret, atque in arena absconderet, c. non inferenda, 23. q. 3. Episcopi per Principes sæculares non debent in militaribus negocijs occupari; militū enim Christi est Christo seruire; militum verò sæculi

saeculo, secundum quod scriptum est, nemo militans  
 Deo, implicat se negocijs saecularibus: quod si saeculi  
 milites, saeculari militiae student, nihil ad Episcopos,  
 & milites Christi pertinet, nisi ut vacent orationibus,  
 c. reprehensibile; 23. q. 8. Dicit Bald. in cons. 439.  
 num. 2. lib. 5. duplicem esse rationem, quare Clericis  
 bellare non liceat; Prima, quia ars bellica, & bellorum  
 strepitus retrahit Clericos à laude Dei, oratione, & di-  
 uinis officijs. Secunda propter effusionem sanguinis,  
 quia exemplo Christi debent potius pati suum san-  
 guinem effundi, quàm effundere alienum. & pro hoc  
 est institutum, ut effundentes sanguinem sint irregu-  
 lares. In lib. 1. Paralip. cap. 12. dixit David Salomoni,  
 factus est sermo Domini ad me dicens, Multum san-  
 guinem effudisti; & plurima. bella bellasti: non pote-  
 ris aedificare domum nomini meo, tanto effuso san-  
 guine coram me. Idem David Psal. 50. rogauit Deum  
 dicens: Libera me de sanguinibus Deus, Deus salutis  
 meae: & exultabit lingua mea iustitiâ tuam. Nô enim  
 potest homicida prædicare iustitiâ aperta fronte.  
 Peccatori autem dixit Deus, quare tu enarras iustitias  
 meas, & assumis testamentum per os tuum, Psal. 49.  
 Benè verum est, ut ibidem subiungit Bald. quòd Papa  
 potest indicare iustum bellum; sed non potest Cleri-  
 cis concedere, quòd ipsi manu propria possint homi-  
 nē occidere: sed pro iustitia exequenda, possunt gla-  
 dij potestatem laicis committere. Item Papa potest  
 committere Clericis, quòd in bello iusto dent auxi-  
 lium, & consilium tam gentium, quàm pecuniarum;  
 & propterea dicitur, quòd bellum est iniustum quin-  
 que modis, ut per glos. 23. q. 2. §. 1. in vers. quod autē;

Primo, ratione personæ, vt si fuerint personæ Ecclesiasticæ, quibus non est licitum fundere sanguinem. Secundo, ratione rei, si non est de repetendis rebus, seu pro defensione patriæ. Tertio, ratione causæ, vt si non est propter necessitatem, & propter pacem acquirendam. Quarto, ratione animi, vt si animo ulciscendi, & per prædam, & cupiditatem. Quinto, ratione potestatis, si non est indictum cum auctoritate principis. quæ omnia repetit Bald. d. conf. 439. vbi in fine subiungit necesse esse, vt in hoc sæculo sint bella, & bellorum strages, & infinitæ passiones; quia vt ait D. Augustinus de Ciuitate Dei, quamdiu vicijs imperatur, plena pax nõ est. Sed Archidiaconus in c. noli, 23. q. 1. nu. 2. plenius notat, sex esse causas, quare inter homines non est pax. Prima, quando non puniuntur maleficia. Secunda, quando est nimia abundantia temporalium. Tertia, quando non occupamur in pugna contra dæmonem. Quarta, quando non considerantur damna guerræ. Quinta, quando non consideratur, quòd dubius est euentus belli. Sexta, quando non seruatur mandata Dei. Vnde autem eueniat, vt aliquis populus deuincatur, plures afferri possunt rationes; sed sufficiat ea, quam Gregorius Martyr obiecit Regi Anglorum, vt in c. si quis Anglorum, § 6. indistinct. quando scilicet populus supramodum lasciuire, & fornicari cõsueuerit; nam de tali commistione meretricum, æstimandum est degeneres populos, & ignobiles, & furentes libidine fore procreandos; & ad extremũ vniuersam plebem ad deteriora, & ignobiliora vergentem, nec in bello seculari fortem, nec in fide stabilem, nec honorabilem hominibus, nec Deo

amabilem esse venturum. Quæ etiam ratione deplorat  
Hispaniæ, & Burgundiæ gentes deuictas fuisse à Sarra-  
cenis; quæ gentes, vt ait, sic à Deo recedentes forni-  
catae sunt, donec iudex omnipotens, talium criminum  
excitans pœnas per ignorantem legem Dei, idest per  
Sarracenos venire, & scire permittit. *sup. illi 38.*

*Mau.* Relatas auctoritates, relata Patrum dicta, non  
sine curiositate audiui; cum materia sit frequens hac  
tempestate. *ut, in tribus modis multis. Hic quoque*

*Luc.* Concludamus igitur bellum esse: quid bonum  
propter finem; quia finis belli est pax, quæ optima res  
est. neque enim pax queritur, vt bellum excitetur;  
sed bellum geritur, vt pax acquiratur. c. noli. 23. q. 1.  
& ideo sicut infirmus excitato animo medicinam su-  
mit propter salutis spem; ita & homines æquo animo  
bella ferre debent propter spem pacis. & hyemis aspe-  
ritatem, non parum minuit spes futuri veris.

*Mau.* Postquam bellum medicinæ comparasti, dic si  
aliqua dulcedine aspersa sumatur talis medicina.

*Luc.* Ex parte Principum, necessitas indicoendi bellū,  
& prouocandi hostē, tollit aliquid crudelitatis, & an-  
ticitudinis belli; cum enim nullum bellum sit licitum,  
nisi præcedat diffidatio, vt ait Io. Andr. in c. pro hu-  
mano, de homicid. lib. 6. l. si in d. l. ex hoc iure, ff. de  
iustit. & iur. nu. 30. vtrq. pars propter belli indictio-  
nem potest sibi præcauere, & optimè deliberare, an  
velit cedere, vel contendere. Qua ratione omne bellū  
publicè indictum censetur ex consuetudine saltem;  
iustum, Castellion. conf. 12. in facto proponitur, nu. 6.  
& quando fuit acceptatum, etiā si sit iniustum, is, qui  
indicit, non tenetur ad restitutionem, Angel. de Pe-  
rusio

## XVIII.

Concludit  
Bellum esse  
quid bonum  
propter fi-  
nem.

rufio *conf. 367. nu. 8. vers. nunc descendo. Sed bona in bello quæ sita sunt capientium, vt dicit Innoc. in c. sicut il 2. nu. 5. de iure iur. Principes non recognoscunt superiores possunt inter se indicere bellum; quia sic non est per quem consequi possint iustitiam.*

& illi, qui subiecti sunt Imperatori, si se constituunt hostes Imperij, possunt indicere bellum Imperatori, & quæ occupat sua sunt. Sed si quis habet superiorem, non potest bellum alteri indicere, sine sui superioris auctoritate. & si ille, cui indicitur, superiorem recognoscit, tunc ille superior primò requirendus est, vt faciat iustitiam; ita concludit Oldrad. *conf. 70. Ex parte verò militum, gloria, quam quisque appetit, & quæ corporis animiq. fortitudine in Castris acquiri solet, mitiora reddit bellorum incommoda: vt enim dicit Ouid lib. 5. Tristium Eleg. 12.*

*Deniq. non paruas animo dat gloria vires:*

*Et facunda facit pectora laudis amor.*

*Et lib. 4. de Ponto ad Seuerum Eleg. 2:*

*Crescit. & immensum gloria calcar habet.*

*Man. Vereor, ne avaritia potiùs commoueantur milites, quàm gloria cupiditate; vt enim dicit Lucan. lib. 10. belli Ciuilis.*

*Nulla fides, pietasq. viris, qui Castra sequuntur, Venalesq. manus, ibi fas, ubi maxima merces.*

XIX.

Ostendit  
quod solatium  
remaneat victis,  
& captis in  
bello.

*Luc. Referenda puto hæc verba ad primum furorem exercitus vincentis; vt enim ait Seneca in Troade.*

*Victor feroces impetus primos habet.*

*De qua re nõ est, vt doleat pars victa, quandoquidem victis conuenit multa pati, & vt dixit Virgil. lib. 2. Aeneid.*

Vna

*Vna salus victis, nullam sperare salutem.*

Cum Romani Gallorum exercitu, Breno ductore, opprimerentur, vt narrat Plutarchus, Sulpitius Romanorum ductor, conuenit cum Breno, vt à Romanis finibus Gallorum exercitum abduceret, promisitq. Romanos ponderaturos, soluturosve mille libras auri: quas cum Galli recepissent, & ex agris discederent; iuramenti præstiti, pactaq. fidei immemores, ab oppressione, & damnis minimè desisteabant. De qua re, cum Romani se indignatos ostenderent, ipse Brenus irrisoris causa, enssem vna cum cingulo, & auro, lancibus appositum extulit. Cum autem Sulpitius quæret, quid hoc esset, respondit Brenus, quid aliud nisi victis dolor? Accidit tamen postea, vt refert Festus, quòd Camillus eundem Brenum insidijs circumuenit, & profligauit; & Breno conquerenti id fieri contra initum fœdus, respondit Camillus, vbi victis? retorquens Breni sententiam in Brenum. Cæterum dolor, seu desperatio non omnem locum occupat; sed & spei, & solatio aliquis locus est: quia, vt sciunt omnes, hosti fides est seruanda, & sicut rebellanti, & resistenti violentia redditur, ita victo vel capto misericordia debetur, maximè in quo pacis perturbatio non timetur, c. noli, in fin. 23. q. 1. & dicit Stat. lib. 8. Thebaid. ----- si decidit hostis.

*Ire super satum est, vitamq. relinquere victo.*

Postquam ius gentium introduxit bella ad puniendos hostes, & vt pax haberetur: quia ex bello sequebantur captiuitates, necessariò introduxit etiam seruitutes, ne scilicet capti occiderentur; sed seruarentur: serui tamen remanerent, ne omninò dimitterentur impunes, vnde

X X  
A  
sup  
B  
C  
D  
E  
F  
G  
H  
I  
K  
L  
M  
N  
O  
P  
Q  
R  
S  
T  
U  
V  
W  
X  
Y  
Z

vnde serui dicti sunt à seruando, §. serui, instit. de iure personarum, quos antiquitus spes libertatis acquirendæ, & manumissionis consequendæ confouebat, l. manumissiones, ff. de iust. & iur. Hodie verò, cum inter fideles sublata sit seruitus, hostes detinentur captiui, quos spes futuræ liberationis, redemptionisvè confouet, iuxta dictum Ouid. lib. 1. de Ponto ad Græc. Eleg. 6.

*Carcere dicuntur clausi sperare salutem.*

*Man.* Tantorum autem cædes in prælijs, tantorumq. locorum deuastationes minimè ferri possunt æquo animo.

**XX.** *Luc.* Mors cuiusq. non contingit sine diuino iudicio: vita enim, & mors in manu Dei est. Corruunt aliquando montes; loca immerguntur aquis; fulmina cadunt à cælo; succedunt incendia; inficitur aer; pestis exoritur; euenit sterilitas; accidit penuria rerum, quæ ad victum sunt necessaria: conteruntur homines ruina; pereunt naufragio; incendio consumuntur; obeunt morbo; necantur fame; & tamen isti casus, tanquam fortuiti, æquo feruntur animo: & nulla emergit inde utilitas. At si multi publico trucidantur certamine, tunc aut vnius, aut partis vtriusque pugnantis, diminutis viribus necessario sequitur vel pax, quæ est finis discordiæ, & perpetua, ac inuiolabilis concordia: vel saltem initur treuga, quæ est securitas præstita personis, & rebus, guerra nondum finita; & est tempus medium inter guerram, & pacem. Guerram autem connumerari inter casus fortuitos, probat Bald. super feud. tit. de pace constantiæ, §. Vassalli, nu. 1. Sed ut hanc rem concludam, negari quidè non potest quin

Afferit rationem quare tot rationum hominum cædes, & locorum deuastationes quæ bello proueniunt æquo animo sint ferendæ.



ex bello multa mala oriantur; sed consequentia necessaria tantorum malorum, etiā aliquid boni affert: nam ea non rarò Principes commouet, vt si quas controuersias habeant, eas potius iure medio, quàm armis studeant definire.

*Man.* Satisfecisti plenè dubitationibus meis de lege, de potestate, de meo, & tuo, & de bello. At quoniam non quiescit agricola, nisi etiam extirpatis graminibus, euulsisq. herbarum radicibus, semen addat, spargat quædam modica grana, quibus terra suo tempore valeat copiosam messem producere: existimo tuæ diligentia, tuæ erga me beneuolentię conuenire, vt post sublatas, euulsasq. præfatas dubitationes, quædam notabilia de eisdem materijs compendiosè referas, quibus faciliora reddantur mea studia, & ad maiorem fructum producendum efficiantur aptiora.

*Luc.* Lapsa est dies.

*Man.* Veniet altera.

*Luc.* Sed quid agendum erit de alijs dubitationibus propositis circa contractus, successiones, iudicia, & pœnas?

*Man.* Quod vna die non poterimus, reiiciemus in aliam.


*Luc.* Et tempori, & tuæ voluntati inseruiam libentissimè, sed ab agricola egeno, seminis quam modicum expecta.

*Man.* Veniam lætus: Vale.



QVARE.

110  
QVARTVS CONGRESSVS.  
MAVRVS. LVCIVS.

*Mau.*  I tibi placet, ò Luci, hodie præstare quod petij, audiam sine contradictione. Parebo sapientibus illis, qui dixerunt, Opertet discentē credere.

*Luc.* Petijsti, vt notarem quædam alia de lege, de potestate, de meo & tuo, & de bello. pauca pollicitus sum, & promissis non deficiam.

*Mau.* Dixisti quædam de lege, & exordium ab alto sumpsisti.

*Luc.* A capite exorsus fui, à lege æterna, primæuo legum omnium fonte.

I.  
De lege æterna, & quam antiquiores, & quam posterius de eadem cognitionē habuerunt.

*Mau.* Conspexerunt nè antiquiores hunc fontem? deduxerunt nè legumlatores omnes ab hac primæua lege earum leges?

*Luc.* Qui populis, & vrbibus primi leges dederūt, eas à Dijs accepisse profitebantur, & vt refert Valer. Max. lib. 1. cap. 13. Minos Cretensium Rex nono quoquo anno in quoddam præaltum, & vetusta religione consecratum specus secedere solebat: & in eo moratus, tanquam à Ioue, quo se ortum ferebat, traditas sibi leges prærogabat. Lycurgus consilio Apollinis grauiusimæ Lacedæmoniorum ciuitati leges compolitas ferre se persuasit. Zaleucus sub nomine Mineruæ apud Locrenses prudentissimus Legislator habitus est. Numa Pompilius, vt Populum Romanum sacris obligaret, volebat videri sibi cum Dea Ægeria congressus esse nocturnos: eiusq. monitu, se, quæ accepta Dijs im-

immortalibus sacra forent, instituere.

*Man.* Legislatores illi hæc fortè dicebant ad ostentationem. ad seducendos populos.

*Luc.* Non assentior. Vtiles erant eorum leges ad componendas ciuitates, ad vnitatem ciuium conferuandam, ad tuendum bona cuiusque. Nullus erat dolus in illis ferendis. testis sit mihi Cic. qui lib. 2. de legibus ait, Legislatores non studij, & delectationis, sed Reipublicæ causa leges Ciuitatibus suis scripsisse.

*Man.* Ergò nè verum legum fontem illi cognouerunt?

*Luc.* Circumspexerunt quidem, sed perfectam assensu non fuerant cognitionem.

*Man.* Quid illis accidit?

*Luc.* Idem, quod illis, qui nocte surgentes, cæca luce res aspiciunt, non ortu Sole. Quæcunque sanciebant, velut apertis oculis, se natura dictante, sancire cognoscebant. At vnde moueretur natura, non intelligebant. argumentabatur à superiori numine moueri; & quasi cecutientes, à cælestibus numinibus leges latas asseuerabant. Testis est Plato, qui de leg. dial. 1. in princ. ait, Non aliquem hominem, sed Deum tradendarum legum causam decet asserere. & vt ipse prosequitur, & ibidem etiam notat Marsil. Ficinus in suo Comménto, cognoscebant antiquiores, in legibus ferendis necessariam esse potestatem, clementiam, & sapientiam. quæ cum intelligerent non esse humanæ facultatis, referebant leges latas in tria numina, Apollinem, scilicet, ratione potestatis, Iouem rationem clementiæ, & Mineruam ratione sapientiæ. Properabat Cicero ad hunc fontem, qui in lib. 2. de legib. ita differit. Hanc video sapientissimorum fuisse sententiam, legē  
neque

neque hominum ingenijs excogitatá, nec scitum aliqué esse populorum: sed æternum quiddam, quod vniuersum mundum regeret, imperandi prohibendiq. sapientia. ita principem legem illam, & vltimam, mentem esse dicebant, omnia ratione aut cogentis, aut vetantis Dei: ex qua illa lex, quam Dij humano generi dederunt, rectè est laudata. & inferiùs subiungit. sic intelligi oportet, iussa ac vetita populorum, vim non habere ad rectè facta vocandi, & à peccatis auocandi: quæ vis non modo senior est, quàm ætas populorum, & ciuitatum, sed æqualis illius cælum, atque terras tuentis, & regentis Dei. neque enim esse mens diuina sine ratione potest: nec ratio diuina, nō hanc vim in rectis prauisq. faciendis habet. & inferiùs concludit. tunc nō incipit lex esse, cum scripta est, sed tunc cum orta est. orta est autem simul cum mente diuina. quomobrem lex vera, atque princeps, apta ad iubendum, & ad vetandum, ratio est recta summi Iouis.

*Man.* Orta autem luce, quo medio, quo discursu perueniunt homines ad verum legum fontem?

*Luc.* Angelic. Doct. 1. 2. quæst. 91. art. 1. in respons. ita ratiocinatur. Lex nihil aliud est, quàm dictamen practicæ rationis in Principe, qui gubernat aliquam communitatem perfectam. manifestum est autem, supposito quod mundus diuina providentia regatur, quod tota communitas vniuersi gubernatur ratione diuina. & idè ipsa ratio gubernationis rerū in Deo, sicut in Principe vniuersitatis existens, legis habet rationem. & quia diuina ratio nihil concipit ex tempore, sed habet æternum conceptum, indè est, quod huiusmodi legem oportet dicere æternam, & q. 93.

art. 1.

art. 1. in respons. addit, quòd sicut in quolibet artifice præexistit ratio eorum, quæ constituuntur per artem: ita etiam in quolibet gubernante oportet, quòd præexistat ratio ordinis eorum, quæ agenda sunt per eos, qui gubernationi subduntur. & sicut ratio rerum fiendarum per artem vocatur ars, vel exemplar rerum artificiarum; ita etiam ratio gubernantis actus subditorum rationem legis obtinet. Deus autem per suam sapientiam conditor est vniuersarum rerum, ad quas comparatur, sicut artifex ad artificia. Est etiam gubernator omnium actuum, & motionum, quæ inveniuntur in singulis creaturis. vnde sicut ratio diuinæ sapientiæ, in quantum per eam cuncta sunt creata, rationem habet artis, vel exemplaris, vel ideæ: ita ratio diuinæ sapientiæ mouentis omnia ad debitum finem, obtinet rationem legis: & secundum hoc lex æterna nihil aliud est, quam ratio diuinæ sapientiæ, secundum quod est directiua omnium actuum, & motionum. & in eadem q. 93. art. 2. in respons. volens ostendere an, & quomodo hæc lex æterna omnibus sit nota, distinguit, quòd dupliciter aliquid cognosci potest. vno modo in se ipso, alio modo in suo effectu, in quo aliqua similitudo eius inuenitur. sicut aliquis non videns Solem in sua substantia, cognoscit ipsum in sua irradiatione. & concludit, quòd legem æternam nullus potest cognoscere, secundum quod in se ipsa est, nisi solus Deus, & Beati, qui Deum per essentiam vident. sed omnis creatura rationalis ipsam cognoscit secundum aliquam eius irradiationem, vel maiorem vel minorem: Omnis enim cognitio veritatis est quædam irradiatio, & participatio legis æternæ, quæ

Hæc

H

est

est veritas incommutabilis . veritatem autem omnes aliquanter cognoscunt , ad minus quantum ad principia communia legis naturalis ; in alijs verò quidam plus , & quidam minus participant de cognitione veritatis : & secundum hoc etiam plus vel minus cognoscunt legem æternam . & eadē q. 3. art. 93. in respons. declarat quomodo omnis lex ab æterna deriuetur , & ait , quod lex importat rationem quandam directiuā actuum ad finem . in omnibus autem mouentibus ordinatis , oportet , quod virtus secundi mouentis deriuetur à virtute mouentis primi ; quia mouens secundum non mouet , nisi in quantum mouetur à primo . vnde in omnibus gubernantibus idem videmus , quod ratio gubernationis à primo gubernante ad secundū deriuatur : sicut ratio eorum , quæ sunt agenda in ciuitate deriuatur à Rege per præceptum in inferiores administratores , & in artificialibus etiam ratio artificialium actuum deriuatur ab architectore ad inferiores artifices , qui manu operantur . Cum ergò , subiungit ipse , lex æterna sit ratio gubernationis in supremo gubernante , necesse est , quod omnes rationes gubernationis , quæ sunt in inferioribus gubernantibus , à lege æterna deriuentur . Huiusmodi autem rationes inferiorum gubernantium sunt quæcunque aliæ leges præter æternam : vnde omnes leges in quantum participant de ratione recta , in tantum deriuantur à lege æterna .

11.

A lege æterna an aliæ leges insimul , an verò certo ordine , vna possit aliæ emanauerint

*Man.* Verè sunt angelicæ Doctoris Angelici rationationes . modò vellem intelligere , an omnes leges insimul , an verò certo ordine , & tempore distincto ab eodem legum omnium fonte emanauerint .

*Luc.*

*Luc.* Vnà cum glossa, & Doctoribus in c. 1. de summa Trinitate, & fide Cath. distinguemus tria tempora. Primum ab Adam vsque ad Moysen, quam vocant primam ætatem, seu tempus ante legem. Secundum à Moysè vsque ad Saluatorem nostrum, quam dicunt secundam ætatem, seu tempus sub lege. Postremum à tempore nostræ redemptionis vsque ad præsens, quam tertiam, & vltimam ætatem appellant, seu tempus gratiæ.

*Man.* Primo tempore vna, vel plures leges insimul emanauerunt?

*Luc.* Sola lege naturali primo tempore omnes vixerunt, glos. in d. c. 1. in verb. ordinatissimam, & ibidem Io. Andr. Abb. & alij.

*Man.* Quomodo prouenit hæc lex naturalis ab æterna?

III.

Lex naturalis quomodo proueniat à lege æterna, & quid dicat, & cur sola nõ sufficiat.

*Luc.* Dixit D. Thom. 1.2.q.93.art.5.in respons. quòd sicut homo imprimit denunciando quodam interioris principium actuum homini sibi subiecto; ita etiam Deus imprimit toti naturæ principia propriorum actuum. & ideò per hunc modum Deus dicitur præcipere toti naturæ, secundum illud Psalms 148. Præceptum posuit, & non præteribit. & per hanc etiam rationem omnes motus, & actiones totius naturæ legi æternæ subduntur.

*Man.* Ergò natura dum præcipit, & inclinatur naturaliter homines ad aliquid, dicitur legem ferre, iuxta præcepta à Deo impressa?

*Luc.* Ita est. & homines ab initio cum essent pauci primo illo tempore præceptis naturæ parebant, vivebant secundum naturalem inclinationem:

*Man.* Si vna est natura, est nè vna lex naturalis, an-  
verò sunt plures?

*Luc.* Licet natura sit vna, tamen quia primò mouet  
partem sensitiuam hominis; secundò partem rationa-  
lem; tertio, & vltimò discursum siue ratiocinatio-  
nem: ideò dicunt nostri Doctores, triplicem esse le-  
gem naturalem; communem, scilicet rationis, & gen-  
tium. illa igitur lex, illa vis, qua per naturam moue-  
uetur, & instruitur pars sensitiua, quam homo com-  
munem habet cum cæteris animantibus, dicitur lex  
naturalis communis. & quia homo prius cognoscit,  
quæ subiacent sensui, & primi homines viuebant, &  
gubernabantur solo naturali instinctu; ideò hæc lex  
naturalis communis alio etiã nomine dicitur ius na-  
turale primæum. Altera lex, quæ ordinat partem  
rationalem, quam homo habet omninò propriam,  
appellatur lex naturalis rationis. sed quia posterior est  
cognitio eorum, quæ rationi subiacent; idcirco ap-  
pellatur etiam ius naturale secundarium. & quia gen-  
tes tanquam ab alijs animantibus specie differentes,  
primò vsq; fuerunt hoc iure; ideò dicitur ius gentium  
primæum. Vltima lex naturæ, quæ ordinat men-  
tem, & discursum hominis dicitur lex naturalis gen-  
tium, quia eam gentes ex primis principijs iuris natu-  
ralis, discursu mentis, adhibitisq; argumentis, & expe-  
rientia mediante, pro necessitatibus & vsu vitæ hu-  
manæ deduxerunt, & constituerunt. vndè appellatur  
etiam lex ratiocinationis. & quia gentes secundo lo-  
co hoc vsq; fuerunt; ideò dicitur ius gentium secun-  
darium.

*Man.* Quæ dicemus esse præcepta istarum legum?

*Luc.*



*Inc.* Docet Diuus Thomas eadem 1. 2. q. 94. art. 2. in respons. circa med. hoc esse primum præceptum legis naturæ, quod bonum est faciendum & prosequendum; & malum vitandum: & super hoc dicit fundari omnia alia præcepta legis naturæ, vt scilicet omnia illa facienda, vel vitanda pertineant ad præcepta legis naturæ, quæ ratio practica naturaliter apprehendit esse bona humana, deindè ita argumentatur, quia bonum habet rationem finis, malum autem rationem contrarij: indè est, quòd omnia illa, ad quæ homo habet naturalem inclinationem, ratio naturaliter apprehendit, vt bona; & per consequens, vt opere prosequenda, & contraria eorum vt mala, & vitanda. Secundùm igitur ordinem inclinationum naturalium est ordo præceptorum legis naturæ, & successiuè distinguendo naturæ præcepta, prosequitur dicens, inest primò inclinatio homini ad bonum secundùm naturam, in qua communicat cum omnibus substantijs, prout scilicet quælibet substantia appetit cōseruationem sui esse secundùm suam naturam. & secundùm hanc inclinationem pertinent ad legem naturalem, ea, per quæ vita hominis cōseruatur, & contrarium impeditur. Secundò, inquit ipse, inest homini inclinatio ad aliqua magis specialia secundùm naturam, in qua communicat cum cæteris animalibus: & secundùm hoc dicuntur ea esse de lege naturali, quæ natura omnia animalia docuit, vt est commistio maris, & fœminæ, & educatio liberorum, & similia. Tertiò modo inest homini inclinatio ad bonum secundùm naturam rationis, quæ est sibi propria: sicut homo habet naturalem inclinationem ad hoc, quod verita-

tem cognoscat de Deo, & ad hoc quod in societate  
vivat: & secundum hoc ad legem naturalem pertinet  
ea, quæ ad huiusmodi inclinationem spectant, ut potè  
quod homo ignorantiam vitet, quod alios non offen-  
dat, cum quibus debet conuersari, & cætera huiusmo-  
di, quæ ad hoc spectant.

*Mau.* Primum igitur præceptum legis naturalis est, ut  
homo faciat bonum, & vitet malum.

*Luc.* Ita est. & bonum naturale est, quod pertinet ad  
vitæ, & generis humani conseruationem. Ad vitam  
autem, & genus humanum conseruandum specialiter  
bonum est coniunctio maris cum fœmina, & libero-  
rum educatio. Aliud est etiam speciale bonum natu-  
rale, quod pertinet ad conseruationem humanæ socie-  
tatis. Ad humanam autem societatem conseruandam  
hoc specialiter bonum est, ut nemo alium offendar, &  
quisque alteri faciat quod sibi vult, & Deum cognos-  
cat, & colat.

*Mau.* At quoniam tres leges naturales distinxisti, vi-  
delicet communem, rationis, & gentium. quid vna-  
queque dicat libenter intelligerem.

*Luc.* Quæ omnibus animantibus dicat lex naturalis  
communis sunt hæc, maris atque fœminæ coniunctio,  
liberorum procreatio, & educatio, l. 1. §. ius naturale,  
ff. de iustit. & iur. obligatio antidotalis, quæ est, ut be-  
nefacienti beneficiamus, reuerentiam, & seruitia præ-  
stemus; cuius iuris peritia nedum homines, verum  
etiam bruta censentur, las. post alios in l. ex hoc iure,  
ff. de iustit. & iur. nu. 52. & nu. 53. & seq. enumerat  
decem, & octo effectus huius obligationis antidotalis.  
Quæ verò dicat lex naturalis rationis sunt hæc, reli-  
gio

gio erga Deum, obedientia erga parentes, & patriam, l. veluti, ff. de iust. & iur. Sui ipsius defensio, l. vt vim, ff. eodem. Omnium vna libertas, l. manumissiones, ff. eod. de iust. & iur. Communis omnium possessio, & acquisitio eorum, quæ in celo, in terra, mariq. capiuntur, deposita rei, vel commendata pecuniæ restitutio, c. ius naturale, 1. distinct. §. seræ, instit. de rer. diuis. & quod tibi non vis, alteri ne feceris, & è conuerso, quod tibi vis, alteri feceris, 1. dist. §. 1.

Quæ autem dicat lex naturalis ratiocinationis, seu gentium sunt hæc, bella, captiuitates, seruitutes, manumissiones, postliminia, c. ius gentium, 1. distinct. discreta gentes, Regna condita, dominia distincta, commercium, emptiones, venditiones, locationes, conductiones, obligationes, l. ex hoc iure, ff. de iustit. & iur. pacta, & conuentiones, l. iuris gentium, ff. de pactis. Quæ facile intelliges per gentes deducta fuisse ex præceptis naturæ, considerando qualiter bella respiciunt defensionem. seruitutes verò, & manumissiones respiciunt obligationem antidotalem, beneficienti benefacere. & distinctiones rerum, contractus, & obligationes respiciunt aliud præceptum naturæ, quod tibi vis alteri facias, & quod tibi non vis alteri non facias.

*Man.* Hæc satis intellexi. Si igitur primo tempore, sufficiebat lex naturæ, cur alijs temporibus necessariæ fuerunt aliæ leges?

*Lac.* Vtique sufficeret sola lex naturalis, si homines sola ratione duci vellent, & regi. nec opus esset alterius legis ministerio, quod consistit in hoc, vt quisque malè facere prohibeatur, Felin. in procem. decretal.

Rex pacificus, ut enim ait Cic. lib. 1. de legi. Lex est recta ratio imperandi, atque prohibendi. sed quoniam existente morbo sunt necessaria remedia; ideo postquam vitia eruperunt, & succreuerunt mali mores, necessariz fuerunt alię leges, ut earum metu humana coerceatur audacia, turaq. sit inter improbos innocentia, & in ipsis improbis formidato supplicio refrēnetur nocendi facultas, c. 1. 4. dist. & ut ait Cic. eod. lib. 1. de legib. profecto ita res se habet, ut, quoniam vitiorum emendatricem legem esse oportet, commendatricemq. virtutum, ab ea viuendi doctrina ducatur.

*Man.* Est nē vna lex naturę apud omnes? intelligunt ne eque omnes quęcunque natura dicat?

*Luc.* Cur ista quęris?

*Man.* Quia dicebas homines nolle ratione duci. Si enim lex naturę est eadē apud omnes, si omnes eque intelligunt, quę natura docet; necesse est dicere, omnes velle, quod bonum est, & nolle quod malum est, in quo consistit primum naturę pręceptum. ergo nullus erit, qui nolit ratione duci.

*Luc.* Docet S. Thom. 1. 2. q. 94. art. 4. in responsi. post medium, quod lex naturę quantum ad prima principia communia, est eadem apud omnes, & secundum rectitudinem, & secundum notitiam. sed quantum ad quędam propria, quę sunt quasi cōclusiones principiorum communium, est eadem apud omnes etiam ut in pluribus, & secundum rectitudinem, & secundum notitiam. sed ut in paucioribus potest deficere, & quantum ad rectitudinem, propter aliqua particularia impedimenta, sicut etiam naturę generabiles, & corruptibiles deficiunt ut in paucioribus propter im-

impedimenta, & etiam quantum ad notitiam : & hòc, propter hoc quod aliqui habent deprauatam rationē ex passione, seu ex mala consuetudine, seu ex mala habitudine naturæ : sicut apud Germanos olim latrocinium non reputabatur iniquum (cum tamen sit expressè contra legem naturæ) vt refert Iulius Cæsar in lib. 6. de bell. Gall. parum à medio. *Man.* Ergò sciunt omnes, quòd secundum rationem agendum est : sed an hoc, vel illud agatur secundum rationem, non omnes æquè intelligunt. *Luc.* Ita docet S. Thom. in loco præallegato quæst. 194. art. 4. in respons. circa princip. dum ait, quòd ad rationem pertinet ex communibus ad propria procedere, secundum Philosophum, i. physicorū. aliter tamen circa hoc se habet ratio speculatiua, & aliter ratio practica, quia enim ratio speculatiua præcipuè negociatur circa necessaria, quæ impossibile est aliter se habere : absque aliquo defectu inuenitur veritas in conclusionibus proprijs, sicut & in principijs communibus. sed ratio practica negociatur circa contingētia, in quibus sunt operationes humanæ : & ideò si in communibus sit aliqua necessitas, quantò magis ad propria descenditur, tantò magis inuenitur defectus. sic igitur in speculatiuis est eadem veritas apud omnes, tam in principijs, quàm in conclusionibus, licet veritas non apud omnes cognoscatur in conclusionibus, sed solum in principijs, quæ dicuntur communes conceptiones. in operatiuis autem non est eadem veritas, vel rectitudo practica apud omnes quantum ad propria : sed solum quantum ad communia : & apud illos, apud quos est eadem rectitudo in proprijs, non est æqualiter omnibus nota. *Man.*

*Man.* Prima igitur principia iuris naturalis omnes aequaliter cognoscunt; sed in alijs, quæ ex principijs sequuntur, quidam plus cognoscunt, & quidam minus. & hoc quia in aliquibus ratio deprauatur, vel ex passione, vel ex mala consuetudine, vel ex mala habitudine naturæ.

*Luc.* Ita ait D. Thom. 1. 2. q. 93. artic. 2. in respons. circa finem, & in superiori allegata q. 94. art. 4. sed modo audi quid dixerit Cicer. lib. 1. de leg. cum bonum, & malum natura iudicetur, & ea sunt principia naturæ: certè honesta quoque & turpia simili ratione dijudicanda, & ad naturam referenda sunt: sed perturbat nos opinionum varietas, hominumq. dissensio: & quia non idem contingit in sensibus, hos natura certos putamus: illa, quæ alijs sic, alijs secus, nec iisdem semper vno modo videntur, ficta esse dicimus, quod est longe aliter. nam sensus nostros non parens, non nutrit, non magister, non poeta, non scena deprauat, non multitudinis consensus abducit: à vero: animis omnes tenduntur insidiæ, vel ab ijs, qui teneros, & rudes cum acceperunt, insiciunt & flectunt, ut volunt: vel ab ea, quæ penitus in omni sensu implicata insidet imitatrix boni voluptas, malorum autem mater omnium, cuius blanditijs corrupti, quæ natura bona sunt, quia dulcedine hæc, & scabie carent, non cernimus satis.

*Man.* Qui igitur boni sunt, & bonorum exemplo mouentur, & vera ratione ducuntur, non errant in cognitione legis naturalis: sed illi dumtaxat, qui mali sunt, & trahuntur malorum exemplo, & voluptate decipiuntur.

*Luc.*

**Luc.** Hoc idem concludit Cicero ubi supra dicens, omnes viri boni ipsam æquitatem, & ius ipsum amant: nec est viri boni errare, & diligere, quod per se non est diligendum.

**Man.** Error ergo in naturalibus præceptis cognoscendis provenit non ex sensu, sed ex animi affectu, qui rationem inficit.

**Luc.** Ita est: unde Boetius in Metro 7. lib. 1. admonet.

<i>Tu quoque si vis</i>	<i>Pelle timorem</i>
<i>Lumine claro</i>	<i>Spemq. fugato</i>
<i>Cernere verum</i>	<i>Nec dular aditu</i>
<i>Tramite recto</i>	<i>Nubila mens est</i>
<i>Carpere callem</i>	<i>Vinctaq. frenu</i>
<i>Gaudia pelle</i>	<i>Hæc ubi regnant.</i>

**Man.** Ergo homines primo tempore tandiù vixerunt sola lege naturali, quamdiù non cœpit humana societas tumultuare ob varias passionum animorum, quæ humanam rationem depravarunt.

**Luc.** Benè rem percipisti, sed audi etiam quod docet D. August. in 2. conf. lib. 2. cap. 4. in princ. Lex tua est in cordibus hominum, quam nec vlla quidem delet iniquitas. Sanè non loquitur de alia lege, quàm de naturali, quæ, ut ait D. Thom. 1. 2. q. 94. art. 6. scripta est in cordibus hominum, & deleri non potest.

**Man.** Si ergo deleri nequit, quomodo passionibus animi inficitur.

**Luc.** Hoc explicat ibidem D. Thom. in respons. dum dicit, quòd ad legem naturalem pertinet primò quædam præcepta communissima, quæ sunt omnibus nota: secundò pertinent quædam secundaria præcepta magis propria, quæ sunt quasi cõclusiones propinquæ prin-

principijs. quantum ergò ad illa principia còmunia, lex naturalis nullo modo potest à cordibus hominum deleri in vaiuersali: deletur tamè in particulari operabili, secundùm quod ratio impeditur applicare còmune principium ad particulare operabile, propter concupiscentiam, vel aliquam aliam passionem. quàm verò ad alia præcepta secundaria potest lex naturalis deleri de cordibus hominum, vel propter malas persuasiones (eo modo, quo in speculatiuis errores còtingunt circa conclusiones necessarias) vel etiam propter prauas consuetudines, & habitus corruptos. Et hæc etiam intelligunt nostri Doctores, qui dicunt, quòd iura naturalia sunt immutabilia in totum, §. sed iura naturalia, Inst. de iur. nat. gent. & ciu. sed aliquando recipiunt interpretationem, distinctionem, ampliationem, & restrictionem, l. 2. §. his legibus, ff. de orig. iur. Innoc. in c. quæ in Ecclesiarum, de const. n. 4.

*Mau.* Transeamus ad secundum tempus.

I V.  
Lex Mosay-  
ca, & Prophe-  
tica, quæ præ-  
cepta conti-  
neant, & an  
etiam Gentiles  
obligantur.

*Luc.* In secundo tempore à Moyse vsque ad Saluatorem nostrum tres viguerunt leges, Mosayca, Prophetica, & Ciuilis. Dedit Deus legem Iudeis per Moysen, & Prophetas, c. 1. §. hæc sancta, de Sum. Trin. & fid. Cath. Gentes verò ab eorū Regibus leges ciuiles acceperunt: vt enim dicitur in c. 1. dist. 7. Phoroneus Græcis, Mercurius Trimegistus Aegyptijs, Solon Atheniensibus, Licurgus Lacedemonijs, Numa Pompilius Romanis, primi omnium leges dederunt, quæ ciuiles appellantur, tanquam latæ pro ciuitatum, & ciuium regimine, §. sed ius quidem ciuile, instit. de iur. nat. gen. & ciu.

*Mau.* Deus dedit legem Iudæis per Moysen?

*Luc.* Sic legitur Exod. cap. 20. Locutus est Dominus cun-



cunctos sermones hos: Ego sum Dominus Deus tuus, qui eduxi te de terra Ægypti de domo seruitutis. Non habebis Deos alienos corā me . cum his quæ sequuntur. Et infrā, Cunctus autem populus videbat voces, & lampades, & sonitum buccinæ, montemq. fumantem: & reliqua. Et Deuter. cap. 5. Vocauit Moyses omnem Israel, & dixit ad eum. Audi Israel cæremonias, atque iudicia, quæ ego loquor in auribus vestris hodie: discite ea, & opere complete. Dominus Deus noster pepigit nobiscum fœdus in Horeb. Non cum patribus nostris iniit pactum, sed nobiscum, qui in præsentiarum sumus, & viuimus. facie ad faciem loquutus est nobis in monte de medio ignis. Ego sequester, & medius fui inter Dominum, & vos in tempore illo, vt annunciarer vobis verba eius. timuistis enim ignem, & non ascendistis in montem, & ait: Ego Dominus Deus tuus, & reliqua. Scripta fuit hæc lex digito Dei in duabus tabulis, vt Exod. cap. 31. in fine, ibi: Deditq. Dominus Moyfi, completis huiusmodi sermonibus in monte Sinai, duas tabulas testimonij lapideas, scriptas digito Dei. & Deuteronomij cap. 5. ibi, Hæc verba loquutus est Dominus ad omnem multitudinem vestram in monte de medio ignis, & nubis, & caliginis, voce magna, nihil addens amplius: & scripsit ea in duabus tabulis lapideis, quas tradidit mihi. Sed postea has tabulas Moyses fregit ad pedem montis, vt legitur Exod. c. 32. ibi, Cumq. appropinquasset ad castra vidit vitulum, & choros: iratusq. valdè proiecit de manu tabulas, & confregit eas ad radicem montis. & Deuteronom. cap. 9. ibi, Cumq. de monte ardente descenderem, & duas tabulas fœderis vtraq.

utraq. tenerem manu, vidissemq. vos peccasse Domino Deo vestro, & fecisse vobis vitulum conflatilem, ac deseruisse velociter viam eius, quam vobis ostēderat. proieci tabulas de manibus meis, confregiq. eas in conspectu vestro. Sed postea eidē Moyfi datæ sunt aliæ duæ tabulæ, vt legitur Exod. cap. 34. ibi: Dixit Dominus ad Moysem, scribe tibi verba hæc, quibus & tecum, & cum Israel pepigi fœdus. Fuit ergo ibi cum Domino quadraginta dies, & quadraginta noctes: panem non comedit, & aquam non bibit, & scripsit in tabulis verba fœderis decem, &c. & Deuteronom. cap. 10. in princ. Dixit Dominus ad me. dola tibi duas tabulas lapideas, sicut priores fuerunt, & ascende ad me in montem: faciesq. arcam ligneam, & scribam in tabulis verba, quæ fuerunt in his, quas antea confregisti, ponesq. eas in arca. feci igitur arcam de lignis Setim, cumq. dolassem duas tabulas lapideas instar priorum, ascendi in montem, habens eas in manibus. scripsit in tabulis iuxta id, quod prius scripserat, verba decem, quæ loquutus est Dominus ad vos in monte de medio ignis, quando populus congregatus est, & dedit eas mihi. reuersusq. de monte descendidi, & posui tabulas in arcam, quam feceram, quæ hucusque ibi sunt, sicut præcepit mihi Dominus.

*Man.* Dedit Deus Iudæis legem, etiam per Prophetas.

*Luc.* Vtique. In 1. Reg. cap. 12. in fine: Samuël dixit ad vniuersum Israel docebo vos viam bonam, & rectam. igitur timete Dominum, & seruite ei in veritate, & ex toto corde vestro. vidistis enim magnifica, quæ in vobis gesserit. quod si perseveraueritis in malitia, & vos, & Rex vester pariter peribitis. Et Isaïæ cap. 58.

cap. 58. in princ. Dixit Dominus Isaïæ: Clama, ne cesses, quasi tuba exalta vocem tuam, & annuncia populo scelera eorum, & domus Iacob peccata eorum. & cap. 61. in princip. Spiritus Domini super me, eo quod vnixerit Dominus me: ad annunciandum manfuetis misit me, vt mederer contritis corde, & prædicarem captiuis indulgentiam, & clausis aperitionē. & Ierem. cap. 2. in princ. & factum est verbum Domini ad me dicens. Vade, & clama in auribus Hierusalem, dicens: Hæc dicit Dominus.

*Mat.* Quæ continebat hæc lex?

*Luc.* Lex Moſayca, & Prophetica, quæ testamentum vetus appellatur, tria præcepta continet, moralia ſcilicet, quæ ad mores; cæremonialia, quæ ad cultum Dei; & iudicialia, quæ ad ſtatum quietum Reipublicæ attinent. Legitur Deuteron. cap. 6. in princ. hæc ſunt præcepta, & cæremoniæ, atque iudicia, quæ mandauit Dominus Deus veſter, vt docerem vos, & faciatis ea in terra, ad quam tranſgredimini poſſidendam. Deprauati erant mores Hebræorum per concupiſcentiam; corruptus erat apud eos diuinus cultus per idolatriam; tumultuabat eorum ſocietas per ſuperbiam. Quamobrem neceſſaria fuit lex, quæ moralibus præceptis concupiſcentiam refrænarent; cæremonialibus documentis verum Deum colerent: & iudicialibus ſtatutis componeretur eorum ſocietas. atque ita per legem, qui mali erāt cogerentur ad malum fugiendum, & qui boni erant magis excitarentur ad bonum, iuxta præcepta legis naturæ; cuius principia eſſi omnino extingui non poſſint; poſſunt tamen caligine ignorantiz, vel malitiz ita obduci: vt circa

corum cōclusiones facillimum sit allucināri, & ober-  
rare.

*Man.* Hæc lex data fuit Hebræis, an verò etiam Gen-  
tilibus?

*Luc.* Iam dixi, Gentilibus datum fuisse ius ciuile per  
eorum Reges.

*Man.* Ergo Gentilium mores, & natura, vel non fuit  
ita deprauata, vt Hebræorum: vel Gentiles à Deo fue-  
runt despecti, & destituti.

*Luc.* Neutrum verum est. inter gentes enim creue-  
rat etiam malitia. idolatria, & superbia principia le-  
gis naturalis ferè obducta erāt: necessaria fuit illis lex  
ciuilis. quæ etsi illis à Deo per Mosen, & Prophetas  
data non fuit, ferebatur tamen per Principes volente  
Deo, vt enim legitur Prouerb. c. 8. Per me Reges re-  
gnant, & legum conditores iusta decernunt. Per me  
Principes imperant, & potentes decernunt iustitiam.  
Quare autem Deus exhibuerit populo Hebræo legē,  
& alia beneficia, respondet, D. Thom. 1. 2. q. 98. art. 4.  
in respons. circa med. propter promissionem eorum  
Patribus factam, vt ex eis Christus nasceretur. Dece-  
bat enim, vt ille populus, ex quo Christus nasciturus  
erat, quadam speciali sanctificatione polleret, secun-  
dum illud, quod dicitur Leuit. 19. Sancti eritis, quia  
ego Sanctus sum. nec etiam fuit propter meritum ip-  
sius Abrahæ, vt talis promissio ei fieret: vt scilicet  
Christus ex eius semine nasceretur: sed ex gratuita  
Dei electione, & vocatione, secundum illud Deuter. 4.  
Audistis verba illius de medio ignis, quia dilexit Pa-  
tres, & elegit semen eorum post illos. Quare autem  
hunc populum Deus elegerit, & non alium, vt ex eo  
Chri-

Christus nasceretur, subiungit idem Angelicus Doctor, non esse quærendum: quia ait D. August. super Ioan. tract. 26. post princ. to. 9. quare Deus hūc trahat, & illum non trahat, noli velle diiudicare, si non vis errare.

*Man.* Absit, vt erremus.

*Luc.* Non tamen Deus in lege veteri immemor fuit populi Gentilis: cum enim vocauit post aduentum Messiae: legitur Genes. c. 49. Non auferetur sceptrum de Iuda, & Dux de scemore eius, donec veniat, qui mittendus est, & ipse erit expectator gentiū. & Psal. 21. Reminiscantur, & conuertentur ad Dominū vniuersi fines terræ: & adorabunt in conspectu eius vniuersæ familiæ gentium: quoniam Domini est regnum, & ipse dominabitur gentium. & Psal. 85. Omnes gentes quascunque fecisti, venient, & adorabunt coram te Domine: & glorificabunt nomen tuum. & Osee c. 2. in fine, & dicam non populo meo: populus meus es tu: & ipse dicet: Deus meus es tu.

*Man.* Erant nè obligati Gentiles ad obseruantiam legis naturæ, dum eis per legem veterem, Deus non manifestauit vera præcepta naturæ, quæ nec omninò potuerunt alij legislatores, luce carentes, repræsentare?

*Luc.* Respondebo cum D. Thom. dicta q. 98. artic. 5. in respons. quòd lex vetus manifestabat præcepta legis naturæ, & superaddebat quædam præcepta propria. quantum igitur ad illa, quæ lex vetus continebat de lege naturæ, gentes etiam tenebantur ad obseruantiam veteris legis; non quia erant de veteri lege, sed quia erant de lege naturæ: sed quantum ad illa, quæ

lex vetus superaddebat, non tenebantur aliqui ad obseruantiam veteris legis, nisi solus populus Iudæorum. cuius ratio est, vt subiungit idem Doct., quia lex vetus data est populo Iudæorum, vt quandam prærogatiuam sanctitatis obtineret, propter reuerentiam Christi, qui ex illo populo nasciturus erat. quæcunque autem statuuntur ad specialem aliquorum sanctificationem, non obligant nisi illos: sicut ad quædam obligantur clerici, qui mancipantur diuino ministerio, ad quæ laici non obligantur. similiter & religiosi ad quædam perfectionis opera obligantur ex sua professione, ad quæ sæculares non obligantur; & similiter ad quædam specialia obligabatur populus ille, ad quæ alij populi non obligabantur. vnde dicitur Deuteronom. c. 18. Perfectus eris, & absque macula coram Domino Deo tuo. & propter hoc etiam quadam professione utebantur, vt patet Deuteronom. c. 26. profiteor hodie coram Domino Deo tuo.

V.  
Lex Civilis  
quoruplex  
sit, & quæ  
præcepta cõ  
tineat.

*Man.* Quia igitur hoc secundo tempore gentes vixerunt iure civili, dicamus aliquid de eo.

*Luc.* Ius civile est duplex; Scriptum, & non scriptum. Scriptum vel emanat à populo non recognoscente superiorem, & dicitur lex, §. constat autem, vers. lex est, Instit. de iure nat. gent. & civil. vel emanat à Principe, & habet vim legis, ex quo in eum translata est omnis potestas, quæ erat penès populum, §. sed & quod Principi, Instit. eodem tit. de iur. nat. gent. & dicitur constitutio, seu edictum, si est generalis; si verò est particularis, dicitur rescriptum, l. 2. & 3. C. de legib. vbi etiam traduntur signa, quibus cognosci possit, an  
lex

lex Principis sit generalis, vel particularis. & si emanat à populo, seu Vniuersitate superiorem recognoscen-  
te, dicitur statutum, seu ius municipale, iuxta tradita  
per Doct. in l. omnes populi, ff. de iustit. & iur. si ema-  
nat à plebe, plebiscitum. si à Senatu, Senatusconsultum  
dicitur, §. constat autem, per tot. Instit. de iur.  
nat. gent. & ciuil. si à Magistratu, seu Prætor, Præ-  
torum edicta. si à prudentibus, responsa prudentum  
appellantur, §. Prætorum edicta, & §. responsa pru-  
dentum, Instit. eod. tit. de iur. nat. gen. & ciuil. ius autem  
non scriptum est, quod usus approbavit, §. ex non scri-  
pto, Instit. eod. & vocatur mos, seu consuetudo, c. 1.  
& seq. de consuet. & tot. tit. C. de leg. Senat. & longa  
consuet.

*Mau.* Ius ciuile, quod latum fuit gentibus vel per po-  
pulum, vel per Principem, vel per alios Magistratus,  
& prudentes, continebat nè aliqua præcepta moralia,  
cærimonialia, & iudicialia?

*Luc.* Vtique, sed diuersa à præceptis legis veteris, et si  
enim ea deducerent legislatores à lege naturæ, tamen  
veluti imperfecti, in illorum cognitione errabant. Da-  
bant ergò leges pro usu rerum, pro cultu diuino, pro  
iudicijs agendis. ait D. Thom. 1. 2. q. 99. art. 3. in resp.  
circa princ. quòd Gentiles legislatores eo fine leges cõ-  
stituebant, vt ordinarent homines ad inuicem. & pro-  
pterea non curarunt aliquid instituere de cultu diui-  
no, nisi in ordine ad bonum commune hominum: &  
propter hoc etiam multa confinxerunt circa res diui-  
nas, secūdum quod videbatur eis expediens ad infor-  
mandos mores hominum, vt patet in ritu Gentilium.  
sed lex diuina è conuerso homines ad inuicem ordi-

navit, secundum quod conveniebat ordini, qui est in Deum, quem principaliter intendebat. Ordinatur autem homo in Deum non solum per interiores actus mentis (qui sunt credere, sperare, & amare) sed etiam per quedam exteriora opera, quibus homo divinam servitutem proficitur; & ista opera dicuntur ad cultum Dei pertinere: qui quidem cultus caeremonia vocatur quasi munia, id est dona Cæteris, quæ dicebatur Dea frugum: eo quod primò ex frugibus oblationes Deo offerebantur. siue ut Valerius Maximus refert lib. 1. de cultu Deorum, cap. 1. De L. Furio Bibaculo, nomen caeremoniæ introductum est ad significandum cultum divinum apud Latinos à quodam Oppido iuxta Romam, quod Cære vocabatur: eo quod Roma, capta à Gallis, illic sacra Romanorum oblata sunt. & ut referam verba Valerij, indè institutum est sacras caeremonias vocari, quia Cæretani ea infracto Reipublicæ statu, perindè, ac florente coluerunt. & omiſſis alijs, Cicero in 1. lib. de legib. diſtauit quasdam leges circa mores. & in secundo alias edidit ad cultum Deorum. & in tertio quasdam alias tulit de Magistratibus.

*Mau.* Satis diximus de secundo tempore, tranſeamus ad tertium.

## VI.

*Luc.* In tertio tempore, à Redemptore nostro emanarunt tres aliæ leges; Evangelica, quam Christus docuit ore proprio, & Evangelistæ scriptis tradiderunt. Apostolica, quam Apostoli ultra legem Evangelicam tradiderunt fidelibus autoritate Christi eis data, cum esset reuerſurus ad Patrem, Abbas, & alij in c. 1. de sum. Trin. & fid. Cath. Maran. d. p. 3. n. 29.

& 31.

De lege Euāgelica, & Apostolica, & quæ præcepta continent, & de lege Canonica, & ex quibus constat.



& 31. & Canonica, quam Summi Pontifices tulerunt; ex potestate eis per Christum attributa per medium B. Petri, clem. Pastoralis, §. final. in fin. de sententia; & re iudic.

*Man.* Lex Evangelica, & Apostolica quare dicitur lex noua, seu Testamentum nouum?

*Luc.* Dicitur lex noua, ratione ordinis; quia illam præcesserat lex Mosayca, quæ dicitur vetus. sed D. Augustinus contra Faust. lib. 4. affert aliam elegantem rationem; quia in lege veteri promittebantur tantum temporalia, & caduca, quæ senescunt: in nouo autem promittuntur sempiterna, quæ semper virescunt.

*Man.* Quomodo intelligitur, quod dicunt legem nouam esse legem fidei scriptam in cordibus fidelium?

*Luc.* Quod lex noua sit scripta in cordibus nostris dixit Apostolus ad Hebr. cap. 8. ibi, Dabo leges meas in mentem eorum, & in corde eorum superscribam causas. & ideò dicit D. Thom. q. 106. art. 1. in resp. circa princ. quod id, in quo tota virtus legis nouæ consistit, est gratia Spiritus sancti, quæ datur per fidem Christi. & ideò principaliter lex noua est ipsa gratia Spiritus sancti, quæ datur Christi fidelibus. habet tamen, ut subiungit circa fin., lex noua quædam sicut dispositiua ad gratiam Spiritus sancti, & ad usum huius gratiæ pertinentia, quæ sunt quasi secundaria in lege noua, de quibus oportuit instrui fideles Christi & verbis & scriptis, tam circa credenda, quam circa agenda. & ideò dicendum est, quod principaliter lex noua est indita. secundariò autem est lex scripta. & in respons. ad primū declarat, quod in scriptura Evangelij non continentur nisi ea, quæ pertinent ad gratiam.

Spiritus sancti, vel sicut dispositiua, vel sicut ordinatioria ad vsum huius gratiæ. sicut dispositiua quidem quantum ad intellectum per fidem, per quam datur Spiritus sancti gratia, continentur in Euangelio ea, quæ pertinent ad manifestandum diuinitatem, vel humanitatem Christi. secundum affectum verò continentur in Euangelio ea, quæ pertinent ad contemptum mundi, per quem homo fit capax Spiritus sancti gratiæ. mundus enim, idest amatores mundi, non potest capere Spiritum sanctum, vt habetur Io.c.4. vltus verò spiritualis gratiæ est in operibus virtutû, ad quæ multipliciter scriptura noui Testamenti homines exhortatur.

*Man.* Si lex naturæ est homini indita, & si lex noua; seu gratia Spiritus sancti, in qua tota virtus nouæ legis consistit, est data interius; vellein intelligere quomodo inuicem se habeant.

*Luc.* Dicam cum D. Thom. d. q. 106. art. 1. in resp. ad secundum. quod dupliciter est aliquid inditum homini. vno modo pertinens ad naturam humanam: & sic lex naturalis est lex indita homini. alio modo est aliquid inditum homini, quasi superadditum per gratiæ donum: & hoc modo lex noua est indita homini, non solum indicans quid sit faciendum, sed etiã adiuuans ad implendum.

*Man.* Lex noua scripta secundariò, quæ præcepta continet?

*Luc.* Tria; videlicet moralia, sacramenta, & consilia.

*Man.* Ergò nihil statuit quoad iudicialia?

*Luc.* Nihil. Cum enim lex noua sit lex libertatis, & data

data vniuerso Orbi, conuenienter reliquit quemlibet  
populum cum suis legibus, pertinentibus ad statum  
Reip. & Christus approbavit in Euangelio Imperato-  
ris potestatem dicens: Reddite quæ sunt Cæsaris, Cæ-  
sari: & quæ sunt Dei Deo. Matth. cap. 22. sufficienter  
enim Reges, & Imperatores pro salute Reipublicæ  
leges ciuiles tulerunt.

*Matth.* Hac ratione, nihil etiam deberet continere,  
quoad moralia, quæ pendent à lege naturali, & mani-  
festata fuerunt per legem veterem.

*Luce.* Quoad mores, perfecit Christus legem veterē.  
nam quædam moralia præcepta sustulit, quædam verò  
ampliauit, & quædam diminuit, vt ait Archidiaconus in  
S. his ita respondetur, nu. 1. 6. distinct. non ita tamen  
iudicialia sublata sunt, quin possint rursus institui, &  
seruari sine peccato, quando scilicet seruanda statue-  
rent illi, quorum est leges condere. exempli gratia:  
præcipiebatur Exod. cap. 22. Si quis furatus fuerit  
bouem, aut ouem, & occiderit, vel vendiderit, quin-  
que boues pro vno boue restituet, & quatuor  
oues pro vna oue. Hoc idem si aliquis Princeps ho-  
die statueret esset obseruandum. Sic decimæ in lege  
veteri dabantur ad sustentationem ministrorum,  
Malachi 3. ibi, Inferte omnem decimam in horreum,  
& sit cibus in domo mea. & idem seruamus hoc tem-  
pore, quo auctoritate Ecclesiæ decima soluenda est.  
vt scilicet populus nouæ legis maiori iustitia abunda-  
re debeat, iuxta illud Euangelij Matth. cap. 5. Nisi  
abundauerit iustitia vestra plusquam Scribarum, &  
Pharisæorum, non intrabitis in regnum cælorum.  
vique maioris dignitatis sint ministri noui Testamenti,

quàm essent ministri Testamenti veteris; Apostolus  
2. ad Corinth. cap. 3. & notat Archid. in cap. decimæ,  
nu. 3. 16. q. 1.

*Man.* Quoad cæremonialia verò aliquid continet?

*Luc.* Noua lex ita sustulit cæremonialia legis veteris,  
vt ea illicitum sit penitus hoc tempore obseruare. si-  
quidem remanet hodie penitus euacuata, & impleta:  
quippe quæ clarescente veritate cessauerunt, velut  
vmbra; cum in figura futuri instituta fuerint, non  
autem iustificationis gratia, Apost. ad Coloss. 2. & ad  
Hebræos 10. Sublatis itaq. cæremonialibus legis vec-  
ris, instituta sunt sacramenta legis nouæ, propter tria,  
vt notat Io. Andr. in rubr. de Sacram. iterâdis vel non,  
num. 13. Primo propter humiliationem, vt dum ho-  
mo rebus insensibilibus subijcitur, & inferioribus se  
subijcit, reuerenter ex hoc apud Deum amplius me-  
reatur, c. quid ergò, 11. q. 3. Secundo propter erudi-  
tionem, vt per id, quod foris in specie inuisibili cer-  
nitur, ad agnoscendam inuisibilem sacramentorum  
virtutem erudiamur, c. perlatum, de consecrat. dist. 3.  
vltimo propter exercitationem, vt ocium vitetur,  
c. nisi cum pridem, §. verum, de renunciat. vt autem  
explicem breuiter vim, & operationem cuiusq. ex Se-  
ptem sacramentis Ecclesiæ, dicam cum cod. Io. Andr.  
in dictâ rubr. num. 12. Baptismus, est introeuntium,  
§. verum, 32. dist. Confirmatio, pugnantium, c. Spi-  
ritus sanctus, de consecrat. dist. 5. Eucharistia, progre-  
dientium, c. qui recedit, 29. q. 6. Pœnitentia, redeun-  
tium, qui in pugna ruerunt, c. secunda post naufra-  
gium, de pœnit. dist. 1. Extrema Vnctio, exeuntium,  
§. sed istud, 95. distinct. Ordo sacer, alios regentium,  
§. ecce

*§.* ecce cum honoris, 1. q. 1. Matrimonium, pugnam  
timentium, c. qui sitit, 33. q. 5.

*Man.* Dic aliqua de consilijs, quæ, vt dixisti, lex noua  
continet.

*Luc.* Consilia addita sunt, quia cum lex noua non sit  
lex timoris, vel seruitutis, vt erat antiqua; sed lex amo-  
ris, & libertatis: congruentius fuit multa consilia po-  
tius, quàm plura præcepta adhibere, quæ liberè quisq.  
exequi posset. ideòq. sub consilio cuiq. relicta sunt, vt  
qui potest capere capiat, Matth. cap. 19. Hinc dicitur  
in c. quisquis, 14. q. 1. Præcepto Domini non obedire  
peccatum est. Consilio si uti nolueris, minus boni adi-  
pisceris: non mali aliquid perpetrabis. vbi consilium  
datur, offerentis arbitrium est. vbi præceptum, ne-  
cessitas est seruientis. Ea, quæ sub consilio Euangelico  
relicta sunt, non sunt ita necessaria ad salutem, vt sine  
illis ad eam perueniri nequeat; sed sunt admodum  
utilia, quia ad eam reddunt viam faciliorem, & tu-  
torem.

*Man.* Quæ sunt hæc consilia Euangelica?

*Luc.* Ad tria reducuntur consilia euangelica. vñum  
est consilium paupertatis. dicitur Matth. cap. 19. Si  
quis perfectus esse, vade, & vende quæ habes, & da pau-  
peribus: & habebis thesaurum in cælo, & veni, sequere  
me. Alterum est continentia, dicitur Matth. cap. 19.  
sunt Eunuchi, qui se castrauerunt propter regnum  
cælorum. & in c. qui sitit, 33. q. 3. dicitur plus amat  
virgines Christus, quia tribuunt quod sibi non fuerat  
imperatum: maiorisq. gratia est offerre quod non  
debeas, quàm reddere quod exigaris. Postremum  
est obedientia, quæ victimis iure præponitur. quia  
per

per victimas aliena caro, per obedientiam verò voluntas propria mactatur. Tanto igitur quisque Deum placat, quanto antè eius oculos, repressa arbitrij sui superbia, gladio præcepti se immolat, c. sciendum, 8. q. 1. Hæc tria proposuit Christus; Beati pauperes spiritû, quoniam ipsorum est regnum cælorum: Beati mites, quoniam ipsi possidebunt terram: Beati qui lugent, quoniam ipsi consolabuntur, Matth. cap. 5. Per paupertatem abdicamus à nobis oculorum concupiscentiam, diuitias, facultates. Per continentiam abijcimus concupiscibilia oculorum, tactus, delitias. Per obedientiam contemnimus superbiam, honores, & mundi fastus.

*Matth.* Tertiam legem postremi temporis dixisti esse legem Canonicam. loquere de illa, si graue non putas.

*Luc.* Emanauit postremò ius Canonicum, quod initium sumpsit post sanctissimos Apostolos, tempore Constantini. cum enim antea, feruente persecutione Imperatorum, Christianis non daretur facultas docendarû plebium, & palàm se congregandi; indèq. Christianitas in diuersas hæreses scissa esset: ipse Constantinus dedit facultatem Christianis se congregandi. vnde plura celebrata fuerûnt Concilia. & Summi Pontifices plura decreuerunt. pluresq. sancti Patres diuinas Scripturas interpretati fuerunt, c. Canones, 15. distinct. Constat itaq. ius Canonicum ex decretis Pontificum, statutis Conciliorum, & dictis Sanctorum, quæ in tribus libris continentur, Decretalium, Sexti, & Decreti. Primum locum obtinent decreta Summorum Pontificum. ex quo enim Papa non recipit potestatem ab homine, sed à Deo, c. sacrosancta, 2. 2. dist.

nulla

nulla potest esse regula, nulla lex, quæ ipsum liget: cū  
 par in parem non habeat imperium, c. innotuit,  
 §. quāuis, de elect. Concilia non ligant Papam. ea  
 enim non nisi Romani Pontificis auctoritate congregantur: eorumq. decreta robur non accipiunt, quā  
 à confirmatione Sedis Apostolicæ: & in Conciliorum  
 statutis semper excipitur Romani Pontificis auctori-  
 tas, c. significasti, vers. aiunt in concilijs, de elect. Au-  
 thoritas congregandi Concilia est apud Sedem Apo-  
 stolicam, 17. distin. §. 1. aliàs, sine auctoritate Papæ  
 quodcunque congregatum Concilium, conuenti-  
 culum, & conciliabulum dicitur, & cassatur, & quid-  
 quid in eo actum est, irritum habetur & vacuum,  
 c. multis, 17. distin. & multò magis Pontificum de-  
 creta præualent dictis Sanctorum, cum Sancti nō ha-  
 berent potestatem legis condendæ, Felin. in c. ne in-  
 nitaris, nu. 6. de constitut. & licet sacri Doctores, diui-  
 narum Scripturarum interpretes, scientia interdum  
 præcellant Pontificibus: tamen, cum statuendi pote-  
 state carerent, in causis definiendis postponuntur; li-  
 cet præponantur in exponendis scripturis. aliud est  
 enim causis terminum imponere, & aliud scripturas  
 interpretari: cum in negotijs definiendis non solum  
 necessaria sit scientia, verum etiam potestas, §. 1.  
 20. distin.

*Mau.* Primum igitur locum obtinent in iure Canonico decreta Pontificum, sed quæ obtinent secundum?

*Luc.* Secundum locum in iure Canonico obtinent, ut dixi, sacra Concilia vniuersalia. & inter cætera quatuor sunt præcipua, velut quatuor Euangelia, vel totidem Paradisi flumina, videlicet Nicænum, Constan-  
 tino-

tinopolitanum, Ephesinum, & Chalcedonense. in quibus, velut quadrato lapide, sanctæ fidei structura confurgit, & cuiuslibet vitæ, & actionis norma consistit, c. 1. & 2. dist. 15. Concilia autem particularia, prout sunt Prouincialia, quæ conuocantur ab Archiepiscopis, seu Metropolitanis in eorum Prouincijs, nihil de nouo generaliter statuere possunt sine licentia, & auctoritate Papæ, c. Concilia sacerdotum, 17. distinct. & Episcopalia, quæ ab Episcopis in eorū Diocæses conuocantur, pariter ad definiendum sunt inualida, sed non ad corrigendum: sunt enim necessaria Episcoporum Concilia ad exhortationem, & correctionem: quæ etsi non habeant vim constitutionis, habent tamen auctoritatem imponendi, & indicendi, quod alias statutum est generaliter: seu specialiter obseruari preceptum est, ut dicitur dist. 18. §. 1. intelligitur hoc tamen, ut constitutiones synodales, tam Prouinciales, quàm Diocæsanæ, in maioribus negotijs quidquam nequeant definire. secus de alijs, ut per glos. dist. 18. §. 1. in verb. constituendum. Tertium autem locum obtinent dicta Sanctorum, cum hac tamē distinctione, quod ea, quæ inserta sunt, vel in Pontificum decretis, vel Conciliorum statutis, locum obtinent confirmantis, & ab eo emanasse censentur, nam auctoritate nostra facimus quibus auctoritatem nostram impartimur, l. 1. §. sed neque, c. de vet. iur. enucl. quæ verò sunt extrà decreta Pontificum, & Conciliorum, obtinent tertium locum: dictis enim sanctorum Patrum, vel aliorum ab Ecclesia receptorum, standum est, Innocent. in c. nec innitaris, & ibidem Felin. num. 3. & seqq. de constitut. Quæ autem dicta, seu opuscula San-



Sanctorum recepta sint ab Ecclesia, refertur in c. sancta Romana Ecclesia, dist. 15. Ius autem Canonicum non scriptum obtinet quartum, & ultimum locum, tot. tit. extra de consuetud.

*Man.* Satis intellexi, quo ordine, quibusq. temporibus ab vno fonte tot. leges processerint. restat vt intelligā quomodo se habeant inter se tot leges.

*Luc.* A Deo datæ sunt lex naturalis, lex vetus, & lex noua. & sicut terra, vt dicitur Marci cap. 4. fructificat primū herbam, deindē spicam, deindē plenum frumentum in spica, ita lex naturæ tantū herbescere valuit: lex verō Moyſis spicas protulit, at lex noua pleno frumento spicas compleuit, prout cōsiderauit S. Io. Chryſost. in exposit. d. Euang. & refert D. Thom. 1. 2. q. 107. art. 3. in respons. rectē etiam dicere possumus, quod homo ducitur iure naturæ, tanquam infans sub nutricis custodia: instruitur lege veteri, tanquam puer sub disciplina pædagog: & perficitur lege noua, tanquam adultus affectu, & gubernio patris. Vnus est Deus vtriusque testamenti. Vnus est Deus, qui iustificat circumcisionem ex fide, & præputium per fidem, Apost. ad Roman. cap. 3. Vnus est finis cuiusvis legis, vt homo rectē utatur rebus eius causa creatis, & Deo subdatur, latē D. Thom. 1. 2. q. 107. art. 1. in respons. Gentes, quæ legem non habent, naturaliter ea, quæ legis sunt, faciunt. eiusmodi legem non habentes, ipsi sibi sunt lex: qui ostendūt opus legis, scriptum in cordibus suis, testimonium reddente illis conscientia; ait Apost. ad Roman. cap. 2. Prius autem quam veniret fides, sub lege custodiebamur conclusi in eam fidem, quæ reuelanda erat. itaq. lex pædagogus noster fuit

in

VII.

Lex naturalis vetus, & noua quomodo se habeant inter se.

in Christo, vt ex fide iustificemur. at vbi venit fides, iam non sumus sub pædago. Omnes enim filij Dei estis per fidem, quæ est in Christo Iesu, dicit Apost. ad Galatas cap. 3. in fine. Sed cõcludamus hanc rem cum Diuo Thoma 1. 2. q. 91. art. 5. in respõs & ad tertium. Lex naturalis dirigit hominem secundum quædam præcepta communia, in quibus conueniunt tam perfecti, quàm imperfecti: & ideo est vna omnium. sed lex diuina dirigit homines etiã in particularibus quibusdam, ad quæ non similiter se habet perfecti, & imperfecti: & ideo oportuit legem diuinam esse duplicem; veterem scilicet, quæ data fuit imperfectis; & nouam datam perfectis. Lex vetus ordinat ad bonum sensibile, & terrenum. vt enim habetur Exod. cap. 3. inuitatur populus ad terrenum Chananæorum. Noua verò ordinat ad bonum cæleste, legitur enim Matth. cap. 4. Exindè cœpit Iesus prædicare, & dicere: pœnitentiam agite; appropinquauit enim regnum cælorum. Lex vetus ordinat actus exteriores: Lex noua actus interiores. ea cohibet manum: hæc cohibet animum. ea inducebat homines ad obseruantiam mandatorum timore pœnarum: hæc autem per amorem, qui in cordibus nostris infunditur per gratiam Christi, quæ in lege noua confertur. ea est lex timoris: hæc est lex amoris. rursus dicamus cum eodem D. Thom q. 107. art. 1. in respons. lex vetus erat imperfecta, & lex noua est perfecta, vt latè prosequitur. ait Apost. ad Roman. cap. 8. in princ. Nihil ergò nunc damnationis est ijs, qui sunt in Christo Iesu: qui non secundum carnem ambulant. lex enim spiritus vitæ, in Christo Iesu liberauit me à lege peccati, & mortis. nam quod impossi-

possibile erat legi, in quo infirmabatur per carnem : Deus Filium suum mittens in similitudinem carnis peccati, & de peccato damnavit peccatum in carne, vt iustificatio legis impleteretur in nobis, qui non secundum carnem ambulamus, sed secundum spiritum. ea erat lex umbræ, & figuræ: hæc autem est lex veritatis. de cæremonialibus enim dicit Apost. ad Coloss. cap. 2. quod erant umbra futurorum. & de eadem lege vetere loquens idem Apost. ad Hebr. cap. 10. in princ. ait, Vmbra enim habens lex futurorum bonorum, non ipsam imaginem rerum: per singulos annos eisdem ipsis hostijs, quas offerunt indefinenter, nunquam potest accedentes perfectos facere. Tandem dicamus, quod Christus, vt legitur Matth. cap. 5. non venit soluere legem, sed adimplere. vt autem legitur in c. ita respondetur, 23. q. 1. factum impleuit Christus veterem legem: quippe qui die octaua circumcisus est, & quadragesima die presentatus in Templo. verbo autem legem perfecit; vt enim dicitur Matth. cap. 7. Erat Iesus docens tanquam potestatem habens, idest tanquam legis Dominus, addens moralibus ea, quæ deerant ad perfectionem, & umbram figurarum in lucem spiritualis intelligentiæ commutans, non tanquam Scribæ, qui, litteræ legis adstricti, non audebant aliquid addere, vel commutare. Hinc dicit Diuus Thom. eadem q. 107. art. 2. in respons. post medium, quod Christus adimpleuit præcepta legis veteris opere, & doctrina: opere quidem, quia circumcidi voluit, & alia obseruare, quæ erant tempore illo obseruanda, secundum illud Galat. cap. 4. Factum sub lege. Sua autem doctrina adimpleuit præcepta legis tripliciter.

Primò

Primò quidem, verum intellectum legis exprimèdo, sicut patet in homicidio, & adulterio, in quorū prohibitione Scribæ, & Pharisei non intelligebant, nisi exteriorem actum prohibitum. Vndè Dominus legem adimpleuit, ostèdendo etià interiores actus peccatorum cadere sub prohibitione. Secundò adimpleuit Dominus præcepta legis, ordinando quomodo tutius obseruaretur, quod lex vetus statuerat: vt homo non peieraret. & hoc tutius obseruatur, si omninò à iuramento abstineant, nisi in causa necessitatis. Tertiò adimpleuit Dominus præcepta legis, superaddèdo quædam perfectiones, consilia, vt patet Matth. cap. 19. & deindè ad primum respondens ait, quod lex noua non euacuat obseruantiam veteris legis, nisi quantum ad cæremonialia, quæ erant in figuram futuri. Vndè ex hoc ipso, quod cæremonialia præcepta sunt impleta, perfectis his, quæ figurabantur, non sunt vltius obseruanda: quia si obseruarentur, adhuc significaretur aliquid vt futurum, & nõ impletum: sicut etiam promissio futuri doni, locum iam non habet, promissione iam impleta, per doni exhibitionem: & per hunc modum cæremoniz legis tolluntur, cum implentur.

VIII.  
Lex Civilis,  
& Canonica  
quomodo se habeat  
inter se, &  
cur sint necessariz.

*Man.* Tres leges à Deo datas intellexi satis se habere inter se hoc modo, vt naturalis sit perfecta, lex vetus sit perfectior; noua autem perfectissima. vel sic, vt naturalis explicetur per veterem, & vetus perficiatur per nouam. at quia dicebas ab hominibus duas esse traditas leges, Ciuiles scilicet, & Canonicas: superest, vt quomodo etiam illæ sese habeant ad inuicem, breuiter ostendas.

*Luc.* Hoc agam: sed quoniam opinabaris, legem ab homi-

hominibus traditam, nō fuisse necessariam, quasi sufficeret lex data à Deo. In primis dicam cum D. Thom. 1. 2. q. 95. art. 1. in respons. quòd homini naturaliter inest quādam aptitudo ad virtutem. sed ipsa virtutis perfectio necesse est, quòd homini adueniat per aliquam disciplinam: sicut etiam videmus, quòd per aliquā industriam subuenitur homini in suis necessitatibus, putà in cibo, & vestitu, quorum initia quādam habet à natura, scilicet rationem, & manus: non autem ipsum complementum, sicut cætera animalia, quibus natura dedit sufficienter tegumentum, & cibum. ad hanc autem disciplinam non de facili inuenitur homo sibi sufficiens; quia perfectio virtutis præcipuè consistit in retrahendo hominem ab indebitis delectationibus, ad quas præcipuè homines sunt proni, & maximè iuuenes, circa quos est efficacior disciplina. & ideo oportet, quòd huiusmodi disciplinam, per quam ad virtutem perueniatur, homines ab alio sortiantur. & quidem quantum ad illos iuuenes, qui sunt proni ad actus virtutum ex bona dispositione naturæ, vel consuetudine, vel magis diuino munere, sufficit disciplina paterna, quæ est per mōitiones. sed quia inueniuntur quidam proterui, & ad vitia proni, qui verbis de facili moueri non possunt, necessarium fuit, quod per vim, vel metum cohiberentur à malo: vt saltem sic malè facere desistentes & alijs quietam vitam redderent, & ipsi tandem per huiusmodi assuetudinem ad hoc perducerentur; quod voluntariè facerent, quæ prius metu implebant, & sic fierent virtuosi. huiusmodi autem disciplina cogens metu poenæ, est disciplina legum. Vndè necessarium fuit ad pacem

K ho-

hominum, & virtutem, quod leges ponerentur: quia Philosophus dicit in 1. Polit. sicut homo, si sit perfectus virtute, est optimum animalium; sic, si sit separatus à lege & iustitia, est pessimum omnium: quia homo habet arma rationis ad expellendas concupiscentias, & sœuitias, quæ non habent alia animalia.

*Man.* Necessariæ ergo fuerunt leges humanæ, tam Ciuiles, quàm Canoniciæ.

*Luc.* Lex Ciuilis necessaria est ad explicationem, & executionem legis naturæ in ijs, quæ pertinent ad vsum rerum, ad conseruationem humanæ societatis, ad finem naturalem præsentis vitæ. & potissima virtus, ad quã conatur ius ciuile, est ciuilis amicitia, quæ legalis iustitia appellatur. non recedit in totum ius ciuile à iure naturali, vel gentium, neque per omnia ei seruit; sed vel aliquid addit, vel detrahit, l. ius ciuile, ff. de iustit. & iur. pertinet ad res, vel ad personas, vel ad actiones, §. fin. Instit. de iur. nat. gent. & ciuil. & totum consistit aut in acquirendo, aut in conseruando, aut in minuendo. aut enim agitur quemadmodum quid cuiusq. fiat; aut quemadmodum quis rem suam, vel ius suum conseruet; aut quomodo alienet, aut amittat. Lex autem Canonica est necessaria ad explicationem, & executionem legis diuinæ, in ijs, quæ pertinent ad rerum sacrarum dispositionem, ad conseruationem Reipublicæ Christianæ, ad finem supernaturalem futuræ vitæ, ad quem fidelium actiones dirigit. & potissima virtus, ad quam conatur ius Canonicum, est ipsa cælestis amicitia, quæ charitas appellatur. & ius Canonicum non recedit in totum à lege Euangelica, & Apostolica; neque per omnia ei seruit, quoad

quoad ea scilicet, quæ non sunt de fide, & non concernunt materiam peccati: sed vel aliquid addit, vel detrahit: neque enim lex diuina in totum tolli potest per humanam, sed benè potest restringi, modificari, limitari, & distingui, ex adductis per Felin. in c. quæ in Ecclesiarum, nu. 19. de constit. Versatur etiam ius Canonicum circa tria, videlicet circa personas, res, & iudicia: agitur enim iure Canonico de personis Ecclesiasticis, & sacra ministrantibus, de rebus sacris, & Sacramentis ministrandis, & de iudicijs, ratione earundem rerum Ecclesiasticarum, & spiritualium agēdis.

*Man.* Hac nostra ætate utimur nè insimul omni iure naturali; diuino, & humano?

*Luc.* Iure naturali utimur sine dubio; quia diuina lex naturæ præcepta manifestat: tum etiam quia lex, quæ ab homine proficiscitur lex nõ esset, nisi præceptis naturæ conueniret, vndè Cic. lib. 2. de legib. ait, Nec verò iam aliam esse vllam legem puto nõ modo habendam, sed nè appellandam quidem. utimur iure Mosayco, & Prophetico expositiuo, ut diximus, iuris naturalis quoad mores; nam Moyse, & Prophetæ docuerunt naturalia præcepta, vndè dicitur Matth. c. 7. Omnia quæcunque vultis, ut faciant vobis homines, & vos eadem facite illis, hæc est enim lex, & Prophetæ. Præcepta Decalogi obseruamus, & sublati cærimonialibus iudicialia, quæ immutata non sunt, amplectimur: Lex enim Mosayca, & Prophetica, in eo, in quo non reperitur immutata, potest allegari ad decisionē causarum, Calderin. cons. 30 tit. de testam. Marant. in suo Specul. par. 3. vers. iudic. tel. aggred. at in ijs, quæ mutata est, remanet ius speciale Iudæorum; inter quos

IX.

An insimul  
hodie utamur iure naturali, diuino, & humano.

eo cessante, seruetur ius commune, vt per Calder. & Marant. in locis præallegatis. Legem autem Evangelicam, & Apostolicam firmiter tenemus, & obseruamus, & confitemur redempti sanguine agni, detestantes errores gentium, & Hebræorum, iuxta illud Ierem. c. 16. in fine. Ad te gentes venient ab extremis terræ, & dicent: verè mendacium possederunt Patres nostri, vanitatem, quæ eis non profuit. & iuxta dictum Apostoli ad Ephes. c. 2. Nunc autem in Christo Iesu vos, qui aliquando eratis longè, facti estis propè in sanguine Christi. & ita inuiolabilis est apud nos obseruantia tam legis naturalis, quàm diuinæ; adeò vt, si humana lege, vel Ciuili, vel Canonica aliquid contrarium præciperetur, nullatenus obseruaremus: damnatum, irritumque, & prorsus inane huiusmodi præceptum, remaneret. non enim potest, qui minoris est authoritatis, eum qui maioris est potestatis, suis addicere iudicijs; aut proprijs definitionibus subiugare, c. inferiori, 2 1. distin. Ideòq. cum Princeps iubet ea, quæ sunt contraria Deo, non est ei obediendū, c. non semper, 1 1. q. 3. Sed obedire magis oportet Deo, quàm hominibus, c. si Dominus, 1 1. q. 3. si homo carcerem, Deus gehennam minatur, C. qui resistit, 1 1. q. 3.

Vtimur etiam iure ciuili, iure illo Romanorum, quod habuit initium à legibus Regum. quæ, cum ob discordiam plebis, & nobilium, per plures annos in desuetudinē abiissent: translata fuit à Græcis lex duodecim tabularum, in scriptis redacta per decem viros, c. Moyse, 7. distin. & ibi gloss. in verb. decem viri, quorum nomina referuntur in c. 2. eadem 7. distinct. Id, quod melius enarratum est in l. 2. ff. de orig. iur.

vbi



ubi Accursius in verb. cōstitui, miscet quandam fabulam  
 de stulto per Romanos misso ad disputandum cū Gre-  
 cis; quæ sumenda est pro ioco, non pro historia. Hoc  
 itaq. ius ciuile deductum, compositum, & perfectum  
 fuit ex legibus, plebiscitis, Senatusconsultis, Prætorum  
 edictis, & responsis Prudentum. & continetur in libris  
 Digestorum, Codicis, Institutionum, & Authentico-  
 rum: & est ius verè enucleatum, limatum, purga-  
 tum; optimèq. digestum, vt ostenditur in Proœmio  
 Digestorum. & de legibus Iurisperitorū dicit And.  
 de Ifern. in const. si dam. solu. fin. in princ., quòd fa-  
 ctæ fuerunt cum tanta iustitia, & ratione, vt in eis in-  
 iustitia aliqua non possit inueniri; vt refert Marant.  
 d. par. 3. num. 121. Quando autem accideret, vt leges  
 ciuiles non possent seruari sine peccato, neminem li-  
 gant, quouis foro siuè sæculari, siuè Ecclesiastico,  
 c. fin. de præscrip. Cum autem possunt seruari sine  
 peccato; tunc si concordant cum sacris Canonibus  
 omnes ligant, c. 1. de oper. nou. nunciat. Sin autem  
 contrariantur, tunc quælibet lex debet seruari in foro  
 suo: Ciuilis in foro sæculari; & Canonica in foro Ec-  
 clesiastico, l. leges sacratissimæ, C. de legib. c. 1. & ibi  
 glos. & Doctores, C. de legibus.  
 Vtimur tandem iure Canonico, tribus volumini-  
 bus concluso. & si casu eueniret, vt ius Canonicum  
 contrariaretur legi Euangelicæ in ijs, quæ pertinent  
 ad fidem, & quæ concernunt peccatum, non esset ob-  
 seruandum; c. ex parte, de consuet. nam quilibet siuè  
 Papa, siuè Imperator, legem Euangelij seruare tene-  
 tur: quod si contrarium facerent, non dicerentur  
 legem dare, sed errare, c. sunt quidam, cum pluribus.

sequentibus, 25. q. 1. In alijs verò, quæ non concernunt fidem, & materiam peccati, prout sunt ea, quæ sunt perfectionis, & consilij, si ius Canonicum contrariatur eidem legi, illud est seruandum, c. in omni, vbi Doct. not. de test. Super dubijs autem fidei Papa potest specialiter facere declarationem, & constitutionem, c. quoties, & c. hæc est fides, 24. q. 1. Leges ciuiles, quæ ab Imperatoribus latæ sunt super rebus, personisve Ecclesiasticis, valent quidem, sed non tanquam ab Imperatore, sed tanquam latæ ad petitionem Ecclesiæ, & tanquam à Papa approbatæ, gloss. in c. quo iure, in verb. leges, distin. 8. & ibi Archid. num. 8. Atque leges ciuiles, & constitutiones Imperatorum, in iure Canonico nullum locum obtinent: etiamsi sint insertæ in libro Decreti. Gratianus enim, qui in dicto libro plures leges iuris ciuilis inseruit, non habuit auctoritatem eas auctorizandi tãquam ius Canonicum. Vndè remanent leges iuris ciuilis, prout antea erant, & perindè habentur, ac si ibi non essent insertæ: & nõ seruantur vti Canones, ita dicit Abbas in c. 2. num. 9. de rescript. At vbi cessat ius Canonicum, Cæsareæ leges possunt adiri, vt not. Doct. in c. 1. de no. oper. nunc. Diuersa etenim est vna potestas ab altera, prout mox dicam, postquam de legibus satis dixisse existimo. Tu verò quid ais?

**Mau.** Aperuisti intellectum meum ad multa. multasq. dubitandi de legibus occasiones sustulisti. id quod si præstiteris de potestate, redibo domum hilarius, & valdè contentus.

X.  
De potestate,  
& quomodo  
plex sit.

**Luc.** Nè deficiam. curabo. ait Imperator in authent. quomodo oporteat Episcopos, §. 1. maxima sunt in om-

omnibus dona Dei à superna collata clementia, Sacerdotum, & Imperium. Illud quidem ministrans diuinis: hoc autem humanis præsidens, ac diligentia exhibens. vno, eodemq. principio vtraq. procedentia, humanam exornant vitam. & inquit Pontifex in c. solitæ, §. præterea, de maior. & obedientia, Fecit Deus duo magna luminaria in firmamento cæli; luminare maius, vt præset diei: & luminare minus, vt præset nocti. vtrumq. magnum, sed alterum maius. Ad firmamentum igitur cæli, hoc est vniuersalis Ecclesiæ fecit Deus duo magna luminaria: idest duas instituit dignitates; quæ sunt Pontificalis auctoritas, & Regalis potestas: sed illa, quæ præst diebus, idest spiritualibus, maior est. quæ verò carnalibus, minor: vt quanta est inter Solem, & Lunam, tanta inter Pontifices, & Reges differentia cognoscatur. Duo itaq. sunt, quibus principaliter mundus regitur: authoritas sacra Pontificum; & Regalis potestas, c. duo sunt, distinct. 96. & Imperator habet priuilegia suæ potestatis, quæ administrandis legibus publicis diuinitus consequutus est: vt eius beneficijs non ingratus, contra dispositionem cælestis ordinis nil vsurpet. ad Sacerdotes enim Deus voluit, quæ Ecclesiæ disponenda sunt, pertinere: non ad sæculi potestates, quas si fideles sunt, Ecclesiæ suæ Sacerdotibus voluit esse subiectas, c. si Imperator, eadem 96. distinct.

Antea, quasi media nocte, Sacerdotium cohærebat Imperio. Deus in monte Synai eodem tempore contulit Moyfi legem, & Sacerdotium, glos. in c. translato, in verb. simul, de constit. & Gentilium etiam hæc erat consuetudo, vt Rex esset Sacerdos, & Pontifex.

Ideòq. Romani Imperatores Pontifices dicebantur, vt refertur in c. Cleros, verf. antea autem, 21. diftinct. fed orto iam die, orto Sole iuftitiæ, Sacerdotium longè præfulget, & duæ hæ potestates ita diftinctæ funt; ita difcreta fūt vtriusq. potestatis officia; vt quod vnius eft proprium, altera non vfurpat: fed fibi fuffragantur inuicem. quoniam idem mediator Dei, & hominum, homo Chriftus Iefus, fic actibus proprijs, & dignitatibus diftinctis, officia potestatis vtriusq. difcreuit; propria volens medicinali humilitate hominum corda fufum efferri; non humana fuperbia rurfus in inferno demergi: vt Chriftiani Imperatores, pro æterna vita, Pontificibus indigerent; & Pontifices, pro cursu temporalium tantummodo rerum, Imperialibus legibus vterentur, quatenùs fpiritalis actio à carnalibus diftaret incurfibus, vt legitur in c. quoniam, dift. 10. Ideòq. poft Chriftum, cum ad verum ventum eft, vltra fibi nec Imperator iura Pontificatus arripuit: nec Pontifex nomen Imperatorium vfurpauit, c. cum ad verum, 96. diftinct.

*Mau.* Vellem audire aliqua, præcipua tamen, de fæculari potestate.

## XI.

De potestate fæculari, & publica quâ fit neceffaria & an penes vnum fit vel plures.

*Luc.* Potestatis verbo plura fignificantur; Imperium fcilicet, in perfona Magiftratum: Patria potestas, in perfona liberorum: & dominium, in perfona ferui, l. potestatis verbo, ff. de verb. fignific. Docent Doctores, potestatem effe ius perfonæ in perfonam; & confequenter in bona. eamq. diuidunt in publicam, & priuatam: Publicam appellant, quæ refidet in Principe, & quæ per eum communicatur inferioribus Magiftratibus. Priuatam verò, quam habet dominus in feruum;

seruum; pater in filium; tutor in pupillum; & maritus in uxorem. Ea ratione appellant publicam Principis, & Iudicij potestatem, quia ex publico introducta fuit, & dicitur iurisdicctio, idest dictio, seu potestas iuris. & vt definit glos. in l. 1. in verb. potest; ff. de iurisdicct. omn. Iudic. Iurisdicctio est potestas de publico introducta cum necessitate iurisdicendi, & æquitatis statuendæ. qua necessitate stante rectè infert Bald. conf. 365. num. 2. lib. 5. Principem non posse facere pactum, quod delinquens in suo territorio non puniatur. & qui ius dicere detrectaret; Principis, Iudicisvè nomine deposito, aspis tortuosa propriè appellaretur; quæ calcat vnam aurem in terram, & alteram obturat cauda, nè audiat incantationem, glos. in c. ad Apostolicæ dignitatis, in verb. aspidis, de sent. & re iudic lib. 6. Hæc potestas suprema scilicet, & absoluta, si est apud vnum constituitur Monarchia, idest, dominatus vnus. qui si malus est, tyrannidis nomen assumit. si est apud populum Democratia dicitur, seu status popularis: qui nisi bonus sit, Oclocratia dicitur. si verò est apud solos optimates, Aristocratia appellatur: qui si potestate abutantur, nascitur Oligarchia, D. Thom. 1. 2. q. 95. art. 4. vers. 3. est, post Philosophum in 3. Polit. cap. 10. tom. 5. ait, distinguui leges secundum diuersa regimina Ciuitatum: quorum vnum est regnum, quando scilicet Ciuitas gubernatur ab vno. & secundum hoc accipiuntur constitutiones Principum, aliud verò regimen est Aristocratia, idest principatus optimorum, vel optimatum. & secundum hoc sumuntur responsa Prudentum, & Senatusconsulta. Aliud regimen est Oligarchia, idest prin-

principatus paucorum, diuitum, & potentum, & secundum hoc sumitur ius Prætorium, quod etiam honorarium dicitur. Aliud autem regimen est populi, quod nominatur Democratia. & secundum hoc sumitur plebiscita. Aliud autem est tyrannicum, quod est omnino corruptum, vnde ex hoc non sumitur aliqua lex. Est etiam aliquod regimen ex istis commixtum, quod est optimum. & secundum hoc sumitur lex, quam maiores natu simul cum plebibus sanxerunt. Apud Romanos fuit hæc potestas primò penes Reges: deindè penes populum, qui postea illam transtulit in Imperatorem, l. 2. ff. de orig. iur. l. 1. ff. de const. Princ. Quisquis sit, qui habeat potestatem hanc absolutam, est velut Deus in suo territorio, in suo dominio; exercet enim potestatem, quæ à Deo est. sed quatenus regendi munus sibi à Deo commissum, necessario, & rectè exequi tenetur, dicitur seruus Dei. quatenus autem eius potestas nullo tempore, nullisq. circumscripta est legibus, & omnes ei decet obedire: iure merito Dominus appellatur, sic in auct. de Consulibus, vers. omnibus, Imperator, appellatur, lex animata, cui Deus ipsas leges subiecit. & in l. quas gratias, circa principium, C. de offic. Præf. Præf. Africæ, dicitur seruus Dei, ibi, qui per me vltimum seruum suum. & in l. deprecatio, ff. ad l. Rod. de iactu, dicitur Dominus mundi. ibi Antoninus dixit Endemoni, ego mundi Dominus. Semper fuit, semperque erit hæc potestas inter homines: sed non eodem modo, & in eodem statu. Mutantur Regna, & Imperia. non est aliquid perpetuum sub Sole. Exoritur Sol, & occidit. frondescent arbores, & arent. nascuntur animalia,

malitia, & pereunt; adolent homines, & senescunt. Necessesse est igitur, ut quæ florent imperia, aliquando etiâ deflorescant. Tempus est causa rei cuiusq. corruptionis. vnde dicebat Marialis lib. 9. Epigram. 10.

*Quid non longa dies? Quid non consumitis anni?*

Circa statum humanum, nihil stabile est, auth. de non alien. aut permut. §. vt autem, collat. 2. nec corporum natura potest manere in eodem statu: sed modò crescit, modò decrescit; c. nē tales, de consecrat. dist. 5. glos. fin. in c. ad hoc, 89. dist. Diuiduntur dominia, mortuo patre. Mox vna pars in plures subdiuiditur. Mutantur viuendi mores, augetur dominantium sauitia, minuitur reuerentia subditorum, oriuntur dissidia, petunt rebelles aliena auxilia. Hinc succedunt, incursiones, depopulationes, translationesq. dominiorum. Imperia, & Regna modò augmentum receperunt, modò diminutionem: secundum quod eorum territoria modò extensa sunt, modò restricta. Hæc siquidem potestas siuè cohereat territorio, siuè sit supra territorium, vt contendunt Doctores in l. Imperium, ff. de iurisd. omn. Iud. in tantum se protendit, in quantum se extendit territorium. Latissima erat, ditio, & potestas Romani Imperij, quæ vt dicitur in §. hæc considerantes, in authent. vt omnes obed. Iud. prouinc. Videbat ascendentem Solem, & descendentem, & ex utroq. latere. & sic extendebatur ad quatuor mundi partes, Orientem, Occidentem, Meridiē, & Septentrionem. sed tractu temporis restrictionem quam maximam passa fuit. Hinc exorti sunt in Italia, & alijs Prouincijs plures Reges, plures Principes, qui hanc supremam potestatem consequuti sunt. & in eorū

Re-

**Regnis, & Principatibus neminem superiorem recognoscunt, nisi Deum. idemq. possunt in eorum territorio, quod Imperator in suo, Bart. Bald. & alij in l. 1. §. de qua re, ff. de postulando. & etiam tempore Romanorum exstebant aliqui populi liberi, Romano Imperio minimè subiecti, ut dicitur in l. non dubito ff. de captiu. & postlimin. reuers.**

## XII.

Qui sint actus potestatis secularis, & qui respiciant publicam, & qui privatam utilitatem.

**Mau.** Huius potestatis sunt nè plures actus?

**Luc.** Plures sunt actus huius potestatis, & alij respiciunt publicam utilitatem, alij verò priuatam. Respicientes publicam utilitatē sunt. Leges vniuersales condere, l. non ambigitur, ff. de leg. l. 3. & ult. C. eodem. Monetam cudere, l. 2. C. de fals. monet. Vectigalia, & tributa pro publicis necessitatibus imponere, l. 1. & tot. tit. C. vectigal. noua instit. non poss. Bellum pacemq. inire, §. 1. auth. de armis. Magistratus creare, l. 1. ff. ad l. lul. Maieft. & Tabelliones, c. cum P. Tabellio, & ibi Innoc. num. 2. de fid. instrum. Dignitates conferre, l. probatorias, C. de diuers. offic. lib. 12. Punire delinquentes, l. Imperium, ff. de iurisd. omn. iud. vel pœna mortis, l. edicto Prætoris, §. rei capitalis, ff. de bon. poss. vel mutilatione membrorum, auth. de collat. §. ad hoc prohibemus, ff. de offic. Proconsul. l. leuia, ff. de accusat. vel deportationis, damnationisq. ad triremes, & ad perpetuos carceres, l. aut damnum, §. Præfecto planè Urbis, & l. inter pœnas, ff. de interd. & releg. c. qualiter, & quando il. 2. vbi Innocent. not. num. 6. extra de accusat. vel pœna relegationis, exilij, & banni, glos. in l. nulli, C. de sent. & interlocut. omn. iud. §. relegari, Instit. quib. mod. ius patr. potest. soluitur vel pœna pecuniaria, & mulcta, l. fin. C. de mod. mul.



multarum. & isti, & alij actus si qui sunt, propter publicam utilitatem sunt necessario explendi, ea tamen necessitate, quæ provenit ex iure, & actione, seu obligatione partium.

*Man.* Qui sunt actus, qui respiciunt priuatam utilitatem?

*Luc.* Actus respicientes priuatam utilitatem, sunt in duplici differentia: alij sunt ex sola necessitate auctoritatis, & officij: alij verò ex necessitate iuris, & obligationis, & actionis partium. De primis afferri possunt plura exempla; sed hæc sunt potiora: Dare veniam ætatis, l. 2. C. de his qui ven. ætat. impetr. Legitimare illegitimos, authent. quib. mod. nat. effic. legitimi, §. fin. Supplere defectus facti, & iuris, l. omnium, C. de testam. Interponere decretum super arrogationibus, l. 2. C. de adopt. Super emancipatione, l. iubemus, C. de emancipat. liber. Super alienatione rerum minorum, & aliorum, qui prohibiti sunt alienare, l. 1. & l. minorum, C. de præd. minor. Tutores, & Curatores dare, l. Lucius Titius la 2. §. cum testamento, ff. de administr. tut. cum simil. Dare possessionem bonorū ex secundo decreto, & ex alijs capitibus. Restituere ad famam, & ad honores, l. 1. §. de qua, ff. de postul. Restituere gratiosè aduersus rem iudicatā, l. relegati, ff. de pœn. Restituere in integr. aduersus actus præiudiciales, l. 1. & l. minor, ff. de min. l. 1. C. de in integ. restit. l. fin. C. si aduersus vendit. Et isti, & si qui sunt alij similes, respiciunt quidem priuatam utilitatem: sed non petuntur vigore obligationis, seu actionis, sed expediuntur sola auctoritate, & solo officio Iudicis nobis, non autē mercenario, deferuiente actioni intentatæ:

De

De illis autem actibus, qui respiciunt priuatā vtilitatem, & qui proueniunt ex iure partium, & expediuntur officio Iudicis mercenario, non est opus querere alia exempla: quia sunt omnes actus, qui fiunt per Iudicem in contradictorio iudicio, & in causis, quibus partes petunt, quod sibi iure debetur vigore actionis, & obligationis.

*Mau.* Illam potestatem cur non vnus exercet? & si conuenit ut plures illam exerceant, cur non eodem modo omnes exercent?

## XIII.

Magistratū  
constitutio  
quare fuerit  
necessaria, et  
quæ iurisdic-  
tio sit tribu-  
ta Magistratibus inferioribus.

*Luc.* Habens hanc potestatem non potest per se omnes eius actus explere: nequit enim vnus solus omnibus negotijs satisfacere, omnibusque in locis interesse. idcirco necessaria fuit constitutio Magistratuum, deputatio Iudicum, & delegatio, seu commissio causarum. Hinc, ut legitur Exod. c. 18. Ietro cognatus Moysi, quando vidit eum sedentem à mane usque ad Vesperas ad iudicandum populum, eum monuit, dicens: Non bonam rem facis: stulto labore consumeris & tu, & populus iste, qui tecum est: ultra vires tuas est negotium, solus illud non poteris sustinere. esto tu populo in his, quæ ad Deum pertinent: provide autem de omni plebe viros potentes, & timentes Deum, in quibus sit veritas, & qui oderint auaritiam, & constitue ex eis Tribunos, & Centuriones, & Quinquagenarios, & Decanos, qui iudicent populum omni tempore: quidquid autem maius fuerit, referant ad te, & ipsi minora tantummodo iudicent, leuiusque sit tibi, partito in alios onere. si hoc feceris, implebis imperium Dei, & præcepta eius poteris sustentare: & omnis hic populus reuertetur ad loca sua cum pace. quibus auditis

auditis Moyses fecit omnia, quæ ille suggesserat. & electis viris strenuis de cuncto Israel, constituit eos Principes populi, Tribunos, & Centuriones, & Quinquagenarios, & Decanos, qui iudicabant plebem omni tempore. quidquid autem grauius erat, referebant ad eum, faciliora tantummodo iudicantes. Hinc est etiam, quòd inuenta ex iure gentium potestate, & iurisdictione, ius ciuile necessitate cognita, plures species iurisdictionis proprijs nominibus distinxit, Bald. in l. ex hoc iure, num. 12. vers. opponitur secundo, ff. de iust. & iur. ita tamen, vt vnus sit Princeps habens omnimodam iurisdictionem: plures autem sint Magistratus, quibus iurisdictionis species communicentur; non tamen eodem modo, sed plus vni, & minus alteri, Alex. in l. 1. nu. 3. ff. de offic. eius, cui mand. est iurisdicatio.

Cuius rei eandem ferè Ietri rationem reddit Imperator in l. præcipimus, C. de appellat. dicens: Nolumus vltèrius audientiam nostram expectari, ne nostris occupationibus, quibus pro vtilitate mundi à singulorum nonnunquam negotijs auocamur, aliena defraudari commoda videantur. Eandem rationem amplexus est Pontifex in c. mandata, de præsumptionibus, dicens: Mandata cælestia efficacius gerimus, si nostra cum fratribus onera partiamur: sic videmus in naui vnum gubernatorem velut Principem, plures autem ministros, distinctis officijs, incumbentes. sic in corpore vnum est caput, & plura membra: quæ tamen omnia non habent eundem actum. ita ferè se habent Princeps, & Magistratus, & Iudices, sicut arbor, & rami, quorum alij maiores sunt, & alij minores:

res: sed robur vnum tenaci radice fundatum est, c. loquitur, 24. q. 1.

Habent omnes potestatem à Principe; Princeps creat dignitates, c. 1. quis dicatur Dux, Comes, & Marchio, in vsibus feudorum. & sicut omnes dignitates, & potestates à Principe fluunt, ita & ad eum resfluunt, sicut flumina ad mare. Princeps constituit dignitates; Princeps eas suppressit. Princeps concedit potestatem; Princeps eam adimit. Princeps causas cognoscendas mandat; Princeps sententias Magistratum, & Iudicum reformat, grauamina reponit: quando scilicet aditus est, vel per appellationes, nullitates, vel querelas. Qui quocunque tempore incipiat cognoscere de aliqua re, ceteris omnibus impositum est silentium, vt not. Doct. in c. cum M. Ferrarien. de constit. Abb. conf. 6. nu. 2. par. 2. Non conuenit vt plures sint Principes, sed conuenit vt plures sint ministri vnius Principis. Sol vnus; plures radij, d. c. loquitur, 24. dist. In apibus princeps vnus est. grues ordine literario vnam sequuntur. Roma in sui initio duos Reges simul habere non valuit: sed interemptus est Remus; Romulo regnante. in Rebecæ vtero Esau; & Iacob bella gesserunt, c. in apibus, 7. quæst. 1.

#### XIV.

De iurisdictione in genere, & de Imperio meo, & mixto, & simplici iurisdictione

*Man.* 1. Quam potestatem sibi Princeps reseruauit?  
*Luc.* Vt aliquo modo intelligas quam potestatem Princeps sibi reseruauerit, & quam Magistratibus attribuerit, & quænam sint causæ, quarum cognitio alteri tam per Principem, quam per Magistratus possint demandari: nota, quod iurdictio tanquam sumpta in genere cõtinet sub se imperium, & iurisdictionem simplicem. Imperium subdiuiditur in merum, & mixtum.

mixtum. Merum imperium dicitur illa iurisdictio, quæ exercetur ad publicam vtilitatem: & dicitur merum imperium, quia ex solo imperio, ex sola auctoritate, ex solo officio procedit. Dicunt Doctor. in l. 1. & in l. imperium, ff. de iurisd. omni iud. quod sex sunt gradus meri imperij, & hoc etiam figuratur in arbore iurisditionis, videlicet, Maximum, Maius, Magnum, Paruum, Minus, Minimum; & exemplificando, dicunt maximi imperij esse omnia, quæ sunt reseruata Principi, prout est legem vniuersalem condere, monetam cudere, & similia. & Bald. in d. l. imperium, n. 4. enumerat sexdecim, quæ sunt de reseruatis Principi, & quæ successiuè sunt de hoc gradu maximi imperij meri: Maioris autem imperij dicunt esse, punire fontes pœna mortis: Magni verò, punire amissione ciuitatis, seu libertatis, prout est deportatio, damnatio ad triremes, & ad perpetuos carceres: Parui, imponere pœnâ relegationis banni, seu exilij: Minoris, affligere corpus fuste, vel tortura, mulctare, seu punire pœna pecuniaria.

*Man.* Quod autem est mixtum imperium?

*Luc.* Mixtum imperium dicitur illa iurisdictio, quæ procedit ex sola auctoritate, & officio: sed respicit priuatam vtilitatem, nō autem publicam. & pariter Doctores ponunt sex gradus mixti imperij; maximum, maius, magnum, paruum, minus, & minimum: In primo gradu ponunt, dare veniam ætatis, legitimare, dispensare, & similia: In secundo, cognoscere de supplicatione aduersus sententiam latam ab eo, à quo nō potest appellari: In tertio cognoscere causas requirētes plenam cognitionem, & coercionem realem, vel

L per-

personalem, ut est mittere in possessionem ex secundo decreto, restituere in integrum, expellere aliquem de possessione re ipsa, & similia: In quarto, cognoscere causas, quæ licet requirant plenam cognitionem, non tamen habent coercionem realem, & personalem, prout est dare bonorum possessionem, quæ tribuit ius, pronunciare aliquem mittendum in possessionem, ex secundo decreto, interponere auctoritatem in alienationibus, & similibus: In quinto, cognoscere de causis, quæ requirunt summariam tantum cognitionem, prout est mittere in possessionem ex Carboniano edicto, videlicet ventrem prægnantem, & similia: In sexto & ultimo, cognoscere de causis, quæ expediuntur sine causæ cognitione, prout est interponere decretum manumissioni, mancipationi, & similibus.

*Mau.* Superest, ut aliquid dicas de iurisdictione.

*Luc.* Iurisdictio simplex, est quæ priuatam respicit utilitatem, & procedit ex iure partium, actionis scilicet, cuius pariter sex gradus Doct. constituunt. & est maxima, maior, magna, parua, minor, & minima. Maximæ iurisdictionis dicunt esse cognoscere de causis status, libertatis scilicet, nobilitatis, famæ, & similia, quæ sunt maximi præiudicii: Maioris autem iurisdictionis esse dicunt, quando ex causa descendente ex delicto, quis non potest soluere pecuniam; tunc enim luere debet in corpore. & sic hoc statuere, ut quis luat in corpore, qui non habet in ære, est huius secundi gradus simplicis iurisdictionis: In tertio gradu magnæ scilicet iurisdictionis ponunt cognitionem causarum ciuiliū valoris ultra 300. aureos; in alijs verò tribus gradibus, paræ scilicet, minoris, & minimæ iurisdictionis.

iurisdictionis ponunt cognitiones causarum à 300. aureis, & sic quæ sunt parui, minoris, & minimi valoris; id quod à iure non est determinatum, sed residet in arbitrio Iudicis. Quæ omnia plenius videbis in arbore iurisdictionis, & in eius declaratione, & apud Interpretes in d. l. 1. & l. imperium, ff. de iurisd. omn. iud. vbi etiam tradunt quæ causæ possint delegari, & quæ non. Quam rem, vt vno verbo expediam, dico quòd Princeps potest delegare omnes causas tam meri, quàm mixti imperij, & simplicis iurisdictionis: Magistratus verò inferiores eas causas, quæ cum temperamento, & mitigatione rigoris iuris, & sic non secundum ius, sed quasi præter ius sunt expediendæ, non possunt delegare; quia in eis videtur electa industria personæ. ex causa tamen infirmitatis, & absentiæ, possunt delegare. sed causas simplicis iurisdictionis, quæ nonnisi de iure sunt terminandæ, possunt delegare, sed hæc tetigisse sufficiat.

*Man.* Vis nè aliquid dicere de Magistratuum potestate?

*Luc.* Secundum glossam in l. 1. in verb. tribuuntur, ff. de offic. eius, cui mand. est iurisd. quatuor sunt gradus Magistratus, videlicet Illustres, spectabiles, clarissimi, & simplices Magistratus. sed secundum glossam in Auth. vt ab Illustribus, in verb. post magnificentissimos. sunt quinque, videlicet, super Illustres, Illustres, spectabiles, clarissimi, & minimi, qui nec habent nomen. & differentia consistit in hoc, quòd si Princeps, prout est Papa, Imperator, & Rex, debeat connumerari inter dignitates, seu Magistratus, erunt quinque gradus. & in primo erit idem Princeps, secundum

XV.

De quatuor gradibus Magistratum.

prædictam glossam secundò allegatam. Si verò non debet connumerari Princeps tanquam supra dignitatem, & Magistratum, & supra legem, tunc erunt quatuor. & qui enumerentur singulo gradu videbis per Doctorem in d. l. 1. qui etiam ponunt, quando dicatur iurisdicção ordinaria, & delegata, provt etiam docent Canonistæ in tit. de off. ord. & de off. deleg. Magistratus autem nostri temporis non sunt omninò similes; nam quisque Princeps hodie deputat varios Officiales, quibus communicat eam facultatem, quam vult. & aliquibus maiorem, aliquibus verò minorem, provt exprimitur in eorum patentibus, seu literis facultatum. & varijs nominibus appellantur, videlicet Præsides, Gubernatores, Rectores, Prætores, & alijs similibus: & quia non abdicat Princeps à se iurisdiccionem, sed illam communicat provt Sol radijs communicat lucem, ideò Princeps concurret cum omni ordinario in potestate, & iurisdicçãoe.

*Man.* Hæc sufficiant de potestate publica. sequitur dicendum de priuata.

## XVI.

Superior  
quomodo se  
gerere de-  
beat cum in-  
feriore. & in  
ferior cū Su-  
periore.

*Luc.* Ordo naturalis est, vt in homines alij maiores sint, alij minores; sicut in cælis sunt Angeli, & sunt Archangeli, qui non sunt æquales, sed in potestate differt alter ab altero, c. ad hoc. 89. dist. vt autem minores maioribus seruiant, naturalis est ordo, c. ordo 33. quæst. 5. ita tamen, vt dum minores reuerentiam maioribus exhibent: maiores etiam minoribus dilectionem impendant, d. c. ad hoc, in princ. 89. dist. aliàs enim quisque posset conqueri de suo maiore, & dicere vna cum Domitio illo Oratore, Cur ego habeam te vt Principem, cum tu me non habeas, vt

Sena-



Senatorem? c. esto subiectus 95. dist. Non alia ratione instituta est inter homines maioritas, nisi ad magis conseruandam concordiam; ne aliàs vnusquisque ad libitum trahens, humanæ societatis nexum disrumperet. & ne, maioritas, & potestas tendat ad noxam, quicunque alijs præest, subiectis potius consulere debet, quàm dominari. atque ità curare, vt erga eos plus agat beneuolentia, quàm seueritas. plus cohortatio, quàm comminatio. plus charitas, quàm potestas, c. licet, il secundo, 45. dist.

*Mau.* Quæ sunt exempla priuatæ potestatis?

*Luc.* Priuatæ potestatis quatuor sunt exempla potiora; videlicet, Potestas domini in seruos; patris in filios; tutoris in pupillos; & mariti in vxorem.

XVII.  
De potestate  
Domini in  
seruum.

*Mau.* Quid de primo exemplo dices?

*Luc.* Dominica potestas in seruum de iure gentium rigorosa erat, vitæ, necisque, §. 2. Instit. de his, qui sunt sui, vel alien. iur. ea nempe ratione, quia hostilis animus durare videbatur. Capti in bello serui efficiuntur à seruando dicti, eò quòd Imperatores captiuos vendere iubent, & per hoc seruare, nec occidere solent. aliàs etiam mancipia dicuntur, quod manu caperentur ab hostibus. sed hæc dura, & immoderata potestas reducta fuit ad terminos humanitatis, ad moderatam, scilicet, serui emendationem, l. vnica, C. de emend. seru. & ad bonorum acquisitionem, vt quicquid per seruum acquiritur, domino acquiratur, l. acquiratur, ff. de acquir. rer. domin. adeò vt propter intolerabilem sæuitiam cogitur dominus seruum vendere, & precium recipere, l. i. & 2. ff. de his qui sunt sui, vel alien. iur.

Sed hæc iura captiuitatis locum non habent inter Christianos, ex consuetudine diu obseruata: ita ut capti in bello nec vendantur, nec serui habeantur: Bart. in l. hostes, in fin. ff. de captiu. & postliminio reuersis, & sanè non conueniret, ut inter filios à seruitute, gratia Dei, redemptos, essent, qui fratres suos seruos retinerent, c. cum redemptor 12. q. 2.

## XVIII.

De potestate  
Parris in fili-  
um,

*Man.* Est nè talis potestas parentum in filios?

*Lnc.* Patria potestas etiam in filios olim erat absoluta, vitæ necisque, l. fin. C. de patr. potest. sed quia paterna potestas in sola pietate consistere debet, non in atrocitate, l. Diuus Adrianus, ff. ad l. Pomp. de parricid. ideò iura eam coarctarunt, ut non occidere possit pater filium, sed eum accusare ad iudicem, l. inauditum, ff. ad l. Corneliam, de sicar. & parentibus, qui filios occiderunt, grauissimas, horribilesque pœnas statuerunt, ut legitur in l. vn. C. de his, qui paren. vel fil. occid. excepto casu, si pater filiam in adulterio apprehensam occideret, vel in sua, vel generi sui domo. quia tunc iura non puniunt, secùs in aliena, l. quod ait lex, ff. ad l. Iul. de adult. prout etiam prohibent, ne parentes quouis titulo proprios filios distrahant; excepto casu extremæ paupertatis: ita tamen, non ut seruus fiat, sed emptor obtinendi eius seruitij facultatem habeat, l. 1. & 2. C. de patr. qui fil. distrax. ita ut hodie patria potestas restricta sit ad decentem filiorum emendationem, & correctionem, l. vnic. C. de emend. propinq. & ad obseruantiam, & obsequium & venerationem, quam liberi parentibus debent, l. 4. C. de patr. potest. & etiam ad acquisitionem bonorum, quæ adiunguntur per filium, §. 1. Instit. per quas person.

son. nob. acquir. l. 2. ff. de his, qui sunt sui, vel alien.  
iur. in tantum, vt si filius non potest stare cum patre  
propter eius scuitiam, potest patrem cogere, vt cum  
emancipet, las. in l. filijs, in fin. C. de inoff. test. atque  
nec pater potest impedire liberum filij arbitrium in  
ducenda, vel non, vxore: & in suscipiendo, vel non,  
habitu religioso, l. nec filium, C. de nupt. sac. Conc.  
Trid. anathemati subiicit parentes, qui filios inuitos  
cogunt ad ingrediendum monasterium, sess. 25. c. 18.  
de regul. & si qui fortè filios, filiasve cogunt vel ad  
matrimonium, vel ad Religionem, tristes sentiunt  
euentus. coactiones enim difficiles solèt exitus frequen-  
ter habere, c. requisuit, de sponsal. & vt ex sententia  
Arist. ait Bald. in l. neque ab initio, C. de nuptijs, om-  
ne necessarium est triste, quia fit cum angustia animi,  
& malus inde sequitur exitus.

*Man.* De tertio exemplo multa nò dicturus es?

*Luc.* Quoad tertium hoc tantum dicam; naturali,  
scilicet, rationi conuenire, vt is, qui non est perfectæ  
ætatis, alterius tutela regatur, §. fin. Instit. de Attil. tu-  
tor, & idè iure Ciuili introductam esse tutelam, quæ  
dicitur potestas, seu authoritas in capite liberò, eius,  
scilicet, qui nec est in domini, neq. in patris potestate,  
& qui propter ætatem se defendere nequit, §. 1. Instit.  
de tutel. & consistit in vita rectè, & commodè insti-  
tuenda; & in rerum, seu patrimonij administratione,  
l. cum plures, §. fin. ff. de administ. tut.

*Man.* Hoc sufficit. Cupio audire quæ dicturus es de  
quarto exemplo, scilicet, de maritali potestate.

*Luc.* Maritalis potestas, quam maritus habet in vxor-  
em, est à Deo, qui post transgressionem dixit mu-

XIX.  
De potestate  
Tutoris in  
pupillum.

XX.  
De potestate  
Mariti in vxor-  
em.

lieri, multiplicabo ærumnas tuas, & conceptus tuos; & sub viri potestate eris, & ipse dominabitur tui, Genes. c. 3. & quia Adam deceptus est per Euam, non autem Eva per Adam, iustum fuit, ut eum gubernatorem assumeret; ne iterum fœminea facilitate laberetur, c. Adam per Euam 33. q. 5. At quoniam Deus mulierem fecit non ex capite hominis, ne domina videretur; neque ex pede; ne ancilla reputaretur: sed ex latere, ut collateralis; & sociâ haberetur, Host. in summa, tit. de matrim. Adam recognouit illam in sociam, & dixit, hoc nunc os ex ossibus meis, & caro de carne meâ; hæc vocabitur Virago, quoniam de viro sumpta est. Quamobrem relinquet homo patrem, & matrem suam, & adhærebit vxori suæ, & erunt duo in carne vna, Genes. c. 2. Idè hæc maritalis potestas consistit in illo obsequio, & in illa seruitute, quam debet præstare minor maiori: non enim iustitiæ conuenit, ut maritus, qui est maior, seruiat vxori, quæ est minor, c. est ordo naturalis 33. q. 5. Immò cum sint duo in carne vna, mutua debet esse seruitus; mutuum obsequium, mutuus amor, mutua fides; mutua coniunctio animorum, & cordium. in cuius rei signum datur à sponso sponsæ in primis nuptijs anulus: isq. inferitur in quarto digito, ea ratione, quia, ut fertur, in eo vena quædam sanguinis peruenit vsque ad cor, c. fœminæ, 30. quæst. 5.

Hoc in primis ad Mariti potestatem pertinet, ut maritus virtute vincat, & exemplo regat vxorem, c. indignantur 32. q. 6. utq. non exigit ab vxore, quod ipse non vult reddere vxori, c. non mœchaberis, 32. quæst. 6. Et, qualem vult vxorem inuenire, ita agat,

ut

vt eum vxor talem inueniat, c. si ducturi 32. q. 6. & hoc sibi animo proponat maritus, sola liberorū causa, in matrimonio concessa esse opera: sed voluptates, quæ de meretricum amplexibus capiuntur, damnatas esse in vxore, c. liberorum 32. q. 4. Sciatq. nihil amplius licere marito, quàm liceat vxori; vtriusque enim seruitus pari ratione censetur, c. apud nos, eadem 32. q. 5.

Non licet vxori à marito recedere sine causa; & si est peruersus, eum patienter ferre debet, c. cum caput 33. quæst. 5. nec debet vxor propter infortunium mariti mutare affectum, l. 1. c. de repud. sed fieri debet particeps infortunij mariti, l. si eum dotem, §. si maritus, ff. solut. matrim.

Sic etiam prohibitum est marito sub pœna excommunicationis & amissionis dignitatis, citra culpam fornicationis, vxorem suam quacunque occasione dimittere. ideòq. maritus habens vxorem sterilem, deformem, cœcam, surdam, claudam, confectam languoribus & doloribus, illam omninò debet pro fide & societate sustinere, c. si vxorem 32. q. 5.

Hæc sunt, quæ maritus amare debet in vxore, & quæ inter coniuges amorem conseruant; pudor, probitas, fides, mores. qui verò matrimonia contrahunt sola commori pulchritudine, sola ducti amplitudine dotis, vel patrimonij affluentia, illi mutant affectum, deficient in amore, dicit Iuuenal. Sat. 6.

*Si verum excutias facies, non vxor amatur.*

*Tres rugæ subeant, & se cutis arida laxet,*

*Fiant obscuri dentes, oculiq. minores.*

*Colligo sarcinulas dicit libertus, & exi,*

*Iam.*

*Iam grauis es nobis.*

Nubendum esse pari omnes docuerunt: & inter æquales semper conseruatur amor, & amicitia.

Illi autem, qui vel cupiditate, vel ambitione allecti, volunt habere vxorem potentio rem, & ditio rem; post paucos dies non vxorem, sed dominam agnosce re debent: non affinis placere, sed Dominis cogun tur inferuire. Deianira apud Ouid. ad suum sexum, transtulit prouerbiū nubendū esse pari dicens epist. 9.

*Quam malè inæquales veniunt ad aratra iuu nci:*

*Tam premitur magno coniuge nupta minor.*

*Non honor est, sed orus, species lesura fidentes,*

*Si qua vales aptè nubere, nube pari.*

Et Plautus in Asinaria, quæ, ex inæqualitate cōiugum, damna nascantur, breuiter ostendit dicens.

*Hæc sunt atque alia multa in magnis dotibus,*

*Incommoditates, sumptusq. intolerabiles,*

*Nam quæ indotata est, ea est in potestate viri*

*Dotata mactant & malo & damno viros.*

Non expedit marito erga vxorem malè se gerere, quia nil peius est irata muliere, iuxta illud Euripidis carmen.

*Furore multo sauit iratum mare*

*Proniq. fluuij, & ignis acris impetus,*

*Inopia acerba, acerba alia quamplurima,*

*Sed nil ita acerbum, & noxium, vt mulier mala.*

Hac ratione fertur antiquitus, quendam Laconem dixisse, quod vxorem duxerat perpusillam; quia ex malis conuenit eligere, quod minimum est. Quisque igitur studere debet, ne malam ducat vxorem: vel si bonā duxerit, ne malā efficiat; quia, vt dixit Hesiodus.

*Sors*

*Sors potior muliere proba non obtigit unquam.*

*Vlla viro, contrâq. mala, nil tetrius usquam est.*

Non est tanta hæc maritalis potestas, quantam fortè quidam præsumunt habere. non capit nisi mutuas operas, & mutua coniugum obsequia: ad vitam autem non se extendit. Hinc lex non permittit marito vxorem etiam in adulterio deprehensam interficere; sed quia difficillimum est, iustum dolorem temperare; si maritus adulteram tactus doloris impetu interfecerit, mitius eum punit, l. si adulterium, §. Imperatores, ff. ad l. Iul. de adulter. & quando vnus ex coniugibus sauit in alium, iure medio separantur. vnde ait Imperator in l. consensu, C. de repud. sicut sine iusta causa dissolui matrimonia iusto limite prohibemus: ita aduersa necessitate pressum, vel pressam, quamuis infauito, attamen necessario auxilio cupimus liberari. Lex Mosayca ob duritiam cordis Iudæorum permittebat repudium, dicitur Deut. c. 24. Si acceperit homo vxorem, & habuerit eam, & non inuenerit gratiam ante oculos eius, propter aliquam sceditatem, scribet libellum repudij, & dabit in manu illius, & dimittet eam de domo sua: sed ius Ciuile non permittebat diuortium, & repudium, nisi ex legitimis causis. & quamuis legitimæ causæ plures sint secundum ius Digestorum, l. 2. & l. nullum diuortium, ff. de diuort. & repud., & secundum ius Codicis sint paucae, d. l. consensu, C. de repud. tamen secundum ius Authenticorum pauciores sunt, §. quia verò plurimas, in auth. vt lic. matri, vel auia: sed iure Evangelico prohibitum est repudium, seu diuortium, cuius loco permittitur sola separatio thori, sic dixit Chri-

Christus in Euangelio. Dictum est autem quicumque dimiserit uxorem suam, det ei libellum repudij: Ego autem vobis dico, quicumque dimiserit uxorem suam, excepta fornicationis causa, facit eam mœcham: & qui dimissam duxerit, mœchatur, Matth. c. 5. & in c. 19. ita legitur, Accesserunt Pharisei ad Dominum tentantes eum, & dicentes, si licet homini dimittere uxorem suam quacunque ex causa. Qui respondens ait eis: Non legistis, quia qui fecit hominem ab initio, masculum, & fœminam fecit eos; & dixit propter hanc dimitter homo patrem, & matrem, & adhærebit uxori suæ, & erunt duo in carne vna? dicunt illi, Quid ergo Moyses mandauit dare libellum repudij, & dimittere? ait illis, quoniam Moyses ad duritiam cordis vestri permisit vobis dimittere uxores vestras, ab initio autem non fuit sic, & idem legitur Marc. c. 10. & ius Canonicum vltra casum fornicationis, permittit thori separationem, propter nimiam sœuitiam, in casu, scilicet, quo non possit provideri per sufficientem cautionem, quod illi non debeat aliquod malum inferri, c. ex transmissa, & c. literas, in fin. de rest. spol.

*Man.* Quæ dixisti de potestate maritali, si homines benè intelligerent, profectò non audirentur quotidie tot iurgia inter coniuges.

*Luc.* Inter eos, qui hæc non ignorant, pax est, & tranquillitas. at quoniã hodie dictum est satis de potestate seculari, reliqua de Ecclesiastica absoluam in sequenti.

*Man.* Expedi ne tu dicendo, & ego audiendo nimis vna die grauaremur.

QVIN-



173  
QVINTVS CONGRESSVS.

MAVRVS. LVCIVS.

*Man.*



E Ecclesiastica potestate quæ dicere statuisti pro mea vtilitate in his studiorum meorum initijs?

*Luc.*

Tu verò pro quali quali tua intelligentia quæ scire cupis de hac potestate?

*Man.* Accessi, vt docear, non vt disputem: docere igitur tuum est.

*Luc.* Amplissima materia est hæc: conuenit ergò, vt aliqua præcipua, & iucunda dicamus, abstinentes ab ijs, quæ difficiliora sunt, & quæ, sine disputatione, tangi non possunt.

*Man.* Attentus sum.

*Luc.* Potestas Ecclesiastica non prouenit ex publico, sicut sæcularis; sed à Christo, Bald. in l. Imperium, nu. 4. ff. de iurisd. omn. Iud. Christus antè passionem promisit Petro hanc potestatem dicens: Tu es Petrus, & super hanc petram ædificabo Ecclesiam meam, & tibi dabo clauēs regni cælorum. post passionem autem eidem eam tradidit, & dixit, Pæce oues meas; c. in nouo testamento, & ibi glos. in verb. Tu es Petrus, 2. 1. distinct. hanc potestatem concessit Christus Petro, qui timuit vocem Ancillæ, & negauit se ipsum, & Magistrum; quia monere voluit, vt qui pastor suæ Ecclesiæ futurus erat, disceret ex culpa propria qualiter alijs deberet misereri: & ex propria infirmitate cognosceret qualiter toleranda esset aliorum infirmitas,

I.  
De Ecclesiastica potestate, & qualiter sit exercenda.

mitas, c. considerandum, 50. distinctione.

*Mau.* Exercenda est ergò hæc potestas sola misericordia, absque rigore?

*Luc.* Samaritanus, vt legitur Lucæ cap. 10. duxit vulneratum in stabulo, & pro eius medela adhibuit vinū, & oleum, vt scilicet per vinum mundarentur putrida, & per oleum fouerentur sananda. quo exemplo docentur illi, qui hanc potestatem assequuntur, vt misceant lenitatem cum quadam seueritate: ita scilicet, vt ex utraq. fiat temperamentum, ne scilicet subditi multa asperitate exulcerentur, neque soluantur nimia benignitate. si in arca Tabernaculi erat virga, & māna, conuenit vt in Ecclesia Dei sit virga districtiōis, & manna dulcedinis: sit amor nō emolliens, sit rigor non exasperans: sit zelus non immoderatē sæuiens, sit pietas non plusquam expediat parcens, d. c. considerandum, 50. dist. dicebat Apost. ad Corinth. 1. c. 9. Factus sum infirmus infirmis, vt infirmos lucrificarem. vndè quisque intelligere potest, melius esse cum humilitate, & mansuetudine eruere peccantes ab erroris laqueo, quàm eos, rigore indiscreto, impellere in foueam perditionis, c. accedere, 45. dist.

*Mau.* Nonnè ergò sunt acriter reprehendendi peccantes?

*Luc.* Iusta quidè indignatio est contra peccantes: sed vera iustitia compassionē habet; falsa verò, dedignationem. & aliud est quod agitur typo superbiz; aliud verò quod zelo disciplinz. & propterea valdè damnandi sunt illi, qui de falsa iustitia superbire solent; qui ceteros despiciunt, qui alienis infirmitatibus, nulla prorsus misericordia, condescendunt. qui cum non credant

credant se peccatores, eo deterius peccatores fiunt, c. vera iustitia. 45. distinct. Verba hæc, quæ solent ver-  
sari in ore hypocritarum, recedite, abite, nolite nos  
tangere, non illuminant cæcum, non sanant ægrum;  
occidunt profectò, & in desperationem mittunt mi-  
serum periclitantem. Tandem ira se gerere debent ha-  
bentes hanc potestatem, ne subditi iuste doleant eorū  
conditionem. & si qui fortè sunt, qui hanc potestatem  
egregè ferant, illi censendi sunt & excusandi, tanquam  
phrenetici, & lethargici, qui nolunt ligari, nolunt exci-  
tari, sed perseverat diligentia charitatis phreneticum  
castigare, lethargicum stimulare, ambos amare.  
ambo offenduntur, sed ambo diliguntur. ambo mo-  
lestati, quandiu ægri sunt, indignantur: sed ambo sa-  
nati gratulantur, c. quod faciet. 23. q. 4.

*Matth. 1.* Qui igitur præsumunt, exercere debent hanc pote-  
statem charitate, & pietate: & qui subijciuntur, opor-  
tet, ut cum humilitate pareant, & patiantur moneri, &  
& corrigi.

*Luc. 12.* Rem percepisti. Ecclesia est collectio, & multitu-  
do fidelium, fide & charitate unita, c. Ecclesia, de-  
consecrat. dist. 1. Diversi sunt status, diversi ordines,  
gradus diversi, officia diversa, diversæ dignitates.  
Quoad statum, sunt laici, & clerici, c. duo sunt gene-  
ra, 12. q. 1. Ex laicis, alij sunt coniugati, alij virgines,  
alij vidui: Ex clericis, alij sæculares, alij regulares.  
Ex regularibus, anachorita, cœnobita, eremita, mo-  
nachi, canonici, mendicantes; Ioannes de Selua de  
benef. p. 1. q. 4. in princ. quoad ordines, sunt Psal-  
mistæ, Osiarii, Lectores, Exorcistæ, Acolyti, Subdiaconi,  
Diaconi, Presbyteri. Quo verò ad gradus, & officia,

II.

De Eccle-  
sia, & di-  
verso perso-  
narum statu.

&amp;c

& dignitates, sunt Archidiaconi, Archipresbyteri; Episcopi, Archiepiscopi, Patriarchæ, & Cardinales, quorum vnus est caput, Papa scilicet, c. clericos, & clericos, 2. 1. dist. In corpore humano diuersa sunt membra, quorum etiam diuersi sunt actus; & nullum se immiscet in officio alterius, nisi in adiutorium. contentatur vnumquodq. de suo, & lætatur de alterius bono. ea quæ sunt excellentiora, vt caput, & oculi, minimè contemnunt inferiora, velut manus, pedes, & alia: sed ea, tanquam eorum actibus necessaria, libentissimè recognoscunt. Ecclesia est velut corpus; diuersi sunt fidelium status, diuersa officia. Conferunt laici bona temporalia, decimas soluunt, dotant Ecclesias, eleemosynas elargiuntur, relinquunt legata, donant, benefaciunt: Ecclesiastici verò conferunt bona spiritualia, orationes effundunt, diuina celebrant, ministrant sacramenta, insistant cultui diuino. Quilibet ergò suo statu, suo officio, sua dignitate debet contentus esse; & gaudere de bono alterius, ita vt qui est in superiori gradu, inferiores minimè despiciat, & qui inferiores sunt, superiorem minimè contemnant. At quoniã in corpore humano mali sunt humores, haud mirum videri debet, si in Ecclesia Dei aliqui sint mali: sunt mixta grana cum paleis, c. est vnitas, de consecrat. dist. 4. Non concessit Saluator noster Apostolis, vt zizania separarent à frumẽto, c. quantus, 23. q. 4. Ideò monuit tolerandos esse malos, ne Ecclesiæ corpus diuideretur, c. quid ergò, 23. q. 4. immò voluit tolerandos esse malos, vt boni exerceantur, quia renuit Abel esse, quem Cain malitia nõ exerceat, c. hæc autem, 23. q. 4.

*Man.*

*Man.* Diuerſi ſunt fidelium ſtatus, diuerſa ſunt orbis loca, & diuerſæ regiones, Eccleſia ergò vna eſt, an verò ſunt plures?

*Luc.* Sancta Romana Catholica, & Apoſtolica Eccleſia primatum obtinet, fundata à Chriſto ſuper petrâ, quam Petrus Apoſtolorû Princeps, & Paulus vas electionis glorioſa eorum morte Chriſto confecrarunt, ſuaq. præſentia, & venerando triumpho omnibus Vrbibus vniuerſi mundi prætulerunt, 22. diſt. c. 1. & 2. Hæc eſt illa, quæ non habet maculam, nequè rugam, c. quamuis, 21. diſt. Hæc eſt caput cæterarum, ſicut primus omnium fuit Petrus Apoſtolus, c. dudum, 3. q. 6. Qui deniq. ſunt extra hanc vnâ ſanctam, Catholicam, vniuerſalem, & Apoſtolicam Eccleſiam, extra nauiculam Petri, necelle eſt, vt pereant, c. 1. §. 1. de Sum. Trinit. & fid. Cath. ſicut perierunt omnes, qui remaſerunt extra arcam Noe, quam diluuij aqua ad ſublimiora extulit, omnes autem, quos extra inuenit, protinus extinxit. Non poſſunt habere Deum Patrem, qui Eccleſiam Matrem non habent, c. alienus, 24. q. 1. Non poſſunt ingredi ianuam cæleſtis regni, qui ſe ipſos à ſocietate Petri ſegregarunt, c. quicunq. 24. q. 1. Si in Eccleſia hæc miniſtrantur ſacramenta, utiq. ſalutem operantur: extra eam nihil profunt. Quatuor Paradifi flumina, quæ in eo felicitatem vitæ operabantur, extra illum, in terris per quas fluunt, nihil efficiunt, c. Eccleſia Paradifo, de consecrat. diſt. 4. Antiöchena Sedes prima quidẽ fuit tempore, & Romana prima eſt auctoritate, & dignitate, c. rogamus, 24. q. 1. ab hac non licet recedere, ſicut membra, non recedunt à capite, c. 1. 12. diſt. Hæc propoſita eſt

III.

De Eccleſia  
Romana,

VI

M om-

omnibus in speculum, & exemplum, c. enixi verò, 19. dist. Hæc habet plenitudinem potestatis, aliz verò vocatæ sunt in partem sollicitudinis, c. multum, 3. q. 6. Hanc fundavit Petrus; reliquas verò Patriarchales, Metropolitanas, Cathedrales instituit Romana Ecclesia, c. 1. 22. dist. & quicquid servat Romana Ecclesia, ab omnibus servari debet, c. quis nesciat, 11. distinet.

*Mau.* Ergò Romanus Pontifex caput est Ecclesiæ.

IV.  
De Romano  
Pontifice.

*Luc.* Indubitata conclusio est. Caput Ecclesiæ est Romanus Pontifex, Christi Vicarius, Successor Petri, l. nos reddentes, C. de Summ. Trinit. & fid. Cathol. Dignum fuit, ut felicissima Roma, quæ legum originem, & sæculare imperium sortita fuit, summi etiam Pontificatus apicem, & Ecclesiasticum imperium sortiretur, §. 1. Auth. ut Ecclesia Rom. cent. ann. gaud. præscript. Hic est summus Pastor, sanctus Pater, qui aut Sanctus eligitur, aut ex promotione fit Clarus. aut enim Deus ad hæc fastigia erigit claros, aut eos, qui eriguntur, illustrat, c. non nos, 40. dist. Hunc Beatissimum Patrem omnes humilimè, reuerentur, deuotissimè osculantur eius pedes, glos. in l. 1. C. de domest. & proteet. lib. 12. de eo nemo potest iudicare, etsi enim hominum causas Deus voluit per homines cognosci: attamen sui Vicarij causas, sine vlla quæstione, suo reservauit arbitrio, c. aliorum, 9. q. 3. Hic est stupor mundi, quasi nec Deus sit, nec homo: sed neuter sit inter utrumq. ut dicebat quidam Anglicus Poeta, prout refert glos. in proem. Clementin. in verbo, Papa. Tantæ admirationis ratione putant nonnulli, Romanum Pontificem appellatum fuisse Papā, quasi

quasi homines tantam in homine sanctitatē dignitatemq. admirantes, quodammodo dicerent inter se, Papæ Papæ quid videmus? est enim Papæ Græca vox, & interiectio admirantis, iuxta dictum Terentij in Eunuchō, Papæ hæc superat ipsam Thaidem. Hinc est ut statim electus Papa mutat sibi propriū nomen, rāquam nō amplius sit purus homo; sed Dei vicesgerat, & fiat pater patrum: qua ratione, ut putant aliqui, cum antea duplici verbo abbreviato pa. pa. idest pater patrum inscriberetur, postea vulgus corruptè duo verba coniungēs, vnum formavit Papa. & si autem Papa assumat aliud nomē, proprium autē non omninò rejicit; & quando propria manu signat Commissiones gratorias ponit primam syllabam sui prioris nominis, quod vsu receptum ferunt, ne pontificale nomen tam venerabile in vili Cedula descriptum reperiretur, ut refert Gambar. de offic. & potest. leg. lib. 8. n. 208. Constantinus Magnus tantam Pontificis dignitatem, gratia Dei, condocesactus, fideliter agnouit, deuotè exaltauit, piè insigniuit. Statuit, ut sacerdotes in toto orbe Romano ita Romanum Pontificem caput habeant, sicut iudices Regem: & Pontifex, qui pro tempore ipsius sacrosanctæ Romanæ Ecclesiæ extiterit, celsior, & Princeps cūctis sacerdotibus totius mundi existat; & quæcunque ad cultum Dei, vel fidei Christianorum stabilitatem procuranda fuerint, eius iudicio disponantur. Iussit Romanam Ecclesiam veneranter honorari; & ampliùs, quàm imperium proprium, & terrenum Thronum, Sedem sacratissimam Petri gloriosè exaltari. Tradidit Beato Siluestro, & eius Successoribus in sede B. Petri vsque in finem.

mundi fessuris, coronam sui capitis, mitram, tunicam  
 coccineam, aliaq. imperialia indumenta, sceptrum, & or-  
 namenta, omnem denique imperialis suæ potestatis  
 gloriam. Reliquit Beato Siluestro Romanam Urbem,  
 & Prouincias Italię, ne Pontificalis apex vilesceret: sed  
 magis, quàm terreni imperij dignitas, gloriosa poten-  
 tia decoraretur. Transtulit suum imperium in regio-  
 nibus Orientalibus, in Bisantię loco, in Ciuitate Con-  
 stantinopolis suo nomine ædificata: ne illic terrenus  
 Imperator potestatem haberet, vbi principatus Sacer-  
 dotum, & Christianę religionis caput ab Imperatore  
 cælesti constitutum est, c. Constantinus, 96. distinct.  
 Roma, vt ait S. Leo serm. 1. in nat. Apostol. effecta  
 est ciuitas Sacerdotalis, & Regia, & caput totius Or-  
 bis, per sedem Petri; vt latiùs præsideret religione di-  
 uina, quàm dominatione terrena. & minus est, quod  
 ei bellicus labor subdidit, quàm quod pax Christiana  
 subiecit. & Poeta ille in illo distichon relato per glos-  
 in c. quoties, 1. q. 7. in verb. per te, nihil aliud debuit  
 intelligere dicens:

*Seruierant tibi Roma prius Domini Dominorum,  
 Seruorum serui nunc tibi sunt Domini.*

Quandoquidem suprema est Papalis dignitas, eaq.  
 nulla est maior, nullaq. excelsior. & non geritur fastu  
 dominandi, sed sola ministrandi humilitate, c. nullus  
 primas, 9. q. 3. ideoq. Papa se nominat Seruum Seruo-  
 rum Dei, glos. in procem. decretal. in princ. Sic Ma-  
 gister dixit, se non venisse ministrari, sed ministrare,  
 Matthæi c. 20. & c. 23. iussit, Qui maior est vestrum,  
 erit minister vester.

*Man.* Voluit fortè Poeta ille deplorare gloriam Urbis  
 diminutam. *Luc.*



*Lactantius* Si id voluit, erravit. Magna quidem fuit gloria  
felicissimæ Ciuitatis Romæ, quod eius Imperio, Do-  
mini & Reges subiacerent, sed longè maior est; quod  
Cæptis Seruo Seruorum Dei subiaceat, eiusq. mansuetu-  
dine, & charitate regatur. Magna fuit Romanorū laus  
tot tantosq. populos Romano subiecisse Imperio; sed  
longè maior est Romanorum Pontificum laus, tot  
tantorumq. populorum animos Ecclesiæ Romanæ  
supposuisse. Roma quæ gloriabatur de terreno Im-  
perio, gloriatur de caelesti: quæ caput erat supersti-  
tionis, caput est sanctitatis. quæ magistra erat erroris,  
magistra est veritatis: quæ celebris erat aucta trium-  
phis, & trophæis, celebrior est consecrata Apostolo-  
rum martyrio, Martyrum sanguine. Veniebant Ro-  
mam gentes ex longinquis regionibus, Capitolium  
ascendebāt, soluebant tributa: veniunt Romam chri-  
sticolæ ex remotissimis partibus, visitant limina Apo-  
stolorū, Martyrū cimiteria, vota persoluunt: Coactus  
erat gentiū accessus, aut enim ducebantur triumpho,  
aut tributo pacto, compellebantur: lubens est accessus  
Christianorū, atque ita semper frequens fuit, vt nullo  
viquā casu, nulloq. obstaculo potuerit impediri. Cura  
Imperij nō detinuit Carolum Magnum, Vitalianum,  
Honorium, Othone, aliosq. Imperatores, quin sacræ  
Vrbis ædes religiosè visitauerint. Regales comodita-  
tes, sollicitudines dominiorum nequaquam impediue-  
runt plures Reges, Duces, Principes, quin Romam  
petiuerint de uota peregrinatione.

Instituerat Bonifacius VIII. Annum sanctum ple-  
nissimæ indulgentiæ, celebrandum, quolibet anno cen-  
tesimo secuturo, vt ad Basilicas Apostolorū accedentes,

plenissimam omnium peccatorum remissionem consequerentur, c. 1. de pœnit. & remiss. in extrauag. com. at aucta fidelium pietas, accensa fidelium religio sanctam peregrinationem tam longo tempore differre recusans, obtinuit ad quinquagesimum per Clementem VI. mox ad 25. annum per eius Successores, reduci, c. 2. & 4. cod. tit. de pœnit. & remiss. quem Annum sanctum plenissimæ indulgentiæ, & remissionis peccatorum appellarunt Annum Iubilei, exemplo sumpto à lege Moyfis, cui dixit Dominus in Leuit. c. 25: Numerabis tibi septē hebdomadas annorum, idest septies septem, quæ simul faciunt annos quadraginta nouem: & clanges buccina mense septimo, decima die mēsis, propitiationis tēpore in vniuersa terra vestra. sanctificabisq. annum quinquagesimum, & vocabis remissionē cunctis habitatoribus terræ tuæ: ipse est enim Iubileus. reuertetur homo ad possessionē suā, & vnusquisq. rediet ad familiā pristinā: quia Iubileus est quinquagesimus annus. Optimū sanè exēplum est. immò plus est, quòd Christianis remittātur peccata, & vnusquisq. ex eis redeat ad primæquam innocentiam, ad pristinā Dei familiā, quam quod Hebræis dimitteretur debita, & vnusquisq. ex illis rediret ad primæquam prædiorū, domorumq. alienatarū possessionē: atque quod ex captiuis & seruis Hebræorum ad pristinā familiā vnusquisq. restitueretur. Celebrationi huius anni, peregrinorū deuotioni, deuotorum accessui ad Urbem nulla vnquam obstitit temporis calamitas: non bellū, non fames, non pestis. Bella erant in tota Italia tēpore Bonifacij vii. de anno 1300. inter Siculos Aragonensium fautores, & Ducem Calabriæ. Contendebāt Ianuenses

cum

cum Pisanis, & tamen multitudo fidelium ad Urbem  
 peruenit: Anno 1350. Clemens VI. Romæ non erat,  
 Romæ status cõfusus erat, Romanus Populus tumul-  
 tuabat. exorta est pestis: nõ defuit tamen infinitus ad-  
 uenarum, & deuotorũ numerus ad Annum sanctum,  
 mediante Legato missõ à Pontifice absente Romæ in-  
 uictum. Tempore Bonifacij IX. etsi bella in Italia ge-  
 muerentur, & Populus Romanus erga Pontificẽ nõ benè  
 se gereret; tamen celebratus fuit Iubileus cū magno  
 populorũ concursu. & ut omittam alios casus, qui ac-  
 ciderunt tẽporibus Nicolai V. de anno 1450. Sixti IV.  
 de anno 1475. Alexandri VI. de anno 1500. Clemen-  
 tis VII. de anno 1525. Iulij II. de anno 1550. Gre-  
 gorij XII. de anno 1575. Clementis VIII. de anno  
 1600. quibus Italia bello non caruit, optimè scimus  
 anno proximè præterito 1625. Iuem Siculam, Allo-  
 brogum, & Ligurum contentiones, Vallis tellinæ ag-  
 gressiones, commotos Hispanorũ exercitus, defectio-  
 nes Gallorum, Germanorũ bella nequaquam impe-  
 diuisse sancti Iubilei solemnitatem; deuotorũ ad Ur-  
 bem concursum quam maximum. Conuenerunt in-  
 finiti exteri, tam ex finitimis quàm ex remotis regio-  
 nibus: tam nobiles, quàm ignobiles: infinitæ Sodalit-  
 ates: quamplures Prælati: Magnates plures: vidimus  
 inter alios primogenitũ Poloniæ Regis: vidimus ger-  
 manũ Imperatoris; utrumq. magna nobilitate comi-  
 tatũ, exceptum utrumq. summo cum honore.

*Mau.* Quotidiè videmus plures, qui Romam veniunt,  
 statim accedere ad ruinas antiquæ Urbis: ijsq. circũ-  
 spectis, quam maximè dolere extinctum splendorem.  
*Lac.* Romã quidẽ diũ iacuit orbata primũ decore:

An nostra ætate exuleat penè restituta ad primæquã for-  
 mam. aucta est quamplurimis templis, quamplurimis  
 ædificijs tam publicis, quàm priuatis, ijsq; omnibus mi-  
 rabiler constructis, & sumptuosè ornatis. Vnũ, quod  
 deerat ad tutelã tanti decoris, ad conseruatione tanti  
 ornamenti, gloriosè perficitur hoc tempore, hoc felici  
 Apum Mellificantiũm regno. Vnde Imperio, quo  
 fideles omnes, omnes Principes sectantur suauissimum  
 Ducẽ, cumq; sola virtute & exẽplo, quasi dimisso acu-  
 leo, imperantẽ, metuunt quidem; sed magis, magisq;  
 amant. adduntur noua propugnacula, noui aggrẽs,  
 noua arma: vnde lætatur populus Romanus, gratula-  
 tur vniuersa plebs Dei, quod tandem sublimi Põtificis  
 ingenio, eximiaq; prudentia ita actum sit, vt veneranda  
 Ciuitas, aliarũ Princeps, non amplius conspiciatur ex-  
 posita iniurijs barbarorum, hostinq; insidijs cupidita-  
 tibus latronum. *Man.* Nemo est, qui hæc videns, audiensvẽ, admiratio-  
 ne non commoueatũr. *Luc.* Nemo est, qui non laudet Pontificis prouidentia,  
 qui Pastori vigilantissimo non optet Nestoræos annos,  
 cui Nestoræa oratio, Nestoræaq; prudentia non defunt.  
*Man.* Intellexi adhuc quæ piciate exercenda sũt Eccle-  
 siastica potestas: percẽpi cõueniens esse, vt in Ecclesia  
 Dei sint diuersi fidelĩũ status, prout diuersa sunt mẽ-  
 bra in corpore: confitemur omnes Romanam Eccle-  
 siam inter ceteras primatũ obtinere: agnosceremus  
 omnes Romanum Pontificem capũ Ecclesie: At itel-  
 quo cõsistat hæc potestas pascẽdi oues, ligandi & sol-  
 uendi, si tibi placeat breuiter dicere, diuinitus inẽauctã.  
*Luc.* Hoc figurato sermone, Dabo tibi clauẽs regni ec-  
 lo-

alioſq; & quodcunq; ligaueris, &c. Paſce oues meas, &c.  
 expreſſit Chriſtus Dominus noſter ſua potestate gra-  
 uiter dedit Petro, & ſucceſſoribus. Quandoquidem hoc per-  
 tinet ad Paſtoris reſpectu vniuerſi gregis, inuigilatio ne  
 oneretur, ne inſiciatur, ſed paſcat, ſcificet, non vagetur, ne  
 in diſperſatur, & reſponſum vnde ſingulari ſubiu-  
 mberet, ne in herida facta alias corrumpat, ne vna ab alijs ſe-  
 cedat, debet ouibus oſtiu claudere, & aperire, & quaſcu-  
 que ad oſtidus, & in ſectas inuenerit, reijcere. & tunc,  
 quando eas purgatas mouerit, recipere. In lege veteri cu-  
 ius dubitabatur, an quis eſſet inſectus leproſus, dubitatur ad

S. Pauli pona-  
 tur ad dexte-  
 ram, & Pe-  
 tri ad ſiniſtra.

Sacerdotes, qui ſecundum iudicium vebroſi ſie-  
 ſiſſent, vel recipiebantur, gloſſa in S. i. diſt. 10. nō pote-  
 rat tamen Sacerdos eū leproſum ſanctificare, qui mundus  
 ſiſſerat, ſed ſanctus erat cognoscere, & diiudicare, an eſſet  
 mundus, vel leproſus, & Sacerdos, i. i. 3. Ad hanc igitur  
 potestatem, quę pertinet cura gregis, neceſſe eſt, ut qui  
 illa gerit, ſciat diſcernere inter leproſum & leproſum ſiſſer  
 peccatum, & peccatum, quod poſſit claudere, & aperire,

ligare & ſoluere, recipere & deijcere, ne alias ſiſſet  
 oves, & ductum præſtare, ambo in ſequenti claudendo,  
 & Mart. a. ſuſcitatio ſancti, & de iſta & quædam. Commuſter  
 indicant, duas eſſe claues, vnam ſciendi, & altera potesta-

tis, Io. Andr. in c. 1. de Sum. Trinitate ſic. Continuit 6.  
 ſolunt tamen alij, qui exiſtimant, vnam reſoluiuem, ſed  
 ſimiliter potestatis ligandi & ſolvendi, ſed ad eius exerci-  
 tium dicunt neceſſariam eſſe ſcientiam, gloſſa in diſt. in  
 o. verb. de iſt. 20. diſt. At quoniam eſſe debet tam re-  
 ſpectu ſingularum, vel quęque ad ſingula ſuperiorem alicui  
 materiam, & rationis dirigant, quam reſpectu vniuerſi  
 cultorum, & reſpectu publicæ, & ſanctiſſimæ Chriſtiani obler-

ob

uetur,

tuetur, & non offendatur: ideò dicunt alij, duas esse clau-  
 ues, vnam fori Pœnitentiarij, alterâ Iudicialis, Henric.  
 Boich. in c. tanta est clauis, de excess. Prælat. n. 2. In foro  
 cōtencioso, clauditur Ecclesia per excommunicationem,  
 aperitur autem per absolutionē: at in foro voluntario  
 Sacerdos claudit, & aperit, quādo examinata hominis  
 conscientia indicat ei cælum clausum, vel apertum,  
 quādo aliquam partem pœnæ peccato debitam remit-  
 tit, & pœnitentiam iniungit, & absoluit, Summa  
 Angelic. in verb. clauis, num. 2.

*Man.* Hæc potestas ligandi, & pascendi commissæ fuit  
 Petro: at quid commissum fuit Paulo?

*Luc.* Vni cōmissa est potestas, & alteri data est sciētia:  
 vni, tanquam bono dispensatori, cōmissæ sunt clauēs  
 regni cælorū: alteri, tāquam idoneo Doctōri, iniunctū  
 est magisteriū Ecclesiasticæ eruditionis. vt ita isti es-  
 sent religionis exordium, genitores populi Christi, Pa-  
 stores gregis Domini, lucernæ fidei, & columnæ Ec-  
 clesiæ, c. 2. vers. quod felic. record. de pœnit. & remis.  
 in extrauag. com.

*Man.* Si Petro potestas, & Paulo sciētia data est, ergò  
 Petrus maior fuit, & nihilominus in Bullis Papalibus  
 imago Pauli ad dexteram ponitur, Petri verò ad sini-  
 stram: vnde hoc?

*Luc.* Certum est Petrum fuisse maiorem: ei enim soli  
 fuit data potestas. & pro ratione huius consuetudinis  
 dicūt Doctores sinistrā denotare tēpus mortis Christi:  
 dexterā autem tēpus immortalitatis, & ideò Petrū po-  
 ni ad sinistrā, quia venit ad Christū antè passionē: Pau-  
 lum verò ad dexterā, quia venit post resurrectionem,  
 Dec. in c. translatō, 2. lectur. n. 20. de const. lo. de Selua

de

de benef. p. 1. q. 5. n. 77. Ego verò dicere id fieri, vt Ecclesiastici discant prius querendam esse scientiā, quā potestatem, & adducerem tex. in 2. Paralip. c. 1. vbi Salomon antē Altare cum dixisset ei Deus: Postula quod vis, vt dem tibi: dixit da mihi sapiētiā, & intelligentiā. cui Deus respondit: Quia nō postulasti diuitias, & substantiam, & gloriā, neque animas eorū qui te oderāt, neque dies vitæ plurimos: petijsti autē sapiētiā, & scientiā, vt iudicare posses populum meum, super quem constitui te Regē. Sapiētia, & scientia data sunt tibi: diuitias autem, & substantiam, & gloriā dabo tibi, itavt nullus in Regibus, nec antē te, nec post te fuerit similis tui. *Mau.* Non pauci sunt, qui sola potestate cōtenti essent, abiecta scientiā.

*Luc.* I. Isti nihil agunt; exigitur scientia: audi. Potestas Ecclesiastica est penēs Papā, qui eā inferioribus dignitatibus cōmunicat: non tamen omnē, neque singulis æqualem. vnde remanet ipse velut Sol, ceteri verò velut radij, c. loquitur, 24. q. 1. Ipse est velut dominus messis, ceteri velut operarij, c. in nouo testamento, 21. dist. Apostoli astiterunt Christo antē passionē, & tunc omnes erant æquales. Passione subsecuta, inter eos Petrus extitit Princeps, ceteri trāsmissi sunt per Orbem, d. c. in nouo testamēto, & ibi glos. 21. dist. Hoc exēplo Summi Pontifices, quasi loco Apostolorū Christo assistentium, constituerunt sibi Assistentes, Consiliarios, Collaterales, qui tēpore B. Siluestri Cardinales appellati fuerunt, c. Præsul, 2. q. 4. tanquam Cardines, quibus regitur ostium, & quorum cōsilio vniuersalis regitur Ecclesia, glos. in c. 2. de offic. Archipresb. in verb. Cardinalium. Qui Cardinales tamen per Papā creentur,

non

## VIII.

De Cardinibus. & eorum dignitate, & creatione.

non tamen creatur nisi secundum cor, & animā Dei.  
 Legitur: Reg. cap. 2. Dominus pauperē facit & dirat,  
 humiliat & subleuat. suscitāt de pulvere egenum, &  
 de bode stercore eleuat pauperē: vt sedeat cum Principibus,  
 & solium gloria tenēat. Dominū enim sunt cardines  
 cetera, & posuit super eos orbem. & ibidem in fine le-  
 guntur hęc verba: Et suscitabo mihi sacerdotem fide-  
 lem, qui iuxta cor meum, & animam meam faciet: &  
 edificabo ei domū fidelem, & ambulabit cū Christo  
 meo cunctis diebus. Quę verba aptissime indicant Sum-  
 mi Pontificis, Christi Vicarij gesta diuinę mentis cōue-  
 nire, & factas ab eo Purpurarū Praesulum electiones  
 diuino iudicio procedere. Quando Moyses, vt legitur  
 Num. c. 11. exposuit Deo, se nō valere vterius vniuer-  
 si populi pondus sustinere, respondit Deus: Congrega  
 mihi septuaginta viros de senibus Israel, quos tu nosti,  
 &c. & loquar tibi: & auferā de spiritu tuo, & adāqueis,  
 vt sustentent tecū onus populi, & nō tu solus graueris.  
 & ita Moyses cōgregauit septuaginta viros de senibus  
 Israel, & Dominus descendit per nubē, & loquutus est  
 ad eum, auferens de spiritu, qui erat in Moyses, & dans  
 septuaginta viris. & huc respexit Sixtus V. qui sua Cō-  
 stitutione quinquaginta Cardinalium numerū ad se-  
 ptuaginta restrinxit, & defunxit. Hoc Moyses exemplo  
 Papa assumit sibi in Cōsiliarios, & Coadiutores eorū tā-  
 tum, quos cognoscit, & de quorū fide, & p̄bitate cō-  
 fidit: & nihil refert si abūpti processerint, ignotis pa-  
 rentibus, vel humili loco: dum eorū qualitates assu-  
 menti non obscure sint, non ighori sint eorū mo-  
 res. Nihil refert, si ad hanc dignitatem non assuman-  
 tur, qui nobilitate sunt celebres: quandoquidem  
 Petrus est qui assumitur, Apostoli sunt, qui mit-  
 tuntur.

non

tuntur.



tuntur . & in Ecclesia Dei successor quæritur Petro,  
 & quærentur successores Apostolis, non Cæsari, non  
 Proceribus, facit text. in c. quoniam vetusto, 24. q. 1.  
 ibi, cum successore piscatoris, & discipulo Crucis. &  
 ibi glos. in verb. invidia. refert, quòd cū duo certarent  
 de electione, & vnus allegaret ignobilitatem alterius;  
 alter ex aduerso respondit, piscatori Petro, Fabri filio  
 successorem quærimus non Augusto. nihil refert si  
 originis nobilitate careant illi, quos propria virtus ad  
 honores extollit. Cicero contra Salustium dicebat,  
 sanctius est me meis gestis florere, quàm maiorum  
 opinione niti: & ita viuere, vt sim posteritati meæ no-  
 bilitatis initium.

Nerua Cocceius Imperator, vt legitur apud Dionē,  
 ob senectam ætatē Marcum Vlpium Traianum ado-  
 ptauit, & in Curia Cæsarem designauit, cum quo nul-  
 la intercedebat cognatio: immò verò propinquos, &  
 cognatos quamplurimos habebat; publicæ tamen  
 utilitati, atque saluti societatem sanguinis postposuit.  
 neque eo deteritus, quod Traianus genere Hispanus,  
 aut ex Italia oriundus non esset: quòd q. antè eum pe-  
 regrinus, & alienigena Romanum Imperiū non  
 tenuisset: virtutem hominis non genus, aut patriam  
 spectari oportere existimauit.

Loco Apostolorū, qui post passionem Christi missi  
 fuerunt per Orbem, constituti sunt Episcopi, c. quorū  
 vices, 68. dist. in partem, scilicet, sollicitudinis Papæ,  
 non autem in plenitudinē potestatis, c. decreto, cum  
 seq. 2. q. 6. quorum tripartitus est ordo. alij sunt Pa-  
 triarchæ, Archiepiscopi alij, alij Episcopi. sicut qua-  
 tuor sunt mundi partes, & quatuor fuerunt Euange-  
 listæ:

IX.

De Episcopis  
 & eorū insti-  
 tutione.

litz: ita quatuor sunt Patriarchæ, idest Principatus, nempe, Constantinopolitanus, Alexandrinus, Hierosolymitanus, & Antiochenus. & sicut multæ sunt orbis Prouinciæ, ita multi sunt Archiepiscopi, velut primi, & principes omnium Episcoporum vniuersæ Prouinciæ. tandem sicut plures sunt Ciuitates, ita plures sunt Episcopi singulis Ciuitatibus præsidentes. quæ institutio, & nuncupatio Prælatorum Ecclesiasticorum, traxit exemplum à Gentilibus, apud quos cum non valerent omnes, nec cuilibet permissum esset, siuè ob loci distantiam, siuè ob causæ tenuitatem, ad Imperatoris, Regisvè aulam confugere pro iustitia consequenda, & oppressione quacunque repellenda: ideò in Prouincijs, & Ciuitatibus fuerunt constituti diuersi Magistratus, quorum alij toti Prouinciæ, & alijs singulis Ciuitatibus præessent, c. 1. dist. 99. sic etiam destinati erant Sacerdotes, quorum alij Protoflamines, alij Archiflamines, & alij Flamines appellabantur, §. 1. 2. 1. dist. & c. 2. dist. 80. Flamines dicebantur à filo, quo utebantur, quasi filamines: habebant enim in capite pileum, in quo erat brevis virga, qua arcebant aues à carnibus sacrificiorum, desuper habens lanæ aliquid: sed quia propter æstum ferre non possent pileum, filo tantum capita religare cœperunt: eos enim fas non erat incedere nudo penitus capite, c. clerici, circa med. vers. Sacerdos autem, 2. 1. dist. & ibi glossa in verb. virga. Ita ergò ad eorum instar sunt constituti Episcopi in partibus mundi, in Prouincijs, in Ciuitatibus: distinctiq. sunt eorum ordines, c. 1. cum duob. seqq. 80. dist. & quamuis sint aliqui, qui appellantur Primates, & Metropolitan: tamen hæc duo nomina non faciunt gradus

gradus distinctos: nam Patriarchæ, & Primates vnâ formam tenent, licet sint diuersa nomina, c. 1. dist. 9. 9. Immo sunt etiam quidam Archiepiscopi, qui Primates appellantur, vt refert Pauin. de offic. & potestate Capituli sede vacante, prælud. 6. vers. sunt etiam primates, nu. 13. & Metropolitanî nomen idem est cum nomine Archiepiscopi, §. 1. 2. 1. dist. dicti autem sunt Episcopi, quasi superintendentes, seu curam gerentes subditorum, & quasi speculatores, eo quod speculari, & perspicere debeant populorum infra se positorum mores, & vitam. qua significatione Episcopi etiam dicebantur, qui præerant panî, & ceteris venalibus rebus, quæ Ciuitatum populis necessariae sunt, l. munerum ciuiliu, §. item Episcopi, ff. de muner. & honor. vndè Cic. ad Atticum, lib. 7. epist. 10. ait, vult enim me Pompeius esse quem tota hæc campania, & maritima ora habeat episcopum, ad quem delectus, & negocij summa referatur. dicti etiam sunt Pontifices, quasi sint via sequentium, d. c. clericos, vers. Pontifex. Sunt etiam proprie dicti Pastores, quia custodes esse debent gregis Domini. quocirca aduersus Episcopos negligentes, & prauos exclamat Deus in Ezech. c. 34. Vos lac comedebatis, & lanis cooperiebamini. & quid crassum erat occidebatis, gregem autem meum non pascebatis. & paulò infra, Ecce ego ipse super pastores requiram gregem meum de manu eorum.

*Man.* Vis mihi dicere aliqua de actibus huius potestatis?

*Luc.* Actus Ecclesiasticæ potestatis, vel spectant ad Ordinem, prout clericos ordinare, Chrisma conficere, Clericos deponere, benedicere Virgines, Consecrare

crare Ecclesias, & altaria, & similia . vel ad iurisdictionem, prout iudicare, excommunicare, corrigere, iuramenta recipere, beneficia conferre, & similia . & isti actus iurisdictionales possunt exerceri statim post electionē . qui verò sunt Ordinis, nō nisi post cōsecrationem , glos. in c. transmissam, in verb. de talibus, de elect. glos. 1. in c. quia periculosum, de sentent. excommunicat. lib. 6. & tex. est in c. quamuis, 68. dist. & quia, vt sēpius dictum est, Papa non communicauit inferioribus omnem potestatem : ideò multa sunt, quæ solus Papa facere potest, Leges scilicet vniuersales condere, contra ius dispensare, & iuri derogare, dignitates creare, quæstiones de fide definire, c. quoties, 24. q. 1. Concilia congregare, & eorum dicta approbare, vel improbare, maiores & difficiliore quæstiones terminare, causas Episcoporum cognoscere, c. multis, 17. dist. c. dudum, 3. q. 6. Episcopos de vna ad aliam sedem, transferre, c. mutationes, 7. q. 1. duos Episcopatus vnire, vnumq. partiri, c. & temporis, 16. q. 1. Episcopos à Metropolitanis iurisdictione eximere, c. frater, 16. q. 1. Episcopos deponere, & depositos restituere, c. ideò, 2. q. 6. Cessiones ab Episcopis recipere, c. 2. de translat. Episcop. & plura alia, quæ graue esset referre .

*Man.* Dixisti Papam eligere Cardinales vti Consiliarios, ergò sequi debet eorum consilium ?

X.

*Luc.* Ex eo, quod supra dixi, Papam eligere Cardinales vti Consiliarios, non inferas, quòd ideò Papa solus nihil facere possit sine Cardinalium consensu. licet enim Imperator, vel Princeps debeat expedire ardua negocia cum consilio Procerum ; tamen si aliter fiat gesta

Papa non omnia cōmunicauit inferioribus, & multa solus facere potest sine aliorum consilio.

gesta tenent, Bart. in l. 1. §. si plures, ff. de exerc. act. Franc. March. decis. 1295. per tot. par. 1. nam vt ait Paul. de Castr. in l. 1. nu. 5. ff. de leg. & cons. 284. incip. In presenti. licet Papa consueuerit ponderosa negotia expedire de consilio Cardinalium, non tamen de necessitate tenetur, si non vult: immò, vt firmat Abb. in c. 2. nu. 4. vers. numquid autem, de cleric. nō resid. non posset consuetudine introduci, vt Papa non ageret sine consensu Cardinalium: quia esset præscribere contra supremam potestatem Papæ, contra quam nō currit aliqua præscriptio, Innoc. in c. bonæ, il 2. de postulat. Prælator. Si enim Cardinales repræsentant Apostolos, quando assiscebant Christo; nulla suadet ratio, vt consilium præbere debeant inuito. Atque, si hæc militans Ecclesia repræsentat triumphantem, vbi vnus est Deus, cui omnia obediunt, utiq. conuenit, vt eius Vicarius, caput militantis Ecclesiæ talis sit, vt omnes ei pareant: & ita est. Dominus concessit Petro, & Apostoli inter se idipsum voluerunt, vt Petrus reliquis omnibus præset Apostolis, & Cephas, idest caput, seu principium teneret Apostolatus: qui & eandem formam suis Successoribus tenendā tradiderunt, vt dicitur in c. 2. post med. 22. dist. Sed quantum conueniat prudentiæ cuiusvis Principis sapientum consilia exquirere, exemplo docuit Marcus Antonius Philosophus; qui, vt refert Iul. Capitolinus in eius vita, semper cum optimatibus non solum bellicas res, sed etiam ciuiles, priusquam faceret aliquid, contulit; & sententiā illius præcipuā semper hæc fuit, Equius est, vt ego tot, & talium amicorū consilium sequar, quam vt tot, & tales amici meā vnus voluntatem sequantur.

## XI.

An Papa  
liget manus  
successorum  
& an Eccle-  
sia habeat ius  
gladij, & an  
liceat pote-  
statem appe-  
tere.

*Mau.* Oblectarunt quidem animum meum, quæ hæc-  
tenus dixisti. sed insuper nisi molestum tibi foret,  
vellem alia tria intelligere. Primo, An Papa, qui om-  
nia potest, possit ligare manus Successorum. Secundo,  
An Ecclesia habeat ius gladij. Tertio, An sit licitum  
appetere hanc potestatem siue Ecclesiasticam, siue  
secularem.

*Luc.* Paucis absoluam. ad primum respondet Papa  
in c. final. de rescript. in 6. dicens, quod nobis licere  
non patimur, nostris Successoribus indicamus, & in  
c. innotuit, de elect. dicit Papa in hæc verba, ea non  
fuit prohibentis intentio, qui Successoribus suis nul-  
lum potuit præiudicium generare, pari post eum,  
immo eadē potestate functuris, cum non habeat im-  
perium par in parem; & hæc vera sunt: sed nihilomi-  
nus ordo rationis suadet, vt qui sua à Successoribus  
desiderat mandata seruari; decessoris sui proculdubio  
voluntatem, & statuta custodiat, c. iustitiæ, 25. q. 1.  
Hinc Gregor. Felici Episcopo scribens dixit, si ea de-  
struerem, quæ Antecessores nostri statuerunt, non cō-  
structor, sed euerfor esse iuste comprobarer, vt legitur  
in c. si ea destruerem, 25. q. 2. & idem Gregorius  
ad Natalem scribens, ait, mihi iniuriam facio, si Præ-  
decessorum meorum iura perturbo, c. quod verò,  
25. q. 2. Et sanè nimis asperum esset, & bonis moribus  
contrarium, sine vlla ratione quæ benè constituta  
sunt rescindere; & exemplo suo docere cæteros, sua  
quandoq. post se constituta dissoluere, prout idē Gre-  
gorius dixit scribens Bonifacio primo defensori, vt re-  
fertur in c. institutionis, 25. q. 2. Ad secundum respon-  
det Bonifacius Octauus in extrauag. vnam sanctam,  
de

de maior. & obed. quod uterq. gladius spiritualis, scilicet, feriens animam, & materialis feriens corpus, est in potestate Ecclesiæ; sed is quidem pro Ecclesia, ille verò ab Ecclesia exercendus. Ille Sacerdotis, is manu Regum & militum, sed ad nutum, & patientiam Sacerdotis. Ideòq. criminosi, postquam fuerunt excommunicati, cum Ecclesia non habeat ultra quod faciat, traduntur Curix seculari, ut eis legitima pœna inferatur, c. cum non ab homine, de iudic. Exercent autè Ecclesiastici gladium materiale, quando scilicet habent dominium temporale Urbium, & locorum, & tunc non tanquam Ecclesiastici, sed tanquam Principes temporales. eisq. in loco temporalis iurisdictionis possunt tria competere; iurisdictionio, honor, & districtus, c. licet causam, in princ. de probat. atque etiam Prælati Ecclesiastici, & Episcopi, qui non habent nisi iurisdictionem Ecclesiasticam, exercent gladium temporale, citra tamen sanguinem: videlicet pro executione suæ potestatis. & ideò Episcopus potest habere familiam armatam, Dec. in d. c. cum non ab homine, nu. 9. de iudic. & Sac. Conc. Trid. cap. 3. sess. 25. de reformat. definiuit, quòd Iudices Ecclesiastici abstineant à censuris, quando executio realis vel personalis, propria auctoritate, ab ipsis fieri poterit: videlicet per multas pecuniarias, seu per captionem pignorum, personarumq. distractionem per suos proprios, aut alienos executores faciendam. Ad tertium ex traditis per Henric. Boich. in c. qualiter, nu. 4. de elect. breuiter respondeo, quòd potestas, seu dignitas Ecclesiastica tria in se habet, honorem, administrationem rerum temporalium, & exercitium operis spiritualis.

Honor raro appetitur sine ambitione: & presumptione: & propterea reprehenduntur in Euang. Matth. 23. qui amant primos recubitus in cœnis, & primas cathedras in Synagogis, & salutationes in foro, & vocari ab hominibus Rabbi. Vtilitas autem, & commodum rerum temporalium vix appeti potest sine cupiditate, seu avaritia, c. avaritiæ, de elect. lib. 6. Exercitium verò solum operis spiritualis appetere, citrà tamen presumptionem, & cupiditatem, utiq. licet, ait Apostol. 1. ad Timoth. c. 3. in princ. Si quis Episcopatum desiderat, bonum opus desiderat, & dicitur in c. qui Episcopatum, 8. q. 1. Apostolum, dum hæc dixit, exponere voluisse quid sit Episcopatus: quia nomen est operis, non honoris. qui ijs, quibus præficitur, superintendit, curam eorum gerens; sed raro contingit, ut quis id appetat, quod plus habet incommodi, quam utilitatis. Nolo plura de hæc re dicere.

*Mau.* Sat habeo, reliquum igitur est, ut aliqua, de meo, & tuo, seu rerum diuisione notes.

XII. *Luc.* Res à natura productæ, omnes sunt corporales. ex quibus aliæ sunt mobiles, aliæ immobiles. at, quoniam creatæ fuerunt ad hominum usum, conueniens fuit pro faciliiori usu, & maiori concordia illas parti. Gentes itaq. dicere possumus tres fecisse partes, vnam tribuisse Deo, alteram Reipublicæ, tertiam priuatis. Itavt ad primam partem pertineant res sacræ, religiosæ, & sanctæ. ad secundam res communes, publicæ, & vniuersitatis. ad tertiã res singulorum, quæ sunt vniuscuiusque vel ratione possessionis, vel dominij. ad quæ tria capita, ni fallor, referri possunt quæcunque dicuntur in tit. Instit. & Digestor. de rerum diuisione.

*Mau.*

De meo, &  
tuo, & rerum  
diuisione.



*Matth.* Audiam libenter, quam portionem rerum Deo homines attribuerint.

*Luc.* Nullo vnquam tempore exiterunt aliqui homines, insipientibus tamen omiffis, qui non crediderint, Deum esse, sed qualis fuerit, multi non cognouerunt. Dixit insipiens in corde suo: nō est Deus, Psal. 52.

XIII.  
De portione  
rerum Deo  
attributa.

At Cicero in lib. 2. de natura Deorum paulò post principium ait, Omnibus innatum est, & animo quasi insculptum, esse Deos. quales sint, varium est. esse nemo negat. & in lib. 1. de legib. circa med. inquit, ex tot generibus nullum est animal præter hominem, quod habeat notitiā aliquam Dei; ipsiq. in hominibus nulla gens est neque tam immanis, neque tam fera, quæ non, etiamsi ignoret qualem habere Deum deceat, tamen habendum sciat. obsequium Dijs gentes præstiterunt; non tanquam indigis, sed adiuuantibus. & aliàs Hesperia multa mala contigisse dixit Horat. Oda 6. lib. 3.

*Dijs multa neglecti dederunt*

*Hesperia mala luctuosa.*

Plura exempla refert Valerius Max. eorum, quibus tanquam iratis, & vindicibus Dijs, tristissimi calus contigerunt, in tit. scilicet de neglect. Relig. c. 2. nec satis visum fuit rerum partem Dijs dicare, sed etiam temporis, & dierum portionem gentes consecrarunt, & dies festos, quasi Deorum iussu, cōstituerunt. vnde cecinit Ouid. lib. 2. de Ponto, ad Germanic. Eleg. 1.

*Dijs quoque, ut à cunctis hilari pietate colantur:*

*Tristitiam poni per sua festa iubent.*

Quibus diebus quæ agenda essent exponit Tibul. lib. 2. Eleg. 1.

*Luce sacra requiescas humus, requiescat arator.*

*Et graue suspensio vomere cesset opus.*

*Soluite vincla iugis nunc ad praesepia debent.*

*Plena coronato stare boues capite:*

*Omnia sint operata Deo non audeat ulla.*

*Lanificam pen sis imposuisse manum.*

Atque quod festiuis diebus non aliud cōueniat, quàm diuinis vacare, explicat Ouid. lib. 1. Fastorum.

*Prospera lux oritur: linguisq. animisq. faueto:*

*Nunc dicenda bona, sunt bona verba die.*

*Lite vacent aures, insanaq. protinus absint*

*Iurgia. differ opus liuida lingua tuum.*

Gentes dicarunt Dijs partem rerum, vt ostenderent se existimare Deum esse. vndè ait Ouid. lib. 1. de arte amandi.

*Expedi esse Deos: & ut expedi esse putemus:*

*Dentur in antiquos thura merumq. focos.*

Partem autem dierum consecrarunt, vt demonstrarent se benè intelligere, hominum opera à Deo pendere. vndè dicit Luc. lib. 9. bell. Ciuil.

*Hæremus cuncti superis temploq. iacente.*

*Nil agimus nisi spontè Dei.*

Sed obseruantia, quam gentes putabant Dijs debitam, eas eo vsque perduxit, vt hominum etiam partem obtulerint. & multos populos, qui pueros hominesq. in sacrificijs mactarunt; refert Polyd. Virg. de Inuent. rer. lib. 5. c. 8. Et quod apud omnes gentes inducta fuerint sacrificia, quasi ad placandam iram Deorum, exprimit Ouid. lib. 5. Fastorum.

*Sapè Deos aliquis peccando fecit iniquos:*

*Et pro delictis hostia blanda fuit:*

*Sapè*

*Sapè Iouem: vidi cum iam sua mittere: vellet.* 137  
*Fulmina: thure dato, sustinuisse manum.* 137  
*At si negligimur: magnis iniuria penis* quod non  
*Soluitur* & *iustum praeceit ira modum* 137  
 Errarunt Gentiles velut ij, qui obfcura nocte, lu-  
 minibus offuscatis ostium propriae domus quaerentes,  
 modo vnum, modò aliud intrant: donec luce aperta  
 videant, quæ sit propria domus, donec apertis oculis  
 ostium proprium circumspiciant. Hebræis lux data,  
 fuit per Moysen, qua possent Deum verum cognosce-  
 re. illisq. Moyses, vt refert Iosephus de bello Iudaico,  
 possessiones distribuit. idemq. fecit Iosue ejus succef-  
 sor. Levitis verò, & Sacerdotibus nulla portio terræ  
 data est, sed assignata fuerunt quædam Tabernacula,  
 & tantum agelli, quantum sufficeret ad iumenta: & pe-  
 cora alenda. necnon assignatæ fuerunt decimæ frugû,  
 & pecudum, ne ob victus inopiam relinqueretur ne-  
 gligereturq. cultus diuinus. idèq. quicquid Levitis, &  
 Sacerdotibus dabatur propter cultum diuinum, Deo  
 offerri dicebatur. sed nedum partem rerum Hebræi  
 attribuerunt Deo, sed etiam dierum. Habuerunt præ-  
 ter Sabbathia plures dies festiuos azimorû, primitiuo-  
 rum, & frugum, Paschæ, Pentecostes, & Scenophegio-  
 rum, vt legitur Exodi c. 12. & dies tubarum, expiatio-  
 nis, & luminum, & aliorum, vt in Leuit. c. 23. & Num.  
 c. 28. vsi fuerunt etiam triplici genere sacrorum, vt re-  
 fert Polydor. Virg. de Inuent. rerum lib. 5. c. 7. vnum  
 pertinebat ad rerum portionem debitam Deo, quâdo  
 scilicet primogenitû animalium, siuè bouem, siuè agnû,  
 siuè aliud animal, modo aniculû, masculumq. fuisset,  
 immolabant; quod holocaustum dicebatur. alterum

respiciebat gratiarū actionem, quando offerebant animalia maiora aniculis. Tertium faciebat ad Dei laudē, quando psalmis, & orationibus Deum laudabant. vnde dicitur in Ps. 115. Dirupisti vincula mea, tibi sacrificabo hostiā laudis: & nomen Domini inuocabo. & inter Iudæos fuerunt quidā, qui aliud sacrificij genus excogitantes, corū mentes virtute munitas Deo offerendas putarunt. & Essēi dicti fuerunt, id est Sancti, de quibus plura retulerunt Philon Hebræus, Eusebius, & post eos Polyd. Virg. de Inuent. rer. lib. 7. c. 1. Nō habitabāt isti Ciuitates: nō reponebāt aurum, vel argentū: non colebant ingentes agros: nolebant plusquam sufficeret eorum necessitati: quia summē diligebāt Deum, perpetua erat illorū castitas: nulla erat inter eos iurisiurandi mentio, nullum odiū, nullum mendaciū. & quia virtutem colebant, negligebant pecuniā, spernebant gloriā: odebant voluptatem. & quia feruentissimā etiā habebant erga proximum charitatē, vigeat inter eos beneuolētia, societas, æqualitas. vna erat domus, vnicū ararium, vnus sumptus. communis erat vestis, cōmunis cibus, & potus, cōmunis mensa, omnis deniq. vita communis. Iudæi, quasi in tenebris, sola luce legis Moysæ, viderunt domū propriam, cognouerunt Deum, sed ostiū propriæ domus. luce deficiente circumspicere nō potuerunt: prout optimē circumspiciunt Christiani, quos lux mundi illuminauit, & quibus Christus in fuit via, veritas, & vita. Christiani meliūs, quā ceteri, portionem rerum Deo debitam tribuerunt. dicarunt partem dierū, didicerūt sacris ministerijs, votis, & orationibus Deo gratias agere, Deum collaudare, Dei irā suppliciter placare. Cōstat ex historijs, quod Christus

stus

Itus Saluator noster habuit aliquas facultates, quamuis  
tenuēs, simulq. Apostoli aliquid habuerūt, c. 4. de verb.  
signific. in extrauag. Ioann. XXII. Habebat Dominus  
loculos, & à fidelibus oblata cōseruans eorū necessi-  
tātibus, alijsq. indigentibus tribuebat, c. habebat, 12.  
q. 1. Post sanctissimū eius Ascensum Discipuli Aposto-  
lorum, qui domos, vel agros possidebant, vendebāt eos,  
& pretia eorum, & reliquas res, quas habebant, offere-  
bant ponentes antè pedes Apostolorum, & diuidebā-  
tur singulis, prout cuiq. opus erat, c. dilectissimis, 12.  
q. 1. non retinebant Apostoli prædia in Iudæa, sed vē-  
debant. & pretia recipiebāt ad fouendos egentes. post-  
quam verò plures gentes, & Romani venerunt ad fidē  
baptismi, tandem Cōstantinus Primus fidem veritatis  
patenter adeptus, licentiam dedit per vniuersum Or-  
bem non solum fieri Christianos; sed etiam fabricare  
Ecclesias, & prædia tribuere posse constituit, & ipse  
donaria immensa cōtulit, c. futuram, 12. q. 1. Cum au-  
tem visum fuit expedire, vt oblata prædia non vende-  
rentur, cœperunt summi Sacerdotes, & reliqui fideles  
ea tradere matricibus Ecclesijs, vt ex eorū redditibus  
fideles communē vitam ducentes, alerentur, c. viden-  
tes, 12. q. 1. Insuper Christiani Sacerdotibus decimas  
persoluerunt, tanquam tributa egentium animarum,  
vndè dicitur in c. decimæ, 16. q. 1. Si decimam de-  
deris, abundantiam fructus recipies, corporisq. & ani-  
mæ sanitatem consequeris. Deus prēmium non po-  
stulat, sed honorem. qui dignatus est totum dare, di-  
gnatur etiam à nobis recipere decimam, non sibi, sed  
nobis profuturam. In portione igitur Dei sunt omnes  
res Ecclesiæ, quæ dicuntur vota fidelium, pretia pecca-  
torum,

torum, & patrimonia pauperum, c. quia iuxta, 16. q. 1. Et cum sint patrimonium Ecclesię sponſę Christi debent sine laſione conſeruari, l. iubemus, 2. C. de ſacroſanct. Eccleſię & quia à fidelibus Deo oblata fuerūt, c. res Eccleſię, 21. q. 1. & dicatꝝ vſibus ſecretorum cęleſtium, c. attendendum, 17. q. 4. & collatꝝ pro remedio peccatorum, pro ſalute, & requie animarum, c. indignè, 12. q. 2. Ideò earum dominium, & poſſeſſio cenſetur eſſe apud Chriſtum, Innoc. in c. cum ſuper, nu. 3. de cauſ. poſſ. & propriet. Earum verò cuſtodia, & adminiſtratio, & diſtributio pertinet ad Epiſcopos, & Eccleſiarum Rectores, c. vobis, 12. q. 2. qui earum rationem diuino reddituri ſunt examini, c. cōceſſo, 12. q. 2.

Cum autem Chriſtiani receperint à Deo per Euangelium maiora beneficia, quàm Iudęi ſub lege: plures etiam dies feſtiuos pro ampliori gratiarum actione cōſtituerunt. & loco Sabbathi inſtituerunt diem Dominicum, cuius meminit Ioan. Apoc. c. 1. ibi, Fui in ſpiritu in Dominica die. & S. Auguſtin. contra Fauſtū lib. 19. ait. Cum quęris Sabbathi otium cur nō obſeruat Chriſtianus? Reſpondeo, id non obſeruat Chriſtianus; quia quod figura profitebatur, iam Chriſtus impleuit. & in c. 1. de conſecr. diſt. 3. dicitur tempus feriandi eſſe omnem Dominicam, ne Iudaico Chriſtiani capiantur. & ibidem recenſentur alij dies feſtiui vltra Dominicā, videlicet Natalis Domini, & alij. quid autem deceat agere in diebus feſtiuis, oſtenditur in l. dies feſtos, C. de ferijs, vbi Imperatores Leo, & Antoninus reſcripſerunt, Dies feſtos Maieltati Altiffimę dedicatos nullis voluptatibus occupandos; nec vllis exactio-

exactionum vexationibus profanandos. Et ita Dominicum diem semper honorabilem, venerandum fore; vt à cunctis executionibus excusetur. & in c. nullus, 1 s. q. 4. Præcipitur Episcopis, & Clericis, ne audeant diebus festiuis, propositum cuiusuis negocium ventilare, nisi hoc tantum, vt Deo statuta solemnia peragant, & in c. placita, eadem s. q. 4. Placita secularia prohibentur in Dominicis diebus, & alijs præcipuis festis, & executiones fieri prohibentur per septem dies antè Natalem Domini, vsque ad Epiphaniam. & tempore Pasche per totam Octauam: vt quisque liberam facultatem habeat adeundi Ecclesiam, & orationibus vacandi. Et in c. commestationes, 44 dist. Præcipitur omnibus, vt in festiuitatibus abstineant à commestationibus, & ebrietatibus, & in c. irreligiosa, de consecr. dist. 3. Statuitur, vt in solemnitatibus debeant populi vacare diuini officijs, non autem saltationibus, vel cantilenis. Et in c. 1. de ferijs. statutum legitur, Omnes dies Dominicos cum omni ueneratione esse obseruandos, & ab omni illicito opere esse abstinendum; vt in eis mercatum minimè fiat, neque placitum: neque aliquis ad mortem, vel ad penam iudicetur: nec sacramenta, nisi pro pace, vel alia necessitate, præstentur. Et in c. fin. eod. tit. dicitur, quòd quamuis non prorogari, sed expediri debeat quæstiones: debet tamen Iudicialis strepitus diebus conuiuiscere feriatis, qui ob reuerentiam Dei noscuntur esse statuti: scilicet Natalis Domini, & alij ibidem enumerati. Didicerunt insuper Christi fideles sanctum aliud sacrificandi genus ieiunium scilicet, quod ex pluribus constat rem esse sanctam: & primò propter corporis ma.

macerationem, iuxta illud dictum Psal. 108. *Genua mea infirmata sunt à ieiunio: & caro mea immutata est propter oleum.* Secundo propter spiritus pertinacis expulsionē. vndē dicitur Matth. c. 9. *Numquid possunt filij sponsi lugere, quamdiū cum illis est sponsus? Venient autem dies cum auferretur ab eis sponsus, & tunc ieiunabunt.* idem legitur Lucæ c. 5. Tercio propter diuinæ gratiæ implorationem, sic dicitur Act. Apost. c. 14. *Cum constituissent illis per singulas Ecclesias presbyteros, & orassent cum ieiunationibus, cōmendauerūt eos Domino, in quē crediderunt.* Quarto & vltimo propter Christi ieiunantis imitationem, vt enim legitur Matth. c. 4. *Cum ieiunasset Iesus quadraginta diebus, & quadraginta noctibus, postea esuriit.* Hinc vt dierum decima pariter soluator Deo, instituta est Quadragesima. quæ summa obseruatione est obseruāda, quia ipsi dies decimæ sunt anni, vt ostēditur in c. Quadragesima, de cōsecr. dist. 5. Et quia annus voluitur per quatuor tempora, veris scilicet, æstatis, autumnī, & hyemis, statuta etiā sunt quatuor tempora communi ieiunio obseruanda in mensibus Martij, scū in prima hebdomanda Quadragesimæ, Iunij, Septembris, & Decembris, c. 1. & 2. 76. dist. Tandem non defuerunt inter fideles, qui meliori sorte, quàm Gentiles, Deo immolati fuerūt; illi scilicet Sancti Martyres, qui non dubitarunt pro Christi fide pati: qui Christi imitatores libentissimē sanguinem effuderūt. prout nec defuerūt alij, qui ardenti erga Deum amore, feruentiq. erga proximum dilectione meliūs, quàm Essenij, veram religionem professi fuerunt, vitæ innocentiam conseruarunt, pietatem exercuerunt, & chari-



charitatem : Eremitæ scilicet, Monachi, Mendicantes, cæteri. Ecclesiastici tam Regulares, quam Sæculares, quos ad infinitum penè numerum excreuisse gloriari debet nostra ætas : quia tot fidelium oblationes, tot deuotorum mentes, tot Religiosorum vota diuina benignitas non despexit. nec ullus est sanæ mentis, qui putet laicos depauperatos esse ob tot munera Deo dicata, ob tot ædes sacras exædificatas, ob tot Monasteria dotata, ob tot beneficia erecta. maiores enim sunt nostrorum temporum diuitiæ, ampliores laicorū facultates. crescit numerus seruientium Deo, orantium pro populo : crescunt diuinæ gratiæ : crescit rerū omnium copia. Iudæa, vt scribit D. Hieronym. in epist. ad Dardanum, angusta erat, cuius longitudo iter tri-  
 duui non excedebat : latitudo autem longè minor erat. & tamē maximum Sacerdotum Leuitarumq. numerum Deo dicauit, & aluit. Legitur Num. c. 3. quòd Moyses recensuit primogenitos filiorum Israel à mente, & supra : & inuenti fuerunt viginti duo millia ducenti septuaginta tres. & 1. Paralipom. c. 23. Dauid senex Regem constituit Salomonem filium suum super Israel. & congregauit omnes Principes Israel, & Sacerdotes, atque Leuitas. numeratiq. sunt Leuitæ à triginta annis supra, & inuenti sunt triginta octo millia virorum. ex his electi sunt, & distributi in ministerium domus Domini viginti, quatuor millia. Præpositorum autem, & iudicum sex millia : porro quatuor millia & totidem psaltæ canentes Domino in organis, quæ fecerat ad canendum. Quid mirum igitur si Christianitas longius diffusa, & propagata, & quæ maiora à clementissimo Deo beneficia recepit, ingentē,

ac penè infinitum numerum seruientium Deo adhibeat? Ecclesiastici sunt illi, qui debitam Deo rerum portionem attributam recipiunt, & distribuunt. isti res sacras, sanctasq. & religiosas custodiunt; quæ autem sint res sacræ, religiosæ, & sanctæ, & in quo differant, nolo recensere; nam hæc optimè explicantur per DD. Instit. & ff. de rerum diuif.

*Mau.* Nescio an maiore attentione, vel maiore animi iucunditate hæc audiuerim. sequitur vt dicas de altera parte rerum, quam dicebas, attributâ fuisse Reipublicæ.

*Luc.* Non dicam de Republica Atheniensium, Carthaginensium, vel Romanorum.

*Mau.* Dices igitur de Patria Demosthenis, qui interrogatus cuius esset, respondit se esse mundanum.

XIV.  
De portione  
Reipublicæ  
attributa.

*Luc.* Dicam de diuisione, quam fecerunt gentes, quæ vnâ partem Reipublicæ, hoc est, publicæ omnium commoditati, publico vsui reliquerunt. tunc quando fuerunt discretæ gentes, & Regna condita, dominia distincta, & agris termini positi, & ædificia collata, vt dicitur in l. ex hoc iure, ff. de iustit. & iure. Aer, aqua profluens, & mare, relicta sunt pro communi hominum vsu, & commoditate. & publicus etiam est vsus litorum, fluminum, & riparum, vt in §. & quidē naturali iure, cum seqq. Inst. de rerum diuif. Quædam etiam sunt communia Ciuitatum, Vniuersitatum, vt viæ, ædificia, palatia, Curiæ communes, & similia, §. vniuersitatis, Instit. eodem, de rerum diuif.

*Mau.* Omisla longiori rerum communium explanatione, aggredere tertiam partem, quam dicebas priuatis datam fuisse.

*Luc.* Tertia pars, quæ fuit data priuatis pertinet ad singulos,

gulos, vel ratione possessionis, vel ratione dominij.

*Man.* Dic primò aliqua de possessione, deindè de dominio.

*Lnc.* Ex rebus humani iuris, & quæ sunt in bonis nostris vel ratione possessionis, vel dominij, aliæ tanguntur, aliæ non. illæ sunt corporales, istæ incorporales. ex corporalibus, quæ sunt immobiles, calcantur pedibus. & quæ sunt mobiles, manibus capiuntur. incorporales verò, quia in solo iure cōsistunt, solo acquiruntur animo, vt hæreditas, vsusfructus, seruitutes, obligationes, & actiones, l. 1. §. quædam præterea, ff. de rer. diuis. De immobilibus, quia pede calcantur propriè dicitur possessio, quasi pedum positio, l. 1. ff. de acquir. possess. Sed de mobilibus, quia capiuntur manibus, minùs propriè dicitur possessio, glos. in d. l. 1. in princ. At de incorporalibus, quia solo apprehenduntur animo nō dicitur possessio, sed quasi possessio, l. seruus, §. incorporales, ff. de acquir. rer. domin. Nonnulli ex nostris, qui cæteris eruditiores cēsentur putant possessionem non à pedibus, sed à sedibus dictam, vt sit sedium positio non pedum, & ita legi aiunt in pandectis Florentinis, & glos. in d. l. 1. dicit à pedibus, aliàs à sedibus. & vulgatam editionem d. l. 1. vbi legitur possessionem appellatam esse à pedibus, quasi pedum positio, velut corruptam, & mendosam reprobant. quod videntur didicisse à Grammaticis docētibus verbum, possideo, deductum esse ab antiquo verbo pos, & sedeo, quasi potens sedeo. Sed quicquid sit, non recedamus à communi, & vulgata editione, quam tot sæcula receperūt, & approbarunt tot legum oracula: etenim nullibi legitur gentes in rerū distinctione hoc ius dixisse, quicquid

XV.

De portiore  
singulorum,  
& de posses-  
sione.

quid sedibus occupaueris, tuum sit, prout vulgatum est ita statuisse, quicquid calcauerit pes tuus tuum sit, glos. in d. l. 1. in verbo, quia naturaliter, ff. de acquir. poss. & ut legitur Deuter. in c. 1. 1. Moyses dixit filiis Israel: Omnis locus, quem calcauerit pes vester, vester erit. & in lib. Iosue c. 1. dixit Dominus: Omne locum, quem calcauerit vestigium pedis vestri, vobis tradam, sicut locutus sum Moysi. Scimus etiam denominationem sumendam esse ab eo, quod principalis est, & dignius, l. quæritur, ff. de stat. hom. Non ergo sine ratione possessio dicitur à pedum positione, quæ præcipua est, & positionem sedium omnemq. aliã corporis operationem præcedit: quandoquidem pedes sunt sustentamentum, & vehiculum totius corporis, & se habent ad reliquum corpus sicut bases ad columnas, Bald. in rubr. extr. de caus. poss. & proprietat. nu. 2. Nec vim facit, quod ex omni pedum positione non sequatur possessio, cum pedes ponantur in via, in foro, & in Ecclesia, & tamen istorum locorum possessio non acquiritur. quia hoc accidit nedium propter defectum animi possidendi, verum etiam propter inhabilitatem materiæ: ea enim, quæ sunt aut vniuersitatis, aut in nullius bonis, non subiacent possessioni dominio vè singulorum, §. vniuersitatis, cum duob. seq. Instit. de rer. diuis. Sicut etiam non facit scrupulum, quod possideantur etiam mobilia, quæ tamen non pedibus calcantur, sed manibus apprehenduntur: quia neque id fit sine pedum ministerio, & ope; immò, quia ut ait Castr. in d. l. 1. n. 3. ff. de acquir. poss. possessio mobilium vilis est, & abiecta ex quo facile amittitur, statim scilicet omissa, vel neglecta custodia,

dia, l. si rem mobilem, ff. de acquir. possess. mirum,  
 non est si eius, & manuum ratio habita non fuit in  
 denominatione sumenda, quæ desumpta fuit à pe-  
 nibus, inspecta possessione immobilium, quæ dignior  
 est, & difficilius amittitur. nec fuit habita ratio  
 oculorum, tametsi censeantur sedes, & animi habita-  
 culum, qui quasi præstantiores postremi perficiuntur,  
 & antè ceteras corporis partes exoriuntur, ut aiunt  
 naturales; nam solo aspectu possessio non acquiritur,  
 nisi aliud concurrat, velut præsentia rei, & voluntas  
 possessoris, l. quod meo, §. si venditorem, ff. de acquir.  
 poss. Nulla tandem animi ratio habita fuit in denomi-  
 nanda possessione, quia ius gentium solam corporale  
 apprehensionem, & naturalem insistentiam conside-  
 ravit in acquirenda, & retinenda possessione, eoq. iure  
 quis possessor existeret, quamdiu rem detinebat. &  
 qui unus rei possessionem capiebat, alterius possessio-  
 nem amittebat, quando illa corporalis insistentia  
 deficiebat. quam gentium conditionem hodie nobis  
 representare videntur Zingari, & Arabes, qui modò  
 unum locum occupant, modò alium suis sedibus, &  
 tugurijs. quippè qui eas amouentes, prioris loci pos-  
 sessionem nullatenus retinent. vnde dicere possumus  
 illo iure loca omnia fuisse, qualia remanserunt litora  
 maris: ibi enim si quis ædificium ponit, fit possessor:  
 sublato autem ædificio tollitur & possessio. & ita dici-  
 tur in l. quod in litore, ff. de acquir. rer. dom. litora  
 esse sicut ea, quæ primum natura prodita sunt, sed post  
 oppida constructa, post conditas vrbes, quia fieri non  
 poterat, ut quis ciuiles domos habitaret, simulq. rusti-  
 ca prædia per se eodem tempore coleret, & naturaliter

O possi-

possideret. iure ciuili inductum fuit, vt non solius corporis, sed etiam animi ratio haberetur in acquirenda, retinenda; & amittenda possessione, l. 1. ff. de acquir. rer. dom. l. 3. §. in amittenda, & l. clam possidere, §. qui ad nundinas, ff. de acquir. possess. quo iure inspecto, potior quidem est animus corpore in possessione retinenda, & amittenda. sed in acquirendo, potior est naturalis, & corporalis apprehensio. neque enim solo animo potest acquiri possessio, nisi antecedit naturalis possessio, l. 3. §. Neratius, ff. de acquir. possess. Hinc duo subsecuta sunt, vnum quòd quis, nedum per se, sed etiam per alium, & nedum sibi, sed etiam alteri possideat. sic videmus per Procuratores possessionem absentibus acquiri; & per colonos, inquilinos, vel conductores detineri, & possessoribus conferuari. alterum est, quòd qui, vel prohibiti sunt à lege, vel qui animo sunt infirmo, & imbecilli, velut furiosi, & pupilli possessionem iure ciuili nò acquirunt: licet enim valeant rem pedibus calcare, & manibus apprehendere; tamè quia animum possidendi, vel natura, vel iure prohibente non habent; possessionem non acquirunt, non retinent. & quamuis corporali apprehensione possidere quodammodo incipiant; possessionem tamen, animo possidendi deficiente, non perficiunt: sunt velut dormientes, qui si in eorum manibus aliquid ponatur, tenent quidem, sed tenendi affectionem non habent, l. 1. §. adipiscimur, ff. de acquir. possess. vbi declarat etiam Iuriscons. pupillum sine tutoris auctoritate posse incipere possidere, quia hæc res est facti, nò iuris. & subiungit in sequenti §. si vir vxori, quòd si maritus causa donationis cedat vxori possessionem, licet

licet talis donatio sit prohibita inter coniuges ; tamen  
 vxor possidet : quia res facti, iure ciuili infirmari non  
 potest. & eleganter dicitur in l. possessio quoque, ff. de  
 acquir. poss. quod qui in aliena potestate sunt, rem pe-  
 culiarem tenere possunt ; habere autem, & possidere  
 non possunt : quia possessio non tantum corporis, sed  
 etiam iuris est. Et hac ratione de rebus incorporali-  
 bus, de iuribus scilicet, non dicitur possessio : quia na-  
 turalis apprehensio non concurrit. sed dicitur quasi  
 possessio ; quia ex duobus, quæ in acquirenda pos-  
 sessione requiruntur, sola concurrit animi apprehensio,  
 l. sequitur, §. si viam, ff. de vsucap.

*Mat.* De possessione singularia quædam dixisti, & mi-  
 hi grata. sequitur dicendum de dominio.

*Luc.* Dominium propriè dicitur de rebus corporali-  
 bus, illudq. inceptit ex naturali possessione, l. 1. ff. de ac-  
 quiren. poss. tunc quando lus gentium constituit,  
 quicquid calcauerit pes tuus, tuum sit. ex qua naturali  
 occupatione causatum fuit dominium, quod illo iure  
 consistebat in solo vsu, & sola rei commoditate, glof.  
 in d. l. 1. in verb. air, intantum vt corporali insistentia  
 deficiente, dominium quoque deficeret ; l. 3. l. natu-  
 ralem, ff. de acquir. rer. domin. Vestigium, & exem-  
 plum huius dominij, remansit in his dumtaxat ; quæ  
 terra, mari, cæloq. capiuntur : quippè quæ fiunt eo-  
 rum, qui primi eorum possessionem apprehenderint.  
 & desinunt eorum esse quamprimum sese recipiunt  
 in naturalem libertatem : rursusq. fiunt occupantis,  
 §. feræ, Instit. de rer. diuis. Idem erat de alijs rebus cor-  
 poralibus, quæ vel immobilia sunt, vel non se mouen-  
 tia, d. l. 1. ff. de acquir. poss. Vtiliter, & sufficienter

XVI.  
De dominio.

prouidit Ius gentium ; tunc quādo latus erat cāmpus,  
 & pauci erant occupatores . at constructis Urbibus ,  
 auctis Ciuibus , Ciuili iure opus fuit . quod cum in-  
 duxisset , vt non solo corpore , sed etiam animo acqui-  
 reretur , & retineretur possessio ; induxit etiam illud  
 dominij genus solo animo consistens , separatūq. ab  
 vfu , & vtilitate : quale est illud , quod habet dominus  
 feudi , vel emphyteusis , & etiam hæres proprietarius ,  
 l. 2. ff. quibus modis vsusfructus amittatur , l. sed si , cū  
 l. sequenti , ff. de vsufr. adeò vt dicere possimus , du-  
 plex esse dominium , vnum quod corpore , aliud quod  
 animo detinetur . illud est vtile , istud directum . illud  
 naturale , istud ciuile . & differunt inter se sicut fructus ,  
 & proprietas , quæ nihil habet commune cum posses-  
 sione , l. naturaliter , §. nihil commune , ff. de acquir.  
 poss. iungi tamen possunt inter se , & consolidari ,  
 & tunc dicitur dominium plenum , §. vltim. Instit.  
 de vsufr. l. fœminæ , §. illud , C. de secun. nupt. Ideòq.  
 fieri potest , vt vnus possessor sit , non dominus . & al-  
 ter dominus quidem sit , possessor verò non sit . & tan-  
 dem vt possessor idem & dominus sit , vt legitur in  
 l. 1. in princ. ff. vt possid. quarundam itaq. rerum  
 dominium acquiritur Iure gentium , quarundā verò  
 iure ciuili . illud per occupationem , istud per traditio-  
 nem , l. 1. ff. de acquir. rer. dom. sed vera , & propria  
 acquisitio dominij est per occupationem : quādoqui-  
 dem fit de eo , quod naturaliter commune est . per tra-  
 ditionem autem verè non acquiritur dominium , sed  
 mutatur , & transfertur de vno in alium . ideòq. rectè  
 dicitur in l. traditionibus , C. de pact. dominia rerum  
 traditionibus transferri . eodēq. dicendi genere vtitur  
 Iurisc.



10 Jurisc. in l. traditio, & in l. nunquā nuda, ff. de acquir.  
 20 rer. dom. De rebus autem incorporalibus dominium  
 30 non dicitur, sed ius, l. rectè dicimus, ff. de verb. signif.  
 40 quasi dominium verò dicitur illa opinio, quam habet  
 50 quis, qui bona fide possidet, & credit se dominum, cum  
 60 tamen verè dominus non sit: ideo dicitur habere fi-  
 70 ctitum, seu quasi dominium, §. namq. si cui, Instit. de  
 80 act. l. bona fides 2. ff. de reg. iur.

90 Et hæc inter priuatos rerum distributio fuit ne-  
 cessaria triplici ratione, vt ait Diuus Thom. 2. 2. q.  
 100 6. art. 2. quem refert Rip. in rubric. ff. de acquir. en.  
 110 poss. l. num. 3. Prima est, ne ratione communionis  
 120 bona communiter negligenter: naturale enim est  
 130 vitium negligi, quod communiter possidetur, & quis  
 140 arbitratur se nihil habere, quod totum non habeat.  
 150 & dum inuidet alienæ parti, suam quoque partem  
 160 patitur corrumpi, l. 2. C. quando, & quibus quar.  
 170 pars deb. lib. 10. Secunda est, vt evitetur confusio;  
 180 nam ordinatè res tractantur, si singulis tanquā  
 190 propriæ gubernandæ tradantur, c. 1. & 2. 89. dist.  
 200 Tertia, & vltima est, vt evitentur rixæ, & discordiæ;  
 210 quæ ex communiōne nascuntur: Ideoq. nemo inui-  
 220 tus compellitur ad communionem, l. si non sortem,  
 230 §. si autem debens, ff. de condit. indeb. legitur in  
 240 libro Genes. c. 13. quòd terra non poterat capere  
 250 Abraham, & Lot, vt habitarent simul: erat quippè  
 260 substantia eorum multa, & nequibant habitare com-  
 270 munitè. vnde facta est rixa inter pastores gregium  
 280 eorum. Abraham, & Lot. Dixit ergo Abraham ad  
 290 Lot: ne quæso sit iurgium inter me, & te; & inter  
 300 pastores meos, & pastores tuos: fratres enim sumus.

XVII.  
 Rerum distri-  
 butio inter  
 homines cur  
 fu rit neces-  
 saria.

ecce vniuersa terra coram te est: recede à me obsecro:  
 si ad sinistram iueris, ego dexteram tenebo: si tu dex-  
 teram elegeris, ego ad sinistram pergam. elegitq. sibi  
 Lot regionem circa Iordanem, & recessit ab Oriente:  
 diuisiq. sunt alterutrum à fratre suo. Legitur insuper  
 in libro Iosue c. 13. quòd post Moysen, & post factam  
 ab eo possessionum diuisionem inter tribus; cum Iosue  
 senuisset, terraq. latissima derelicta esset; quæ nec  
 forte esset diuisa: iussit ei Deus, vt diuideret terram,  
 in possessionem Tribubus, & ipse diuisit. Hinc etiam  
 legitur apud Liuiū lib. 2. & apud alios, quòd Romani  
 promulgarunt legem agrariam, de agris populò diui-  
 dendis. & nos ex iure Canonico didicimus, necessa-  
 rium, & utile fuisse, vt illa portio rerum Deo dicata,  
 diuideretur inter plures Ecclesiasticos, quoad illud  
 scilicet dominium naturale, quoad fructum inquam,  
 & utilitatem, seu potius quoad solam administratio-  
 nem, vt paulò antè dicebam. Quid modo cogitas  
 Maure?

## XVIII.

De venatio-  
 ne, piscatio-  
 ne, & aucu-  
 pio.

*Mau.* Mente reuoluo modū illum res occupandī, quē  
 dicebas remansisse in his, quæ terra, mari, cæloq. ca-  
 piuntur. & stupeo considerans illorum dementiam,  
 qui feras conlectantur, insidiantur piscibus, insequun-  
 tur aues.

*Luc.* Quisquis te audierit, vereor nè velut stupidum,  
 sensuq. carentem increparet.

*Mau.* Te alloquor, non venatores; quorum alij diū  
 noctuq. vagantur per montes, & valles, inter saxa,  
 & spinas. & quid sectantur? lepusculum. Alij sata-  
 guunt aquas hamo percutere: quid autem querunt?  
 pisciculum. Alij verò nihil melius putant, quam

fi-

fistula, vel sibilo auctulas decipere, cogere in retia.

*Luc.* Quisq. venator audax; ingeniosus piscator, au-  
ceps agilis te proculdubio notaret animi imbecillita-  
te, tarditate ingenij; corporis pigritia.

*Man.* Quisque sibi placet, suam quisque partē opinio-  
nemvè tueri conatur. sed non video quā ratione de-  
beāt homines ducere noctes insomnes pro re exigua;  
tempus terere exercitio periculoso; exponere se im-  
bribus, vel pruinis pro re vili. Tumultuosa est; & in-  
quieta venatorum vita; damnosum est eorum exerci-  
tium alienis rebus, agris scilicet, vineis, sylvis. Malè  
utuntur isti propria substantia; dum alunt canes, acci-  
pitres, bubones, & similia. sunt inimici propriæ vitæ,  
dum aquis, & luto piscium causa se inuoluunt. sunt  
propriæ salutis immemores, dum ventorum rigori,  
iniuriæ Solis, immanitati ferarum se subijciunt. sunt  
permolesti, dum suis fistulis, & sibilis familiarium, &  
vicinorum capita iugiter obrundunt: dum euntes ma-  
ne, molestis clamoribus quiescentes interrumbant; &  
fero redeuntes tumultu, & strepitu transeuntes omnes  
exurdant: sed aliquando pœnam luunt eorum demê-  
tiæ, quando vacui domum repetunt, ab amicis illusi:  
quando defessi valdè, accumbere non valent; & cæ-  
teri præda fruuntur absque labore.

*Luc.* Ait Varo. lib. 4. de lingua latina, venationem  
dictam esse ab euentu: quia præda nō semper est cer-  
ta. multiq. venantur, & euenit, ut non omnes prædam  
consequantur. gloria autem, quæ nascitur à felici euê-  
tu, superat quasunque voluptates. In libro Genes.  
cap. 9. Deus benedixit Noe, & filiis eius, & dixit ad

eos, terror vester, ac tremor super cuncta animalia  
 terræ, & super omnes volucres cæli. omnes pisces, ma-  
 ris manui vestræ traditi sunt, & omne, quod moue-  
 tur, & viuit, erit vobis in cibum: quasi olera virentia  
 tradidi vobis omnia. Idcirco colligimus, necesse esse,  
 vt homines studeant venari, piscari, aucupari: ne  
 aliàs viderentur cōtemnere diuinam munificentiam,  
 & negligere elargitum imperium. Verum est non  
 omnia omnibus conuenire: & propterea hæc permit-  
 tuntur illis præcipuè, qui si fortè ociosi remanèrent,  
 aliud malè agere discerent. & illis etiam, qui rei mi-  
 litari operam daturi sunt: vt tali studio, & exercita-  
 tione fiant robusti, celerès, & laboriosi. dicebat Cic.  
 lib. 2. de nat. Deorum, circa finem, imminantes, & fe-  
 ras belluas nanciscimur venando, vt & vescamur ijs,  
 & exerceamur in venando, ad similitudinem bellicæ  
 disciplinæ: vt utamur domitis, & condoceratis; mul-  
 taq; ex eorum corporibus remedia morbis, & vulne-  
 ribus eligamus. Hæc autem permissio intelligitur  
 dummodo nihil fiat cum iniuria, & damno alterius.  
 Plato in libro de legib. dial. 7. in fin. præscribit, vena-  
 torem nocturnum retibus, & canibus suis fidentem,  
 nemo vsquam sinat venari: auteps per incultos agros,  
 montesq; vagari permittatur; à cultis locis sacrisq; in-  
 cultis, à quocunque pellatur. Piscator nec in portu-  
 bus, nec sacris paludibus, stagnisq; venetur. in alijs  
 liceat, dummodo succorum non utatur permixtione.  
 Rursus hæc permissa sunt, quatenus non dimittantur,  
 negligentur vè quæcunque præcipua sunt, & potiora.  
 Rustici, qui culturæ agrorum adscripti sunt, tempus  
 culturæ destinatum contertere non debent in perse-  
 quendo

quando lepulo: si tamen animalia fera nocentia capiant; digni sunt laude. Capite nobis vulpes parvulas; quæ demoluntur vineas, dicitur in lib. Cant. c. 2. Cives illi, qui domus, & familiæ curam habent, pessimè agunt; si inopes, nihil aliud student, quàm retia conficere, & alere canes. eorumq. deploranda esset conditio, quippè qui velut Actæon, se à suis canibus dilacerari paterentur. Qui præsumunt publicis negocijs, hæc agunt laudabiliter animi causa. Marcus Antoninus Philosophus Imperator, etsi studiosus, à gravioribus Reipublicæ curis animum remittens; in venationem pergebat, & interdum piscando se oblectabat, & ut scribit Iulius Capitolinus in eius vita, amavit pugilantium luctamina, & cursum, & aucupatus, & pila ludit apprimè, & venatus est. Venabatur etiam, & piscabatur nonnunquã Alexander Severus alioquin Reipublicæ intectus: ut enim refert Lampridius in eius vita, ad maiorum effigies rem diuinam faciebat; si id non poterat, pro loci qualitate, vel vectabatur, vel piscabatur, vel deambulabat, vel venabatur; dehinc, si hora permitteret, actibus publicis post multam operam dabat. Interdictæ sunt servis Dei venationes, & sylasticæ vacationes. ij. q. prohibiti sunt habere accipitres, & falcones, c. Episcopum, cum seq. 34. dist. c. 1. & 2. de Cleric. venat. ut enim legitur in c. Esau, 86. dist. Esau venator erat, quoniam peccator erat. Et penitus non inuenimus in scripturis sanctis Sanctum aliquem venatorem; piscatores autem inuenimus Sanctos. Ideoq. ut innuit ibidem glos. permittitur Ecclesiasticis piscatio; quia pauca in ea potest esse delectatio, & in ea potest de diuinis cogitari. Christus elegit

elegit piscatores in Apostolos, eosq. fecit fieri piscatores hominum; inter quos, ut dicitur Ioan. 21. Simon Petrus dixit alijs, vado piscari; & dixerunt ei, venimus & nos. Legitur de sancto Eustachio, & de alijs, quod venati fuerunt. vnde dicere possumus, quod Sancti fuerunt, non quia venatores, sed Petrus, Andreas, & ceteri, Sancti fuerunt: quia piscatores. Ex eo autem, quod aliquando prohibeatur venatio, nō tamen actus damnatur: sed nimia delectatio mentis. quandoquidem in huiusmodi rebus, non vsus, sed libido vtenis in culpa est, c. 1. dist. 41. tempore, quo vacandum est orationi, prohibentur omnes venari, c. an putatis, 86. dist. Alijs verò diebus laicis venari licet, c. non est in potestate, de decimis. Prælati autem, & alij Ecclesiastici possunt venari, aliquando recreationis gratia, cum silentio tamen, & modestia, ut not. Doct. in dicto c. 1. de Cleric. venat. & in c. cum Apostolus, §. quo circa, de censibus.

*Mau.* Venatorum causam apud me satis defendisti: reliquum est ut aliqua notes de bello, postquam satis habeo notata hucusq. de potestate Ecclesiastica, de meo, & tuo, de diuisione rerum, possessione, & dominio.

*Luc.* In fine diei necesse est, ut breuiter dicam.

*Mau.* Quid autem de bello vltius dices?

*Luc.* Quatuor propono; vnum, quid obseruandum sit in bello gerendo. Alterum, an ex humano consilio, an verò diuino iudicio bellum proueniat. Tertium vnde expectanda sit victoria: Postremum capta in bello cuius fiant.

# XIX.

De bello, & quæ sint obseruanda inter bellatores.

*Mau.* Curiosa sunt hæc. audiam libentissimè.

*Luc.* Quantum igitur ad primum, cum ut alias dicebamur,

mus, bellum esse debeat necessarium, & iustum contra hostem, qui non vult pacem; & ad repellendam iniuriam, non ad inferendam: multa sunt in bello gerendo observanda. sed ego colligo nonnulla ex libro Deuteron. c. 20. Vnum est, vt qui bellum gerunt, omnem fiduciam reiiciant in Deum. ibi, Non pertimescat cor vestrum: quia Dominus Deus vester in medio vestri est, & pro vobis contra aduersarios dimicabit. Alterum, vt in exercitu non admittantur impediti, formidolosi, & inutiles. ibi, Duces quoque per singulas turmas, audiente exercitu proclamabunt. Quis est homo, qui despondit uxorem, & non accepit eam? Vadat, & reuertatur in domum suam, ne forte moriatur in bello; & alius accipiat eam. his dictis addent reliqua, & loquentur ad populum. Quis est homo formidolosus; & corde pauido? vadat, & reuertatur in domum suam, ne pauere faciat corda fratrum suorum; sicut ipse timore perterritus est. Tertium est, vt ante aggressus offeratur hosti pax. ibi, Quando accesseris ad expugnandam ciuitatem, offeres ei primum pacem. Si receperit, & aperuerit tibi portas; cunctus populus, qui in ea est, saluabitur, & seruiet tibi sub tributo. Sin autem foedus inire noluerit, & coeperit contra te bellum, oppugnabis eam. Quartum est, vt victor modestè victoria vtatur: & parcatur foeminis, & pueris. ibi; Cumq. tradiderit Dominus Deus tuus illam in manu tua, percuties omne, quod in ea generis masculini est, in ore gladij absque mulieribus, & infantibus, iumentis, & cæteris, quæ in ciuitate sunt: Quintum, vt præda inter milites distribuatur. ibi, Omnem prædā exercitui diuides, & comedes

medes de spolijs hostiũ tuorum , quæ Dominus Deus tuus dederit tibi. Postremũ, vt in obsidione non deuaſtetur regio . ibi , Quando obſederis ciuitatem multo tempore , & munitionibus circũdederis , vt expugnes eas ; non succides arbores , de quibus veſci poteſt ; nec ſecuris debes vaſtare regionẽ : quoniam lignum eſt , & nõ homo : nec poteſt bellantiũ cõtra te augere numerũ . Si quæ autem ligha nõ ſunt pomifera , ſed agreſtia , in ceteros apta vſus , ſuccide : & inſtrue machinas , donec capias ciuitatẽ , quę contra te dimicet . Nõnulla verò , quæ pertinet ad eos , quos exercitus inimicus aggreſſus , & obſidet , pariter colligo ex c . 32 . lib . 1 . Paralip . Vnũ eſt , vt Princeps ciuitatis , vel loci cõgreget ſapientes , & rei bellicę expertos , & ab eis conſilium capiat : & iuxta eorũ ſententiã decernat . ibi , Senacherib Rex Aſſyriorũ ingreſſus Iudæã obſedit ciuitates munitas , volẽs eas capere . quod cũ vidiffet Ezechias Rex , iniuit conſiliũ cum Principibus , virisq . fortiffimis . Alterũ , vt ſtudeat auferre exercitui aduerſario quaſcũq . commoditates . ibi , Et omniũ decernẽtẽ ſententiã , cõgregauit plurimã multitudinem , & obturauerunt cũctos fontes , & riuum , quĩ fluebãt in medio terræ , dicẽtes , ne veniant Reges Aſſyriorũ , & inueniant aquarũ abundantia . Tertiũ , vt muros , & arces reedificet , & extruat . ibi , Edificauit quoq . agens induſtriẽ omnẽ murum , qui fuerat diſſipatus : & extruxit turres , & forinſecus alterũ murum . Quartũ , vt adhibeat arma , & Duces , & exercitũ benẽ munit . ibi , Et fecit vniuerſi generis armaturã , & clypeos , cõſtituitq . Principes bellatorũ in exercitu . Quintũ , vt milites , & populũ confortetur , & animet . ibi , Et cõuocauit vniuerſos in platea portæ



portæ Ciuitatis; ac locutus est ad cor eorum dicens:  
 Viriliter agite, & confortamini; nolite timere, nec  
 pauca Regem Assyriorum, & vniuersam multitudi-  
 nem, quæ est cum eo: multò enim plures nobiscum  
 sunt, quàm cum illo: cum illo enim est brachium  
 carneum, nobiscum Dominus Deus noster, qui auxi-  
 liator est noster, pugnatq. pro nobis. Confortatusq.  
 est populus huiusmodi verbis Ezechie Regis Iuda.  
 Postremû est, vt populus fortiter sustineat primos ag-  
 gressus, & vigilet, oret, & speret in Deo. ibi, Insuper  
 & clamore magno contra populû, qui sedebat in mu-  
 ris Ierusalem, personabat, vt terreret eos, & caperet ci-  
 uitatem. orauerû igitur Ezechias Rex, & Isaias filius  
 Amos Prophetæ. ac vociferati sunt vsque ad cælum.  
 & misit Dominus Angelum, qui percussit omnem vi-  
 rum robustum, & bellatorem, & Principem exercitus  
 Regis Assyriorum. reuersusq. est cum ignominia in  
 terram suam.

*Mat.* Præclare dixisti ad primum.

*Luc.* Quantum ad alterum, etsi bellû immediatè oriri  
 videatur ex humanis cõsilijs, & deliberationibus Prin-  
 cipum: nõ tamen prouenit nisi Dei iudicio, & motu.  
 quando, vel Regnorum, vel Prouinciariû, vel Urbium  
 sceleribus ad iram commouetur, & vindictam. qua  
 ratione excitat gentes extraneas, & feroces; vt eorum  
 voracitati, & furori tradat populos contumaces. Isaias  
 cap. 5. ait, Iratus est furor Domini in populum suum;  
 & extendit manum suam super eum, & percussit eû:  
 & conturbati sunt montes, & facta sunt morticina eo-  
 rum quasi stercus in medio platearum. & Ierem. c. 5.  
 exclamat dicens: Hec dicit Dominus Deus exercituum;

Ego

XX.

Bellum non  
 oritur sine  
 diuino iudi-  
 cio.

Ego adducam super vos gentem de longinquo : gentem robustam, gentem antiquam, cuius ignorabis linguam, nec intelliges quid loquatur. Atque idem legitur in libro Deuteronomij c. 28. ibi, Adducet Dominus super te gentem de longinquo, & de extremis terræ finibus in similitudinem Aquilæ volantis cum impetu : cuius linguam intelligere non possis. gentem procacissimam, quæ non deferat seni, nec misereatur paruuli, & deuoret fructum iumentorum tuorum, ac fruges terræ tuæ : donec intereas. Equidem non video quomodo fieri posset, vt Principes animum ad bellandum applicarent: nisi eos quodammodo cogeret diuina iustitia, aliàs enim deterrerentur, & bellum omninò euitarent; considerantes quanta sint bellorum incommoda, quanta fiant dispendia, quanta excidia nascantur; & quàm incertus sit euentus. minusq. possibile esset, vt miles inueniretur, qui, pro paruo stipendio menstruatim promisso, tanto rigori disciplinæ, & obedientiæ militaris se vellet subijcere; & semper esse anxius, semper sollicitus, & omni tempore miser.

*Man.* Impossibile sanè est, vt hæc res aliter se habeat : ad alia.

XXI.

Victoria, &  
liberatio ab  
alio non est  
expectanda,  
quam a Deo.

*Lac.* Quantum ad tertium. ab alio non est expectanda victoria, seu liberatio; quàm à Deo : vt enim legitur lib. 2. Machabæorum c. 8. Iudas Machabæus conuocatis septem millibus, qui cum eo erant, eos rogabat ne hostibus reconciliarentur, neque metueret iniquè venientium aduersum se hostium multitudinem : sed fortiter cõtenderent. reddens rationem: nam illi quidem armis confidunt, simul & audacia : nos autem in omni-

omnipotente Domino, qui potest, & venientes aduersum nos, & vniuersum mundum vno nutu delere, confidimus. Nihil sanè valent vires humanæ. plerumq. qui fortissimi sunt; debili cedunt brachio. in libro 1. Regum c. 17. Dauid dixit ad Philistæum: tu venis ad me cum gladio, & hasta, & clypeo. Ego autem venio ad te in nomine Domini exercituum. Cum ergò surrexisset Philisthæus, & veniret, & appropinquaret contra Dauid, festinauit Dauid ad pugnam, & misit manum in peram, tulitq. vnum lapidē, & funda iecit, & circumducens percussit Philistæum in fronte. Sæpè euenit, vt minor pugnantiū numerus superet maiorem volente Deo. In lib. Iosue c. 10. cum habitatores Gabaon essent obsessi à Regibus Amorrhæorum, petierunt auxilium à Iosue, cui dixit Deus: Ne timeas eos: in manus enim tuas tradidi illos: nullus ex eis tibi resistere poterit. Cum autem Amorrhæi fugissent, Dominus misit super eos lapides magnos de cælo, & mortui sunt multo plures lapidibus grandinis, quàm quos gladio percusserant filij Israel. & vt legitur in lib. 2. Paralipomen. c. 14. Afa, pugnaturus contra numerosum exercitum Æthyopum, inuocauit Dominum dicens: Domine non est apud te vlla distantia: vtrum in paucis auxiliieris, an in pluribus. adiuua nos Domine Deus noster: in te enim, & in tuo nomine habentes fiduciam venimus contra hanc multitudinem. Domine Deus noster tu es, non præualeat contra te homo. Exterrui itaq. Dominus Æthyopes corà Afa, & Iuda: fugeruntq. Æthyopes. Victoria sanè est diuini operis, nō humanæ fortitudinis: vt enim legimus in eodem libro 2. Paralipom. c. 20. Iosaphat aggressus à Syrijs,

à Syrijs orauit ad Dominum . & Iahaziel, super quem  
 factus est spiritus Domini in medio turbæ, & ait : At-  
 tendite omnis Iuda, & qui habitatis Ierusalem, & tu  
 Rex Iosaphat : Hęc dicit Dominus vobis. nolite time-  
 re, nec pauceatis hanc multitudinem : non est vestra  
 pugna, sed Dei . non eritis vos, qui dimicabitis, sed  
 tantummodo confidenter state : & videbitis auxilium  
 Domini super vos . Ideoq. vt inferius subiungitur Io-  
 saphat dedit consilium populo, & statuit cantores Do-  
 mini, vt laudarent eum in turmis suis, & antecederent  
 exercitum. ac voce consona dicerent : Confitemini  
 Domino, quoniam in æternum misericordia eius.  
 eumq. cœpissent laudes canere, vertit Dominus infi-  
 dias eorum in semetipfos, filiorum scilicet Amon, &  
 Moab, & montis Seir, qui egressi fuerant, vt pugnaret  
 cōtra Iudam, & percussi sunt. Reuersusq. est omnis vir  
 Iuda, & habitatores Ierusalem : & Iosaphat antē eos  
 in Ierusalem cum psalterijs, & cytharis, & tubis in  
 domum Domini, irruit autem pavor Domini super  
 vniuersa regna terrarum, cū audissent, quod pugnaf-  
 set Dominus cōtra inimicos Israel. quieuitq. regnum  
 Iosaphat, & præbuit ei Deus pacem. Pariter in lib. 1.  
 Machab. c. 3. quando Iudæi viderunt magnum exer-  
 citum Seron Principis exercitus Syriæ, dixerunt Iudæ-  
 quomodo poterimus pauci pugnare contra multitu-  
 dinem tantam, & tam fortem ? nos fatigati sumus ie-  
 iunio hodie. Et ait Iudas, facile est concludi multos in  
 manu paucorum, & non est differentia in conspectu  
 Domini cæli liberare in multis, & in paucis : quoniam  
 non in multitudine exercitus victoria belli, sed de  
 cælo fortitudo est. vt autem cessauit loqui, insiluit in  
 eos

eos subirò, & contritus est Seron, & exercitus eius in  
 conspectu ipsius. Et re vera quò magis homines pro-  
 prijs viribus confidunt, eò magis confunduntur. dicitur  
 Isaię c. 30. Hęc dicit Dominus Deus sanctus Israel.  
 Si reuertamini, & quiescatis: salui eritis, in silentio,  
 & in spe erit fortitudo vestra. & nolulistis: & dixistis  
 nequaquam, sed ad equos fugiemus: ideò fugietis.  
 & super veloces ascendemus: ideò velociores erunt,  
 qui persequuntur vos. Tunc autem victoria, vel li-  
 beratio à Deo conceditur, quando populus percussus,  
 & fortiter pugnans se corrigit: & Clerus oratione di-  
 uinam iram placat. Primum deduco ex libro Iudith  
 c. 8. ibi, Et nos ergò non vlciscamur nos pro his, quę  
 patimur: sed reputantes peccatis nostris hæc ipsa sup-  
 plicia minora esse flagella Domini, quibus quasi serui  
 corripimur ad emendationem, & non ad perditionem  
 nostram euenisse credamus. Alterum colligo ex lib.  
 Exodi c. 17. vbi venit Amalec, & pugnabat contra  
 Israel, & Moyses dixit ad Iosue, Elige viros, & egressus  
 pugna contra Amalec: cras ego stabo in vertice col-  
 lis, habens virgam Dei in manu mea. & fecit Iosue,  
 vt loquutus erat Moyses: & pugnavit contra Amalec.  
 Moyses autem, & Aaron, & Hur ascenderunt super  
 verticem collis. Cumq. leuaret Moyses manus, vince-  
 bat Israel: sin autem paululum remisisset, superabat  
 Amalec. & addo text. in c. 12. lib. 2. Paralipomen.  
 vbi cum roboratum fuisset Regnum Roboam, & con-  
 fortatum dereliquit legem Domini, & omnis Israel  
 cum eo. Anno autem quinto Regni Roboam ascendit  
 Sefac Rex Ægypti in Ierusalem: quia peccauerat Do-  
 mino. Semeias autē Propheta ingressus est ad Roboam,

& Principes Iuda, qui cōgregati fuerunt in Ierusalem, fugientes Sefac, dixitq. ad eos: Hæc dicit Dominus: vos reliquistis me, & ego reliqui vos in manu Sefac. Consternatiq. Principes Israel, & Rex dixerunt: Iustus est Dominus. Cumq. vidisset Dominus, quòd humiliati essent, factus est sermo Domini ad Semeiam dicens: Quia humiliati sunt, nō disperdam eos, daboq. eis pauxillum auxilij, & non stillabit furor meus super Ierusalem per manum Sefac. Nisi fallor huc spectare volebant Ethnici, & Gentiles, quando bellorum euentus non humanę fortitudini, sed fortunę, & fato tribuebant. vndè dicebat Cæs. in Comment. lib. 6. multum cū in omnibus rebus, tum in re militari fortuna potest. sed quasi infirmis oculis rem benè prospicere non valuerunt. quòd si ipsi etiam Deum verum, Deum fortem, Deum malorum vindicem cognouissent, neque hæc, neque alia confictis Idolis adscripsissent. Finis igitur bellorum est debellatio vnus, & victoria alterius. Ex prima hoc boni nascitur, quòd illi, qui antea præ ocio, & pace, qua fruebantur superbi, & iniusti facti erant, bello tandem correcti, iusti, & humiles redduntur: vt enim ait Arist. lib. 7. Politic. c. 15. Bellum quidem ipsum cogit homines esse iustos, ac temperatos: fortunę autem prosperę fruitio, & ocium cum pace, petulantes magis facit. Ex altera, autem, ex victoria scilicet duo nascuntur. Triumphus, qui debetur Principi exercitus vincētis; & præda, quæ militibus vincentibus diuiditur. Quoad triumphum legitur in 1. lib. Regum c. 18. Cum reuerteretur Dauid percusso Philistæo, egressæ sunt mulieres de vniuersis vrbibus Israel cantantes, chorosq. ducentes in  
occur-

occursum Saul Regis, in tympanis lætitiæ, & in fistris, & præcinebant mulieres ludentes, atque dicētes: Percussit Saul mille, & David decem millia. Apud Romanos, qui bello hostes profligauerant, Romam ingrediebantur triumphantes magna solemnitate, & pompa, prout referunt Plutarch. in vita Marcelli, Plin. lib. 5. c. 5. Liuius lib. 10. Decade 4. & alij. Quoad prædam in lib. Numeri c. 31. cum Iudæi bellarentur cum Madianitis, dixit Dominus ad Moysen: Tollite summam eorum, quæ capta sunt ab homine, usque ad pecus, tu, & Eleazar Sacerdos, & Princeps vulgi. diuidesq. ex æquo prædam inter eos, qui pugnaverūt. Quòd autem milites nō debeant omni tempore trahi cupiditate prædæ, Iudas Machabæus admonuit, ut legitur in lib. 1. Machab. c. 4. ibi, Et reuersus est Iudas, & exercitus eius sequens eum, dixitq. ad populum: Non concupiscatis spolia, quia bellum contra nos est; & Gorgias, & exercitus eius propè nos in monte: Sed state nunc cōtra inimicos nostros, & expugnate eos, & sumetis postea spolia securi. Hoc autem Galli aliquādo non obseruarunt, qui ut notat Polib. lib. 2. antè med. & lib. 3. post med. dum certarent inter se in Italia super prædæ diuisione, existerētq. incompōsiti, à Romanis eorum hostibus inopinatè inuasi, & timore percussi, fugerunt. Itaut nedum prædam, sed etiam magnam exercitus partem perdidierint.

*Man.* De victoria non magis disertè; quàm verè loquutus es: remanent capta in bello.

*Luc.* Quantum igitur ad tertium. Ius gentium introduxit secundum modum acquirendi dominia, per captiuitatem, quæ differt ab occupatione; quia per

XXII.  
De captis in bello: cuius sunt:

occupatio nem acquirebatur dominiū rei vacantis, seu  
 communis . per captiuitatem autem acquirebantur  
 res hostium , captæ in bello, iustè tamen, & legitime  
 indicto. Hostes enim sunt illi, quibus bellum publicè  
 Populus Romanus , vel alius Princeps superiorem nō  
 recognoscēs, decreuit . cæteri verò, latrunculi, vel præ-  
 dones appellantur: & ideò qui à latronibus captus est,  
 seruus latronum non est, l. hostes, ff. de capt. & postlim.  
 reuerf. l. hostes, ff. de verb. significat. Si capiuntur sin-  
 gulares homines, liberi in seruitutem deducuntur: qui  
 tamen si euaserint capientium potestatem , & ad suos  
 reuerfi fuerint , pristinum statum recipiunt , §. item  
 ea quæ , Instit. de rerum diuis. Si capiantur vniuersi-  
 tates; tunc homines non fiunt serui , sed subditi quoad  
 iurisdictionē, & remanent ciues, & retinent sua bona,  
 Bart. in l. Diuus, in princ. ff. de iur. fisci, Bald. in rubr.  
 extr. de treug. & pace, num. 12. Si capiuntur agri sin-  
 gulares, fiunt capientiū; sed expulsis hostibus ex agris,  
 quos cœperant , dominia eorum agrorum ad priores  
 dominos redeunt, l. si captiuus, §. expulsis, ff. de capt.  
 & postlim. reuerf. Sed an fiant militum capientiū, vel  
 Principis, cuius nomine bellum geritur, licet Docto-  
 res multa dicant , Ego dicā breuiter, quòd res immo-  
 biles fiunt Principis , vel Reipublicæ , quæ bellū indi-  
 xit, d. l. si captiuus, ff. de captiuis, & postlim. reuerf.  
 Bart. in l. si quid bello, nu. 3. ff. eodem. Mobiles verò,  
 etsi fiant Principis, debet tamen Princeps prædam, &  
 spolia, quæ scilicet mobilia sunt, vel se mouentia, inter  
 milites distribuere, secundum eorum merita. vt enim  
 dicitur in c. dicat aliquis, 23. q. 5. Decet militarem di-  
 sciplinam, vt Regi omnia seruentur. vt scilicet diuidat  
 secun-



secundum militum merita, prout ibi subiungit glos. id, quod probatur per text. in c. ius militare, 1. dist. ubi dicitur, quod ad ius militare pertinet prædæ decifio, & pro personarum qualitatibus, & laboribus iusta diuifio, & Principis portio. Quod autem, tam apud Romanos, quam Græcos, & alios in vfu fuerit, prædā inter milites distribuere: referunt serè omnes Historici. aliās enim, nisi tali spe milites ducerentur, sanè non multum allicerentur ad pugnam, & victoriam, solo stipendio, soliusq. gloriæ cupiditate. Hinc videmus venatores, quò magis ad prædā canes alliciant, ferarum, quas cœperunt, præcordia illis obijcere. an autem in diuisione prædæ habēda sit ratio dumtaxat illorum, qui prædā cœperunt; explicauit Dauid, qui, vt legitur in lib. 1. Reg. c. 3 c. quodam viro pessimo dicente, eis, qui non venerunt, nobiscum non dabimus quidquam de præda, quam eruimus; dixit. Non sic facietis fratres mei de his, quæ tradidit nobis Dominus: nec audiet vos quisquam super hoc sermone: æqua enim pars erit descendētis ad prælium, & remanētis ad sarcinas, & similiter diuident: & subiungitur in hæc verba, & hoc factum est ex die illa, & deinceps constitutum, & præfinitum, & quasi lex in Israel vsque in diem hanc. Sed ecce Maure Sol recedit: si vis plura de bello, milites consule.

*Maure.* Recedente Sole, recedamus & nos: reliquis autem satisfacies in sequenti, nisi molestum putaueris.

*Luc.* Quod in me erit non negabo.

230  
S E X T V S   C O N G R E S S V S .

M A V R V S .   L V C I V S .

*Luc.* **H**ERVENIMVS Maure ad contractus, successiones, & iudicia: quæ tu considerabas velut medicamina contraria, & venenata . Sed hodie , quasi mutato cōspicillo, rem diuersam perspicies.

*Man.* Accessi hoc desiderio motus .

*Luc.* De contractibus, dicebas eos inuentos, vt homines se inuicem circumueniant . damnabas tot contrahendi modos , tot cautelas . arbitrabaris nullam esse eorum firmitatem ; sed ob cuiusvis leuioris solemnitatis, seu clausulæ defectum illos corruere, illosq. corrumpi, siuè testium contradictione, siuè scripturarum ambiguitate, siuè interpretationum multiplicitate .

*Man.* Rationes etiam adduxi .

I.  
Respondet Lucius, contractus esset necessarios, & utiles.

*Luc.* Non sum oblitus . In primis ergò necesse est, vt fatearis necessitatem , & vtilitatem contractuum , ea ratione: quia inuenti sunt iure gentium, Lex hoc iure, ff. de iustit. & iur. Ius autem gentium nihil aliud est , quàm quod naturalis ratio constituit inter omnes gentes , & apud omnes peraq. custoditur , & vocatur ius gentium, quasi quo iure omnes gentes vtuntur, §. ius autem ciuile , Instit. de iure nat. gent. & ciu. sed vt examinemus breuiter multiplicitem, & varietatem contractuum , quare fuerit necessaria : putas nè post rerum diuisionem, post acquisitum per singulos rerum dominium, & possessionem, compertum fuisse, vt vnusquisque

quisque rei propriæ satis haberet, an autem indigeret aliena?

*Man.* Credo non potuisse fieri ita æqualem diuisionē, & occupationem rerum, ut vni aliquid non superesset, & alteri aliquid non deesset.

*Luc.* Ergo necessarium fuit Commercium: ut inter homines fieret rerum permutatio; & alteri quisque daret id, quod superfluum habebat; pro re, cuius indigeret.

*Man.* Non facile euenire poterat, ut quisque tantum dare posset, quantum recipere necesse haberet.

*Luc.* Auditis gentibus, & cognita permutandi difficultate, inuenta fuit Pecunia, cuius perpetua est æstimatio; quæ idcirco omnia æquat; ut enim ait Arist. lib. 5. Ethic. nummo omnia commensurantur. & institutus fuit contractus Emptionis, & Venditionis. ut res quisque sibi necessarias pretio compararet, l. i. ff. de contrahen. empt.

*Man.* Habebat ne quisque tantum pecuniæ?

*Luc.* Quia non habebat quisque facultatem emendi rem alienam; nec aptus erat quisque in quavis re sibi necessaria operari. introductus fuit contractus Locationis, & Conductionis; ut quisque valeret, siuè res, siuè operas proprias alteri locare, aliasq. ab alio conducere, non pretio, sed pensione, seu mercede.

*Man.* Quid verò agebant illi, quibus deerat pretium; & pensio?

*Luc.* Quia vel pretium, vel mercedem quisque non habebat, nec quisque res proprias, aut vendendi; aut locandi necessitatem, voluntatemvè habebat; naturalis æquitas suadebat, ut qui rebus affluabant, liberales

existerent erga indigentes, benevolos præcipuè, & amicos. Vndè fuerunt inducti alij duo contractus, Mutuum scilicet, & Commodatum. Mutuum, ut possent homines, ea quæ consistunt in pondere, numero, & mensura, velut frumentum, vinum, oleum, pecunia, & similia, concedere gratis, & mutuare amicis, & beneuolis, recepturi idem, & non plus in genere suo, l. 2. ff. de rebus credit. Commodatum verò, ut quisque posset gratis ea concedere, quæ nõ consistunt in pondere, numero, & mensura; siuè sint mobilia, siuè immobilia, siuè etiam incorporalia, prout sunt vestis, equus, fundus, & habitatio, eandem rem in specie recepturus, non aliam, l. 1. §. huius edicti, ff. commodati.

*Mau.* Nonne facillè euenire poterat, ut quis ita re alterius indigeret, ut postea neque idem genus, neque eandem speciem valeret restituere?

*Luc.* Ut plurimum etiam hodie contingit; sed quia obligatur quisque naturaliter benefaciendi benefacere, l. sed & si, §. consuluit, ff. de petit. hæred. Ideò eodem iure gentium inuentus est contractus Donationis, ut posset quilibet, nullo iure cogente, sed sola liberalitate, & munificentia, rem propriam alteri dono dare, l. 1. & l. donari, ff. de donat.

*Mau.* Hoc autem est de rarò contingens.

*Luc.* Non ita rarò fiunt donationes: euulsa non est ab humano pectore liberalitas, & gratitudo. sed quoniã præfati Contractus ad hoc tendunt; ut inter homines possint bona transferri de vno in alium, ratione dominij, possessionis, vel usus: ideò ad effectum, ut aliqui possent etiam inter se bona propria conferre, & comuni-

municare operas, lucra, & res. necesse fuit introducere contractum Societatis, quæ contrahitur, vel ad vberiore quæstum, vel ad commodiorem vsum; & vel in perpetuum, hoc est ad vitam, vel ad tempus, vel ex tempore, vel sub conditione, l. 1. ff. pro socio.

*Man.* Quid opus fuit de exulante rerum communione ulterius cogitare?

*Luc.* Exulat adhuc rerum omnium vniuersalis communio; sed particularis inter aliquos societas, humano generi haud vnquam inimica fuit: cuius priuatæ societatis, & communionis præcipuum principium est Matrimonium, Viri, & mulieris coniunctio, continens indiuiduam vitæ consuetudinem, §. 1. Instit. de patria potestate; quod etsi ratione coniunctionis, sit de iure naturali, §. 1. Instit. de iur. nat. gent. & ciuil. & ratione institutionis dicatur de iure diuino: quia Deus in Paradiso coniugium instituit, c. sicut, §. 1. 32. q. 2. ratione autem formæ, & solemnitatis sit de iure positiuo, ciuili, vel canonico; tamen ratione mutui consensus, est de iure gentium, c. tuæ fraternitati, de sponsal. & eo iure vtiliter inuentus est contractus Dotis, Bart. in rubr. ff. solut. matrim. in fine, vt scilicet mulier valeat proprium patrimonium viro communicare, & conferre pro sustinendo onere matrimonij, l. 1. & l. dotis fructus, ff. de iure dotium.

*Man.* Non est ergo, vt conquerantur, qui vel filiabus, vel sororibus dotes constituunt; quasi marito dent proprium sanguinem, & proprias pecunias?

*Luc.* Neutiquam graue videri debet, si proprium mulieri patrimonium assignent; si inter consortes communicentur bona, inter quos mutua etiam seruitia debent

debent præstari. In prædictis contractibus contingebat, ut quis alterius fidem sequi deberet, respectu vel solutionis pretij, & pensionis; vel traditionis, & restitutionis rerum: & quisque cupiebat sibi cautum fore. idè inuentus fuit contractus Pignoris, quo posset debitor securum reddere creditorem, & illi aliquam rem propriam pugno, manu vè dare, nō restituendam, nisi debito persoluto, l. plebs; §. pignus, ff. de verbor. significat.

*Mau.* Iste pignoris contractus parum, ut puto, placebat Martiali, qui libro 12. in Thelesinum 25. conquerebatur hoc Carmine.

*Cum rogo te nummos sine pignore, non habeo inquis.*

*Idem, si pro me spondet agellus, habes.*

*Quod mihi non credis veteri Thelesine sodali;*

*Credis colliculis, arboribusq. meis.*

*Luc.* Iure quidem irascitur amicus, si alter dubiam eius fidem habere demonstrat.

*Mau.* Sed multò magis amicus conqueritur, si amicitie colore ab altero deludatur.

*Luc.* Verum dicis: progrediamur ulterius. Natura non dedit quidquam maius, & carius Amicitia; idèòque ut amici mutuis operationibus, & officiis sibi possent opem ferre, inuentus fuit contractus Mandati; ut quod per se ipsum quis implere nō valeret, amico committeret expedendum. & hac ratione mandatum debet esse gratuitum: quia trahit originem ex officio, & amicitia, l. 1. ff. mandati.

*Mau.* Amicitie non permanent stabiles, fragiliores sunt vitro.

*Luc.* Iracundi sunt homines, irascuntur faciliè, oriuntur

tur bella, contentiones, rixæ; quæ turbant pacem, & amicitiam: & propterea, ut possent amici ad concordiam reduci, & pacem inire; introductus est contractus Pacis, seu Pactum fœderis. quæ conventio si fiat ex causa publica ad breue tempus, dicuntur Induciz, si ad longum, dicitur Treuga, si in perpetuum, dicitur Pax: sicut etiâ si fiat ex causa priuata, dicitur Pax, seu Concordia, l. conuentionum, & ibi glos. in verb. quædam paciscantur, ff. de pactis. Insuper, quia natura rerum inductum est; ut plura sint negocia, quàm vocabula, l. natura, ff. de præscriptis verbis: idè, vltra prædictos contractus, qui sortiti sunt propriû nomen, idem ius gentium induxit etiam alias conuentiones, & obligationes; quæ proprio nomine carent, & dicuntur contractus Innominati, qui sunt quatuor; Do, ut des, Do, ut facias, Facio, ut facias, Facio, ut des, l. naturalis, ff. de præscript. verbis: qui ad aliud non tendunt, quàm ad conseruationem humanæ societatis, humani commercij, humanæ amicitiz, prout cæteri Nominati.

*Mau.* Non ergò sunt isti cõtractus laquei, & decipula, ut dicebam?

*Luc.* Mox tu ipse iudicabis. Indubitatum est, contractus, pacta, & conuentiones nullatenus fieri posse, nisi utraq. pars consentiat: est enim pactio, duorum pluriumvè in idem placitum, & consensus, l. i. §. pactum, ff. de pactis. & sicut conuenire dicuntur ij, qui ex diuersis locis in vnum locum colligantur, & veniunt: ita qui ex diuersis animi motibus in vnum cõsentunt, idèst in vnam sententiam decurrunt: & conuentionis nomen adeò generale est, ut nullus sit contractus, nullaq.

II.

Probat leges rescindere cõtractus illos, quibus causâ dedit error, metus, vel dolus.

nullaq. obligatio, quę non habeat in se conventionem, d. l. 1. §. conventionis verbum, ff. de pactis. inuitus autem nemo cogitur consentire, nemo obligatur inuitus, l. inuitum, C. de contrahend. empt. & scienti, & consentienti non fit fraus, neque dolus, c. scienti, de regiur. in 6. Quotiescunque igitur contrahentes verē consentiunt, tunc contractus dici nequit laqueus, vel decipula, quorum proprium est capere, & detinere nolentes, & incautos; sed rectē dici potest ligamen: quo quis spontē se ligat: vt enim dicitur in l. sicut, C. de act. & obligat. vnusquisque intelligere debet, se voluntarię obligationi semel nexum, ab ea, non cōsentiente altera parte, minimē posse discedere. Sanē nihil tam congruum est humanę fidei, quàm ea, quę placuerint, seruare, l. 1. ff. de pactis. E conuerso contractus illi, quibus non interuenit verus, & spōtaneus consensus, non sunt ligacula iustitię, sed nexus iniquitatis.

*Man.* Si leges non fouent istos contractus, neque contrahentium astutias, tibi adhæreo.

*Luc.* Leges perstringunt, & iuuant vincula iustitię; & prohibent, dissoluuntq. iniustitię nodos.

*Man.* Hoc si probaueris acquiescam.

*Luc.* Possunt ne omnes naturaliter consentire?

*Man.* Pueri, & furiosi (vt dicitur) non habent velle, neque nolle.

*Luc.* Mulieres verò, & minores habent ne cōsensum liberum à natura?

*Man.* Habent, sed, vt experientia docet, ob eorum animi leuitatem, & imbecillitatem iudicij, nesciunt consentire, nisi in proprium damnum.

*Luc.*



*Luc.* Leges nō admittunt pupillorum, & furioſorum contractus abſque tutoris, & curatoris authoritatē, & conſenſu: ne aliās iniquē illaquearentur. neque ſiunt mulieres, & minores contrahere ſine certis ſolemnitatibus: nè aliās omni procul conſilio, deciperentur. cæterorum autem contractus, quorum libera eſt voluntas, leges utiq. recipiunt, & exequuntur. ſed in primis ſolicitæ ſunt, ut de eorum certo, & vero conſenſu appareat, vel per teſtes, vel per ſcripturas, ſiue priuatas, ſiue publicas, l. pactum, quod bona fide, C. de pactis. atque ut magis explicitus ſit contrahentium conſenſus, ius ciuile induxit ſtipulationem, illam videlicet verborum cōceptionem, quæ fit ex præcedente interrogatione, & ſubſequenti reſponſione, l. i. ff. de verbor. oblig. quæ vtiliter apponi conſuevit in omni contractu, & inſtrumento: ne aliās facilè eſſet cuiq. improbo homini præſtitum conſenſum cōtrouertere, vel negare. Contractus autem illos, quibus error, metus, dolusvè cauſam præbuit, annullant, vel reſcindūt: quia ea impediunt conſenſum, l. ſi per errorem, ff. de iuriſdict. omn. iudic. & quæcunque agenda ſunt ex animi deſtinatione, non niſi vera, & certa ſcientiâ, perfici poſſunt, l. in totum; ff. de reg. iur. reſcindunt etiam læſiuas cōuentiones, & prohibent uſuras, & monopolia, neque volunt ut homines iniquē lucrentur, l. ſin. C. pro emptore.

*Mau.* Ergò leges prohibent etiam Mercatores?

*Luc.* Quæ illatio eſt hæc? quæ neceſſariâ conſequentiâ?

*Mau.* Si leges nolent homines quærere iniqua compendia; utiq. arcerent Mercatores: ſicut Dominus, nolens

III.

De mercatura, & cautelarum uſu, & earum utilitate.

nolens templum fieri speluncam latronū, eiecit ementes, & vendentes in templo, & mensas nummulariorū, & Cathedras vendentium columbas euertit, vt legitur Matthæi cap. 2. 1.

*Luc.* Mercatura connumeratur inter ea, quæ per se non sunt mala; possunt tamen circūstantijs deprauari. Sacerdotes Ierusalem, vt referunt sacri expositores, nimia cupiditate, & avaritia ducti, mittebant familiares suos ad vendendum in atrijs templi ea, quæ consueuerant in templo offerri, constituebantq. ibi certos nummularios, qui sub certa cautione traderent pecunias illis, qui ad templum veniebant; idq. non alia ratione agebant Sacerdotes illi; nisi vt maiores fierent oblationes: & ne illi, qui veniebant de longinquo cessarent ab oblatione, seq. excusarent, quia animalia offerenda secum ducere non potuissent, & promptam pecuniam nō habuissent. Factum istud displicuit Domino. Ratione personarum non decet Sacerdotes, & cultui diuino mancipatos negotiationibus, & lucris se inuoluere, c. 1. 88. dist. quos etiam monere voluit Prophet. Psal. 70. dicens: Quoniam non cognoui negotiationes, introibo in potentias Domini. Ratione autem loci templum esse debet domus orationis, non autem negotiationis, c. consequens, dicta dist. 88. c. & hoc diximus, 16. q. 7. Quoad laicos verò, & extra loca sacra non damnatur negotium, & mercatura: sed periurium, & mendacium, eadem 88. dist. c. eiiciens, & c. sequen. & vt dicitur in c. qualitas, de pœnitent. dist. 5. Qualitas lucri negotiantem aut excusat, aut arguit: quia est, & honestus quæstus, & turpis: nemo etenim militat suis stipendijs, Apost. 1. ad Corint. c. 9. & dignus est

est mercenarius mercede sua, Matth. c. 10. Quàm  
 vilis, necessariusq; sit mercaturæ vsus ostendit Iurisc.  
 in l. 2. ff. de nundinis : qui ex autoritate Platonis in  
 lib. 2. ciuilibus conuersationis, probat Ciuitatem indige-  
 re pluribus, & rusticis, & conductoribus, & alijs mini-  
 strantibus, quorum alij inuehant, & alij euehant sin-  
 gula, & isti sunt negotiatores : neque enim expedit, vt  
 cultores agrorum, piscatores, & cæteri, qui diuersas  
 res, diuersas operas faciunt, & construunt, debeant  
 sedere ociosè in foro, diùq; cessare ab eorum opere,  
 & expectare indigentes, quibus vendant. & hac ratio-  
 ne necessarij sunt mercatores, qui ab eis emant, & alijs  
 vendant oportunè. Docet experientia in vna regione  
 deficere multa, quæ in altera superabundant. vnde  
 dixit Virgil. lib. 1. Georgic. . .

*India mittit ebur, molles sua thura Sabai?*

*At Chalybes, nudis ferrum, virosq; pontus*

*Castorea, elisadum palmas epeiros equarum?*

Vsu etiam compertum est, quòd alibi homines in  
 colendis agris se exercent, alibi in artibus mechanicis  
 occupantur; alibi dant operam militiæ: cum ergò nò  
 omnes possint còmodè ire ad res, quibus egent com-  
 parandas, & deferendas: neque ad id omnes industriã  
 habeant, & peritiã; necesse est, vt sint qui huic offi-  
 cio mancipientur; in eoq; alicuius lucri spe nutriantur.  
 hinc dixit Horat. lib. 1. epist. 1. ad Mecænatem. . .

*Impiger extremos mercator curris ad Indos,*

*Per mare pauperiem fugiens, per saxa, per igneis.*

Et quia Reipublicæ utilitas postulat, vt res facilè, &  
 absque mora emantur, & vendantur: ideò Imperator  
 in l. nobiliores, C. de commerc. & mercat. prohibet  
 nobi-

nobiliores mercimonium exercere, vt inter plebeios, & negotiatores facilius sit emendi, vendendiq. commercium. id quod intelligi debet de rebus minutatim vendendis. An verò mercatura obster nobilitati, benè distinguit Cic. in lib. 1. offic. de temperant. Mercatura, inquit, sitenuis est, sordida putanda est; sin magna, & copiosa, multa vndiq. apportans, multisq. sine vanitate impertiens, non est admodum vituperanda. atque etiam si satiata quæstu, vel contenta potius, vt sæpè ex alto in portū, ex ipso portu se in agros, possessionesq. contulerit, videtur iure optimo posse laudari. Referunt Historici, plures etiam præclarissimos viros mercaturam exercuisse, nempe Thaletem, Solonem, Hipocratem, & Platonem, & alios. Sed vltèrius præci cognouerūt, mercaturam hanc utilitatē afferre, quia multarum, & maximarum rerum vsum, experientiamq. homines edocet; & insuper ad barbarorum necessitudines, Regumq. amicitias contrahendas plurimum valet. At quoniam in negotiatione, & mercatura requiritur fides, veritas, & iustitia, idè in lib. Leuit. c. 19. ad iustitiam monentur mercatores hoc sermone. Nolite facere iniquum aliquid in iudicio, in regula, in pondere, in mensura: statera iusta, & æqua sint pondera, iustus modius, æquusq. sextarius, & in c. 25. Time Deum tuum, vt viuere possit frater tuus apud te: pecuniam tuam non dabis ad vsuram, & fructuum superabundantiam non exiges. ad veritatem autem, & fidem seruandam in mercatura hortatur quisque in lib. Deuteronom. c. 25. Non habebis in sacco diuersa pondera, maius, & minus: nec erit in domo tua modius maior, & minor: pondus habet.

habebis iustum, & verum; & modius æqualis, & verus erit tibi: vt multo viuas tempore super terram. Et quoniam habendi cupiditas homines ad malum perducit: ideò Ecclesiastic. c. 27. admonet quemuis mercatorem, vt suam lucri cupiditatem moderetur, dicens. Propter inopiam multi deliquerunt: & qui querit locupletari, auertit oculum suum. Sicut in medio compaginis lapidum palus figitur, sic & inter mediū venditionis, & emptionis angustiaabitur peccatū. contereretur cum delinquente delictum. si non in timore Domini tenueris te instanter, cito subuertetur domus tua. sicut in percussura cribri remanebit puluis, sic aporia hominis in cogitatu illius. & pariter quia cui libet dictum est respice finem: ideò Salomon Prouer. c. 11. prædicit qualis futurus sit iustorum, & qualis iniustorum mercatorum finis, in hæc verba. Qui abscondit frumenta, maledicetur in populis: benedictio autem super caput vendentium. qui cōfidit in diuitijs suis corruet: iusti autem quasi virens folium germinabunt, & c. 20. Suavis est homini panis mendacij; & postea implebitur os eius calculo. Et quia (vt dicitur) malè parta malè dilabūtur. Ideò D. Ioannes Chrysoft. vt refertur in c. eijciens, 88. dist. loquens de iniquis mercatoribus, dicit, stabilem non esse eorum substantiam, neque ad bonum proficere, quod de malo congregatur: quemadmodum enim si triticum, aut aliud tale cernas in cribro, dum huc, & illuc iactatur, grana omnia paulatim deorsum cadunt; & tandem in cribro nihil remanet, nisi sterco solū; sic de substantia negotiatorum nouissimè nihil remanet, nisi solū peccatum. sed procul sint impij mercatores, & dolosi

contrahētes : de quibus dicere possumus vnà cum Michæa c. 6. Comedunt, & non saturantur; seminant, & non metent; calcant oliuam, & non vnguntur oleo; comprimunt uuas, & vinum non bibunt.

*Man.* Iura diuina humanam quidem cupiditatem exprobrant, & coercent; sed leges humanæ volunt, vt contrahentes se inuicem decipiant, & simplicitatem, quam appellant amicam, derident, & alterius contrahentis versutiam adiuuant, & extollunt, vt dicebam, si, prout dixisti, non es oblitus.

*Luc.* Naturale est, vt quisque plus sibi velit, quàm alteri, vnde dixit glos. in l. præses, in verbo proximum, C. de seruit. & aqua.

*Alpius ille peris, qui se plus diligit nullum.*

Nam ordinata charitas incipit à se ipso. & hoc pertinet ad partem illam prudentiæ, quam prouidentiam dicunt. quod ergò dicitur in l. in causâ la 2. §. idem Pomponius, ff. de minor. quam allegasti, intelligi debet de circumuentione absque dolo, & fraude; quæ alter contrahentium sibi magis vult cōsulere, & prouidere, sic dicitur in l. itē si pretio, §. quemadmodum, ff. locati. In emendo, & vendendo naturaliter concessum esse, quod pluris sit; minoris emere: & quod minoris sit, plus vendere: & ita inuicem se circumscribere, vbi glos. aduertit, verbum, circumscribere, stare, improprie; pro circumscriptione, seu circumuentione absque dolo. Si ex contrahentibus vnus prouidus sit, & alter improuidus; lex prouido assistit. & hoc est quod dicitur in l. pupillus, in fine, ff. de ijs, quæ in fraudem creditorum, quam adduxisti. vigilantibus scilicet ius Ciuile scriptum esse. Ideòq. laudatur iure merito

ritò diligentia hæredis, qui res hæreditarias vendidit sua diligentia, maiori pretio, & cauetur, vt illud plus in eius vtilitatem cedat, non creditorum, vt in l. si hæres la prima, ff. ad l. Falcidiam, quam attulisti. At si in contrahendo vnus callidus sit, & alter simplex; lex ita cauet ne lucrosa sit malitia, & damnosa simplicitas, l. 1. ff. de dolo malo. Dolosa censetur circumuentio, si detur auricalcum pro auro: si mensurentur octo pro decem: si tradatur animal morbosum pro sano. tunc non concurrit consensus vtriusque, is, qui vult sibi tantum dari, haud censi potest improvidus; sed simplex: si minus accipiat, seductus. At si quis petat pretium magnum, & rigorosum; & alter offerat minimum, & pium; & deindè in altero ex illis, aut in medio conueniant; qui minus accipit, non simplex meretur dici, sed improvidus. At non solum in quantitate, & qualitate rerum consideratur dolosa circumuentio: sed etiam in pretio, quando contrahitur cum minore, quem lex restituit etiam aduersus modicam læsionem, ob eius facilitatem, & alterius præsumptam calliditatem, l. Seio, ff. de in integr. restitut. Item quando in contractu inter maiores læsio est vltra dimidiâ iusti pretij: tunc enim lex humanum putat, vt vel contractus rescindatur, vel suppleatur iustû pretium, l. 2. C. de rescind. vendit. Ex innumeris contractibus, qui quotidie, & vbiq. fiunt, paucissimi in controuersiam deducuntur: & non sunt contractus, qui pariunt lites, sed vel contrahentium improbitas, vel personarum mutatio, vel ambiguitas verborum rem dubiam facit. Quamobrem necessarium fuit, vt lex certam contrahendi formam præscriberet: statueret modum

Q 2 pro-

probandi; contractus ad libram iustitiæ, & æquitatis appenderet; probaretq. alios; alios rejiceret: dubios autem, vel iuxta verborum proprietatem, vel iuxta verisimilem contrahentium mentem interpretaretur.

Vsus cautelarum, & clausularū in contractibus, & instrumentis omninò necessarius est, & utilis: ut valeat quisque sibi secundum ius, & iustitiam in suis negotijs prospicere, & cauere: neque enim omittendum est quidquam, quod ad cautelam pertineat, c. quanto, 63. dist. & ea dumtaxat laudabilis est cautela, in qua totum ratio agit, c. illa, 1. q. 3. si omnes homines ipso honesto moueretur, essent omnes viri boni. non opus esset Iudice, nec teste. obseruarentur cōtractus absque scriptura. nulla obstaret verborum ambiguitas. incorrupta esset paciscentium fides. At quoniam plures, callidi potius, quàm boni, sola ducuntur utilitate, & fructu; ad faciliorem promissorum obseruantiam, utiliter conficitur scriptura, adduntur cautelæ, adhibentur testes, aditur Iudex. Sed hæc, & alia quęcunque, quę ad iustitiam commutatiuam pertinent, quàm benè legibus, & constitutionibus disposita sint, & definita, in progressu studiorum tuorum comperies.

*Man.* Aperuisti satis hanc rem, transcamus ad successiones.

#### IV.

Respondet Lucius ad opposita cōtra successiones, & nonnulla dicit de morte Auarum.

*Luc.* Introducta Successio, succedendi ordo, vsus testandi humanam cupiditatem prorsus coercent; conseruent pietatem; tranquillitatem cōseruant inter homines, & concordiam. Nisi testandi modum, & succedendi ordinem leges tradidissent, quæso quid esset de bonis cuiusq. morientis? profectò extraneus quisq. inhiaret, occuparet, diriperet non sine iniuria, impetu, rixa,



fixa, & cæde. Filius careret patre, & patrimonio: cæteri proximiores defunctum hominem lugerent, & res direptas. Ratio naturalis, quasi lex quædam tacita, liberis parentum hæreditatem addicit; vocat eos ad debitam successionem, l. cum ratio, ff. de bonis damnatorum. Ratio miserationis parentes admittit ad liberorum bona, l. scripto, ff. unde liberi: Turbato etenim ordine mortalitatis pium est, ut liberis succedant parentes, l. nam etsi parentibus, ff. de inoff. test. At non solum natura, sed Deus ipse successionem, succedendiq. ordinem docuit, ut enim legitur Num. c. 27. dixit Deus Moyfi, ad filios Israel loqueris hæc. Homo cum mortuus fuerit absque filio, ad filiam eius transibit hæreditas: si filiam non habuerit, habebit successores fratres suos: quod si & fratres non fuerint, dabitur hæreditatem fratribus patris eius: si autem nec patruos habuerit, dabitur hæreditas his, qui ei proximi sunt. eritq. hoc filijs Israel Sanctum lege perpetua, sicut præcepit Dominus Moyfi. Dicebas inuentos fuisse aliquos ex filijs, & proximioribus, qui ob succedendi cupiditatem deliquerunt. Ego quidem non nego aliquorum insolentiam, & temeritatem; sed tu mecum cogites velim, non omnes volucres esse miluos, aut vultures; non omnes homines esse hæredipetas, & testamentorum captatores, qui cadaveribus inhient; qui seniores veneno è medio tollant: qui morientium voluntates adulationibus, & fallacijs aucupentur. quicumque autem hæc tentare audeat, certo scire debet flagitiorum omnium turpes esse exitus. Inveniuntur quidam homines (si tamen humanitatis nomē mereantur) qui pecuniæ studio ita addicti sunt,

ut nulli commodum vllum afferant, dum viuunt: sed dum moriuntur voluptatem, & emolumentum afferunt hæredibus. Si istius generis hominum mors, & hæreditas expectaretur cum lætitia; parum dolendum videretur: quia ut in adagio erat apud priscos, Auarus nihil rectè facit, nisi cum moritur.

*Mau.* Immo isti Auari non viuunt, dum putant se magnam vitam victuros, interim tempus illos deferit. sed prosequamur alia.

*Luc.* Subiungebas inuentos fuisse nonnullos, qui, hac facultate testandi, iram, & odium conceptum euomerunt aduersus filios, & proximiores: Illis nempe exheredatis, extraneos instituerunt. Et ego addo, quod ex ijs, qui nimium se dedere cupiditati habendi, qui nimiam suorum nummorum curam habuerunt, qui nimio affectu propria bona persecuti fuerunt: Alij ita inuidos se ostendunt, quod si possent, se ipsos morientes testamento hæredes instituerent, non alios, prout legitur apud Lucillum de auarissimo Hermocrate, qui moriens in testamento se ipsum rerum suarum scripsit hæredem. Alij sunt tam impij, qui si possent, aureos suos secum deferrent; prout legitur apud Athenæum de philosophistarum lib. 4. c. 18. de Lente post med. de quodam insigniter Auaro, qui morti proximus, ne nummos suos alijs relinqueret, multos aureos deglutiuit, ut secum deferret; reliquos verò consuit in sago, & eadem veste se induit, & suis familiaribus iussit, ut eum ita indutum sepelirent, neque vrerent, aut cultum quempiam adderent. At quemadmodum detestanda sunt istorum exempla, qui nollent bona alijs relinquere; ita etiam detestantur consilia illorum, qui exclusis

clusis proprijs liberis, parentibus, & consanguineis, alios indignos instituunt; & quasi extractis rebus ex propria domo, eas in cloacam projiciunt. Narrat Valerius Maximus lib. 7. cap. 7. de testam. quæ rescissa fuerunt, quòd Vetilius Leno institutus hæres à Quinto Metello, cū peteret à Prætor. Urbano bonorum possessionem secundum tabulas testamenti; Prætor non dedit: quia noluit comprobare factum illius, qui fortunas suas in stabulum contaminatum proiecerat: & iura etiam prouident, ne liberi absque causa exheredentur, ne parentes debita portione priuentur, ne prætermisissis fratribus instituatur turpes personæ. Sed verū fateri necesse est, qui tam malè de rebus suis disponant, rari sunt, sicut Corui albi. Vix vno quolibet sæculo inueniri possent duo tam improba testamenta: & ab eis quæ raro accidunt argumentum sumptum, non valet.

*Mau.* Quia (vt vulgò dicitur) vna hirundo nō facit ver; nec vnus vir facit ciuitatem; acquiesco. procedamus vterius.

*Luc.* Deducebas ex l. i. C. de his, quib. vt indig. successionem esse quasi speciem vindictæ, & hæredes institutos esse ad finem vindicandi. At ego respondeo, illam vindictam dumtaxat damnabilem esse, quæ priuata sit autoritate: ea enim quæ autoritate publica sit, laudabilis est. legitur in l. i. C. de precibus Imper. offeren. Quòd seruus quidam accusauit eum, qui occiderat dominum suum, & quia ei obiecebatur seruilis conditio, & inhabilitas adeundi Iudicem; Imperator respondit laudabilis esse exemplum fidei super vindicanda cæde domini. & quoniam d. l. i. quam allegasti

loquitur de vindicta, quæ fieri debet non occidendo, sed accusando homicidam prædecessoris; ideò illam appellat debitum officium pietatis.

*Alm.* Transeant hæc; duriora remanent.

*V.* *Luc.* Mox dissoluam. Videbatur tibi durū, quòd parentes liberam illam, quam ipsi viuentes habuerunt, disponendi facultatem de rebus à prædecessoribus relictis, morituri restringant successoribus suis pluribus legatorum obligationibus, & fideicommissorum vinculis. Insuper tibi mirum videbatur, quòd etiam rudes personæ condant testamenta plena substitutionibus, & clausulis, quas nunquam intellexerunt. Itaq. mecum considera, quòd sicut humanum videtur, ut quisque viuens sit rei suæ moderator, & arbiter, l. in re mandata, C. mand. ita pium est, ut quisque moriens disponat de rebus suis, §. disponat, authent. de nupr. Sed vltèrius, religiosum est, ut dum quisque moritur, testamento suo cogitet de anima, de cadauere, de remuneratione beneuolentiæ, de obsequiorum compensatione, & de cōseruatione familiæ. In testamentis anima commendatur Deo; Ecclesiastica eligitur sepultura; legatur ad pias causas; donatur amicis causa mortis; reliquuntur aliqua vxori, beneuolis, benefactoribus, & famulis; instituuntur in reliquis, hæredes; substitutiones fiunt, & fideicommissa. nec est quis tam rudis, qui hæc nesciat vulgari sermone exprimere; quamuis ignoret terminos legales: neque sunt enim, ut dicebas, enigmata, non dæmonum nomina, sutas, institutio, substitutio vulgaris, pupillaris, fideicommissaria, & cætera; quia sunt termini legales, sunt nomina apta, & idonea ad significandum illam necessitatem,

*V.*  
De substitutionibus, & earum utilitate.

tatem, qua filij debent succedere in parentum bonis. ad denotandum illam vocationem, quam testator facit de altero hærede, casu quo primus hæres scriptus adire nequeat, vel recuset. ad declarandum illam institutionem, quam facit pater filio decedenti in pupillari ætate. ad exprimendam illam providentiã, quam habet quisque de conseruandis bonis in familia; ne diminueretur honor familiæ, si diminuerentur diuitiæ, S. hoc quoque; Instit. per quas person. nobis acquir. Prosequere ergo, Maure mi, animo lato studia cœpta, & videbis quæcunque sunt à legibus sancita, & à Doctoribus conscripta, de successioneibus, testamentis, substitutionibus, fideicommissis, & legatis clara esse, & miro ordine disposita, optimisque rationibus munita: quæ autem difficiliora sunt, miraberis quàm subtiliter, & ingeniosè tradita sint, & explicata. Non nego materiã hanc successionum ipsis Iurisperitis fuisse difficilem, & lucrosam, vt aiebas, sed rectius infero ad eius necessitatem, & vtilitatem: cum pro eius explanatione, & discussione facta sint omni æuo tot impendia, impensi sint tot labores. pretiosiores censentur lapides illi, qui vt absolui, & perfici possint; exigunt maiorem laborem, & impensam.

Exortæ sunt plures lites circa testamenta, vt dicebas, quibus (vt puto) causam dedere, vel opposita, testatoris inhabilitas, vel scripti hæredis obiecta incapacitas, solemnitatis omissio, defectus formæ, verborum ambiguitas, coniecturata mens testatoris, dubia vocatorum qualitas, proximitas incerta: sed tandem, vel iure medio, vel transactione definitæ fuerunt, & extinctæ. De impensâ non est, vt quis conqueratur, quan-

## VI.

De testamē-  
tis, & vnde  
oriatur lites  
super eis.

quando ob rei difficultatem præcessit longus labor, longa discussio causæ. imputet sibi damnum, & dispendia passa, qui testamentum illius, cuius successio nem affectabat, voluit impugnare causâ dementiæ; quandoquidē animaduerrere debebat, si quod disposuit testator præ se ferebat, aut mentis sanitatē, aut dementiā. refert Valerius Maximus lib. 7. c. 8. quòd quidam Tuditanus notæ insanix, vtpotē qui populo nummos sparserat, togamq. velut tragicam vestem in foro trahens, maximo cum hominum risu cōspectus fuerat, ac multa his consentanea fecerat, testamento filium instituit heredem: quod Titus longus sanguine ei proximior, hastæ iudicio subuertere frustra conatus est: magis enim centum viri, quod scriptum esset in tabulis, quàm quis ea scripsisset existimarunt. Ideòq. legibus cautum est, vt qui testatoris allegatum furorem, vel insaniam non probauit, succumbat, l. nec codicillos, C. de codicillis. Adscribat propriè culpæ, qui plura dispersis in iudicio, se opponens testamento patris, matrisvè; ea ratione, quia minus sibi relictum, fuerit, quàm alteri fratri. contentus enim esse debebat, si legitima portio ei non fuerat adempta. & in omni casu, quòd melius fuisset tacere, exemplum affert idem Valerius Maximus d. l. 7. c. 8. Eburcia Luti Merenij Agrippæ vxor condidit testamentum plenum furoris; nam cum haberet duas simillimæ probitatis filias Pletoniam, & Aphroniam, animi sui potiùs inclinatione prouecta, quàm vllis alterius iniurijs, aut officijs commota, Pletoniam tantummodo heredem instituit. Aphronia autem cum sorore contendere noluit; sed testamentum matris, patientia honorare, quàm

quàm iudicio conuellere sanctius esse duxit: cò se ipsam indigniorè iniuria ostendens, quò eam æquiore animo sustinebat. Tandem quisquis sit, qui vel testamentum validum euertere, vel inuaidum sustinere audeat: scire debet sibi euenturum, quod cani ossa mordenti, qui dentes consumens nihil comedit. Vis plura de hac re?

*Mau.* Fateor necessariam fuisse successionē. At si verum sit leges tradidisse congruum succedendi ordinē, intelligere nequeo, qua ratione permissum sit, vt proximus morti, inter tot angustias dolens, tremulus, pauidus, balbutiens, suo testamento vel blanditijs vxoris, vel alterius interrogationibus inductus, à iusto legis præscripto ineptè recedat. Pro commendatione animę opus esse videtur oratione, & pœnitētia, potius quàm testamento. Superuacaneum videtur disporre de cadauere, de pompa funerali. Cura sephendi, proprij est Parochi. Elusoria redditur voluntas conseruandi bona in familia; quandoquidem ex fideicōmissis medietatem consumunt legitima, & Trebellianica: reliquum autem lites absorbent, & non rarò accidit, vt Principes fideicommissis derogent, commutent vltimas voluntates.

*Lpc.* Nascimur nudi, laboramus induti, nudi quiescimus. Ebrij sunt illi, qui in nocte somno cedunt induti. At nulla est eorum quies. Quisque prudens dormiturus, spontè vestes deponit, ne alias vi ab alijs, præreptus somno, spoliaretur. Mors est somnum, est dormitio. Nascētes nihil attulimus, viuentēs laboramus, moriētes nihil nobiscum ferimus: qui igitur cogitare debet de morte, de quiete, necesse est, vt se vesti-

VII.

Quam vile sit, & cōueniens testari.

vestibus exuat, deponat terrenorum affectum, fortunas suas spontè distribuat pauperibus, amicis, & proximis: ne forte affectionibus humanis inuolutus, mortì cederet; & eo quasi inuito, absque vllò animæ suffragio, diriperetur eius hæreditas. Iura statuunt succedendi ordinem casu, quo quis decedat intestatus. at illis, qui testari volunt, rectam præscribunt formã, qua non seruata, testamentum reiiciunt, vel vti iniustum, nullum, irritum, ruptum, vel inofficiosum; vtpotè, quando filius præteritus est, quando conditur testamentum à persona intestabili, quando instituitur indignus, & quando legitima portio non relinquitur titulo Institutionis: prout ex legibus, & Doctorum interpretationibus tu ipse percipies. Corporis languor rarò officit intellectui, & pavor mortis minuitur pia dispositione, pijs legatis, & deuota misericordiæ diuinæ recordatione. Qui boni sunt, & prudentes, non admodum turbantur mortis timore: sciunt eã à nemine euitari posse, eamq. non esse formidandã amplius cõfidentur, quam Saluator deuinxit. quo fit, vt fidelibus aliud non sit mors, quàm carceris eductio, hostis deiectio, exilij terminatio. Homini iniusto amara est memoria mortis, at mors iustorum pretiosa in conspectu Dei. Serui sunt mortis, qui mori timent, sed qui ingenuo sunt animo, non curant quo tempore eorum vita finiatur: Considerant vitæ istius miseras quàm maximas, sciunt cuilibet viuenti innumerabiles penè mortes imminere, & incertum esse, quænam illarum futura sit; ideoq. iucundius putant, vnã moriendo perpetrari, quàm omnes viuendo timere, atque ita quod vitare nequeunt, constanti ferunt animo:

iuxta



iuxta illud carmen relatum per Archidiaconum in c. quàm præposterum, 13. q. 2.

*Quod vitare nequis, constanti suscipe mente;*

*Dum quoque dura fuit, mors tibi lenis erit.*

Blandis verbis inducere aliquem ad testandum, iniquum non est; dummodò absit dolus, l. fin. ff. & C. si quis aliquem testari prohib. Illa commendatio animæ, quæ Deo fit in ultimo elogio, aliud non est, quàm oratio, & pœnitentia. Habetur in c. perfecta, de pœnit. dist. 3. tunc perfectam, & fructiferam esse pœnitentiam, quando in corde peccatoris est contritio, in ore confessio, & in opere humilitas. Vera testatoris est contritio, quando animam Creatori offert, & commendat. Vera est confessio, quando se agnoscit, profitetur miserum peccatorem, & moriturum. Vera est humilitas, quâdo cogitat, & disponit de cadatuere, de sepultura. Nec quisquam putare debet, extremam hanc testatorum orationem, & pœnitentiam à Deo respuendam fore: quandoquidem iustus est, & misericors Dominus: & non solum temporis, sed etiâ cordis est inspector. & grata fuit pœnitentia Latronis: quia cû esset in pœna, pœnituit, c. si presbyter, & c. seq. 26. q. 6.

Quantum autem proficiant, & suffragetur animabus defunctorum pia relicta, orationes, & sacrificia; addiscimus ex lib. 2. Machab. c. 12. in fin. in his verbis. Iudas facta collatione, duodecim millia drachmas argenti misit Ierosolymam offerri pro peccatis mortuorum sacrificium, benè, & religiosè de resurrectione cogitans. Nisi enim eos, qui ceciderunt resurrecturos speraret, superfluum videretur, & vanum orare pro mor-

#### VIII.

Quantum proficit in testamento disponere pro anima, & legare ad pias causas.

mortuis: & quia considerabat, quòd hi, qui cum pietate dormitionem acceperant, optimam haberent repositam gratiam. Sancta ergò, & salubris est cogitatio pro defunctis exorare, vt à peccatis soluantur. Legimus in c. non æstimemus, 13. q. 2. nihil aliud ad mortuos peruenire; nisi quod pro eis siuè altaris, siuè orationum, siuè eleemosynarù sacrificijs solemniter supplicamus, & in c. animæ, eadem 13. q. 2. dicitur, animas defunctorum quatuor modis solui, oblationibus Sacerdotum, Sanctorum precibus, eleemosynis charorum, cognatorum ieiunio. Refert Polidorus Virgil. de Inuentor. rerum, lib. 6. cap. 9. quòd circa annum millesimum, quidam Odilo Præfectus Monachorum Cluniacensium in Sicilia, audiebat frequenter gemitus, & clamores circa Ætnam montem, vbi dicitur esse aditum ad inferos; & ibidem in ignea voragine fontium animas expiari: & ratus fuit Cacodæmones lamentari, quòd per preces, & sacrificia Christianorù animæ mortuorum ab illis supplicijs liberarentur. Itaq. egit cum suis Monachis, vt postquam Kalendis Nouembris in Sanctorum Omnium honorem sacrificasset, sequenti itidem die omnibus defunctis iusta facerent. quod institutum vt pietatis plenum, Patres demùm receperunt.

## IX.

Quàm vile sit providere de cadauere sepeliendo.

Cura cadaueris, funeralis pompa, parentatio, nullatenus cenferi possunt res superuacaneæ: quandoquidem nulla gens fuit, quæ aliquam consuetudinem sepeliendi mortuos, eosq. lugendi, non receperit. Ægyptij defunctorum cadauera vnguentis perungebant; ne putrescerent: qui mos, & hisce temporibus apud Principes durat. Romani certum tempus luctus seruabant,

uabant, & parentabant ad sepulchrum, quod indicat Cicero in prima Philippica, dicens, Vt cuius sepulchrū nusquā extet, vbi parentetur, ei publicè supplicetur. Et quantum conueniat mortuos honorare tumulo, & sacrificio, cognouit etiam Ouidius, quasi tamen concutiens, quando lib. 2. Fastorum dixit.

*Est honor, & tumulis animas placare paternas;*

*Paruaq. in extructas munera ferre pyras.*

*Parua petunt manes: pietas pro diuite grata est*

*Munere: non auidos styx habet ima Deos.*

Hebræi fleuerunt Moysen triginta diebus, vt in Deuteron. c. vlt. & Dauid, & cæteri, qui cum eo erant audita morte Saul, & Ionatæ fleuerūt super eos, 2. Reg. c. 1. Et fratres Iudæ, qui obierat eum sepelierunt; & omnis populus Israel fleuit eum planctu magno, lib. 1. Machab. c. 9. Tempore Apostolorum obiit Tabitha, discipula illa, quæ opera bona faciebat, & eleemosynas: & discipuli eam lauerunt, & posuerunt in cœnaculo, quā postea sanctus Petrus virtute Dei suscitauit. Act. Apost. c. 9.

*Mau.* Res sanè lachrymis digna est, propter fœtorem, & corruptionem cadaueris, fugiendum esse illum, cuius aspectus tam gratus erat, tam dulcis conuersatio, familiaritas tam chara. Ferri ad tumulum hominem illum, qui viuens sibi, coniunctis, amicis, & patriæ suo ingenio, sua virtute, opem ferebat; miserabilis res est: commouet quemuis ad fletum.

*Luc.* Duplex ratio est (vt putò) quæ suadet, vt mortuos defleamus: quia ipsi luce, & nos eorum societate orbati sumus. Sic ait Ecclesiasticus c. 22. Super mortuum plora, defecit enim lux eius, & c. 38. Fili in-

mor.

mortuum produc lachrymas, & quasi dira passus incipe plorare. At sicut nulla gens fuit; quæ mortuos non fleuerit; ita nulla fuit, quæ consolationi locum esse debere non cognouerit. Gentiles considerabant, mortem esse communem, nec posse mortuos lachrymis ad vitam reuocari. Vndè dixit Horat. lib. 1. Carminum, Oda 4. ad P. Sestium.

*Pallida mors æquo pulsat pede, pauperum tabernas,*

*Regumq. turres:*

Et Ouidius in consolatione ad Liuiam.

*Supprime iam lachrymas: non est reuocabilis istis:*

*Quem semel umbrifera nauita lentre tulit.*

*Sed rigidum ius est, & ineuitabile mortis.*

Et Propertius eodem consolationis genere utitur lib. 4. Eleg. ad Paulum.

*Desine Paule meum lachrymis. rurgere sepulchrum:*

*Panditur ad nullas ianua nigra preces.*

*Quum semel infernas intrarunt funera leges,*

*Non exorato stant adamante via.*

*Te licet orantem fusca Deus audiat Aula*

*Nempè tuas lachrymas litora surda bibent.*

Valer. Maximus lib. 5. c. 10. de Anaxagora, benè considerat à rerum natura cuilibet, & accipiendi spiritus, & reddendi eodem temporis momèto legem dici: & neminem posse mori, qui non vixerit: nec aliquem viuere, qui non sit moriturus. Hebræi consolabantur alia ratione: quia lege didicerunt, mortem, & vitam in manu Dei esse, & mortuos requiescere in Domino, vndè dicitur in Leuit. c. 19. Super mortuo non incidetis carnem vestram, neque figuras aliquas, aut stygmata facietis vobis. Ego Dominus. & in lib. Ecclesiast.

*c. 2.* Modicum plora supra mortuum, quoniam requieuit. Christiani autem consolantur eisdem, & alia insuper ratione meliori, quia firmissimam habent spem futuræ resurrectionis. Scribit Apost. ad Thessalonic. epist. 1. c. 4. Nolumus vos ignorare, fratres, de dormientibus, ut non contristemini, sicut, & cæteri, qui spem non habent. Si enim credimus, quod Iesus mortuus est, & resurrexit: ita & Deus eos, qui dormierunt per Iesum, adducet cum eo: & legitur in c. quàm præpositum, 13. q. 2. Fratres nostros non esse lugendos accersione Dominica de sæculo liberatos: cum sciamus, non eos amitti, sed præmitti; & recedentes præcedere, ut proficiscentes, & nauigantes solent. & in c. habent, eadem 13. q. 2. dicitur, Habent forsitan illi iustam longi doloris excusationem: qui vitam alteram nesciunt, qui de hoc sæculo ad melius esse transitum non confidunt. Nos autem, qui nouimus, qui hoc credimus, & docemus; contristari nimium de obeuntibus non debemus: ne quod apud alios pietatis tenet speciem, hoc magis nobis in culpa sit.

*Mau.* Istæ consuetudines lugendi mortuos tumulandi, & parentandi; etsi apud homines usque ab initio vigerint, nihil tamen mortuis proficiunt.

*Luc.* Dicitur in c. non æstimemus, 13. q. 2. Corpori humando quicquid impenditur; non est præsidium salutis, sed humanitatis officium, secundum affectum, quo nemo vnquam carnem suam odio habet. Vnde oportet, ut quam potest pro carne proximi curam gerat, cum ille recesserit, qui gerebat. & si hæc faciunt, qui carnis resurrectionem non credunt, quantò magis debent facere, qui credunt? ut corpori mortuo, sed

R tamen

tamē resurrecturo, & in eternitate māsuro, impensum eiusmodi officium, sit etiam quodammodo eiusdem fidei testimonium, & in c. animæ, eadem 13. q. 2. Dicitur, curatio funeris, conditio sepulturæ, pompa exequiarum, magis viuorum solatia sunt, quàm subsidia mortuorum. Si aliquid prodest impio sepultura pretiosa; oberit pio vilis, aut nulla. Intestatus decedens debet sepeliri, vel in sepulchro maiorum, vel in propria Parochia: volens autem testari potest sibi illam eligere, c. 1. de sepult. Tobias cum moriturus esset, vocauit ad se filium suum Tobiam, dixitq. ei. Audi fili mi verba oris mei, & ea in corde tuo, quasi fundamentū construe. Cum acceperit Deus animam meam, corpus meum sepeli, Tob. c. 4. Et Ioseph moriens in Ægypto rogauit fratres suos in hæc verba. Asportate ossa mea vobiscum de loco isto, Genf. c. vlt. in fine; vbi subiungitur: Et mortuus est expletis centū decē vitæ suæ annis, & conditus aromatibus, repositus est in loculo in Ægypto. De iure Ciuili prohibitum erat sepeliri corpora mortuorum in Ciuitate, l. mortuorum, C. de relig. & sumpt. fun. Et puniebantur illi, qui in Ciuitate sepulchrum faciebant, l. 3. §. Diuus Adrianus, ff. de sepulchro viol. Ratio erat, ne Ciuitas sctore corrumperetur. At iure Canonico indutum est, vt in Ecclesijs sepeliantur, cuius instituti triplicem rationem affert glos. in c. cum grauiā, 13. q. 2. Prima ratio desumitur ex d. textu ibi, hoc prodest mortuis, si in Ecclesia sepeliantur; quòd eorum proximi quoties ad eadem sacra loca veniunt, suorum, quorum sepulchra aspiciunt, recordantur, & pro eis Domino preces fundunt; nam quos peccata grauiā depri-

deprimunt, nō ad abſolutionem potiùs, quàm ad maiorem damnationis cumulum eorum corpora in Eccleſijs ponuntur. Altera eſt, quia ſpecialiter commendantur patrocinijs Sanctorum illorum, in quorum nomine dedicata eſt Eccleſia illa, & hæc ratio deſumitur ex c. non æſtimemus, 13. q. 2. in fine, ibi, quòd verò quiſque apud memoriam Martyrum ſepelitur; hoc tantum videtur prodeſſe deſuncto, vt cōmendans eum etiam Martyrū patrociniò affectus pro illo ſupplicationis augeatur. Vltima eſt, quia minus ibi vexantur à ſpiritibus immundis, quæ colligitur ex c. aurum, 12. q. 2. ibi, In ſepulturis Chriſtianorū requies deſunctorum eſt. Et propterea ſi quis eligeret ſibi ſepulturam extra locum ſacrum, vana eſſet electio. ſicut etiam ſi quis iuberet, ſuum cadauer deferri ad ſepulturam alia, quam religioſa pompa, & uſu recepta, inanis eſſet iuſſus. Dicitur in c. qui diuina vocatione, 13. q. 1. Mortui cum Pſalmis tantummodo, & pſallentium vocibus debent ad ſepulchra deferri; nam funebre carmen, quod vulgò deſunctis cantari ſoler, vel in pectoribus ſe, aut proximos, aut familias cedere, omninò prohibemus; ſufficiat autem, quòd in ſpe reſurrectionis, Chriſtianorum corporibus ſamulatus diuinorum impenditur canticorum. & cauetur in l. non oportet, c. de his, quib. vt indign. ne priuetur hæres ſucceſſione, qui voluntati teſtatoris in ſepultura non obtemperauerit, quando ſcilicet (vt ibi gloſa ſupplet) voluntas fuit minùs legitima. Refert ibidem Paulus de Caſtro, quendam Doctorem Paduanum, mandaſſe ſuum corpus ſepeliri cum rubis, & indui familiam de roſato. quam diſpoſitionem beſtialem appellat, &

minimè seruandam dicit : tanquam contra communem vsum hominum . Venit in mentem pulcher textus in l. quidam, ff. de condit. instit. Quidam in suotestamento hæredem scripserat sub tali conditione : si reliquias eius in mare proijceret . quæritur, an hæres institutus priuandus sit hæreditate, cum non paruerit conditioni : in hæc verba respōdet Modestinus. Laudandus est magis, quàm accusandus hæres , qui reliquias testatoris non in mare secundum ipsius voluntatem, abiecerit ; sed in memoriam humanæ conditionis sepulturæ tradidit & vt in textu subiungitur , Testator, qui talem conditionem apposuit, non præsumitur fuisse mentis compos : ideòq. hæres scriptus necesse habet talem suspicionem perspicuis rationibus amouere ; quando legitimus hæres de hæreditate controuersiam faciat .

*Man.* Conuenit ergò, vt testator eligat sibi Ecclesiasticam sepulturam : sed quid prodest, vt fideicommissum faciat (si vt dixi) facilè euerti potest ?

*Luc.* Legitimam tollere fideicommissum propriè dici nequit : ea enim reijcit omne onus , & grauamen ; & super ea fideicommissum non censetur appositum , l. quoniam in prioribus , C. de inoff. testam. Trebellianica pariter propriè dici non potest, quòd minuat fideicommissum ; quia testator quando vult, potest illam prohibere , iuxt. not. in auth. sed cum testator , C. ad l. Falcid. glos. in §. sed quia stipulatio, in verbo, liceat , Instit. de fideicom. hæredit. quam si non prohibeat, non videtur illam fideicommisso supponere . Principes haud faciles sunt in commutandis vltimis voluntatibus , & cum maiori difficultate solent fideicom-



commisissis derogare : & nisi consentiant ij , quorum interest , precibus petentium non annuunt : & si alij quando commoueantur ; nihil agunt , nisi re benè discussa , & ( vt inquit ) cum grano salis . Et quando id ratio suadet , non est , vt quis conqueratur , quia si Principes debent viuientium gesta corrigere ; æquum est etiam , vt morientium voluntates ad debitum rationis , & æquitatis modum , quando opus sit , reducant .

*Man.* Hoc transeat . Anceps sum : cur homines cogitent de agnatione conseruanda , de præferenda linea masculina fœmininæ . qui enim talem differentiam inducunt , quasi naturæ accusatores existunt , cur non totos masculos generauit , vt vndè generentur non fiant , mulieres scilicet , vt dicitur in l. maximum vitium , C. de liber. præter. & ibi glos. subiungit . Ait Apost. ad Galat. c. 3. Omnes filij Dei estis per fidem ; non est Iudæus , neque Græcus ; non est seruus , neque liber ; non est masculus , neque fœmina .

*Luc.* Vtique seruatæ æqualitas inter masculum ; & fœminam : eodem enim modo procreatur , & alitur masculus sicut fœmina . Legitima portio eodem iure institutionis relinquenda est vni , sicut alteri . quòd superest , stat in libera testatoris voluntate , qui vt magis prospiciat propriæ , quàm alterius agnationi , omnis ratio suadet . Præcepit Deus Moyli , vt in successionem primum locum daret filio masculo , secundum fœminæ , vt Num. c. 27 . Fœmina autem nubere non poterat extra propriam Tribum , ne de vna in aliam familiam possessio bonorū egrederetur , vt legitur eod. lib. Num. c. ult. Hinc est , vt diuersæ Ciuitates rationaliter statuerint , quòd stantibus masculis , fœminæ nõ

X.

Quantū conueniat dispo-  
nere pro cō-  
seruatione  
agnationis .

succedant, vt sic prior sit successio masculorum, & ne faciliè contingeret, quòd forensibus nuptæ bona nedum extra agnationem, sed etiam extra Ciuitatem transferrent. Immo æquissimum visum est, vt personæ nobiles erigant primogenituras; quibus familiæ decor faciliùs conseruetur. quod euenit si vnus in familia præcipuus sit, qui cæteros alat, & tueatur: alioquin diuisis opibus, nemo esset, qui dignitatem familiæ posset omninò sustinere.

## XI.

Quàm necessarium sit testatoris voluntatem ex coniecturis interpretari.

*Man.* Si testator expressè hoc agat, nunc tuis rationibus motus, haud graue puto, quòd seruetur: sed qua ratione leges, & Doctores velint ex coniecturis defunctorum intentionem colligere, & modò in vnam, modò in alteram partem trahere, adhuc non intelligo.

*Luc.* Quando verba sunt clara, non est locus coniecturis, non aliter, ff. de leg. 3. Ius semper est certum: sed de facto plerumque dubitatur, l. 2. ff. de iur. & fact. ignor. Et ideo coniectura circa quæstiones facti duntaxat, versatur. Rhetores vocant statum coniecturalè, quado ex coniecturis queritur, an aliquid factum sit, Cic. ad Heren. lib. 1. Quando igitur dubitatur, quidnam senserit testator, stante ambiguo eius sermone, necessariò recurrendum est ad coniecturas: dum enim quicquid verè voluerit, non apparet; necesse est, vt saltem colligatur, quicquid verisimiliter velle potuerit. Et hoc effici non potest, nisi ex coniectura; quæ est opinio veri, deducta ex probabili signo. Est quidam mentis conceptus vel iudicis, vel iuris autoritate comprobatus. Est rei dubiæ rationabilis præsumptio, lege approbata, ad aliquid in animo figendum. Est opinio, quæ in animo iudicis, vel cuiuscunque concipitur, ex varijs argumentis, coniecturis,

cturis, vel iudicijs. Est animi motus, per quem cogitur apparentiam sequi, donec contrarium probeatur. Est rei latentis iudicium, quod quis per rationes, & signa, & tempora conijcit. Est verisimilitudo quædam probabilis animum inducens ad aliquid opinandum. Est rationabile vestigium latentis veritatis, vnde nascitur opinio Sapientum. Et quia nihil proprius est humani ingenij, quam in dubijs coniectare, conijcere, opinari, & ex signis, verisimilitudinibus, probabilibus indicijs latentem veritatē eruere, verisimilemque agētis intentionem colligere, dicendum est, coniecturas vltimarum voluntatū necessario, & vtiliter sumēdas esse.

*Man.* Hoc dolendum est, quia sæpè euenit, vt assumatur coniectura, quæ verę testatoris menti repugnet.

*Luc.* Non nego, id aliquando contingere posse; quia animus cuiusque deficientibus verbis, sciri non potest. At satis est, si non absit verisimilitudo; quamuis veritas absit: dum enim veritas ignoratur, subintrat coniectura, quæ non adaptatur, nisi rebus verisimilibus. & quando plures, & diuersæ coniecturæ desumi possunt, tunc præferenda est ea, quæ legum auctoritate magis comprobatur. Quam rem vti latissimam, modo non possumus paucis complecti.

*Man.* Dixisti satis, vnum superest, si testandi vsus tam necessarius est, & utilis: cur homines testari negligūt? cur differunt ad extremum?

*Luc.* Voluntas hominis (vt dicunt) est ambulatoria vsque ad mortem: & non permanent res in eodem statu: sed quotidie multa de nouo accidunt. Hinc est, vt testamenta antea condita, aut diuerso reuocentur, aut saltem declarentur in codicillis.

XII.

Cur homines testari negligant, & differant ad extremum.

R

4

*Man.*

*Mau.* Addo aliam rationem ; vita dulcis est , & mors amara . Ideò non defunt , qui odio habeant memoriam mortis , qui veniente die , mori velint inuiti .

*Luc.* Seruus ille , qui cū tristitia duceretur ad conspectum domini , posset ne sperare prēmium ?

*Mau.* Nequaquam , sed damnatione dignus esset .

*Luc.* Acriter ergò reprehendendi essent illi , qui accersiti , reluctarentur diuino imperio ; qui libenter nō parerent ; & quasi peruicaces serui , indigni essent venia ; sperare nequirent honorari cælestibus prēmijs à Domino , ad quem accederent inuiti , & cum mœrore . Textus est in c. quàm præposterum , 13. q. 2. Vis plura de hac re ?

*Mau.* Sat habeo . reliquum est , vt dicamus de Iudicijs .

*Luc.* Occubuit Sol , dicemus in sequenti .

*Mau.* Placet . Vale .



# SEPTIMVS CONGRESSVS.<sup>265</sup>

MAVRVS. LVCIVS.

*Luc.*



**S**ic rectè sum memor, dicebas Iudicium inuentum, non vt succurratur hominum malis; non vt suum, cuiq. tribuatur: sed vt coalescant, inter homines ira, furor, & cupiditas. liberam accusandi facultatem dari putabas, vt quisque possit de inimico vindictam sumere, calumniari, obijcere falsa crimina: & si quandoq. calumnia puniretur, aiebas nihil prodesse, quasi non dimittatur innocens sine iactura. addebas, agendi liberam facultatem concedi, non vt tribuatur suum cuique. Considerans quāta absorbeant mercedes Notariorum, Procuratorum salaria, honoraria Aduocatorum, Iudicum sportulæ. enumerabas dueros casus litigantium, ex quibus alij, vel probationum defectu, vel imperitia patrocinantium, vel Iudicum nequitia, causas amittunt. Alij ob minimam etiam contumaciam à iudicio repelluntur. Alij ob grauitatem expensarum recedunt à lite. Alij deniq. bonum ius, quod fouent, non nisi post plures instantias obtinent. Ex iudicijs asseuerabas, oriri controuersias, lites, falsitates, periuria, & homicidia; quæ omnia detestata sunt iure diuino, & naturali. Tandem mirabarís, quare iudicandi facultas tribuatur homini, qui suapte natura cupidus, inuidusq. est. aiebas perindè esse, ac si famelico toxicum, vel furenti ensis præponeretur.

*Man.* Hæc dicebam, nec pauci sunt qui idem dicunt.

*Luc.*

I.

Lucius re-  
spondet ad  
opposita cõ-  
tra iudicia,  
quæ ostendit  
à Deo pro-  
cessisse, & à  
natura.

*Luc.* Erras tu, errant illi. Transgressor diuini præce-  
pti, ne iudicaretur inauditus, Deus eũ vocauit, Adam  
vbi es? Genes. c. 3. Ædificâtes Turrim illam, cuius cul-  
men pertingere deberet cælum, ne damnarentur ex  
abrupto, & quasi non constito de corpore delicti, De-  
scendit Dominus, vt videret Ciuitatem, & Turrim quã  
ædificabant filij Adam, Gen. c. 11. Habitatores Ciuita-  
tum illarum, quæ meritũ incendium passæ fuerunt; ne  
punirentur, absque causæ cognitione: Dixit Dominus  
ad Abraham, Clamor Sodomorũ, & Gomorrhæ mul-  
tiplicatus est, & peccatum eorum aggrauatum est ni-  
mis: Descendam, & videbo, vtrũ clamorem, qui ve-  
nit ad me, opere compleuerint, Gen. c. 18. Filij Israel,  
cũ de Ægyptijs conquererentur, & clamarent ad Do-  
minum; Deus ne videretur procedere querela nondũ  
iustificata, dixit ad Moysen; Vidi afflictionem populi  
mei in Ægypto, & clamorem eius audiui, propter du-  
ritiam eorum, qui præsumunt operibus: & sciens dolorẽ  
eius, descendi, vt liberem eum de manibus Ægyptiorũ,  
Exodi c. 3. Natura docuit cætera animãtia, vt se tuean-  
tur, congruaq; arma tradidit: ideò equus offendentẽ,  
calce percutit; canis dentibus mordet; boues cornu in-  
iuriam vindicant, l. 1. §. sed et si canis, & §. at si cum  
equum, & §. cum arietes, ff. si quadrupes pauperiem  
fecisse dicatur. Homines autem natura ad defensionẽ  
instruit, non ad vindictam, non arma dedit, quibus  
offendant. Hoc tantũ præstitit, vt vim vi repellere  
possint, l. vt vim, ff. de iustit. & iur. Hinc homines co-  
gnouerunt duo necessaria esse, pro humanę societatis  
conseruatione, quòd scilicet culpa puniatur, & defen-  
datur innocẽtia, c. quæ Lotharius, §. in manifestis, 2. q. 1.

Et

Et introduxerunt Iudicium, actum illum trium personarum, Actoris, Iudicis, & Rei, c. forus, §. in omni quoque negotio, de verbor. signif. Vt si vnus accuset, alter defendat, l. qui accusare, C. de eden. Si agat vnus, excipiat alter, l. in tribus, ff. de iudicijs. Inuenerunt actionem, ius illud persequendi in iudicio, quod sibi debetur, §. 1. Instit. de act. Inuenerunt itidem exceptionem, ius illud se defendendi, & actionem excludendi, l. 2. ff. de except. In huiusmodi autem Actoris, & Rei contentionibus, necessarium fuit interponere Iudicem, personam illam publicam, quæ publica auctoritate ius diceret, & quod iustum foret exequeretur, c. 1. 2 3. q. 2. Tumultus quàm maximus fieret, si quod ad Magistratum pertinet, singulis concederetur, l. non est singulis, ff. de reg. iur. Augeretur offensi rabies, si ei liceret iniuriam suo Marte vindicare, l. vnica, C. ne quis in sua causa iudicet. Inualesceret creditoris auditas, si negantem debitorem, propria auctoritate urgere posset, & detertere. l. negantes debitores, C. de act. & oblig. Optimè igitur legibus cautum est, vt nemo sit Iudex in propria causa, l. qui iurisdictioni, ff. de iurisdic. omn. iud. Nemoq. iudicet tauquam priuatus, sed tanquam publica persona, & secundum acta, & probata, l. illicitas, §. veritas, ff. de offic. Præsidis. Ideòq. Iudici, non alteri debent fieri probationes, l. quingenta, in fine, ff. de probation. Qui si nihil ei constaret, nihil decernere posset, l. 1. cum glos. fin. in fine, C. de bon. possess. secundum tabul. At quoniam partes nunquam faterentur, sed semper negarent, l. inter stipulantem, §. 1. in fine, ff. de verbor. obligat. Opus fuit alias personas addere, Notarios scilicet,

Ta-

## II.

Probat in  
Iudicijs ne-  
cessarios ef-  
se Tabellio-  
nes, Procura-  
tores, & Ad-  
vocatos, &  
ostēdit quid  
accidat ca-  
lūniantibus.

Tabelliones, Actuarios, qui iudiciorum acta fideliter conscribant, ex quibus veritas possit declarari, c. quoniam contra, de probat. Factis hinc inde probationibus per scripturas, per testes, & alio quouis modo, c. forus, vers. probatio autem, de verbor. signific. duplex oritur quæstio, facti scilicet, & iuris, leum quem temerè, §. Iudicibus, ff. de iudicijs. Quò circa constituuntur Procuratores, qui de facto contendant. Adhibentur Aduocati, qui de iure disputent. Interponuntur Iudices, qui veritatem inuestigent, l. is apud quem, C. de eden. Iura non admittunt accusantes, nisi ad pœnam talionis se inscribant, l. qui crimen, C. de his, qui accusare non poss. Equum est enim, vt alterutram partem, accusati, vel accusatoris, terrere possit digna legum auctoritas, l. in causis, C. de accusat. & inscript. Et iustum est, vt qui non probauit, quod obiecit, pœnâ, quam intulerit, ipse pariat, c. qui crimen obijcit, 2. q. 8. Instigatores non se inscribunt, ac calumniatorum non euadunt pœnas, si de calumnia conuincantur, tot. tit. ff. & C. de calumniat. c. 1. & 2. extr. eod. Istorum temeritas tribus modis detegitur, aut enim calumniantur quando intendunt falsa crimina, aut præuaricantur, quando abscondunt vera crimina, aut tergiversantur, quando ab incepto desistunt, l. 1. ff. ad Sen. Conf. Turpill. Non capitur, non inquiritur quisquam, nisi præcedant informationes, & indicia. Ideòq. si accidat, vt innocens repertus dimittatur post aliqua passa incommoda; non est imputandum legibus: nemo est enim, qui detrahat medicinæ, quando infirmitatis periculum euasit, etiam post dolores, & sumptus. Iudicum proteruit, litigatorum temeritati,

om-



omninò leges occurrunt, l. 1. C. de pœna Iud. qui malè iudic. §. 1. Instit. de pœna tem. litigan. Et in omni casu sollicitè sunt, vt per eos, qui in iudicio succubuerunt, restituantur fructus, damna refarciantur, reficiantur expensæ, l. 2. C. de fruct. & lit. expens. Si in foro cõtendentibus hæc necessaria sunt, Tabellionum opera, Causidicorum prudentia, Aduocatorum scientia, Iudicum disceptatio; hæc etiam necessaria esse debent, merces, salarium, honorarium, sportulæ. Si damnandi essent illi, qui hæc supra modum cuperent extorquere; magis detestanda esset illorum tenacitas, & ingratitude, qui laborem præmio compensare denegarent. Res deploranda non est, si probationum defectu quis in iudicio, quod volebat, non obtinuerit: quia dum nihil apparet, non deficit ius, sed probatio, l. duo sunt Titij, ff. de testam. tur. & Actore non probante, conuenit, vt reus absoluator, l. qui accusare, C. de eden. Et, vt vulgò dici solet, quæ sunt extra acta, extra mundum existunt. Qui causas amittunt, vel ob patrocinantium imperitiam, vel ob Iudicis malitiam, propriæ adscribant culpæ, cur peritiores non adhibuerint, cur suspectum Iudicem non recusauerint. Contra contumacem omnia iura clamant; contumax autem regulariter causam non amittit, sed condemnatur in expensis, l. & post edictum; ff. de iudic. Qui ob grauitatem expensarum recedunt à lite, sibi consulunt, & nemini sunt molesti. Qui bonum ius fouet, si illud non consequantur, nisi post plures instantias, absurdum non est: quia sententia non facit ius, nisi transierit in iudicatum, l. 1. ff. de re iud. Non perficitur aurum, nec argentum sine sumptu, & labore. & magis glo.

## III.

Cur necesse sit, vt deficiens in probatione succumbat in iudicio.

## IV.

Leges nō fouent, sed dirimunt lites.

gloriosa censetur victoria, quando non fuit incruenta. Si in iudicijs quandoq. accidunt falsitates, periuria, & homicidia, auctorum improbitas seueræ subiaceret iudicis correctioni. Leges non fouent, sed odio habent lites. Iudicia nō sunt causa litium, sed lites dirimunt. Iudices non protrahunt, sed coarctant lites, & qui secus agunt, qui deuiant à tramite iustitiæ, Iudicis nomen perdunt; non enim est Iudex, si non est in eo iustitia, c. forus, vers. non est ergò, de verbor. significat. c. 1. 2. 3. q. 2. Et ad officium Iudicis pertinet, lites diminuerè, l. quidam æstimauerunt, ff. de reb. cred. & si cert. pet. Lis odiosa res est, & verecunda cogitatio eius, qui lites execratur, non est vituperanda, l. item si res, §. post autem, ff. de alien. iud. mut. caus. fact. Homines litigiosi permolesti sunt, quia semper dissident, concordiam non diligunt, non amant pacem, §. litigiosus, 90. dist. Ideò leges magnam curā adhibuerunt, ne faciliè homines ad litigandū procederent, & temeritatem tam agentium, quàm eorum, cum quibus agitur, modò pœna pecuniaria, modò iusiurandi religione, modò infamiæ metu coercent. Cogitur quisque litigator iurare de calumnia, quòd putet se bonam causam fouere. Negans id, quod debet, aliquando cōdemnatur in duplum, & qui succumbunt, in certis casibus ignominiosi fiunt, §. 1. & toro tit. Instit. de pœna tem. litig. Et quia plerumq. lites sunt malum necessarium, ideò iura prouident, ut quàm citò expediantur, l. properandum, C. de iudic. Iudicandi potestas homini quidem committitur, non tamen famelico, vel furenti, sed illi qui toga candida indutus magistratum petere, & omni procul timore, cupiditate, odio, & amore,

## V.

Iudex qualis esse debet, & cur nequeat ex arbitrio procedere.

amore, quę sensus hębetant, & opinionones pęuēriūt, debet exercere, 3. q. 5. c. accusatores il 3. & 11. q. 3. c. quatuor. Quisq; iudex cogitur omnibus iustitiam æqua lance ministrare, excutere manus ab omni munere, & rectē iudicare, c. qui rectē, 11. q. 3. Bonus Iudex personam non cognoscit, Prouerb. c. 24. Non considerat personam pauperis, non honorat vultum potentis, Leuit. c. 19. Non tollit diuitibus, vt det egenis, c. fortē, 14. q. 5. Cauet ne in quo alterum iudicat, se ipsum condemnet; non agit quę iudicat, Apost. ad Rom. c. 2. Et cuicunque Iudici iura præcipiūt, ne agat ex propria voluntate, ne aduersetur legibus, ne leuitate, aut furore ducatur in dictandis sententijs, sed opinionem suam iuxta leges concepiat, examinet merita causę, iuri obtemperet, iudicet sicut audit, & secundum quod probatum est, sententiam ferat, c. iudicer, 3. q. 7. c. summopere, 11. q. 3. Ait Cic. lib. 3. de legib. Magistratus hęc esse vim, vt præsit, præscribatq; recta, & vtilia, & coniuncta cum legibus: vt enim magistratibus leges, ita populo præsunt magistratus. verēq; dici potest magistratum legem esse loquētem: legem autem mutū magistratum, & D. Thom. 1. 2. q. 95. art. 1. ad 2. inquit, Melius est omnia ordinari lege, quā dimittere Iudicium arbitrio; & hoc propter tria, Primò, quia facilius est inuenire paucos sapientes, qui sufficiant ad rectas leges ponendas, quā multos, qui requirerentur ad rectē iudicandum de singulis. Secundò, quia illi, qui leges ponunt, ex multo tempore considerant, quid lege ferendum sit; sed iudicia de singularibus factis fiunt ex casibus subito exortis: facilius autem ex multis cōsideratis potest homo videre, quid

quid rectum sit, quàm solùm ex vno facto. Tertiò, quia legislatores iudicât in vniuersali, & de futuris: sed homines, iudicijs præsidêtes, iudicant de præsentibus, ad quæ afficiuntur amore, vel odio, aut aliqua cupiditate; & sic eorum deprauatur iudicium. Quia ergò iustitia animata Iudicis non inuenitur in multis, & quia flexibilis est; ideò necessarium fuit, in quibuscûq. est possibile, legem determinare, quid iudicandum sit, & paucissima arbitrio hominum committere. Et inferiùs ad tertium dicit, quòd quædam singularia, quæ non possunt lege comprehendi, necesse est committere Iudicibus; purà de eò, quod est, factum esse, vel non esse; & de alijs huiusmodi. Iosaphat, vt legitur in lib. 2. Paralip. c. 19. constituit Iudices terræ in cunctis Ciuitatibus Iuda munitis, per singula loca præcipiens Iudicibus, Videte, ait, quid faciatis; non enim hominis exercetis iudiciũ, sed Domini: & quodcunq. iudicaueritis, in vos redundabit. Sit timor Domini vobiscum, & cum diligentia cuncta facire: non est enim apud Dominum Deum nostrum iniquitas, nec personarum acceptio, nec cupido munerum.

*Man.* Si tales essent Iudices, vtique sufficeret vnus sententia, non plurium plures emanarent, & vt plurimum inter se contrariæ, & diuersæ. Si leges vellent lites coarctare, non permetterent discuti tot, tantaq. inutilia antè cognitionem negocij principalis; non darent tot dilationes; non inducerent tot ferias; non reciperent tot appellationes; nullitates vtì nò tangentes bonũ ius, non admitterent; non restituerent quemquam aduersus rem iudicatam; minusq. sinerent executionem impediri, quando quis se recipit in domũ,  
vel

vel in Ecclesiam, vel quando quis extorquet non grauetur, moratorias, inducias, inhibitiones, cartas doctales, quæ, velut calumniosa subterfugia, protrahunt lites ad annos Noe; ita ut nullus sit eorum exitus, nullus dispendiorum finis.

*Lnc.* Controversiæ modicæ quantitatis ab inferioribus, Iudicibus, omni ordine seposito, terminantur; cum de modica summa modica habenda sit consideratio, l. si oleum, §. fin. ff. de dolo malo. Quæstiones de momentanea possessione, quando scilicet quæritur, quis interim in possessione esse debeat, summariissime expediuntur, l. 1. C. si de momentan. poss. fuer. appellat. Causæ executivæ citò terminantur: quia nullam exigunt Iudicis cognitionem; ex quo constat debitum esse id, quod petitur: ita ut nullæ aliæ sint partes Iudicis, nisi in exequendo: Executor enim est ille qui, audita, & discussa omni lite, nullam fert sententiam, sed rem dispositam ad effectum deducit, l. executoré, C. de execut. rei iudic. Tunc autem res disposita, & exequenda dicitur, quando debitor convictus, & condemnatus est in iudicio, l. fin. C. eod. tit. Et quamvis instrumenta de iure communi non habeant vim rei iudicatæ, l. minor annis 25. ff. de min. tamen quando in instrumento debitor coram Notario, quasi coram Iudice, faretur se debitoré, & ipse quodammodo præcipit ei, ut solvat, prout fit in instrumentis, quæ habent formam garantigiæ, tunc locus est executioni; quia confessi in iudicio habentur pro condemnatis, l. post ré iudicatam, ff. de re iud. Et inconfessum non est ferenda sententia; sed danda est ei dilatio ad solvendum, l. si debitori, ff. de iudic. Similiter quâdo in instrumêto se

VI.

Iudicia executiva, & possessoria habent celerem expeditionem.

S obli-

obligat quis tanquā debitor Fiscalis, prout fit in instrumētis, quæ habent obligationē in forma Cameræ, ex cūtiue agitur : quia debitores Fiscī nulla exceptione ; nec appellatione, possunt solutionē differre, l. abstinēdum, C. quorum appellationes non recipiuntur. Lites super possessione, vel adipiscenda, vel retinenda, vel recuperanda, non multum durant, sunt summariz, dātur breues dilationes, & appellationes vt plurium non admittuntur; nec mirum est, quia quæstiones istæ possessoriæ, rem non finiunt, sed præparant causam proprietatis : Ideòq. dicuntur interdicta possessoria, quasi non ad perpetuum, sed ad tempus, & interim seu inter duos dicta de possessionibus, donec de proprietate constet, §. 1. Instit. de interdict. l. 3. in fine, ff. de liber. exhiben.

## VII.

In causis petitorij periculosa est celeritas, & ordo iudicialis necessarius est.

Causæ petitorij rem finiunt, in eis proponuntur actiones, & exceptiones; requiritur cognitio, & discussio causæ; sunt magni præiudicii; & ideò in illis terminandis periculosa esset celeritas, & festinatio. At quoniam vbi non est ordo, ibi est confusio, necessariū fuit, vt lex præscriperit ordinem iudiciorum, vt actor citet, & vocet reum ad iudicium, d. l. 1. ff. de in ius voc. & petat ab eo, quid velit, libellumq. offerat, auth. offeratur, C. de lit. contest. Reus autem compareat, nec contumax sit, l. 2. ff. si quis in ius vocatus nō ierit : & Iudex per narrationem negocij causam audire incipiat, & litem cōtestetur, l. 1. C. de lit. contest. Deindē præfigat terminum ad probandum, vt primo Actor, deindē Reus probent intentionem suam, vel per confessionem, vel per instrumentum, vel per testes, vt deindē Iudex agat, quod suum est, concludatur in  
causa

causa, publicetur processus, edantur acta, allegetur hincindè, & disputetur super dubijs causæ. Qui ordo ut vnus sit, qui petat, alter qui respondeat, & tertius, qui iudicet, omninò necessarius est: aliàs enim stultus esset, qui priùs responderet, quàm audiret, Prouer. c. 18. Vnumquemque admonet Ecclesiasticus c. 11. Priusquam audias, ne respondeas verbum: & in medio sermonum ne adicias loqui. At ne aliquo casu præscripta iudiciorum figura, & temporis diuturnitas, damnum afferret, Iudici permittitur, ut in necessitatibus aliquid decernat per modum prouisionis, l. si neget, ff. de liber. agnosc. l. ait Prætor, §. in causæ, ff. de iure delib. Et in aliquibus etiam arbitretur, arbitrio tamen à iure regulato; quoad merita causæ, secus quoad solemnitates, l. fin. §. sed et si, & ibi Doct. C. com. de leg. Principi autem relicta est facultas, ut suadente necessitate, suo rescripto tollere possit, quæ sunt ordinis iudiciarij: Vndè dicitur in Clem. sæpè, de verbor. significat. quòd sæpè contingit, ut committantur causæ cognoscendæ, & terminandæ simpliciter, & de plano, & sine strepitu, & figura iudicij, ad hoc, ut Iudex, cui ita mandatur, necessariò libellum non exigat, litis contestationem non postulet, tempore etiam feriarum ob necessitates hominum indultarum à iure, procedere valeat, amputet dilationum materiam, litem quantum poterit faciat breuiorem, exceptiones, appellationes, dilatorias, & frustratorias repellendo; partium, Aduocatorum, & Procuratorum contentiones, & iurgia, testiumq. superfluam multitudinem refrenando. Non sic tamen Iudex litem abbreviet, quin probationes necessariæ, & defensiones legitimæ admittantur. Sententiam verò

## VIII.

Quid sit co-  
gnoscere cau-  
sas de plano.

diffinitiuam præuia citatione, & inscriptis proferat, siue stans, siue sedens, prout magis sibi placuerit, etiam conclusione non facta, secundum iudiciorum figurā.

Proferri debet sententia à Iudice non stando, sed sedendo, c. fin. de sent. & re iud. lib. 6. Et optima ratione: quia quisque sedendo plus sapit, hinc ait Plaut. in Mustellaria Actu 5.

*Sic tamen hinc consilium dedero, nimio plus sapio sedens.*  
Anima sedendo, & quiescendo, sit prudentior: Ideò ut maturitas sententiæ comprobetur, fertur à Iudice sedente pro Tribunali, gloss. in d. c. fin. in verbo, sedendo, de sent. & re iudic. in 6: Antiquitus, prout etiam hodie obseruatur, sedes, solium, seu Tribunal Iudicis, erat locus excelsus, supra solum, aream, seu planum: in plano autem, area, seu solo Iudex stabat, vel antequam ascenderet Tribunal, vel postquam descenderet. huc pertinet, quod dicit Suet. in Tiberio c. 33: Iudicesq. aut è plano, aut è quæsitōris Tribunali legum, & religionis, & noxæ, de qua cognoscerent, admonebar. Quando stabat Iudex in plano, audire, & agere poterat ea, quæ causæ cognitionem nõ exigebant, quæ requirebant celerem expeditionem; & tunc interloqui dicebatur, iuxta tex. in l. 1. ff. de constit. princ. ibi vel de plano interlocutus: ea verò quæ causæ cognitionem desiderabant, non in plano stans, sed pro Tribunali sedens expedire debebat, tex. est in l. à precedente, C. de dilat. ibi, & cognitio causæ non interpellatione planaria, sed confidente magis Iudice, legitime colligatur. & in l. 1. §. abolitio, ff. ad Sen. Conf. Turpill. ibi, Abolitio impetrari solet à Præsidibus pro Tribunali non de plano; & in l. 2. §. dies, ff. quis ordo in bonorū poss.



poss. seruetur in hæc verba; Dies bonorum possessio-  
nis vriles esse, palàm est, sed non sessionum numera-  
buntur, si modò ea sit bonorum possessio, quæ de pla-  
no peti potuit; quòd si ea est, quæ causæ cognitionem  
pro Tribunali desiderat, vel quæ decretum exposcit,  
sessions erunt computandæ, quibus sedit. En igitur  
Maure si leges curant lites, & controuersias abbrevia-  
re, dum aliæ per Iudicem in area, in solo, in plano stā-  
tem, & interloquentem infrà Tribunal sedantur, &  
aliæ pe eundem in Tribunali supra planum sedētem,  
& pronunciantem, cum maturitate, prout res exigit,  
terminantur.

Nec mirum est, si in Iudicijs ordinarijs vnus sen-  
tentia non sufficiat, quia in ore duorum, vel trium stat  
omne verbum, Deut. c. 19. Itaq. non sine ratione iura  
volunt, vt ad constituendam rem iudicatam tres sen-  
tentia requirantur, l. vnica. C. ne lic. in vna eademq.  
caus. tert. prouoc. Statuta autem particularia, & etiam  
Principes aliquando non sine ratione volunt, vt semel  
tantum liceat appellare, & duæ habeant vim trium.  
Quòd autem vnica sententia transeat in iudicatum,  
vel ob non interpositam infra decem dies, vel ob non  
prosecutam infra biennium appellationem, prouenit  
ex præsumpta voluntate partis, quæ causam deferens  
censetur acquiescere, & sententiam approbare, l. 1. C.  
de postul. l. fin. C. de sentētia, quæ sine cert. quant. prol.  
est. Quòd autem plures à pluribus ferantur sententia  
inter se diuersæ, & contrariæ, rarò ex iudicantium im-  
peritia, vel errore prouenit; sed vt plurimū nascitur ex  
varietate, & mutatione probationū: quandoquidē po-  
test quisque corā Iudice appellationis vtī nouis asser-

IX.

In Iudicijs or-  
dinarijs cur  
vnica sentē-  
tia nō suffi-  
ciat.

tionibus, vel nouis exceptionibus, l. per hâc, C. de tēpor. & repar. appell. & cōmuniter dici solet; nō deducta deductâ, & nō probata probabo, l. eos qui, §. 1. C. de appell.

X.  
Cur necessa-  
riū sit, plura  
discutere an  
tē negotium  
principale.

Neque etiam mirandum est, si antequā attingatur negotiū principale, aliquando plura discutiantur; quia necessariō id accidit, & ne in exemplis deficiam: Certū est, lites non aliter finiri posse, nisi vnus sit, qui petitoris onus sustineat, & alter, qui possessoris cōmodo fruatur, l. inter litigantes, ff. de iudic. Modō si vterq. cōtendat, se possidere, necesse est discutere, quis debeat manuteneri in possessione, vt cōstet quis actoris, & quis rei partes debeat sustinere. Agit, vel conuenitur vnus tanquā Procurator, seu filius, vel hāres, aut descendēs; vt rectē iudiciū agi possit cum eō, oportet quærere, an talis sit, qualē se facit, l. 2. vbi glōf. & Doct. C. de edict. Diu. Adr. toll. & non antē iuris ratio, quā persona quærenda est, l. quidā referunt, ff. de iure codicil. Sed ne longiūs in hac re immoremur; certō scimus, quōd dum quis trahitur ad Iudicem, si contingat dubitari an sit cōpetens, discuti priūs debet, an ratione domicilij, originis, contractus, rei sitæ, vel personarum ei competat iurisdictio. Pariter si testes sint examinati, & iura sint producta; videndū est an validū sit examen, & valida extractio. Itaq. cū ex his satis intelligere possis, quā necessariū, & vtile sit, vt plura antē disculsiōē rei principalis, præcognoscantur: transeamus ad alia, & breuiter ostendā, qua ratione iura dēt dilationes, ferias inducāt, permittant appellationes, nullitates tollant, restituāt integrū, attentata reuocent. Dilationes à lege dātur ad deliberandum, & probandū, ideō necessarię sunt, c. prætereā, de dilat. l. oratione, ff. de ferijs, & dilat. vbi etiam caue-

XI.  
Cur dentur  
dilationes in  
iudicijs.

cauetur, ne post primā, altera detur absque causæ cognitione: vbi autem dilatio danda sit, vel pro testibus examinandis, vel pro extrahendis instrumentis, moderanda est secundum locorum distantiam, l. 1. C. de dilat. ne aliās quod bonum est, conuerteretur in malū, c. 1. 2. quæst. 7. Feriæ apud antiquos dicebantur, quando cessandum erat ab opere. Romani dies illos, quibus ius reddebatur, fastos appellabant: quia fas erat Prætoribus fari tria illa verba do, dico, addico. eos autem quibus à iudicandi munere vacandum erat, nefastos dies vocabant; quia non licebat Prætoribus fari, quàm rem Ouidius explicat Fastorum, lib. 1.

XII.  
Cur feriæ  
indicantur.

*Ne tamen ignores variorum iura dierum,*

*Non habet officium Lucifer omnis idem.*

*Ille nefastus erit, per quem tria verba silentur:*

*Fastus erit, per quem lege licebit agi.*

Nos autem istos dicimus iuridicos, illos autem feriætos: quorum alij sunt feriati in honorem Dei, & dicuntur feriæ sacræ, diuini cultus gratia inuentæ, quibus iustum est, vt iurgia iudiciorum fiant: sunt enim dies festi, dies solemnitatis, & lætitiæ, dies Maiestati Altissimæ dicati, l. dies festos, C. de ferijs. Alij sunt feriati ratione messium, & vindemiarum; & appellantur feriæ necessarie, quas necessitas fructuum colligendorum adinuenit; quibus iniquum esset, vt homines compellerentur ad iudicium. Sunt dies rei rusticæ debiti, l. 1. ff. de ferijs, & dilat. Sunt dies humanæ necessitatis, quibus cauendum est, ne pereat commoditas cælesti prouisione concessa, l. omnes Iudices, C. de ferijs. Alij sunt dies feriati in honorem Principis, & dicuntur feriæ honorariæ, quibus iura meritò silent: quia vel

sunt dies natalitij Principis, l. sed etsi, §. feriæ, ff. ex quib. caus. maior. l. 3. C. de dilationibus, quorum memoria cum lætitia coli debet, vnde dixit Horat. Epist. ad Torquatum lib. 1.

*Mitte leuē spes, & certamina diuitiarum,  
Et Moschi causam. cras nato Cesare festus  
Dat cūeniam, somnumq. dies.*

Vel sunt dies creationis, seu coronationis Principis, quibus feriari decet ob debitam Principi reuerentiā, l. omnes dies, §. nostris etiam diebus, C. de ferijs. Permittunt tamen iura, vt partes renunciare valeant ferijs necessarijs, & honorarijs, non tamen sacris, c. fin. de ferijs. Debitores autem Fisci, & ita etiam illi, qui ad eorum instar obligati sunt, contra quos sola executio desideratur, non condemnatio, Ferijs necessarijs messium, & vindemiarum non iuantur, l. publicas, C. de ferijs.

**XIII.**  
Cur appella  
tiones admit  
tantur.

Appellationem, dicūt Doctores, esse remedium necessarium contra sententiarum iniquitatem; sicut the-riaca remedium est optimum contra venenum; nam vt ait Vulpianus in l. 1. ff. de appellat. Appellandi vsus necessarius est ad corrigendum iniquitatem, vel imperitiam iudicantium; licet nonnunquam benè latas sententias in peius reformet. neque enim utique melius pronunciat, qui nouissimus sententiā laturus est. sed de hoc habenda non est ratio; quia considerandum non est quod fit, sed quod fieri oportet, sic etiam dicitur in l. penult. ff. de iustit. & iure. Quod Prætor ius reddere dicitur, etiam cum iniquè decernit: relatione scilicet facta non ad id, quod ita Prætor fecit: sed ad illud, quod Prætorem facere conuenit: Aditur ergò

ergò per viam appellationis superior, vt inferioris facta corrigat; quòd si secus agat, ei, non legibus imputari debet, c. 1. 2. q. 6. l. si quis, ff. de appellat. Ex alio etiam vtile est remedium appellationis, vt qui in primo iudicio minùs probauit, in secundo valeat persequi quod omissum est, l. eos qui, §. si quid in agendo, C. de appellat. Si quis autem causa differendi appellaret, non deberet audiri, c. quicumque, 2. q. 6. Et qui temerè prouocaret, malamq. litem prosequeretur, non exiret impunè, l. eos qui, §. ne temerè, C. de appellat.

Si leges tollunt reuocantve nullitates benè agunt, puniunt transgressionem, reprimunt prauaricationes. Qui caret iurisdictione, si sententiam ferat, legem offendit, l. 1. §. fin. ff. ad Sen. Conf. Tertull. Qui damnat non vocatum, legem transgreditur, l. de vno quoque, ff. de re iudic. Qui admittit comparentem sine mandato, non obtemperat legi, l. licet, C. de Procurat. Est igitur salubre remedium, quòd prauaricatorum reprimatur temeritas, & redarguatur audacia, c. qua fròte, extra de appellat. c. si religiosus, de elect. in 6. Eorumq. sententiæ ita iudicentur, & habeantur, ac si non essent, & de facto tollatur, quod de facto factum fuit, Clem. Pastoralis, in fin. de re iud. l. 1. §. & hoc edictum, ff. si mul. ventr. nom. Atque ita agatur, vt non entium nullæ remaneant qualitates, l. eius qui in prouincia, ff. de rebus cred. Hinc rectè dicunt Doctores, vitium nullitatis prouenire ex legis transgressionem, & quòd nulla maior est iniustitia, quàm nullitas. Verum est, quòd nullitates negotium principale non tangunt, non decidunt punctum, an res mea sit, vel tua. Remedium tamen nullitatis hoc efficit, quòd admodum vtile est, vt

## XIV.

Cur nullitates tollantur, & reuocentur nulliter gesta.

in diiudicando principali negotio non attendatur id, quod nulliter, & de facto processit, sed de medio tollatur quodcunque contra leges temerè gestum est.

**XV.**  
Restitutio in  
integrū cur  
datur.

Restitutio in integrū est alterum remediū iuris, vtile quidē, & necessarium, ad subueniendū hominibus, vel lapsis, vel circumscriptis; siuē metu, siuē calliditate, siuē ætate, siuē absentia inciderint in captionē, l. 1. ff. de restit. in integr. Datur enim ei, qui vel petit veniā proprii erroris, vel allegat aduersarij circumuentionem, l. Præfetti, ff. de min. Et nō solum aduersus cōtractus, sed etiam aduersus rem iudicatā, siuē minoribus, siuē maioribus, ex causa tamen, l. 1. C. si aduers. rem iudic. c. 4. de in integr. rest. Causa autē restitutionis in integr. est iniustitia sententiæ, quādo per viā appellationis corrigi nō potest, in casu scilicet; quō appellatio sit prohibita, glos. in l. vnic. in verb. reformationē, C. si de mom. possess. Ideoq. restitutio in integrū dicitur remedium extraordinarium, quod non cōpetit, nisi cessāte remedio ordinario appellationis, vel nullitatis; & eius finis est, vt iniquitas, & iniustitia sententię tollatur, & lēsus in pristinum statū reponatur, & tantū restitutio reparat, quantum læsio prius abstulerat, l. quod si minor, §. restitutio, ff. de min. l. videamus la 2. §. in fauiana, ff. de vsur. Ad petendā, & finiendam restitutionem in integrū, datur quadriennium, l. fin. C. de tempor. in integr. restit. Et regulariter suspēdit executionē rei iudicatæ, l. vnic. C. in integr. restit. postul. ne quid noui fiat: nisi tamen calumniosē peteretur, c. suscitata, de in integr. restit. Provt præsumitur, quando petitur contra tres conformes, Clem. vt calumnijs, de sentent. & re iudic.

**XVI.**  
Cur attentata  
reuocatur.

Attentatorū reuocatio utilis est, & necessaria; nam  
Iudex

Iudex postquam semel dixit sententiam, postea Iudex esse definit, l. Iudex posteaquam, ff. de re iudic. Postquã aditus est superior per viã appellationis, nullitatis, vel restitutionis, suspēditur iurisdicatio inferioris, c. venientes, de iure iuran. Medio igitur tempore nihil nouari oportet; quia si recepta fuit appellatio, quisque debet abstinere à nouatione hac ratione, quia recepta est appellatio: si verò non est recepta, nihil est innouandum, ne præiudicium fiat ei, quoad deliberetur, utrùm recipienda sit appellatio, an non. Recepta autē appellatione, nihil erit innouandum, quamdiu de appellatione erit pronunciatũ, l. vnic. ff. nihil nou. appellat. interp. Itaq. si lite pendente vel Iudex, vel pars quidquã agere auderet, legem proculdubio transgrediretur, læderet partem, & Iudicis maiestatem offenderet, tot. tit. extra vt lit. pend. Optimum ergò, & salubre remediũ est, vt attentata breui manu reuocentur, & facili negotio, officio Iudicis omnia reponantur in pristinum, c. non solũ, de appellat. in 6.

Domus cuiq. tutissimum est refugiũ, & receptaculum, l. pleriq. ff. de in ius voc. & ibi tutus, & securus vnusquisq. esse debet, l. 1. C. de Prætoribus, & honore Præturæ, lib. 12. Itaq. si debitor de domo extraheretur, vt duceretur ad carceres, vis fieret, & iniuria: cum nemo inuitus de domo sua extrahi debeat, l. nemo de domo, ff. de reg. iur. Cumq. competat actio iniuriarum contra eũ, qui domum alienam inuito domino introiuit, etiã ad effectũ in ius eum vocãdi, lis qui in domũ, ff. de iniur. Et quæ sit prærogatiua domus cuiusq. eleganter explicat Cic. in oratione pro domo sua, dicens, Quid est sanctius? quid omni religione munitius: quã domus

## XVII.

In domo,  
& in Eccle-  
sia quare ne-  
queat fieri  
executio per  
sonalis.

domus vniuscuiusque ciuium? hic aræ sunt, hic foci, hic Dij penates, hic sacrae religionis cęrimonie continentur: hoc perfugiũ est ita sanctum omnibus, vt inde abripi neminem fas sit. Id, quod nos multo magis dicere debemus de sacrosanctis Ecclesijs, vt ex eis debitores, tãquam à domo Dei, extrahendi nõ sint, l. fidei, C. de his, qui ad Eccles. confug. vt scilicet honor Dei, & Sanctorũ eius conseruetur, c. reum ad Ecclesiã. 17. q. 4.

## XVIII.

Dilationibus, & inhibitionibus, an utile sit executionẽ realem differre.

Iudices non dant superflatorias, dilationes, non grauetur, moratorias, inhibitiones, nisi ius, vel æquitas suadeat. Petit quis, prorogari terminum ad soluendum; nisi id malitiosè petat, æquum est, vt concedatur, l. debitoribus, ff. de re iud. Ostendit quis inualiditatẽ cęptæ executionis; iniqua res esset, si vltius procederetur, l. 1. ff. de execut. rei iud. Est quis ære alieno grauat, omnibus satisfacere nequit, vult cedere bonis; omnis ratio postulat, vt admittatur ad cessionem, & creditores quiescant, l. qui bonis, & l. fin. ff. de cess. bon. & ipse carceres euitet, l. 1. C. qui bon. ced. poss. Sed ne quisque hoc remedium temerè susciperet, illud amaritudine ignominie iura consperferunt. Fit executio in re, quæ allegatur aliena: iustum nõ est, vt perficiatur, nisi causa summatim cognita, l. à Diuo Pio, §. si super rebus, ff. de re iud. Vxor dotem dedit viro; Creditores omnia diripiunt: Reipublicæ interest, mulieres dotes suas saluas habere, propter quas nubere possint, l. 2. ff. de iure dotium. Constante autem matrimonio expedit eas in tuto collocari, vt ex fructibus vxor se alere possit, maritum, & filios, l. vbi adhuc, C. de iur. dot.

## XIX.

Per carras dotalis cur executio debeat impediri.

*Man.* Rem iudiciariam planam fecisti. restat vt dica-



dicamus nonnulla de virtute legum, & de pœnis; breuiter tamen, quia aduersperâscit.

*Lnc.* Condocefactus non indiges multis, nō opus erit multo labore, quò satisfaciam propositis dubitationibus, de virtute legis; & de pœnis: Diximus multa de necessitate humanæ potestatis, quæ in hoc potissimum cōsistit, vt si sint, qui suadeant, plures etiam sint, qui coerceant. Sapientes quasi ex visceribus Iuris Naturalis, & Diuini, eliciunt, & colligunt quid bonum sit, quid malum. Cognoscit quisque suo lumine, quid appetendum, quid fugiendum: Suadent parentes quid liberos diligere, & quid odio habere oporteat: Demōstrant Magistri quantum discipulos, deceat virtutem amplecti, fugere vitia: Morales quid honestati, Spirituales quid pietati conueniat edocent. Hæc quidem profunt humanæ societati, at non sufficiunt: qui boni sunt, non egent lege: qui mali, dicta, scriptavè non considerant, paruifaciunt admonitiones, præcepta cōternunt: effreni lædunt humanam societatem: dissoni ciuilem consonantiam interturbant.

Auctor legum Deus posuit antè hominem bonum, & malum: adiecit insuper mādāta, Ecclesiastic. vii. 5. Posuit inquam hominem in Paradiso voluptatis, vt operaretur, & custodiret illum. Præcepit insuper ne de ligno illo scientiæ boni, & mali comederet, addidit pœnam, vt quacunque die ex eo comederet, morte moreretur, Genes. c. 2. Præuaricatore deniq. condemnauit, vt reuerteretur in puluerem, Genes. c. 3. Hinc didicerunt mortales, quòd peccata vindictam clamant, & vindicanda sunt morte. Hinc leges vetant facta, dicta, scripta, & consilia illa, quæ mala sunt.

dam.

XX.

De virtute  
legum.

XXI.

De pœnis, &  
cur ex quo su-  
stinendæ sint  
animo.

damnant furta, cædes, conuicia, falsitates, coniurationes, sacrilegia, aliaq. huiusmodi facinora, laut facta, ff. de pœnis. Morti tradunt fures, latrones, adulteros, homicidas, incendiarios, veneficos, sacrilegos, falsarios, monetæ violatores, conspiratores, cæterosq. huius classis criminosos, l. 3. C. de Episc. audien. Æquum est, vt transgressores luant pœnas, quibus consenserunt; expectent flagitiosi quod fecerunt; non mereantur veniam, qui commisserunt in legem; indigni sint miseratione insidiatores; cijci debeant turbatores communis concordia; truncanda sint dissonantia neruia, quæ consonantium armoniam interrumpunt: non est culpa culpam punire, c. quia sunt, 28. dist. Reddit bonum pro malo, & pro iniusto iustum Iudex, qui fontes punit, c. sex differentiæ, 23. q. 3. Non est crudelitas crimina punire, sed pietas, c. legi Syromasten. 23. q. 8. Reipublicæ interest, ne delicta maneant impunita, l. ita vulneratus, ff. ad l. Aquil. Vindicanda sunt mala, ne quis alius postea tale quid facere moliat, l. Diuus Adrianus, in fin. ff. de custod. & exhib. reorum. Salubris est pœna, quia est coercitio delictorû, l. aliud est, §. 1. ff. de verbor. signif. Est improborum metus, l. 1. C. ad l. lul. repetund. Est proborum incolumitas, l. penult. C. de ferijs. Pœnas ob maleficia solui, magna ratio suadet, l. si à reo, §. fin. ff. de fideiuss. Natura æquum est, non esse impunitum eum, qui audactior factus est, l. 1. §. 1. ff. si quis test. liber esse iussus fuer. Consentire videtur pœnæ is, qui deliquit, l. Imperatores, ibi, Ipse te huic pœnæ subdidisti, ff. de iure Fisci. Ideoq. pœna quæ iustè infligitur, æquo sustinenda est animo, sicut è conuerso iniusta difficillimè toleratur: vnde dixit Ouid, Epist. 5.

*Leniter,*

*Leniter, ex merito quicquid patiare, ferendum est,  
Qua venit indignè, pœna dolenda venit.*

Et dixit etiam bonus ille Lætro, & nos quidem iustè; nam digna factis recipimus: hic verò nihil mali gessit, Luc. c. 23. Non debet Iudex misereri delinquentis, cogitur iustè iudicare, Deuteron. c. 19. Puniri malum non est: sed pœna dignum fieri, malum est, D. Thom. 1. 2. q. 87. art. 1. in responsi ad 3. De damnatorum pœnis dedecet quoscunque lætari. Iusta est ultio, quàm lex statuit, iniqua est libido vlciscendi, d. c. sex differentiarum, 23. q. 3.

Conscientiæ stimulus nocentem torquet, quando ordo propriæ rationis pervertitur. Quando lex Dei offenditur, punit Deus viuentes ægritudine, paupertate, morte, mortuos autem æterno supplicio. Si autem contemnuntur humanæ ordinationes, lex punit, lex inquam quæ donum Dei est; dogma sapientum; Ciuitatis compositio; quæ præstet bonis, & malis; quæ præcipit facienda, non facienda prohibet, l. 2. ff. de legib. Quæ iustè imperat, vetat, permittit, & punit, l. legis virtus, ff. de legibus.

Non facit de bono malum, nec de malo bonum, quando permittit, vel punit indifferentia: Plura sunt, quæ per se considerata, & in abstracto possunt esse, vel bona, vel mala: secundùm accidens verò, secundùm qualitates, & circumstantias, in concreto, & in indiuiduo; nihil ferè est, quòd vel bonum non sit, vel malum. Itaq. lex, quæ regula est agendorum, & omittendorum, consideratis qualitatibus, & circumstantijs, si quid discernat; indicat quid censeretur debet bonum, & quid malum: non autem malum auget, nec bonum minuit,

XXII.

Pœna remorsus conscientie, & cruciatus Inferni quomodo se habeat cum pœnis humanarum legum.

XXIII.

Respondet Lucius leges puniendo, & permittendo, non facere de bono malum, nec e contra, neque offendere præceptum Decalogi negationum non occides.

ut enim docet D. Thom. 1. 2. q. 92. art. 2. in responsi.  
 Præcepta legis sunt de actibus humanis, in quibus lex  
 dirigit. Sunt autem tres differentię humanorum  
 actuum, quidam actus sunt boni ex genere, qui sunt  
 actus virtutum: & respectu horum ponitur legis actus  
 præcipere, vel imperare. Præcipit enim lex omnes  
 actus virtutum, ut dicitur in 5. Ethic. Quidam verò  
 sunt actus mali ex genere, sicut actus vitiosi, & respec-  
 tu horum lex habet prohibere. Quidam verò ex ge-  
 nere suo sunt actus indifferentes, & respectu horum  
 lex habet permittere: & possunt etiam indifferentes  
 dici omnes actus, qui sunt vel parum boni, vel parum  
 mali. Id autem, per quod inducit lex ad hoc, quòd sibi  
 obediatur, est timor pœnæ, & quantum ad hoc, poni-  
 tur legis effectus, punire. Et per hoc, quòd aliquis in-  
 cipit assuefieri ad vitandum mala, & implendum bo-  
 na propter metum pœnæ, perducitur, quandoq. ad hoc,  
 quòd delectabiliter, & ex propria volùtate hoc faciat,  
 & secundum hoc lex etiam puniendo perducit ad hoc,  
 quòd homines sint boni. Sed veniamus ad alia.  
 Dum lex imponit pœnam mortis, non offendit præ-  
 ceptum negatiuum Decalogi, Non occides: quia id  
 non respicit iudicem, & publicam personam: sed pri-  
 uatam: dictum etiam fuit Hebræis, Non occides, Exod.  
 c. 20. & tamen Moyse Deuter. c. 19. dixit, Si quis in-  
 fidiatus fuerit vitæ proximi eius, surgensq. percusserit  
 illū, & mortuus fuerit, & aufugerit; mittent Seniores  
 Ciuitatis eius, & arripiant eū de loco effugij, tradētq. in  
 manu proximi, cuius sanguis effusus est, & morietur,  
 & in c. 22. Si dormierit vir cū vxore alterius, vterq. mo-  
 rietur, idest adulter, & adultera: & auferres malum de  
 Israël.

Pro

Pro simplici furto, fur castigatur fustibus, auth. sed  
nouo iure, C. de seru. fugit. At qui grassator est, & latro  
famosus, furca suspenditur, l. capitalium, §. famulos,  
ff. de pœnis: qui textus etsi videatur loqui de eo, qui  
furatur cum interfectione: tamen generalis consue-  
tudo toto Orbe recepta interpretatur, vt famosus la-  
tro cœteri debeat, qui solus est furari: & quicumq. tria  
furta, etiam absque cæde, commisit, suspendatur, vt  
not. Bald. in d. auth. sed nouo, num. 3. addens idem  
esse, si quis vnicum, enorme tamen, furtum commisit;  
quia vnum magnum delictum sæpè æquualet tribus  
paruis, arg. l. si is, qui tres, §. fin. ff. de excusat. tut. Et  
propter enormitatem delicti æquum est, vt pœna  
augeatur, l. aut facta, §. penult. ff. de pœnis. Legitur in  
libro Iosue c. 7. quòd Achan fecit furtum enorme, vi-  
dit inter spolia pallium coccineum valdè bonum, &  
ducentos siclos argenti, regulamq. auream quinqu-  
aginta siclorum, & concupiscens abstulit, & abscondit  
in terra contra medium tabernaculi sui, argentumq.  
fossa humo operuit. Idq. cum confessus fuisset, se fecis-  
se, misit Iosue ministros, qui currentes ad tabernaculū  
illius, repererunt cuncta abscondita in eodem loco, &  
argentum simul. Auferentesq. de tentorio tulerunt ea  
ad Iosue, & ad omnes filios Israel, proieceruntq. ante  
Dominum. Tollens itaq. Iosue argentumq. & pallium,  
auream regulam (& omnis Israel cum eo) Achan du-  
xerunt ad Vallem Achor: & dixit Iosue: quia turba-  
sti nos, exturbet te Dominus in die hac. Lapidauitq.  
eum omnis Israel: congregaueruntq. super eum acer-  
uum magnum lapidum, qui permanet vsque in præ-  
sentem diem. Profectò indigni sunt fures, qui viuunt:

T quia

quia si id tempus, & eandem industriam ad bonum conuerterent, omni procul periculo, ex opere plus consequeretur, quàm ex furto, ut enim ait Salomon Prou. c. 11. Alij diuidunt propria, & ditiores fiunt: alij rapiunt non sua, & semper in egestate sunt. Odiosi sunt fures etiã brutis, quæ tametsi ratione careant, aliquando tamen tantum scelus inultum transire non permiserunt. Legitur de quodam hospitis famulo, qui surripuit hordeum, antè equum positum; & ab eo fuit calce percussus in facie, qua remansit impressio ferri, & clauorum. Sed peius legitur de alio pariter hospitis famulo, qui dum equi cuiusdam personæ nobilis pabulum furabatur; equus strinxit dentibus brachium furis, & detinuit quousque captus fuit: qui ductus ad Iudicem, crimenque confessus, eadem pœna, quam petere visus erat equus, amputationis manus punitus extitit. Considerauit enim Iudex ille, quid mali euenire potuisset, si equus fame oppressus, nobilem illum itinerantem, vel à fluminis impetu, vel ab insidijs latronum, propria fortitudine, & velocitate non valuisset liberare. Arcopagitæ, ut ait Quintil. lib. 5. instit. orat. Cum damnauerunt puerum Cornicum oculos eruentem, non videntur aliud iudicasse, quàm id signum esse perniciosissimæ mentis, multisque malo futuræ, si adoleuisset. At magis verisimile est, quod qui soliti sunt furari grauiora patrarent, si dimitterentur. Alexander Seuerus Imperator, ut refert Lampridius, seuerissimus fuit contra fures, vocans eos solos hostes, inimicosque Reipublicæ. Transeamus ad alia.

## XXV.

Dignitati deferendum est in pœnis statuendis.

Dignitati deferendum est in statuendis pœnis; ex personarum enim conditione æstimandæ sunt pœnæ, I. Pedius,

**L. Pedius, §. fin. ff. de incend. ruina, & naufrag.** Inhonestum esset, ut eadem poena, imponeretur personæ nobili; quæ vili, l. seruos, C. ad L. l. de vi publ. Consideranda est qualitas eius qui fecit, & eius qui passus est, l. aut facta, vers. persona, ff. de poenis, nullius tamen delictum relinquitur impunitum. Alij damnis, alij verberibus, districtius alij, alij leuius corriguntur, c. fraternitas, 12. q. 2. Nobiles suarum substantiarum proscriptionem patiuntur, ignobiles in corpore puniuntur, aut castigantur exilio, c. qui contra, 24. q. 1. Si qui sunt puniendi, qui vel arte, vel scientia excellent, non puniuntur vulgari poena, sed consulitur Princeps, qui arbitrio, vel puniat, vel miseratione indulgeat, l. ad bestias, ff. de poenis. Iure quidem meritò; nam, ut ait Valer. Maximus lib. 5. de pietate erga fratres, tit. de Tiberio Cæsare, etiam Dij fautores sunt eximiarum virtutum. Quòd tuta conscientia exigi nequeat poena, intelligitur de poena pecuniaria, quæ applicatur parti, ut in foro conscientia non sit exigenda, ultra interesse. Secus autem de poena, quæ applicatur Fisco.

**Mau.** Omittamus poenas pecuniarias, quæ non tantum habent acerbis, & prosequamur poenas corporales. Mirantur ferè omnes, quòd causæ criminales tam citò expediantur: & Ciuiles, in quibus non de vita, sed de rebus agitur, tot dilationes habeant, & tot instantias.

**Luc.** Ad poenalem sententiam non peruenitur, nisi reus fuerit confessus, vel probationibus clarissimis conuictus, l. qui sententiam laturus, C. de poenis, & crimine liquidato, non debet sententia differri, l. cum reis, C. de poenis, ne differatur publica ultio, ne reis, qui confessi, & conuicti ulterius nihil deducere possunt, detur

XXVI.  
Criminales  
causæ cur ce-  
lerius expedi-  
diantur, quàm  
Ciuiles.

occafio penas eludendi. Idem fit in Ciuilibus, quando debitor cōfessus est, vel conuictus, prout in executiuis. At quia in ordinarijs nō confitentur debitores, sed negant; ideo non potest deueniri ad executionē, nisi post rem iudicatam, vt paulò antè dicebamus, loquentes de Iudicijs.

XXVII. *Man.* Quznam est reorum confessio? non quidem spontanea est, sed dura vi tormentorum extorquetur. Ducitur reus ad Carceres; durè custoditur; ad torturę locum adducitur; applicatur funi; in altum eleuatur; quassatur funis, ne dormiat; vt brachia in altum tollat, ictibus torquetur; vt crura dimittat inferiùs, aut lignū, aut lapis, aut ferrum magni ponderis pedibus alligatur. Interrogatur importunè, num velit fateri veritatem; mox admonetur placidè, ne vltèrius patiatur se in tormento detineri; liberè dicat quod egit. Deus bone, quis prę dolore non diceret se fecisse, quod nunquam cogitasset? Si quis brachio infirmus sit, vel alia de causa torqueri nequeat, tormento supponitur non minori. Sedens tenet pedes in Cippis nudatos, quos minister vngit lardo; apponit ignem validum iuxta illos; mox inter ignem, & pedes apponitur tabella, cum importunis exhortationibus, ne velit magis cruciari; ne ampliùs veritatem taceat. Si Dijs placeat, quis veritatem non confingeret? quis non fateretur, quod non egit, ne vltiores huius generis cruciatus sentiret? non desunt alij modi, quibus reorum non verę confessiones elijciuntur. Qui vel torturę, vel igni aliqua ratione subijci non possunt; prostrati in terra coguntur talum pedis dexteri ponere inter duos taxillos ferreos, & concauos; quos minister, quodā ligno,

&

Confessiones  
reorū vi tor-  
mentorū ex-  
torquere an-  
equum fit.



&, vt inquit, Scanghetta, inhumaniter comprimit: aut manus antè ligatas coguntur offerre ministro, qui inter binos earum singulos digitos, ligna quædam, sibilla appellata, accommodat; illaq. funiculo currente fortiter constringit. Hæc quis non paueret? quis libentiùs non moreretur? sed non est hic torquendi finis. Si quis forti animo, & funem, & ignem, & taxillos, & sibilla sustinuerit; vt quiescat, offertur ei scamnum quoddam ligneum, quòd Vigiliam vocant: accliuè est, & in medio eleuatum, conficiens angulùm acutũ, potius quàm obtusum: super quo reus manere cogitur, quousque vel dicat, quod quæritur, vel perforatus, dimidiatusq. intereat. Proh dolor; quæ fuerunt merita auctorum tantæ immanitatis? quo præmio digni extiterunt atroces? Busiris crudelissimus Tyrannus Ægyptiorum, hospites omnes Ioui immolabat. Cum autem Hercules in Ægyptum venisset, eiq. eadè insidias Tyrannus pararet; res non successit ex voto. Hercules interfecit Tyrannum, simul & filium, & ministros Aræ. Perillus, qui donauit Phalari Agrigentiorum Regi crudelissimo, æneum taurum, à se artificiosè fabricatum, in quem damnati immissi, supposito igne, vi vi exurerentur, & pro eiulatu humano mugitum ederent, pro sui artificij munere, quod maximũ sperabat, in eodem tauro iussu Tyranni inclusus est, & vi subiecti ignis primos mugitos edidit; primus suæ artis specimen præbuit; primus gustauit fructus sui ingenij. Et quòd hoc sit dignum præmium, cuiusq. crudelissimi inuenti, vt crudelitas in auctorem re-torqueatur, exprimit Claudianus, in Eutropium lib. 1.

T 3

Quam

*Quàm benè dispositum terris, ut dignus iniqui  
Fructus consilij primis auctoribus instet.*

*Sic multos flumio vates arente per annos,*

*Hospite qui caso monuit placare tonantem,*

*Inuentus primum Busiridis imbuat aras,*

*Et cecidit sani, qui dixerat hostia sacri.*

*Sic opifex tauri, tormentorumq. repertor,*

*Qui funesta nouo fabricauerat ara dolori.*

*Primus inexpertum, Siculo cogente Tyranno,*

*Sensit opus, docuitq. suum mugire Iuuentum.*

Postea verò idem Phalaris, quando eius atrocitas diu-  
tius ferri nō potuit, correptus est vniuersorum ciuium  
impetu, & in eodem tauro positus, ipse quoque mugi-  
uit, & crematus est. Vnde dixit Cic. lib. 2. Officiorum.  
Testis est Phalaris cuius est præter cæteros nobilitata  
crudelitas: qui non ex insidijs interiit, ut is, quem mo-  
dò dixi, Alexander non à paucis, ut hic noster, sed in-  
eum vniuersum Agrigentorum multitudo impetū  
fecit. Iudices profitentur torquere reum, ut sciant, quis  
deliquerit, ne fortè punirēt innocentem. Proh Deum,  
atque hominum fidem: dubitatur quis sit nocens, &  
vnus certissimè cruciatur: vnus pro incerto scelere  
luit certissimas pēnas. Non solus conqueror, conque-  
ritur etiam Diuus Augustinus in lib. 19. de Ciuit. Dei,  
c. 6. dicens, Cum propterea Iudex torquet accusatum,  
ne occidat nesciens innocentem, sit per ignorantiz  
miseriam, & ut tortum, & innocentem occidat, quem,  
ne innocentem occideret, torserat. Fallax sanè est iu-  
dicium quæstionis. mentitur, qui pati potest, menti-  
tur, & ille, qui pati non potest: ille patientia, aut obsti-  
natione superat, hic infirmitate superatur.

*Luc.*

*Luc.* Carceres, quæstiones, tormenta, sunt mala necessaria; si tamen Iudices modum non excedant, non affectent gloriam aut clementiæ, aut seueritatis, sed perpenso iudicio statuunt, prout quæq. res expostulat, l. respiciendum, ff. de pœnis. Inuenti sunt Carceres ad custodiam, non ad pœnam, l. aut damnum, §. solent, ff. de pœnis. Durior custodia est res misera innocentibus; noxijs autem non satis seuerum, l. 1. C. de custod. reor. Tormenta ad eruendam veritatem sunt efficacissima, non tamen adhibenda in omni causa, in omni persona; sed tunc demum, quando capitalia, & atrociora extant maleficia, eaq. non aliter explorari possunt, & inuestigari, l. edictum, ff. de quæst. Quæ sit ratio efficaciz tormentorû, demonstrat Cic. in Topic. ad Trebatiû, dicens, Facit necessitas fidem, quæ tûm à corporibus, tûm ab animis nascitur; verberibus torti, & igne fatigati, quæ dicunt, ea videtur veritas ipsa dicere. & quæ à perturbationibus animi sunt, dolore, cupiditate, iracundia, metu; quia necessitatis vim habet, afferunt auctoritatem, & fidem. Verum est, quod plerique sunt, qui innata quâdam patientia, & duritia quodcunque tormentum contemnunt, ut exprimi ab eis veritas nullo modo possit. Et alij sunt tanta impatientia, ut potius velint in quouis mentiri, quam pati tormenta, ut legitur in l. 1. §. quæstioni, ff. de quæst. Attamen non sunt confouenda scelera: negligenda non est publica vltio. Occisus est homo; incensus ager, spoliata domus. Occulus est, qui commisit, inuestigari debet. si accusatus nullis vrgeatur argumentis, torquendus non est, l. vnus facinoris, ff. de quæst. inspiciendum est cuius æstimationis sit in Ciuitate, qua constantia dicat, qua

trepidatione, l. de minore, §. tormenta, ff. de quæst. Consciis culpæ pallet, stupet, tacet. Vndè dicit Ouid. lib. 2. Metamor.

*Hec quàm difficile est, crimen non prode reuolui.*

E conuerso, qui vacat culpa, confidenter loquitur: ut enim ait Plaut. in Amphitrione, qui non deliquit, decet audacem esse confidenter pro se, & proteruè loqui. Duo sunt suspecti; subiiciuntur ambo quæstioni: qui nocens est, sustinet, non fatetur; æquum est, ut purgatis indicij dimittatur; vitam dolore redemit. Innocens prodit se ipsum, facit se reum; non punitur innocens, sed reus; extra acta, & probata Iudices nihil sciunt. nō fuit inutilis quæstio, non remansit delictum impunitū: quamuis pro delicto pœnam sustinuerit, qui illud sibi falso adscripsit. Lauit se turpis in flumine, prudens euadit: mundus se proiecit, stultus submergitur. non definit flumen esse necessarium; non cessat utilitas illius vsus. Indignus est omni miseratione, qui pro se, eximēdo à momentaneo brachiorū, pedum, manuūq. dolore, vitam, famam, propriamq. salutem perdere vult turpi mēdacio. Culpa est abiecti, & iniqui animi, non ludicum, qui legibus obtemperant: non legum, quæ tormentorū, & pœnarum metu admonent homines ne peccent: non Principum, qui quos elegerunt ad officia subiiciunt sindicatui, ut de excessibus rationem reddāt; & ipsi quoque pœnas, quas meruerint, luan̄t. Dura sunt tormenta, quæ recensebas, at duriora erāt ea, quibus antiquiores utebantur, terrebant quoscunq. eculei, laminæ cādentes, fidiculæ, & alia quorum meminērūt Valer. Max. lib. 6. c. 8. de seruo M. Antonij, & Sueton. in Tiberio, c. 62. de crudelitate, & sœuitia  
cuius

elus aucta. Medicina levis non proficit, quando gra-  
uis est infirmitas. facile delinquerent prauī homines,  
quando cognoscerent facile esse, factum in tormentis  
negare, & ita penas euadere.

*Man.* Postquam leges puniunt malos, cur bonos non  
præmiant?

*Luc.* Virtus cæteris rebus pretiosior est, vnde ait Ho-  
ratiū lib. i. Epist. ad Mæcenatē.

*Vilius argentum est auro, virtutibus aurum.*

Virtutis præmium est honos, Cic. in Bruto circa finē :  
Et trahimur omnes studio laudis : & optimus quisque  
maximè gloria ducitur Cic. pro Archia Poeta circ. fin.  
At quoniam sapientiores dixerūt Rempublicam duabus  
rebus contineri, præmio, & pœna, & præmia proposita  
esse virtutibus, & supplicia vitijs. idē quā benē  
leges circa iustitiam distributiuam prouideant, vt præ-  
mia, munera, dignitates, & officia æquē, & pro me-  
ritis distribuantur, tu ipse alio tempore videbis. Et ego  
nunc confidero, quod lex dum corrigit, expellit ; &  
extinguit malos, tūc punit : dum verò cōfouet, defen-  
dit, & cōseruat bonos, in tranquillitate, tūc præmijat.  
ergo lex nō minus præmijat bonos, quā punit malos.

*Man.* Cur Modestinus in l. legis virtus, ff. de legibus,  
inter virtutes legis non enumerat præmiare?

*Luc.* Ea, quæ habent vim coactiuam, sunt propria le-  
gis. & idē Modestinus enumerat sola quatuor, impe-  
rare, vetare, permittere, & punire. Omittit autem  
præmiare, quod non est solius legis, & competit etiam  
priuatis, & coactiuam vim non habet. pœna homines  
vrgentur, præmio autem exhortantur, iuxta text. in  
l. i. ff. de iustit. & iure, ibi, bonos non solū metu  
pœna-

XXVIII.

Præmiare  
an pertineat  
ad legē sicut  
punire.

pœnarum, verùm prœmiorum quoque exhortatione,  
efficere cupientes. Hinc Horat. Epist. lib. 1. ad Quin-  
tium scribit.

*Oderunt peccare boni virtutis amore.*

*Tu nihil admittes in te, formidine pœnæ.*

Boni, quia spontè agunt, digni sunt laude: mali, qui  
propter metum non audent, satis est, quòd Reipubli-  
cæ non noceant: at qui à malo non abstinēt, qui no-  
xij sunt alijs, expelli debent propter Reipublicæ in-  
columitatem, propter aliorum correctionem, & solati-  
um offensorum: quòd tamen ita intelligendum est,  
vt illis compatiendum quidem sit de merito pœnæ, sed  
non de pœna. Vndè dicebat Ouid. lib. 2. de Ponto ad  
Messalinum, in fine.

*Et mala Nasonem quoniam meruisse videtur.*

*Si non ferre doles, at meruisse dole.*

Hinc dicit D. Thom. 1. 2. q. 92. art. 2. in respons. Quòd  
consulere non est proprius actus legis, sed potest per-  
tinere etiam ad personam, cuius non est condere le-  
gem; & ideò non ponitur inter actus legis; sicut nec  
præmiare, cum possit ad quemlibet pertinere; sed pu-  
nire, non pertinet nisi ad ministrum legis, cuius au-  
thoritate pœna infertur: & ideò præmiare non ponitur  
actus legis, sed solum punire. Iam verò aliquid dicam  
de reis damnatis.

# XXIX.

Condemnati  
ad mortem  
quid boni cõ-  
sequantur.

Qui à lege puniuntur, qui à Iudice traduntur sup-  
plicio; qui culpam agnoscunt, hoc boni consequun-  
tur; quòd solutione pœnæ temporalis, æternam illam  
à Deo comminatum, quæ valde tremenda est, & horri-  
bilis (vt dicebas) possunt redimere: & velut ij, qui insti-  
tori satisfecerunt, sperare possunt à Domino liberationē.

*M au.*

*Mat.* Verendum potius videtur, ne temporalis pœna, principium sit diuinæ ultionis: ne quos propria continere nequiuir conscientia, & quos eijcere debuit humana societas, trahant secum spiritus immundi.

*Luc.* 11. Naum Prophetæ c. 1. dicebat Niniuitis, Non confurget duplex tribulatio; quia dicit Dominus, affligi te, non affligam te ultra: In quo loco Sanctus Hieronymus latè quærit, quomodo intelligendum sit dictum Prophetæ, quod non vindicabit Dominus bis in idipsum in tribulatione; & ex eius verbis, quæ referuntur in c. quid ergo, 23. q. 5. breuiter dicere possumus, quod si homines inter ipsa flagella penitentiam agant, in supplicijs se emendent, se abluant; Deus non iudicabit illos. non respuit Deus penitentiam quamuis breuem, & momentaneam. At qui in flagellis duriores, & in pœnis deteriores fiunt; ulterius iudicabuntur. tunc incipit vindicta, succenditur ignis, qui perpetuò ardebit. Supplicium temporale, quod æquo animo non sustinuerunt, quod absque cordis contritione pati voluerunt, initium est æternæ damnationis; vt etiam dicitur in c. sunt plures, §. 1. & in c. ignis succensus est, & in c. quærat aliquis, de penit. distinct. 3. Istis, qui in pœna peccatum non agnoscunt, vel agnoscen-tes parui-faciunt diuinam misericordiam, accidit, quod illis, qui Ciuitatem transire volunt, vel non soluto vectigale, vel proiecta publicani apœca: eos enim statim egressos inuadunt exploratores, satellites ligant, detrudunt custodes.

XXX.

Ecclesiastici  
cur poenam  
mortis nō in-  
fligant, & cur  
reos ad Ec-  
clesiam con-  
fugiētēstueā-  
tur.

*Mat.* Abeant isti. At si iustum est, vt pœnæ corporales pro delictis imponantur; quare Ecclesiastici illas non infligunt? si iustum est, vt homicidæ, fures, cæteri q.

rei

rei sanguinis afficiantur ultimo supplicio, quare Ecclesia eos defendit cum ad Ecclesiam confugiunt?

*Lec.* Qui præsumunt Ecclesiæ, qui multitudinem fideliū regunt, sat habent, si malos ab Ecclesia expellant, si eos separent ab aliorum communione, sicut qui præsumunt Ciuitati, qui Ciuium vniuersitatem gubernant, eiiciunt fontes à Ciuitate, delent illos de numero uiuentium, tradunt ultimo supplicio. Habet Ecclesia Dei gladium spirituale, qui non occidit, sed uiuificat, c. inter hæc, 23. q. 2. At gladium temporalem portant sæculares iudices, qui ministri existunt iræ Dei in malefactores, c. non solum, 23 q. 5. Qui constituti sunt propter latrones, homicidas, & raptores, ut & illos damnent, alios verò suo timore compescant, c. sunt quædam, 23. q. 5. Dixit Deus ad Moysem, Maleficos non patieris viuere, Exodi c. 22. At Iesus dixit Petro, Conuerte gladium tuum in locum suum, Matthæi c. 26. Gladius spiritualis, quo Ecclesia utitur, dicitur excommunicatio. Contingit autem, ut aliquando sufficiat delinquentem arcere à solis liminibus, solaque Ecclesiæ sacramentorum perceptione; & tunc dicitur minor excommunicatio: aliquando autem necesse est nedum ab his, sed etiam ab omni fidelium consortio contumaces separare, & tunc dicitur maior, & Græco nomine appellatur Anathema, idest detestatio, execratio, maledictio, c. ad mensam, §. euidenter, 1. q. 3. Excommunicatio minor à fraterna societate separat: maior verò recidit ab ipso Christi corpore, quod est Ecclesia, c. Engeltrudam, 3. q. 4. Rationabilis sanè, & omninò necessaria est huiusmodi pœna, tam ad salutē Ecclesię, quàm ad correctionem delinquentium, nam

ut



ut dicebat Salomon Prouerb. c. 22. Eijce derisorem,  
 & exibit cum eo iurgium, cessabuntq. causæ, & con-  
 tumeliæ: & dixit Iesus quasi loquens Ecclesiæ: Si ocu-  
 lus iustus dexter scandalizat te; erue eum, & projice,  
 abs te: expedit enim vt pereat vnum membrum tu-  
 um; quàm totum corpus tuum mittatur in gehem-  
 nam, Matth. cap. 5. & Paul. Apost. fornicarios tradidit  
 Sathanæ in interitum carnis, vt spiritus saluus sit in  
 die Domini Nostri Iesu Christi, 1. ad Corinth. c. 5.  
 Et in 2. ad Thessalonic. c. 3. eos monet, dicent, Si quis  
 non obedit verbo nostro, per epistolam, hunc notate,  
 & ne cõmisceamini cum illo, vt confundatur. Ideoq.  
 secundùm sacros Canones, excõmunicatio est neruus  
 Ecclesiasticæ disciplinæ; c. cum inter, de consuet. Est  
 censura, & correctio, c. quærenti, de verbi signific. Non  
 est eradicatio, sed disciplina, c. notandum est, 24. q. 3.  
 Et ad hoc quicumque grauius errat, & contumax est  
 excõmunicatur, vt notatus ab omnibus erubescat, suf-  
 fususq. pudore resipiscat tandem, & ad frugem bonam  
 redeat, c. audi, 1. 1. q. 3. Si pareatur, medicina est sa-  
 lutaris, c. multi, 2. q. 1. c. 1. de sentent. excom. lib. 6.  
 Sin minus, æternæ mortis damnatio est, c. nemo Epi-  
 scoporum, 1. 1. q. 3. c. corripiantur, 24. q. 3. Simili pœna,  
 simili separatione utebantur Arabes, qui, vt testatur  
 Plinius lib. 6. cap. 22. in fin. Morte multabant, nullo  
 interimente, auersantibus cunctis, & commercia etiã  
 sermonis negantibus. Refert Cæs. in suis Commenta-  
 rijs, lib. 6. de bello Gal. quod Druides erant Sacerdo-  
 tes Gallorum, qui intererant diuinis, sacrificia publi-  
 ca, & priuata procurabant, Religiones interpretaban-  
 tur, ad illos magnus adolescentium numerus disciplinæ  
 causa

causa concurrebat, & magno erant apud eos in honore; nam ferè de omnibus controuersijs publicis, priuatissq. cõstituebant: isti, vt idem paulò inferiùs refert, dum quis, aut priuatus, aut populus, eorum decreto non stabat, sacrificijs interdicebant. Græci eorum anathemate foro, & sacris scelestes arcebant. Apud Romanos interdicebatur, prohibebatur, scilicet aqua, & ignis Romanis Ciuibus rerum capitalium damnatis, cum nec supplicium de Ciue Romano sumi liceret; nec is prius Ciuitatem amitteret, quàm in aliam receptus esset. Ideòq. duobus elementis, quæ humanã vitam maximè continent, priuabantur, vt egrederentur Romanam Vrbem, atque ita in aliam Ciuitatem se conferrent, vt ostendit Cic. in Orat. pro domo sua. Grauißima quidem pœna est excommunicatio, quam nemo contemnere debet; neque enim homo est, qui ligat, sed Christus, qui solis Ecclesiasticis, hanc potestatem dedit, & dominos fecit tantì honoris, c. nemo contemnat, 1. 1. q. 3. Ego sum vitis, vos palmites, dixit Iesus, Ioan. c. 15. Quicumque igitur excommunicatus est, tanquàm palmes abscissa necesse est, vt areat, vt cõburatur. In Ecclesia est Christus, extra Ecclesiã Diabolus. quicumque igitur extra eam ponitur, Sathanæ traditur, c. omnis Christianus, 1. 1. q. 3. Si fideles sumus mēbra Christi; ergò qui nō est membrum eius, nō vegetatur spiritu eius, c. nihil sic debet formidare, 1. 1. q. 3. quantumuis laudabiliter viuat, hoc solo scelere, quòd à Christi vnitate disunctus est; non habet vitam, ira Dei manet super eum, c. si quis à Catholica, 2. 3. q. 4. non potest absolui à vinculis peccatorum, non ingreditur ianuam regni cœlestis, c. quicumque ab vnitate,

24. q. 1. destitutus iacet omni procul Ecclesiæ suffragio, c. quicumque, 11. q. 3. vitatur vti leprosus, vti ovīs scabiosa, vti morbida pecus, c. refecandæ, 24. q. 3. At quoniam excommunicatio nō fertur nisi pro gravibus excessibus, c. nemo Episcoporum, 11. q. 3. Ideo Ecclesia alijs etiam leuioribus modis solet leuiiores errores corrigere, & punire: aliquos suspendit à ministerio, & officio ad tempus, c. presbyter si à plebe, 2. q. 4. Alios in perpetuum, c. si quis viduam, 50. dist. Alios in Monasteriū detrudit, c. si Episcopus, 50. dist. Alios carceri mancipat, vel ad tempus, vel in perpetuum, c. quamuis, de pœnis, in 6. Alios degradat, & Curia seculari tradit, c. statuimus, 11. q. 1. Alios corpore affligit, c. antè omnia, 35. dist. Alios in exilium deportat, c. 1. de calumn. Et aliquando punit pœna pecuniaria, iuxt. tradita in c. licet, de pœnis. A pœna autem mutilationis membrorum, aut vltimi supplicij, Ecclesia non solum abstinet, verum etiā reos sanguinis misericorditer tuetur. Cuius rei plures rationes possunt afferri: Vna est, ne Ecclesia effusione sanguinis particeps fiat, c. reos sanguinis, 23. q. 5. Altera, quia domus Dei, secundum Euāgelicam veritatem, domus orationis esse debet, & tutela refugij, c. cum Ecclesia, de immun. Eccles. Tertia, quia honor Dei, & Sanctorū eius debet conseruari, c. reum ad Ecclesiam, & c. dist. finiuīt, 17. q. 4.

Ob id tamen cenferi non potest, quòd Ecclesia se opponat humanæ iustitiæ, quia publicos latrones, depopulatores agrorum, & similes, omni miseratione indignos, nullatenus defendit, c. inter, de immunit. Eccles. Sic etiam Exodi c. 11. præcipiebatur, si quis per indu-

industriam occiderit proximum suum, & per insidias;  
 ab altari meo euelles eum, vt moriatur. Alios autem  
 vti pia mater custodit, quousque valeat obtinere pro  
 eis, vel indulgentiam, vel commutationem corporalis  
 pœnæ in mitiorem d. c. cum inter, & c. si vobis, 23. q. 8.  
 Immo expedit Reipublicæ, vt sint publica loca consti-  
 tutâ, ad quæ, qui aliquem offenderint, tutè confugiât:  
 ne alias priuata, aut offensi, aut eius cognati manu, in-  
 terficerentur. Num. c. 35. ait Dominus ad Moysen:  
 Loquere filiis Israel, & dices ad eos: Decernite, quæ vr-  
 bes esse debeant in præsidia fugitiuorum, qui nolentes  
 sanguinem fuderint: in quibus cum fuerit profugus,  
 cognatus occisi non poterit eum occidere, donec stet  
 in conspectu multitudinis, & causa illius iudicetur.  
 Eadem etiam postea locutus est Dominus ad Iosue, vt  
 legitur in lib. Iosue, c. 20. Apud Græcos, nepotes Her-  
 culis timentes vim eorum, qui ab Hercule eorum auo  
 præmortuo vexati fuerant, Athenis primùm sibi con-  
 stituerunt Asylum, hoc est locum, seu templum mise-  
 ricordiar, & refugij: vnde nullus per vim posset abdu-  
 ci. Asylum etiam in Vrbe Romulus collocauit inter  
 Capitolium, & Palatium, quod Quercetum dicebatur,  
 cuius rei plures meminerūt, Plutarchus scilicet, Liuius,  
 Seruius, & alij; & est textus cum glos. in l. quis sit fugi-  
 tiuus, § apud Labeonē, in verb. Asylū, ff. de ædil. edict.

*Man.* Optimè, & summa cum animi iucunditate per-  
 cepi hanc rem, sed lapsa est dies.

*Luc.* Quænam remanent?


*Man.* Omnia quæ dicebam aduersus legale studium.

*Luc.* Reducam ad memoriam, & pro viribus in se-  
 quenti satisfaciam.

OCTA-

# OCTAVVS CONGRESSVS.<sup>305</sup>

MAVRVS. LOCIVS.

*Man.*  VÆ dicebam de legum studio, vt tuus minuatur labor, breuibus perstringo. Inutile videtur, iniucundū, laboriosum: Versatur enim circa, leges, quæ sunt mutabiles, obscuræ, innumerabiles. Inutile est dare operam rebus illis, quæ nullum habent statū firmitatis; nullam afferunt iucunditatem ea, quorum certitudo non potest haberi; durissimus labor est ingentem molem, omni procul exitu, reuoluere.

*Luc.* Non debet reprehensibile iudicari, si secundum varietatem temporum, statuta quandoq. varientur humana; præsertim cum vrgens necessitas, vel quidens vtilitas, id exposcit: quoniam ipse Deus, ex his, quæ in Veteri testamento statuerat, nonnulla mutauit in Nouo, c. non debet, de consanguin. & affin.

*Man.* Non mutatur lex Dei, qui incommutabilis est; nec variatur lex naturæ, quæ velut ignis, talis est apud nos, qualis apud Indos. Leges solæ, quæ ab hominibus ponuntur, sunt mutabiles, & variæ; eadem non sunt omni tempore; non sunt eadem apud omnes; quotidie nouæ dantur leges; noua conduntur statuta; edicta: noua proponuntur; abrogantur primæque iura; variantur primæque Constitutiones. hæc sunt, quæ legalem scientiam confundunt, quæ deludunt studiorum labores.

*Luc.* Solus Deus est immutabilis: ego enim Dominus,

V &

I.

Maurus reperit breuiter quæ dixerat contra statum legum. & Lucius quod mutationem legis respondet, eam esse aliquando necessariam, & utilem.

& non mutor, legitur Malach. c. 3. Attamen ipse Deus incommutabilis ( vt habetur in sacris literis ) sua promissa sæpè mutauit, suam sæpè pro misericordia tēperauit sententiam, c. incommutabilis, 2 2. q. 4. Ieremias, c. 18. ait, Et factum est verbum Domini ad me dicens, repente loquar aduersus gentem, & aduersus regnum, vt eradicem, & destruam, & disperdam illud : si pœnitentiam egerit gens illa à malo suo, quod locutus sum aduersus eam : agam & ego pœnitentiam super malo, quod cogitauit, vt facerem ei : & subito loquar de gēte, & de regno, vt ædificem, & plantem illud : si fecit malum in oculis meis, vt non audiat vocem meam, pœnitentiam agam super bono, quod locutus sum, vt facerem ei. & Ionas c. 3. dicit, Et vidit Deus opera Niuiitarum, quia conuersi sunt de via sua mala : & misertus est Deus super malitiam, quam locutus fuerat vt faceret eis, & non fecit. Verum est, quòd Deus nec mutatur, nec mutari potest ; mutabilia tamen facit, & temporalia creat, sine vlla sui commutatione, sine vllò suo temporali motu, vt per Magist. sent. lib. 1. dist. 8. vers. hic de incommutabilitate, lit. C. Quæcunque igitur Deus simpliciter, & absolutè disposuit, non mutat. Ea verò, quæ vel per modum comminationis proposuit, vel prout merita exigunt, disposuit, vel sub conditione constituit, Deus ipse mutat, minuit, & pro misericordia temperat. Ideòq. dicitur in c. si agamus, de pœnit. dist. 1. si agamus pœnitentiam ; ipsum quoque Deum suæ pœnitebilitatis sententiæ : si negligentia dissoluamur, & illum pœnitebit sponsionis suæ, promissaq. mutabit. Non igitur mirū est, si leges, quæ ab hominibus feruntur sub ea cōditione, vt sint iustæ, & vtilis, defi-

deficiente conditione mutantur, & corrigantur. Lex naturæ eadem est apud omnes; vna est natura rerum omnium parens: & ius naturale est, quod natura omnia animalia docuit: & quod apud omnes gentes peræque custoditur, ius naturale gentium appellatur. At quoniam natura non docet, nisi quædam prima principia inter omnes recta, & ab omnibus cognita, quæ humanæ societati prorsus non sufficiunt; ideò necesse est, ut homines ex eisdem principijs, quasdam alias rationes eliciant, conclusiones desumant, leges constituent, ad vniuersitatis, & reipublicæ vtilitatē, quæ nequeunt esse perpetuæ, nequeunt apud omnes habere eiusdē æquitatis, & iustitiæ imaginem, nequeunt omni tempore eiusdem esse vtilitatis. Quandoquidē diuinæ res perfectissimæ sunt: humani verò iuris conditio, semper in infinitum decurrit: & nihil est in ea, quod perpetuò stare possit: multas enim formas edere natura nouas deproperat, l. 2. §. sed quia diuinæ, C. de vet. iur. enycl. & diuinæ leges natura, humanæ verò moribus constant: quia aliæ alijs gentibus placent, c. omnes leges, 1. dist. Gentium diuersitas inducit diuersitatem morum, c. aliter, 3 1. dist. morum diuersitas inducit diuersitatem legum, c. illa, 1 2. dist. Variantur humanæ leges: quia in rebus humanis bono melius inuenitur, & melioris optimum. Et quæ parum benè prima succedunt experientia, secunda nonnunquam commodius eueniunt. Finis legis est publica vtilitas; & quousque lex finem hunc non attingit; nequit consistere. Duplex causa esse potest, quod lex humana mutetur, ut ait D. Thom. 1. 2. q. 97. art. 1. in responsione ad 1. arg. Vna ex parte rationis; Alia ex parte hominum, quorum

actus à lege regulantur. Ex parte rationis, quia humanæ rationi naturale esse videtur, vt gradatim ab imperfecto ad perfectum perueniat. vnde videmus inscientijs speculatiuis, quòd qui primo philosophati sunt, quædam imperfecta tradiderunt, quæ postmodum per posteriores sunt tradita magis perfectè: ita etiam in operabilibus: nam primi qui intenderunt inuenire aliquid vtile communitati hominum, non valentes omnia ex se ipsis considerare, instituerunt quædam imperfecta, in multis deficientia: quæ posteriores mutauerunt, instituentes aliqua, quæ in paucioribus deficere possunt à communi vtilitate. Ex parte verò hominum, quorum actus lege regulantur, lex rectè mutari potest propter mutationem conditionum hominum, quibus secundùm diuersas eorum conditiones, diuersa expediunt. Hac igitur ratione, quia leges sunt mutabiles, vtile est legum studium; vt sint, qui perscrutari sciant, quid temporum varietas, quid mutatio morum, quid humana necessitas exsolcat. Non enim mutanda sunt ea, quæ interpretationem certam semper habuerunt; nisi necessitas suadeat, l. minimè sunt mutanda, ff. de legibus. Et vtilitas euidens esse debet in rebus nouis condendis, vt recedatur ab eo, quod diu æquum visum fuit, l. in rebus nouis, ff. de const. Princ. Probat D. Tho. 1. 2. q. 97. art. 2. in resp. legem humanam in tantum rectè mutari, in quantum per eius mutationem communi vtilitati prouideretur: habet enim ipsa legis mutatio, quantum in se est, detrimentum quodam cõmunis salutis; quia ad obseruantiam legum plurimū valet consuetudo, in tantum quòd ea, quæ contra cõmunem consuetudinem fiunt, etiam



etiam si sint leuiora, de se grauiora videntur: vnde quando mutatur lex, diminuitur vis constructiua legis, in quantum tollitur consuetudo: & ideò nunquā debet mutari lex humana, nisi ex aliqua parte tantum recompensetur communi saluti, quantum ex ista parte derogatur. quod quidē contingit, vel ex hoc, quòd aliqua maxima, & euidentissima vtilitas ex nouo statuto prouenit, vel ex eo, quòd lex consueta, aut manifestam continet iniquitatem, aut eius obseruatio est plurimum nociua. Hinc laudatur Zaleucus Locrensiū Legislator, qui rectè constituit, vt quisque verba facturus esset de legibus innouandis, in publicum prodire deberet cum laqueo collo illigato; qui si populo id, quod proponebat, suaderet, exiret indemnus; sin contra, laqueo protinus attracto moreretur.

*Man.* Sensit iste Zaleucus non modicum damnum ex legibus à se latis; nam vt refert Valerius Maximus, lib. 6. c. 5. statuit hanc in adulteros pœnam, vt deprehensi in adulterio vtroque orbarentur oculo. Oblato filio, multisq. testibus adulterij conuictò, cum neque paternum animum posset exuere, neque solus pœnæ, quam in alio statuerat immunis esse vellet: sibi primum vnum oculum, quamuis plurimum reclamante plebe, & filij crimen patris virtuti condonante, deindè & filio alterum iussit erui.

*Luc.* Vtraque lex optima fuit. Indigni sunt luce, qui alieno insidiantur pudori. rectè admonet Ouid. lib. 3. de arte amandi:

*Nupta virum timeat, rata sit custodia nupta:*

*Hoc decet, hoc leges, iusq. pudorq. iubent.*

Comprimenda est temeritas iugiter affectantium re-

vitio caret, l. in ambigua, ff. eodem. Accidit sæpè, vt lex obscura sit ratione sermonis; & tunc benignè interpretanda est quò voluntas legis conseruetur, l. benignius, ff. de legibus; aliàs fieret fraus legi, si legis sententia, saluis verbis, circumueniretur, l. contra legem facit, ff. de legibus. Euenit aliquando, vt lex vel dura sit, vel incerta, & tunc duritia legis emendatur Principis humanitate, & auctoritate Imperiali tollitur omnis dubitatio, l. leges sacratissimæ, C. de legibus. & quoduis istorum præstari, & effici nequit sine ope iurisprudentiæ, sine prudentia Iurisperitorum, l. humanum, C. de legibus. Non est ergò res iniucunda, dignoscere qualis sit verborum significatio, & perscrutari, an vna, vel altera legis menti conueniat. Dulcis est labor, leges latas ad iustitiæ, & æquitatis librâ appendere: considerare an interpretatione indigeant, & iudicare num corrigi, vel restringi, num ampliari debeant, vel declarari. Suaue est studium, perpendere vim verborum, rationem legum ponderare, elicere veros earum sensus.

*Mau.* Si minor esset legum numerus, hæc possent studiosi inuestigare; at multæ sunt, & propè infinitæ, vt nec toto vitæ curriculo legi, minusq. memoria queant retineri.

*Luc.* Multæ quidem sunt leges, at remanent plura, III.  
quæ nequeunt iure scripto terminari, l. neque leges, ff. de legibus. Infinitus non est legum numerus, cum paucis voluminibus contineantur. Parùm refert, si omnes leges nequeant studiosi memoria retinere: neque enim pauper censetur ille, qui domi habet multum pecuniæ, licèt secum parum ferat.

*Si multæ sint leges, mirum non est, quia remanēt plura legibus nō definita.*

*Man.* Quæ ergò est legis necessitas, quæ utilitas studij legum, si multò plura sunt quæ legibus nequeunt definiri?

*Luc.* Satis prouisum est, quia lex cauit, ut quoties aliquid iure scripto inductum est, cætera, quæ tendunt ad eandem utilitatem supplèatur vel Doctorum interpretatione, vel Principum iurisdictione, l. nam ut ait Pedius, ff. de legibus; ut scilicet de similibus ad similia procedendo, in omnibus ius dicatur, l. non possunt, ff. eodem; id quod effici nequit, nisi sint qui legum scientiam calleant.

*Man.* Euentus, qui (ut fertur) est magister stultorum, optimè docuit, quàm utilis fuerit ista hæc prouisio: cum indè ortæ sint Doctorum interpretationes, quæ vastissima volumina impleuerunt.

## IV.

Interpretatio iurisperitorum quâ necessaria sit

*Luc.* Non minùs necessaria, & utiles sunt Iurisperitorum interpretationes, quàm sint leges; quippè quæ omissa suppleant, & sancita ab omni dubitatione conseruant. Quando res dubia non est, sufficit naturalis ratio, quæ pro lege habetur, l. scire oportet, §. sufficit, ff. de excusat. tut. dicebat Aristot. 8. de Phisico auditu quærere rationem ubi sensus fidem facit, ingenij esse infirmitatem. Quæ dubia sunt nequeunt sola naturali ratione definiri: requiritur auctoritas legis. erubescimus sine lege loqui, §. consideremus, Auth. de triente, & semisse. de dubitabili lex fertur, l. quod labeo, ff. de Carb. edict. cum lata est lex, non licet ab ea recedere, sublata remanet omnis dubitatio, non est disputationi locus etiam si ratione carere videretur, l. non omnium, ff. de legibus. Satis est dicere, ita placet Principi, ita scriptum est, §. sed & quod Prin-

Principi, Instit. de iure nat. gent. & civ. l. prospexit;  
ff. qui, & à quibus: quòd si necessariò reddenda esset  
ratio omnium, quæ constituuntur, multa ex ijs, quæ  
certa sunt, subuerterentur, l. & ideò rationes eorum,  
ff. de legibus, quamvis nulla ferè sit lex, cuius aliqua  
ratio, saltem naturalis, considerari non possit. Vbi  
lex per se plana est, nullam recipit interpretationem,  
ait Iuris Conf. in l. ille, aut ille, ff. de leg. 3. Cum in ver-  
bis nulla est ambiguitas, non debet admitti volunta-  
tis quæstio. Id autem, quod dubium est, indiget in-  
terpretatione, l. pediculis, §. argento, ff. de adr. &  
argen. leg. lex quidem certa est omnium, quæ de præ-  
senti sunt in rerum natura, sed non futurorum, l. cum  
quidam, §. suum, ff. de acq. hæred. Et legibus latis  
naturaliter euenire solet, vt prudentum interpretatio  
desideretur, l. 2. §. his legibus, ff. de orig. iur.

*Maur.* Cur ergò Iustinianus in l. 1. §. nostram autem,  
C. de vet. iure enucl. iussit, ne suis legibus commenta-  
ria applicarentur, adijcerenturve Iurisperitorum in-  
terpretationes?

**V.**  
Iustinianus  
quæ comen-  
taria, & quæ  
interpreta-  
tiones pro-  
hibuerit adij-  
ci suis legi-  
bus.

*Luc.* Vt hoc faciliùs intelligas, dic mihi, vndè Iusti-  
nianus desumpsit suum ius, quod in libris digestorum  
Codicis, & Authenticorum, Institutionumq. re-  
clusit?

*Maur.* Ex plurium Iurisperitorum interpretationibus,  
& Commentarijs, Voluminibusq. dispersis, d. l. 1. §. cum  
itaque, C. de vet. iur. enucl.

*Luc.* Quorum studio, & opera in illis componendis  
usus est?

*Maur.* Tribuniani, & aliorum Iurisconsultorum, vt ip-  
se enarrat in Proëmio Instit.

*Luc.*

*Luc.* Ergò non despexit Iustinianus Iurisperitorum interpretationes, Doctorum studia.

*Mau.* Ex antiquorum operibus potiora selegit; recentioribus autem iura prohibuit interpretari.

*Luc.* Putas ne id fecisse, quia crediderit defecturam, esse humanam prudentiam, & periturum humanum ingenium; ita ut posteri eorum studijs, & interpretationibus forent inutiles, & non valerent humanis necessitatibus eorum prudentia, & consilio, æquè, ac vetustiores, occurrere?

*Mau.* Sum anceps. nescio quid proferam; si hoc putasset Iustinianus, utique vecors extitisset: natura enim non deficit in necessarijs, & omni tempore nascitur idem homo rationalis. at si id non sensisset, invidus sanè posterorum studijs obstitisset.

*Luc.* Magna prudentia est, quæ semel collecta sunt, cauere, ne iterum confundantur. Collegit Iustinianus iura, quæ ne iterum confunderentur, sustulit eam Iurisperitorum interpretationem, quæ totum ius antea conturbauerat.

*Mau.* Id minimè assecutus est. res accidit præter spem. Ius hodie magis, magisque conturbatum est tot Doctorum libris, tot contrarijs interpretum opinionibus.

**VI.** *Luc.* Hæc ius non turbant. sed quæ interpretatio fuerit sublata, mox intelliges. Antè Augusti tempora plures Iuriscòulti apud Populum Romanum iura interpretabantur, respondebant de iure, libros, & Commentaria conscribebant. at id non agebant Principis auctoritate, sed fiducia studiorum suorum, l. 2. §. inris civilis, in fin. vers. hoc tamen illi concessum erat, ff. de orig. iur. Probabiles erant eorum opiniones, non necessariæ;

De opinionibus varijs Doctorum An ius conturbent.

cessariæ; vincebat ratio; non auctoritas. Postquam respublica interijt, primus Diuus Augustus (vt maior iuris auctoritas haberetur) constituit, vt prudentes ex auctoritate eius responderent d.l. 2. §. primus Diuus Augustus. Istorum responsa vim legis obtinebant, §. responsa prudentum, Instit. de iur. nat. gent. & Ciuil. Istorum contrariæ sententiæ, & diuersæ interpretationes iura confundebant. quod ne in posterum eueniret, eam respondendi auctoritate Principis facultatem Doctoribus ademit; non tamen restrinxit posterorum studia. tradidit eis facultatem interpretandi, l. vnic. C. de profess. qui in vrbe Constantinop. lib. 12. vt scilicet possint Iuris, ac legum voluntates pendere, l. vnic. circa fin. C. de studijs liberalibus vrb. Rom., & Constantinop. lib. 11. atque vt nō ita essent ampliùs velut iuris conditores, sed iuris conditi testes, quibus non propter auctoritatem, sed propter solam rationem credendum sit, ad instar eorum, qui reipublicæ temporibus leges interpretabantur, de quibus loquēs Cic. pro Cecinna dixit, Qui interpretes iuris vituperat: si imperitos iuris esse dicit: de hominibus non de iure ciuili detrahit. si peritis non putat esse obtemperandum: non homines lædit, sed leges, ac iura labefactat. Hæc eadem interpretandi, & glossandi facultas datur in Doctoratu; & probabiles sunt sententiæ Doctorum, quæ studia legum coadiuuant: at iura minimè confundunt.

*Man.* Perlegat quisque legum libros, verborum sensus consideret, ponderet disponendi rationes, non quiescit animus. recurat studiosus ad glossas, & Interpretes; amittet statim quod multo labore ex legibus

VII.

An interpretationes Doctorum concordant legū intelligentiā

gibus perceperat . totus confundetur . plus ignorabit , quo plus didicisse putauerat . variaz etenim , & controuersæ Doctorum interpretationes , diuersi legum intellectus , si ius non turbant , legum tamen intelligentiam confundunt .

*Luc.* Id nullatenus accidere potest , quandoquidem quisquis esset etiam ex peritioribus , qui contra casum legis loqueretur , tanquam negans prima principia redargueretur , l. regula , in fine , ff. de iur. & fac. ignor. loqueretur aduersus Solem , & manifesta controuertens , ignorantiz notam incurreret , ait Arist. lib. 2. Rethoric. manifesta negare impudentia est . Non transiret sine reprehensione quicumque cōtra leges , etiam per incuriā , opinaretur . inquit idem Arist. 1. Topic. qui negat ea , quæ clara sunt , doctrina non indiget , sed correctione . Duo sunt considerata in quauis lege , ratio , & verba : quæ se habent inter se velut anima , & corpus ; sicut anima dominatur corpori , ita ratio verbis , l. non dubium , C. de legibus . quando vel expressa est ratio legis , vel apparet de certa Legislatoris mente , debent verba omninò illi deferuire , etiam contra propriam significationem , c. secundo requiris , de appellat. l. cum pater , §. dulcissimis , ff. de leg. 2. Quisquis igitur suam opinionem desumeret ex cortice verborum , tanquàm Iudaicus interpretes haberetur , irridereturq. at vbi vel non est expressa ratio , vel colligi nequit Legislatoris intentio , talis eius mens præsumitur , qualem indicat verborum proprietas , à qua si quis recederet , diuinare potius videretur , quàm ratiocinari , l. non aliter , ff. de leg. 3. Sin autem verba clara non sint , sed multipliciter possint intelligi , sumenda

menda est interpretatio, vel ab alijs legibus (expedit enim iura iuribus concordari, c. cū expedit, de elect. in 6.) vel ab eo, quod frequentius obseruatum est: consuetudo enim est optima legum Interpretes, l. si de interpretatione, ff. de legibus. Si quis igitur argumentum fumeret ab eo intellectu, qui neque legi, neque consuetudini conueniret, velut deficientibus testibus, sua spontē secum murmuraret. Tandem si varij sunt alicuius legis intellectus; nec vnum magis, quā aliterum suadeat lex, vel obseruatio; nulla vis fieri potest in ea, non debet allegari ad decisionem causarum, l. in ambiguo, & ibi Bart. not. ff. de reb. dub. hasta flexili niteretur, qui eam pro se adduceret. Non ergo fieri potest, vt Doctorum interpretationes legum sensus perturbent.

*Man.* Si ius dictum non turbant; confundunt tamen ius dicendum: quod vnus probat, confutat alter: cōfingere vult quisque nouas opiniones; nullus est contradicendi finis: in tantum vt in rebus dubijs, & controuersis, quid de iure respondendum sit, omnibus penē ignotum videatur.

*Lnc.* Corrupta est humana natura; nihil tam indubitatum est inter homines, quod non possit aliquam sollicitam dubitationem recipere, Auth. de tabell. §. si verò indignus. Naturalis est hominum facilitas ad dissentiendum, l. item si vnus, §. principaliter, ff. de recept. arbitr. Terent. in Phorm. actu 2. scen. 3. sic ait: Quot homines, tot sententiæ, suus cuique mos. Nihil est tam peculiare cuique homini, quā sibi placere, alteri contradicere, non semper sapere. Infitā est cui libet nostrum illa philautia, ille amor sui ipsius, quo dictis,

## VIII.

An variae Doctorum sententiæ cōfundant ius dicendum.



dictis, aut factis proprijs, velut oculati, blandimur; at velut cœci, quæ nostra non sunt, prorsus negligimus. Legitur de Chrisippo Philosopho, qui propria animi propensione corruptus, interrogatus cui nam traderet filium suum præceptis philosophiæ instituendum, respondit sibi ipsi: subiungens, si alium me præstantiorem arbitrarer, apud hunc Philosophiæ operam daré. Multi quidem sunt Chrisippi, & multi sunt, qui suo ingenio oblectati, putant se esse vnicum Tiresiam, illum scilicet vatem, cui vt apud Homerum in Odissæa legitur, Proserpina dedit, vt vita functus inter volitantes ymbras solus saperet. Inter cuiusvis artis, & scientiæ peritos naturalis ferè est æmulatio; & vulgò dici solet artem arti invidere, figulum figulo, fabrum fabro. Nullus est æmulator, qui non se iactet, sua non extollat, non deprimat aliena. Quisque contradicit alteri, Quisque putat oraculum quidquid sibi sua ratio dicat, quidquid sua fert opinio. At non semper sapiunt isti. Qui nimium sibi placent, qui æmulationis gratia contendunt, sæpè contingit, vt noui operis, nouæ opinionis auctores in aliquo deficiant, & allucinentur; sed rectiùs alij iudicant. id quod docere voluit Socrates, dum dicebat, rectiùs iudicare obstetricem, quàm matrem ipsam. Hinc faciliè intelligere potes, nequaquam cõfundi ius dicendum, quamuis vnus vnã opinionem struat, alter alteram: quia præualet ea, quæ à pluribus recipitur, vincit plurium calculus; nec tutum est egredi via, quam plures ingrediuntur.

## IX.

An contro-  
uersiæ Do-  
ctorum tur-  
bent studio-  
sorū mentē.

*Man.* Si istæ Doctorum interpretationes, nec etiam confundunt ius dicendum; attamen eorum libri, qui-  
bus

bus vel ab alijs scripta rescribunt, vel multa commiscunt, quæ aut erronea sunt, aut controuersa; utque turbant mentem studiosorum: quibus melius esset pauca addiscere, & vtilia, quàm multa inutilia perlegere, cum temporis detrimento, & ingenij iactura.

*Luc.* Non posset quouis opinio censeri recepta, nisi plures essent, qui eandem referent, & repeterent eadem rationes. Necessè est ut qui debent esse testes Iuris, conueniant in dictis, & rationibus. Non est nouum, ut per diuersas vias ad eundem locum plures perueniant; nec rarò contingit, ut plures testes idem concludant, & alij vnā, alij verò plures rationes afferant eorum dicti. Itaque damnandi non sunt Doctores nostri, si aliquando diuersis argumentis in vnā coeant sententiam, si ad illam comprobandam rationes superaddant. Profectò non turbantur, sed acuuntur studiosorum ingenia; tametsi in libris aliqua sint vel erronea, vel controuersa; cum ita valeant ratiocinando errores euitare, & in controuersia opinionū, quid veritati, quid iustitiæ conueniat, dijudicare. Nullus sit studiosorum Iuris, qui putet sibi satis fore, si pauca sciat: cum vix sufficiat multa didicisse. Non sufficiunt angusta vasa ad capiendum aquas emanantes ex copioso fonte. non sufficiunt parui riui ad irrigandum latissimos agros. Tres sunt legum fontes; Omnium vberimus, est mens, & ratio Diuina, vnde omnia iura fluunt. Alter vberior, est naturalis ratio, vnde proueniunt iura naturalia. Vber autem est ius humanum, vnde emanant iura Ciuilia, & Canonica. Qui hebeti sunt ingenio, non accedant ad istos fontes, parum sumpturi angustis vrnis. Latissimus ager hisce

irri-

irrigandus aquis, sunt actiones humanæ, humana, negocia. Libri sunt velut riuus, qui nisi multi essent, & ampli, nequaquam sufficerent ad moderandas varias hominum actiones, ad infinita negocia definienda. Magna videtur esse felicitas, & dignitas illorum, qui se dederunt huic legum studio: quippè qui, cum sint homines nati ad intelligendum, ratiocinandum, & agendum; habent multa, quæ intelligunt, plura, de quibus ratiocinantur, plurima, quæ agunt ad propriam vtilitatem, ad reipublicæ conseruationem, ad promouenda cæterorum studia.

*Mau.* De quibus loqueris?

*Luc.* Loquor de omnibus illis, qui legibus operam dantes discunt, docent, consulunt, patrocinantur, decidunt, iudicant: & de illis præsertim loquor, qui libros edunt; quippè qui intelligunt ea, quæ à legibus disposita sunt; ratiocinantur de ijs, quæ Doctores tradiderunt; & à similibus ad similia procedentes, de humanis actibus rectum iudicium ferunt; & quæcunque dispersa, confusa, mutilata hinc inde leguntur, recto ordine colligunt, sunt veritatis sectatores, qui Deo placent, gloriæ in l. puniri, C. si con. ius vel vtilit. public. sunt sibi, & posteritati vtilis, non suffocant proprios partus, non sinunt perire susceptos labores, & quasi in horrea Domini præcipuos studiorum suorum fructus inferunt, c. reuertimini, l. 6. q. 1. Tria sunt in anima, Intellectus, qui præconcepit; Ratio, quæ discernit; Memoria, quæ conseruat, gloriæ in c. 1. in verbo, simplex, de summ. Trin. & fid. Cathol. Deperirent sanè operationes intellectus, & rationis, nisi memoria, cōseruatricem opem ferret. Vtiliter igitur agunt illi, qui suis

suis scriptis conseruant quæcunque egregiè , & vtiliter sunt constituta , & quæcunque doctè , & eleganter sunt explicata .

*Man.* Non video , quam laudem isti consequantur , quam mereantur gratiam : cum nemo vnquam extiterit , qui in suis scriptis non errauerit , sententiam non mutauerit , reprehensus non extiterit .

X.

An iuris Interpretes laudem mereantur , etiam si in aliquibus errauerint :

*Luc.* Errandi facilitas non detrahit laudi . Laus est non multum errare . Necesse est , vt homo erret ; ne aliàs inflatus crederet , se hominem non esse . Rectè dixit Imper. in l. 2. §. si quid autem in tanta , C. de vet. iure enucl. penitus in nullo peccare diuinitatis magis , quàm mortalitatis est . Ait Cic. 12. Philip. circa princ. cuiusuis est hominis errare , nullius nisi insipientis , perseverare in errore : posteriores enim cogitationes ( vt aiunt ) sapientiores esse solent . Prouenit vt plurimùm error ab illa philautia , ab illo nimio sui ipsius amore : at si cuique suum naturaliter non placeret , nemo esset , qui moliretur quidquam : iaceret quisque desidiosus , & iners . Laudem pariter non mediocrem merentur Scribentes , quamuis in aliquibus errauerint ; nam idem Pater , qui creauit boues , creauit & culices ; & in magna domo non solùm esse debent vasa aurea , & argentea ; sed & lignea , & fictilia , c. qui secundùm carnem , 23. q. 4. in libris plura sunt vera , & erronea pauca ; & ideò quemadmodum dicebat Turrecremata in cap. Sancta Romana Ecclesia , distinct. 15. num. 20. in libris vera principaliter sunt attendenda , & pauca inueniuntur veritati contraria : & propter pauca inutilia , non sunt tam vtilia repudianda .

X

Si

Si ergò boues sunt magni, & culices paruulæ; fate-  
 ri neceſſe eſt, magnam afferre vtilitatem ea, quæ  
 in libris vera continentur, & vtilia: Ea verò, quæ  
 vel inſipidè, vel erroneè ſcripta ſunt, nullam affer-  
 re perniciem; ſed velut culices, ſtudioſorum men-  
 tes, quaſi à ſomno reuocare, & excitare ingenia ad  
 emendationem. Diuus Auguſt. vt legitur in cap. fin.  
 24. q. 3. quærens quare Diuina prouidentia permit-  
 tat multos diuerſi erroris hæreticos eſſe, reſpondet,  
 vt nos excutiamus pigritiam, & diuinas Scripturas  
 noſſe cupiamus. Non ſunt ergò indigni laude Scri-  
 bentes, ſi, vel in lure Ciuili, vel Canonico erraue-  
 rint: quandoquidem naturali ægritudine cæterorum  
 ſtudia promouent: nec ſunt auctores alicuius diſſi-  
 dij, cum legem, vel canonem malè intelligere; non  
 ſit peccatum, cum ſit de lure poſitiuo. Abb. in c. cum  
 poſt, num. 4. de elect. at qui Scripturas ſacras malè  
 intelligunt, tanquam vino inebriati omnino dam-  
 nantur, c. vino, 37. diſt. Laudandi ſunt illi, qui ve-  
 ritate cognita, ſententiam mutant; melius eſt ſe ip-  
 ſum corrigere, quàm expectare ab alijs corrigi. co-  
 gitationes poſteriores ſunt meliores, & ſapientis eſt  
 mutare conſilium in melius. Opinionem mutauit  
 D. Auguſtinus, vt legitur in cap. certè, 12. q. 1. ibi:  
 Ecce in conſpectu Dei, & veſtro muto conſilium.  
 & multa de ſuis dictis retractauit in libris retractatio-  
 num, prout etiam legitur in c. quodam loco, 26.  
 q. 4. ibi, Rem dixi occultiſſimam audaciori aſſeueratione,  
 quàm debui. Qui demùm ab alijs reprehenſi  
 extiterunt; non ideo propriæ gloriæ detrimentum  
 fecere. Seruius Sulpitius ſcripſit librum de notis  
 Mutij

Mutij Scuolæ eius Præceptoris, l. Mutius, ff. pro Socio: non tamen Mutij fama interijt. Papiniani quædam dicta obseruarunt Vulpianus, Paulus, & Martianus, qui de notis eius scripserunt, l. i. ibi, & ideo quæ antea in notis Emilij Papiniani ex Vulpiano Paulo, necnon Martiano adscripta sunt, C. de vet. iure enucl. non tamen diminuta est Papiniani gloria, quippè qui acutissimi ingenij vir, & meritò antè alios excellens appellatus est, l. cum acutissimi, C. de fideicom. Celsus Celsi patris sententiam arguit, l. 3. §. si quis quasi statu liber, ff. de cond. caus. data: non tamen eius famam depressit. Reprehendit Baldus errata Bartoli, Baldi lapsus Posteriores notarunt, & successiuè alij redarguerunt Vetustiorum errores, & proprios Recentioribus corrigendos dimiserunt. Quid tum? purgatus est vniuersus ager Iuris prudentiæ. expunctis cuiusuis erroribus, paucissimis quidem, magis emicat Auctorum celebritas, & excellentia: sicut agri felicitas dignosceretur, & extimaretur vbertas, quando adhibita omni diligentia, non essent nisi modicæ quædam herbæ nullius fructus, quæ euellerentur.

*Man.* Non sunt ergo interdictæ Doctòrum probabiles opiniones, & interpretationes eorum non commouent ius conditum, non turbant ius dicendum, non confundunt studiosorum mentes. at quoniam permulti diuini propè ingenij, & eximie doctrinæ ita interpretati sunt, & eorum virtutis monumenta reliquerunt: adhuc non intelligo, quid superfit, vt recentiores interpretenur, impleant paginas, fatigent Impressores, bibliothecas impleant, imponant iugiter studiosis noua veltigalia.

## XI.

Recentiorum interpretationes post plura antiquorum Commentaria, an viles sint.

*Luc.* Vulgata sunt Sapientum dicta : magnam partem eorum , quæ scimus , esse minorem eorum , quæ ignoramus : & artem longam esse , vitam verò breuem . Hinc Plato aiebat velle esse discipulum donec meliorem , atque peritiorem esse ipsum pœnituisset : & Saluius Iulianus , qui fuit sapientissimus legum , ac perpetui Ediçti conditor , dicebat , etsi alterum pedem in tumulo haberem ; adhuc tamen addiscere vellem , l. apud Iulianum , ff. de fideic. libert. & Theophrastus qui Peripateticorum eloquentissimus , doctissimusq. fuit Aristotelis discipulus , & in schola successor , moriens accusabat naturam vti novercam , quæ dedisset vitam diuturnam cervis , & cornicibus , quorum id nihil interest ; hominibus autem quorum maximè interfuisset , tam exiguam dedisset . Vndè fit , vt existimemus , antiquiores non valuisse omnia scire , omniaq. perficere ; sed posteris reliquisse multò plura , quæ & ipsi scire , & perficere possint : arbores antiquis temporibus fructus produxerunt , nostris autem sæculis non sunt aridæ ; aptæ quidem sunt ad similes fructus , æque copiosè producendos . Nec est desperandum in legum scientia , quamvis plures Bartoli , vel Baldi non visi sint consurgere : sat est quemlibet præstare , quod in eius facultate est : omni ætate floruerunt ingenia , viri excelluerunt , prodierunt monumenta , & quamvis sidus à sidere differat ; omne tamen sidus Cælo ornamentum adfert : sed rem propiùs attingendo , aliud dicam . Leges nulla alia ex causa nos tenent , quàm quòd iudicio populi receptæ sunt , l. de quibus , vers. nam cum ipsæ leges , ff. de legibus .  
nec

nec sequimur Doctorum opiniones, nisi quatenus lege, ratione, vel auctoritate nitantur, & à cæteris recipiantur. Ait Terent. in Adelph. actu 5. scena 4.

*Nunquam ita quisquam bene subducta ratione ad vitam fuit,*

*Quin res, etas, usus semper aliquid apportet nomi,*

*Aliquid moneat: ut illa, quæ te scire credas, nescias.*

*Et quæ tibi putaris prima in experiundo repudies.*

Sanè nulla accidit nouitas, quæ non pariat varios effectus, & ut cecinit Cornel. Gallus in lib. Eleg.

*Euentus varios res noua semper habet.*

Et propterea Imperator in Auth. de consanguin. & uter. fratr. in princ. inquit, multis vndique natura nouitatibus utens, ad opus multarum nos protrahit legum: cum igitur experientia, usus, & iudicium populi sæpè mutant leges, & variant opiniones; sine dubio locus est recentioribus, qui qualitates temporum, & morum diuersitates considerant; & quæ ab antiquioribus dicta sunt, animaduertunt, & reformant. Isti si paginas implent, non transeunt vitam cum silentio, non perdunt traditum talentum: si opera typis excudenda committunt, rationem reddunt eorum villicationis: si volumina impressa venalia habent, non exigunt præmium doctrinæ, neque impressionis precium extorquent.

*Man.* Nunc opportunè repetam sigillatim alia, quæ dicebam in secundo congressu, ut antequam dies intereat, illis quoque satisfacias. Dicebam studiū istud versari circa ius Ciuile, & Canonicum: Ciuile autem consistere in libris, quos Iustinianus composuit: qui cum fuerit litterarum ignarus, & analpha-

XII.

Lucius Iustinianum Tribunianū, & alios Iuriconsultos ab obiectis breuiter defendit.



berus, inferebam dantes operam Iuri Ciuili, imperitum habere Præceptorem.

*Luc.* His, qui id dicere ausi sunt, non multum defertur; sed hoc parum interest: quandoquidem quod Imperator scientia nequiuit, gloriosa auctoritate perfecit.

*Man.* Adhibuit operam Tribuniani, qui non transiuit sine nota magnæ auaritiæ.

*Luc.* Minorem fidem præsto virum insignem calumniantibus: at satis est, quod Tribunianus, & ceteri, quos ad gloriosum opus Imperator elegit, collegerunt ea, quæ ad iusticiam attinent, non quæ ad auariciam.

*Man.* Desumpserunt omnia ex scriptis illorum, qui verum Deum non cognouerunt.

*Luc.* Iusticiam tamen virtutum præcipuam, lumine naturali haud quaquam extincto, coluerunt. Extiterunt præclarissima exempla in operibus iustitiæ, in iure dicundo, imitatione digna apud omnes. Laudatur Gallus Aquilius, quippè qui in cauendo, non in decipiendo insistebat; & Iuris Ciuilis rationem nunquam ab æquitate seiunxit; & ita iustus, & bonus vir fuit, ut natura, non disciplina consultus fuisse videretur: istius responsis plena sunt Digesta. Extollitur Seruius Sulpitius, qui non magis Iurisconsultus fuit, quàm iustitiæ; & ea quæ proficiscebantur à legibus, & Iure Ciuili semper ad facilitatem, & æquitatem referebat: non lites constituere, sed controuersias tollere studebat: huius responsa exornant Iustiniani libros. Sed omissis aliorum Iurisperitorum encomijs, ex quorum libris Iustiniani leges sunt desumptæ; hoc dixisse sufficiat; Omnia per Iustinianum colle-

collecta, exceptis quibusdam, paucissimis tamen, quæ canonica æquitas temperavit, fuisse longo usu, iudicioq. vniuersi populi Christiani recepta, & religioforum Principum auctoritate comprobata: ita vt vera iustitiæ dogmata ab omnibus existimentur, ad discantur, & obseruentur.

*Mau.* Conqueruntur nonnulli de Iustiniano, quia **XIII.**  
perdidit tot scriptorum labores, tantam doctrinam, Iustinianus nullum damnum intulit dum ex pluribus Iurisconsultorum libris portiora selegit, & reliqua perdidit.  
& elegantiam.

*Luc.* Iniusta querimonia est, quando excussis paleis grana reponuntur; quando extracto musto abijciuntur cortices, & racemi. Non perierunt Iurisperitorum labores, non doctrina, neque elegantia: viuunt nomina illorum, gloriosa est eorum memoria: & quæcunque præcipua scripsere, remanent velut aurum purissimum.

*Mau.* Sunt tam breuia, & mutilata (inquiunt) vt necessario sint obscura; & quot adhibeantur Interpretes, tot exoriantur intellectus. **XIV.**

*Luc.* Si leges Ciuiles in tuorum studiorum progressu benè consideraueris; nihil reperies, quod imperfectum sit, vel diminutum. Fateor nonnullas esse, quæ diuersimodè per Doctores intelliguntur; at id non legibus, non compileribus, non Interpretibus, sed temporum mutationi adscribendum est. Leges cõtentas in libris Iuris Ciuilis respõdet Lucius, non esse imperfectas, vel diminutas, & dicit quædam de tempore.

*Mau.* Tempus est igitur omnium malorum reus.

*Luc.* Hanc sententiam non fero: si Iudex forem, tempus ab obiectis absoluerem, non condemnarem.

*Mau.* Absolueres tempus edax rerum, tempus inuidum?

*Luc.* Tempus, quod omnia producit, quod omnia

inter omnes æquè distribuit, non condemnare: tempus producit, non ager; vetus est prouerbiū: paterna æquitas est, non inuidia, quæ non finit primogenitos omnem laborem impendere, omniq. substantia frui: sed aliqua recondit, vt posteriores natu habeant, quibus & ipsi laborent, & fruantur. Nisi tempus plura mutaret, pluraq. absconderet, omnis labor, omnisq. fructus esset antiquorum: non haberent successores quid agerent, nihil prodesset ingenium; nulla inter eos esset industria. Tempore Iustiniani erant omnes eius leges claræ, & perspicuæ: at confuso idiomate, rebusq. mutatis nonnullæ apparent difficiles, & scabrosæ; vndè fit, vt ex legum peritis cuiusvis ætatis multi sint, qui dolium cum Diogene voluant, qui ferant ligna, lapidesq. ad opus.

## XV.

Libri Iuris  
Ciuilis an  
cõpositi sint  
abique ordi-  
ne, & an cõ-  
tineant con-  
trarietates.

*Man.* Sunt alij qui dictitant, libros Iustiniani compositos esse sine ordine, eosq. plura continere, quæ inuicem pugnant, & contrariantur.

*Luc.* Isti latrant ad hostium, rem intus non inspicunt, non vident quid gloriæ notauerint, quid considerauerint Interpretes. Profectò nihil est, quod consistere possit sine ordine. Non est perfectæ cognitionis, scire quid facias, & nescire quò ordine, dicebat Diuus Ambrosius, vt refert Bald. in Præfat. ad libros Digestorum, in princ. Nos nihil intelligere, scireuè possumus sine ordine. Contraria autem non pugnant; quia vnum cedit alteri; & posteriora derogant prioribus; & ad positionem vnius contrarij necessariò sequitur alterius destructio, l. Pomponius, §. sed & is, ff. de Procurat. Igitur si quid compilatores Iuris Ciuilis præstiterunt, non sine ordine egerunt: si quid primæ-

primævis illis temporibus Iurisprudentes intellexerunt, non sine ordine ex Iustiniani libris perceperunt: si quid nostris temporibus scimus, non sine ordine ex eisdem addiscimus. Qui si aliqua continent, quæ contraria sint, & correctæ, utile est, ut iuxta terminos legis correctæ, lex corrigens intelligatur, §. fin. in Auth. de fil. antè dot. instr. nat. Cic. lib. 1. de Oratore, paulò ante finem, hæc dicit; si aut mihi facere licuerit, quod iamdiu cogito, aut alius quispiam, aut me impedito occuparit, aut mortuo effecerit, ut primùm omne Ius Civile in genera digerat, quæ perpauca sunt, deindè eorum generum, quasi quædam membra disperiat, tum propriam cuiusque cùm definitione declaret, perfectam artem Iuris Civilis habebitis, magis magnam, atque vberem, quàm difficilem, & obscuram. Hoc effecit Iustinianus, qui iura digessit, detraxit, adiecit, mutavit: qui resecatis superuacuis, sublati contrarijs, omissis, quæ in desuetudinem abierant, leges composuit, subdidit congruis titulis, distinxit libros recto ordine, totius denique iuris breue compendiū obtulit, ut in præm. Institut. & rectè quidem dixit in suis libris, nihil contrarium inueniri, si quis subtili animo diuersitatis rationes discutiat, l. 2. C. de vet. iur. enucl. Docuitq. oportere leges legibus concordare, l. vnic. C. de inoff. dot. Et hæc omnia Iustinianum utiliter præstitisse, ostendunt Glossatores, & Interpretes: quippè qui primò inuestigant, qua ratione titulus ad titulum, & materia ad materiam connectatur; mox cuique legi contraria signant, conciliant, soluunt: & ex legibus correctis veros eliciunt sensus legum corrigentium.

*Man.*

## XVI.

Glossatores,  
& Interpre-  
tes legum  
quam utili-  
tatem attru-  
lerint, & an  
utilis sit li-  
brorum co-  
pia.

*Mau.* Ergò tot glossæ, tot interpretationes, tot legisla-  
rum volumina necessaria sunt ob solam cognitionem  
connexitatis materiarum, ob solam intelligentiam  
legum Iustiniani?

*Luc.* Glossatores, & Interpretes, qui in continuatio-  
nibus rubricarum, in solutionibus contrariorum, in  
explicationibus legum, insistant; utique vberimum  
Iuris Ciuilis fontem reparant, expurgant, conseruant.  
Qui verò student in pertractandis materijs, & in deci-  
dendis nouis casibus, sanè ex publico Ciuilis sapientiæ  
fonte, aquas hauriunt, congregant paruis vasis ad uti-  
litatem scientium, ad vsum commodiorem. Huius-  
modi ministeria si utilia sunt, & necessaria; fateri  
oportet, etiam ministrantium multitudinem necessa-  
riam esse, & utilem.

*Mau.* At multi sunt qui conqueruntur de tanto libro-  
rum numero, cogitantq. de modo refecandi tantam  
librorum multitudinem.

*Luc.* Isti aut non sitiunt, aut labore teruntur, aut re-  
trahuntur impendio: si sapientiores in hanc iuissent  
sententiam, hæc tunc id peractum fuisset: at non ex-  
siccantur fontes, aquæ semper fluunt; & nisi essent,  
qui eas colligerent, dilaberentur inutiliter, & vasis cõ-  
fractis deperirent. Librorum multitudo minuit la-  
barem, non auget. memoriæ labenti plenè succurrit.  
Plura quæ sparsim tradita sunt in vnum colligere,  
magnus quidem labor est Auctoris: Lectorum autem  
exiguum est onus, sed maxima utilitas. Dicebat Diuus  
Hieronymus in epist. 40. utinam omnium tractatorū  
haberem volumina, ut tarditatem ingenij eruditionis  
diligentia compensarem. Dicebat Cato:

*Multa*

*Multa legas, facito perlectis, perlege multa.*

Hic Cato meritò à Cicerone laudatur in lib. 3. de finibus bonorum, & malorū in principio; dum ait, quocum venissem, M. Catonem, quem ibi esse nescieram, vidi in Bibliotheca sedentem multis circumfufum Stoicorum libris: erat enim, vt fcis, in eo inexhausta auditas legendi, nec fatiari poterat: quippè qui ne reprehensionem quidem vulgi inanem reformatans, in ipsa curia soleret legere: sæpè dum Senatus cogeretur, nihil operæ reipublicæ detrahens, quò magis tum in summo otio, maximaq. copia quasi heluo librorum ( si hoc verbo tam in clara re vtendum est ) videbatur. Sumptus autem in comparandis libris, graues non putant illi, qui scire cupiunt. Plato egenus erat, Pithagorici tamen philosophi libros decem millibus denariorum emit. Aristoteles Platonis libros emit duobus millibus sextertijs. Beatus Thomas consueuerat dicere, quòd magis veller habere Chrysostomum super Matthæum, quàm Ciuitatem Parisiensem, ita refert Oldrad. conf. 84. Sapientiam omnium antiquorum exquireret sapiens, dicit Ecclesiastic. c. 39. in princ. Studiosi cuiusuis doctrinæ, qui plures libros legunt meliores fiunt, & doctiores, l. penult. ff. ad exhiben. & iuxta vulgatum Plinij dictum nullus est liber tam malus, qui aliqua ex parte nò profit. Pauci sunt qui in emendis supellectilibus, vestibus, picturis, alijsq. ornamentis liberales non sint: pauci etiam sunt ex legum studiosis, quos tedeat libros emere, quibus laborem minuant, augeant memoriam, scientiam perficiant.

*Man.*

## XVII.

Respondet Lu-  
cius fieri nō  
posse ut pau-  
cis libris ser-  
uatis, reli-  
qui tradatur  
igni.

*Man.* Putant aliqui id melius euenire posse, si paucis libris seruatis, reliqui omnes comburerentur: vel si opera Principum, ex tot libris ea, quæ præcipua sunt, colligerentur in vnum, & perderentur reliqua: aut saltem si controuersia, quæ sunt inter Doctores in qua-uis quæstione, & materia, Principis lege definirentur.

*Luc.* Qui librorum molem ægreferunt, pro illis resecandis non indigent alieno auxilio: spontè possunt sibi providere: non emant plures: si multos habent, contenti paucis reliquos tradant studiosis, non igni; ne iacturam lignorum superaddant. Qui verò ex pluribus libris vnum confici posse arbitrantur; eligant virum, qui id agat: nemo est, qui suo ingenio artem aliquam possit perficere, & totū fontem ebibere: nemo est, qui futura omnia possit præcauere; & provide-  
re, ne aquæ fluant, excurrāt, erumpant. Nemo est, qui ex pluribus libris vnum possit perficere, & vase paruo includere copiam aquarum. Nulla est ars, quæ singulari sit consummata ingenio: omniū rerum principia sunt parua, sed suis progressibus vltima augentur. Nō obstant inuentis inuenta; de indiuiduis scientia esse non potest: indiuidua sunt propè infinita, ut nulla arte recipi queant, nullaq. disciplina comprehendere. Duo sunt, quibus omnino credere debemus, auctoritas, & ratio; auctoritati credere magnum compendium est, & nullus labor. Sanè qui diuino non sunt ingenio, si solis rationibus vellent verum comprehendere, rationum similitudinibus deciperentur, laberenturq. in varias, & erroneas opiniones. Sublatis itaq. tot libris, remaneret lex, & ratio; at deperiret prudentum au-  
ctoritas;

toritas : & in contingentia facti nemo esset , qui breui tempore considerare , & comprobare posset , quæcūque tot Scriptores in tot sæculis , cum tot laboribus ingeniosè considerarunt , & iustè comprobarunt .

XVIII.

An vtile foret aut Principes contro-  
uersas Do-  
ctorū sua lege definiret .

*Man.* Augeretur ratio , inquiunt multi , & augeretur auctoritas , si , quæ ad civilem prudentiā pertinent , imperiali auctoritate ; & quæ ad æquitatem canonicam spectāt , Pontificio imperio ex pluribus Auctorum voluminibus , per aliquos ex prudentioribus , doctioribusq. eligendos , redigerentur in vnum : tunc enim ratione , & auctoritate legis , semotis ambiguitatibus , tutiores duceremur .

*Luc.* Fons civilis sapientiæ extractus est : vberimus extat fons canonicæ æquitatis : perfectum est publicū opus , nihil superest , nisi vt priuati aquas hauriant , cōgregent , conseruent , non turbenit . at quòd aquæ priuatorum ingenio priuatis vris collectæ , reduci deberent ad eundem fontem publico iussu , nulla vmquā v. geret necessitas , nulla suaderet utilitas . scaturiēs aqua pugnaret ; confunderetur vna cum altera ; totus fons conturbaretur . In collectione noui Iuris ex priuatorū libris : magnum subesset periculum ; ne plura corrigerentur , quæ Iure antiquo optimè essent constituta : nimirum in rebus humanis nulla cura sufficit , nulla diligentia ; semper vel omissum est aliquid , vel non satis pensatum . Si tollerentur libri omnes , & componeretur vnus , abirent quidē superflua , sed multa insimul vitia deperirent : non ressecantur putrida , nisi & quæ valida sunt insimul lacerentur . sed res adhuc non cōsisteret ; maiores orirentur difficultates , excitarentur plures quæstiones , an posteriores leges abrogarēt prio-

res ,



res, vel restringerent, vel extenderent, iuxta text. in l. non est nouum, & in l. sed posteriores, ff. de legibus. & quòd summè dolendum esset, deperditis tot propè diuinorum ingeniorum laboribus, de nouo agendum esset inter iuniores, qui incongruis, sophisticisue, aut etiam subtilioribus interpretationibus, totam iuris scientiam omni procul magistro, confunderent.

*Man.* Abeant igitur quicunque cogitant de rescandis libris, de exturbandis Auctoribus.

*Luc.* Sat habeamus, vt fileant. profectò necesse non est, vt Principes tantum oneris assumant, & inutilis esset labor eorum, qui ad hoc opus eligerentur. Huic malo faciliora dantur remedia: si quid iure definitum, vel Doctorum opinionibus comprobatum Ciuitatis regimini parum conuenire experientia doceat; tunc vel Princeps æqua lege, vel populus æquo statuto occurrit. Si quid controuersum remanet, is qui iuri dicundo præst, dignoscit quæ opinio sit æqua, & quæ communis. & fortè maiorem iustitiam, & æquitatem sapiunt communes Doctorum opiniones, quàm placita Principum; quippè qui vel paucorum consilio, vel proprio nutu fanciunt. Scribentes autem non sine rationibus, eisq. maturè consideratis, opinantur.

# XIX.

Laudandi sūt  
Doctores, dū  
aliorum opi-  
nionē refel-  
lere, & no-  
uas si uere iu-  
re dicuntur.

*Man.* Siste parum: multi obijciunt scribentibus quod studio contradicendi, & æmulationis impetu varias opiniones concipiunt, & se se præ inuidia mordent, præ superbia lacerant.

*Luc.* Neminem inueni, qui spreto Apostoli præcepto ad Rom. c. 13. scripserit in contentione, & æmulatione, quivè spreto Sapientum consilio suis scriptis salem

falem apponere, suamq. sententiã ad æquitatis, & iustitiæ libram appendere neglexerit: scio multos acriter, & ingeniosè quæstiones, à veteribus examinatas, disputasse, & modò vnam, modò alteram opinionem respuisse: quos existimo summa laude dignos; quia disputatio multum prodest ad studium, ad veritatem eruendam. Arcadius Iurisconf. in l. munerum civilium, §. mixta munera, ff. de muner. & honor. Laudat Herennium, & Modestinum; quia notando, & disputando benè, & optima ratione decreuerunt. Sunt nonnulli, qui se iactant in confo~~nda~~enda propria opinione, & exandescunt in refellenda alterius sententia; sed hoc est naturale vitium æquo ferendum animo: desipere etiam videtur natura ipsa, quando monstra profert, & nociua producit. Comperio inter Scribentes vno tempore, vnam valuisse sententiã, & alio tempore contrariam prævaluisse: non miror; ille, cui omnia parent, & à cuius nutu omnia pendent, plura sapientibus, prudentibusq. abscondit, quæ reuelat paruulis. Matth. c. 13. Sunt maiores, sunt inferiores iudices, & qui minor est, veritatem meliùs aliquando inuestigat, l. potioris gradus, C. de off. rect. Provinc. & non rarò potest vnius forsan deterioris sententia, & multos, & maiores in aliqua parte superare, l. 2. §. sed neque ex multitudine, C. de vet. iure enucl. accidere igitur potest, vt si vno tempore pauciores multitudini non benè sentienti cedant; alio tempore à pluribus rem æquè benè pensantibus, subleuati superent: ait Sarnen. in reg. de trien. q. 5. vers. itaque. Hoc malum videri datum mortalibus in pœnam, vt eorum opiniones secundùm varietatem temporum senescât,

&amp;

& intermorianur : aliæq. diuersæ, vel prioribus contrariæ earum loco renascantur, & pubescant. ait Perf. sat. 5.

*Mille hominum species, & rerum discolor usus :*

*Velle suum cuique est, nec voto vivitur uno.*

Accidit aliquando, ut etiam qui prudentiores sunt alijs, vel rem non benè intelligant, vel minus deliberatè respondeant, Bellam. decis. 42. idè quorumvis opiniones sequi non tenemur, quando tales non sunt qui possint legè condere, & sua dicta ratione non probant, Gemin. conf. 142. num. 2. circa fin. & quando in contrarium apparent validiores rationes, etiam cuiusvis minimi Doctoris, Franc. in c. duobus, nu. 10. de rescript. in 6. non enim putamus verum, nisi vel quod lege fancitum est, vel quod ratione probatur, c. ego solis, 9. dist. sed hæc varietates, & mutationes opinionum, quia non nisi in difficilioribus contingere solent : idè Principes consueverunt in dirimendis perplexitatibus facti, in decidendis ambiguitatibus iuris, in dijudicandis Doctorum opinionibus, certum Iurisprudentum numerum præficere : illud enim cæsetur iudicium integrum, quod plurium sententijs confirmatur, c. extra conscientiam, 64. dist. c. prudentiam, 1. resp. in fin. de off. deleg. Et faciliùs inuenitur, quod à pluribus quæritur, c. de quibus, 20. dist. Et attenditur id, quod observatur ubi copia est prudentum, c. sicut nobis, de sent. & re iud.

XX. *Man.* Ergonè Decisionum Rotæ Romanæ auctoritas ex solo numero pendet?

Decisiones  
Rotæ Romanæ,  
quæ auctoritatè  
habent.

*Luc.* Non pendet earum auctoritas ex solo numero ; sed etiam ex personarum qualitate ; quia assumuntur  
Audi-

Auditores ex primarijs Urbibus diuersarum Nationum, & ex nobili genere, qui velut plantæ generosiarum arborum statim cum fructu sunt: & tanquàm benè nata ingenia, statim maturescunt, & ad frugem perueniunt. Non nominantur per alios, quàm per Vniuersitates, Principes, Reges, Imperatores. Non eliguntur per alium, quàm per Pontificem. Non admittuntur nisi præuio totius Romanæ Curiaë consensu, post peractum publicè periculum eorum ingenij. Non recipiuntur per Collegas, nisi factò particulari experimento eorum peritiæ. Qui cum tot testes habeant eorum virtutis, digni sunt; vt ab omnibus conspiciantur, & obseruentur. In leuibus negocijs non occupantur; student in difficilibus explicandis: tunc quando in Vrbe, in communi omnium patria, in omnium scientiarum hospitio, in præcipuo iurisprudentiæ domicilio, viri doctiores, & excellentiores, ex illorum ordine, qui, & Procuratoris, & Aduocati munere funguntur, congestis prius, discussisq. rationibus, quæ suam partem adiuuant, trutinatisque, & reiectis aduersis, rem Rotæ, quasi orbi perfectò, offerunt: tunc quando, informationibus partium benè examinatis, assumunt Patres, quæ potiora sunt; & reddunt vota per Turnum, componunt decisiones, & quasi in globum totam massam reducunt, & in causarum repropotione, eandem decisionem (si quid partes omiserunt) quasi incudine emendant, ignevè perficiunt. Præ oculis semper habent veritatem, & æquitatem. Non pugnant clausis oculis Andabatarum more. Virtutis eorum præmia sunt gradus sublimiores, ad quos pro

dignitate promouentur. Tanta est apud nos auctoritas Rotæ, quanta fuit Pithagoræ apud Pithagoricos; ut nullus non satis esse putet dicere, sic Rotæ definiuit, Grauat. ad Vestr. in praxi, lib. 2. c. 17. num. 3. In arduis Rotæ decisiones sequimur, sicut in tenebris lumen. Eas Doctores omnes, omnes Iudices in honore habent, tanquàm Doctrinas magistrales. Consilium Neapolitanum consuluit Rotam Romanam in quadam casu dubio, & secundum eius opinionem iudicauit, Afflict. decis. 351. num. 10. Nec mirandum est, cum ea sit tanquàm omnium Iurisperitorum auriga, & tanquàm Iuris lucerna totum illuminans Orbem, solita semper æquitatem amplecti, ut ait Franc. Viuius decis. 486. num. 13. Et non est locus in mundo Ecclesiasticus, ubi causæ ita benè terminentur, sicut ibi, ut experientia docet: & hoc facit copia peritorum, quæ ibi est; & disertissimus modus causas audiendi, consulendi, & decidendi, qui ibi habetur, ut dicit Bellam. decis. 37. circa finem. Iam verò Maure mi aduersperascit, colligamus sarcinas; & si quid superest ex eis, quæ huic studio legum obieciebas, breuiter repete, ut breuiter absoluam.

*Maure.* Quoad Ius Ciuile acquiesco. optimè intellexi, illud consistere in libris Iustiniani, velut in fonte publico: & in libris Doctorum, velut in priuatis vris ad faciliorem hauustum. Immortalis itaque sit Iustiniani gloria, qui hunc vberissimum fontem ciuilis sapientiæ construi fecit. Detur laus immortalis Iurisperitentibus, qui in constructione huius celeberrimi fontis elaborarunt. Immortalis sit honor Iurisperitentibus  
con-

consultorum, ex quorum libris Ius Civile desumptum est, quasi ea, quæ proprio studio collegerunt, ad publicum opus mutauerint. Numquam pereat memoria Glossatorum, & Interpretum, qui pro huius fontis expurgatione, & conseruatione inuigilarunt. Vnum ægrè fero, videlicet mutuas Glossatorum, & Interpretum detractiones.

*Luc.* In hoc etiam acquiesces. Hirnerius, ut dicebas, fuit lucerna Iuris: aliqui tamen dixerunt, ab eo tenebras legum initium sumpsisse. Hoc non officit: ab Hirnerio cæteri omnes plura didicerunt. Azo obiecit Placentino, quod in aliquibus somniauerit; eum tamen in pluribus secutus est. Odofredus deridebat summam Ioannis Bosiani; ex ea tamen plura collegit. Non desunt, qui Azoni obloquuntur: At omnes Azonem sequimur. Baldus aliquando reprehendit Bartolum; sed ut plurimum eius opinionem amplectitur. Sic Iuniores omnes, qui aliqua vetustiorum dicta carpunt, eorundem sententijs, proprios libros exornant: maxima laus est illorum, qui in paucis visi sunt errasse: maxima gloria est Scribentium, qui, ut se homines esse testentur, aliorum correctioni se libentissimè subijciunt.

*Man.* Memini legisse, quòd D. Hieronymus dicere solebat, inuidos libenter occultè legere, quæ publicè latrant; & eum solū malignantium linguas euitare, qui nihil scribit. Transeamus ad Ius Canonicum. Dicebam illud collectum esse in libris Decreti, & Decretalium, ex decretis Conciliorum, dictis Sanctorum, & Constitutionibus Pontificum; illud subiungebam,

Y 2 non

XXI.  
Glossatorū,  
& Interpretum  
mutuas  
detractiones  
Lucius excusat.

non minus, quàm Ciuile, varijs glossis, & commentarijs conturbari.

*Luc.* Iam verò quid dices?

**XXII.** *Man.* Non immemor eorum, quæ probasti, dicam, libros Iuris Pontificij, velut æquitatis Canonice fontes existere. Glossatoresque, & Interpretes, eiusdem æquitatis vbertatem conseruare, & augere.

Pontificij Iuris libros velut fontes canonice æquitatis Maurus agnoscit.

**XXIII.**

Leges non sūt tela araneæ, & non trahitur homo diuersis legibus in diuersas partes.

*Luc.* Tu itaque daturus operam legum studio, non dices ampliùs, leges telas araneæ; nisi quatenus, qui iuri præsent, rumperent vincula iustitiæ, & æquitatis nexus dissoluerent per sordes. Nec ampliùs existimabis, impossibile esse, vt homo diuersis iuribus, in diuersas partes tractus, omnibus obtemperet; quia, vt animal, ducitur Iure naturæ; vti rationale, trahitur Iure gentium; vti sociabile, dirigitur Iure Ciuili; vti Ciuis, regitur Iure Municipali; vti mortale, instruitur Iure Diuino; perficitur Iure Euangelico; custoditur Iure Pontificio.

**XXIV.** *Man.* Absit, vt tibi non paream. adhuc remanent duo ex ijs, quæ obijciebam. Doctores nunquàm videntur certi de eorum legibus; & litigatores semper sunt dubij de eorum iure.

Vnde accidat, vt Doctores aliquando certi non videantur de legibus.

*Luc.* Doctores illi tuti non sunt de legibus, qui libros legum rarò aperiunt. nesciunt quid iura velint, qui legum verba non considerant, nec perscrutantur earum rationes. non intelligunt quid glossæ dicant, qui earum dicta non perpendunt. ignorant quid Doctores firment, qui eorum argumenta non examinant. Qui studiosi sunt, & pollent ingenio, facillè percipiunt, quando verba legum pro-

propriè, vel impropriè, latè, vel strictè sint sumenda . optimè colligunt , quæ sit dispositionis ratio : & an sufficiat tacita , vel requiratur expressa : & an impulsua , vel finalis sit attendenda . optimè dignoscunt , an vna lex contraria sit alteri , & quomodo conciliari debeant inter se : & optimè iudicant , quæ ex diuersis Doctorum opinionibus æqua sit , quæ communis , & recepta . & faciliè discunt , quandò vel æquitas , vel rigor debeat præferri : quæ omnia , etiam tibi erunt facilia ; nisi debitam studijs operam negaueris .

*Man.* Non negabo , sed vt dicebat Horatius epistolarum lib. 1. epist. ad Sæuam .

*Non cuius homini contingit adire Chorintum .*

non æqualis est hominum potestas cognoscendi , & intelligendi facultas .

*Luc.* In omni arte , omniq. scientia datur plus , & minus : alij acquirunt scientiam sufficientem , alij mediocrem , alij eminentem . Periti in facilibus non errant : Peritiores non allucinantur in difficilibus : & in difficilioribus Peritissimi non deficient . Imperiti autem sunt illi , qui in facilibus dubitant , in difficilibus vacillant , & in difficilioribus obstupefcunt : tametsi Doctoris nomine appellentur , habeantq. sumptuosas bibliothecas .

*Man.* Non est citharædus , quisquis tenet citharam ; sed qui cithara rectè nouerit vti : at firmata Iuris dispositione , nonne difficultas sit in applicatione , vt dicebam ?

XXV.  
Cur fiat error in applicatione :

*Luc.* Quando factum ab vtraque parte ponitur pro constanti , tunc dicitur quæstio iuris ; at quando factum controuertitur , facti quæstio est , glos. in l. eum



tiam præoculis habeant; id, quod antiqui etiam admonuerunt, fabulantes, Themis Deam esse, quæ præciperet hominibus id petere, quod fas est. Alioquin quisquis sit, qui sententiam iniquam, iniustamvè extorqueat; non quiescit, adhuc pauet ne reuocetur appellationis remedio; ne rescindatur auxilio restitutionis; ne retractetur subsidio denunciationis Evangelicæ, quæ reparat ea, quæ sunt auxilio Iuris Ciuilis destituta, vt per Bart. in extrauag. ad reprimendam, in verbo, denunciationem, num. 7. ne quis scilicet indebitè rem contra conscientiam, & cum peccato retineat, contra præcepta Euangelica. Abb. in c. nouit, num. 32. & seqq. de iudic.

*Man.* Superest (& breuiter dicas) an lex humana imponat homini necessitatem in foro conscientie.

XXVII.

*Luc.* Dicam cum D. Thoma 1. 2. q. 96. art. 4. in resp. Leges positæ humanitus, sunt iustæ vel iniustæ. si sunt iustæ, habent vim obligandi in foro conscientie à lege æterna à qua deriuantur: dicuntur autem leges iustæ ex fine, quando scilicet ordinantur ad bonum commune: & ex actore quando scilicet lex lata non excedit potestatem ferentis: & ex forma quando scilicet secundum æqualitatem proportionis imponuntur subditis onera in ordine ad bonum commune. cū enim vnus homo sit pars multitudinis, quilibet homo hoc ipsum, quod est, & quod habet, est multitudinis. quælibet pars id quod est, est totius; vnde etiam natura aliquod detrimentum infert parti, vt totum saluet: & secundum hoc leges huiusmodi onera proportionabiliter inferentes, iustæ sunt, & obligant in foro conscientie, & sunt leges legales. Iniustæ autem sunt

nianus in §. fin. Instit. de satisfdat. dum ait, quòd omnia apertius, & perfectius quotidiano iudiciorum usu, in ipsis rerum documentis apparent. & Quintilian. lib. 12. c. 6. hanc rem explicuit, dicens; & hercle quàm tumlibet secreta studia contulerint, est tamen proprius quidam fori profectus; alia lux, alia veri discriminis facies: plusque, si separes, usus sine doctrina, quàm citrà vsum doctrina valeat. Nolo tamen, vt erres cum aliquibus nostrorum temporum scholaribus, qui prius praxim, quàm theoricam, vel saltem eodem tempore vnā, & alteram addiscere præsumunt; & postea neutram percepisse dolent.

*Man.* Non istos sequar; sed illos, qui recto student ordine: vellem, vt plura diceremus de personis; sed abiit dies.

*Luc.* Redibit, & dicemus.

*Man.* Ibo igitur, & latus redibo. Vale.



res illius utilitatis, quam suis legibus asserere profitetur.

*Luc.* Conuenit, ut qui leges tulit, sit legibus solutus, l. Princeps, ff. de legibus, ut scilicet tanquam supra legem possit rigorem remittere, ambiguitates interpretari, & restringere quaecunque vel temporis cursu, vel usu prauo relaxantur; non autem decet, ut latę legis ipse sit contemptor: si quidem digna vox est maiestate regnantis, se profiteri Principem legibus alligatum, dignumq. est submittere potius principatum legibus, quam principatui leges, l. digna vox, C. de legib. Immo nihil tam proprium imperij est, quam legibus viuere, l. 3. C. de testam. Durum nimis esset, ut quis eam legem alteri imponeret, quam ipse negligeret obseruare, c. pro illorum, de præben. ut meritò Sapiens monuerit, patere legem, quam ipse tuleris, c. cum omnes, de constit.

*Man.* Aquilę reginę auium, pullos, qui Solem nolunt intueri, damnant, & occidunt; hac, ut puto, ratione: quia ultra legem, quam illis ferunt, quòd Solis radios intueantur: eos etiam exemplo excitant, & ipsę infimul Solis fulgorem inconniuentibus oculis aspiciunt: & ut versu dicam:

*Dant Aquile legem pullis, vos cernite Solem,  
Et dant exemplum; nos quoque conspiciamus.*

*Luc.* Honestum est dare leges auctoritate, & exemplo: & tunc Legislator existimare debet, custodiendas fore leges latas, quando illis ipse reuerentiam præber, nec sibi licere patitur; quod alijs censuit prohibendū, c. iustum, 9. dist.

*Man.* At quis est, qui à Principe exemplum, legisve latę obseruantiam exigit?

*Luc.*

legis à Diabolo, cap. sexto die, 35. distinct.

*Man.* Et tamen omnes, statim vt promulgata est aliqua lex, de ea iudicant, de ea conqueruntur.

*Luc.* In humanis rebus vix fieri potest, vt quæcunque, quamuis optima sint, omnibus placeant. qui boni sunt, de legibus non conqueruntur: ipsi sibi metipsis sunt leges: & iura omnia tradita sunt, vt boni tuti sint à malorum iniurijs. at qui sunt mali, si resipiscere, & ad mentis sanitatem redire cupiunt, non est cur odio habeant leges, quæ non aliud curant, nisi vt corrigantur, & abstineant à malo, & tendant ad bonum: quod si obstinati sint, nolintq. salutaribus legibus acquiescere, incidunt in pœnas, nec digni sunt venia. Ferro necesse est vt abscindantur vulnera, quæ fomentorum medicinam non senserint, c. quia aliquanti, 82. dist. Oportet igitur, vt subditi pareant, & tunc tranquillè, & pacatè viuitur, quandò legum imperio quisque obtemperat.

*Man.* Fingebat Æschilus Poeta Græcus, Iouem suis legibus populi seruatorem, habuisse in uxorem Pitarchiam, idest Obedientiam; & ex eorum coniugio natam fuisse Euthargiam, idest Fælicitatem. Benè tetigit punctum iste vates; quia si Princeps satagit suis legibus consulere Ciuium saluti; & è conuersò, si Ciues Principis voluntati adhærere, & iussui consentire non negant, oritur in Ciuitate quies quàm maxima.

*Luc.* Non inuenio rationem vllam, quæ possit populos commouere, vt Principi contradicant; tamen si nò pauci reperiantur duræ ceruicis, qui non erubescunt Principi obfistere, Superiorem prouocare, Potentiorum laceffere, Leonemq. (vt vulgò dicitur) itimulare.

*Man.*

*Mau.* Leo est symbolum Principis, qui dormiēs apertis oculis indicat, gubernatoris vigilantiam; solus inter animalia clementiam in supplices exercet; solus parcat prostratis. Princeps solus parcat, & indulget. Leo, quia generosus est, & fortis, nullas pati potest iniurias; ita Princeps, quia potens, & generosus est, didicit superbos debellare; vnde monerem quemcunque hoc Disticon.

*Stat clemens, fortisq. Leo: si percussus illum;*

*Ictu pro modico vulnera restituit.*

*Luc:* Potentioribus nobis pares esse non possumus, l. 3. ff. de alien. iud. mut. caul. fac. sed mittamus homines istos contentiosos, nulli rationi cedentes, & veniamus ad Scriptores, & ad librorum Censores, secundo loco enumeratos.

IV.  
De Scrip-  
toribus.

Et quoad Scriptores negari non potest, quin magno hominibus fuerint adiumento celeberrimi illi Iurisconsulti, qui eorum ingenij monumenta posteris reliquerunt. Illi enim, qui suis interpretationibus, & commentarijs leges explicarunt, & protulerunt veros earum sensus; utique posteritatem seruarunt ab errore. Illi, qui suis tractatibus materias utiles, & varijs locis sparsas in vnum collegerunt, rectoq. ordine exposuerunt; utique minuerunt studiosorum labores. Illi, qui suis responsis, & consilijs docuerunt qualis debeat esse litium exitus; utique in similibus casibus iudicantium animos ad iustitiam direxerunt. Illi tandem, qui suis decisionibus contingentes casus definierunt; utique occasionē similium litium amputarunt.

*Mau.* Ad hoc propositum venit mihi in mentem fabula illa de Oedipo, & Sphinge, quæ tametsi vulgata sit,

fit, aliquid tamen noui ex eâ colligo, audi. Sphinx erat monstrum apud Thebas, insidebat scopulo viæ imminenti, proponebat transeuntibus ænigmata; interficiebat vnguibus, & alis eos, qui ænigmata non dissoluebant. transiuit Oedipus, ille scilicet filius Thebanorum Regis, quem pater tradidit pastori occidendum, ex quo intellexerat ab Oraculo Apollinis futurum, vt à filio occideretur; sed pastor misericordia commotus, gladio perforauit plantas pedum pueri, & vimine transiecto suspendit ad arborem, vt inedia moreretur: at quidam pastor Corinthiorum Regis illac iter faciens, audito vagitu puerum seruauit, & donauit Reginæ suæ, quæ filiis carebat, à qua velut puer cælitus missus, filij loco est educatus, & appellatus Oedipus à pedibus vulneratis. Iste igitur Oedipus transiuit, & Sphinx ei proposuit hoc ænigma, quodnam animal mane quadrupes, meridie bipes, vespere tripes esset: respondit Oedipus, hominem esse, qui in infantia non valens incedere, repit manibus, & pedibus, velut quadrupes: maior factus, nullo egens adminiculo, solis pedibus ambulat, velut bipes, sed ingrauescente ætate, scipione indigens, tripes esse videtur. Oedipus liber exit, Sphinx verò ægrè tulit ænigmatis dissolutionem, & statim se de saxo præcipitauit. Hinc dico magnam laudem Oedipus meruit, quia soluit ænigma, & seipsum seruauit. sed multò maiorem consecutus fuit, ex quo cæteros illac transiuros à duris ænigmatibus præcipitatz Sphingis liberauit. Igitur Viri illi celebres, Qui optimè leges intellexerunt, Qui doctè in rebus dubijs consuluerunt, Qui rectè in iudicijs definierunt, digni fuerunt magno honore.

nore. At illi Qui suos labores, simul cū ipsis nō permiserunt mori; Qui non satis putarunt suæ ætati consuluisse; Qui studiorum suorum posteritatem etiam participem esse voluerūt, proculdubio maiore digni sunt laude, & reuerentia.

*Luc.* Parum sanè est sibi soli studere; & aliquid ita præstare, vt breui tempore sit periturum.

*Man.* Conuenit nè, vt quisque studiorum suorum monumenta edat?

*Luc.* Multa sunt, quæ pro cuiusque vsu sufficiunt, non tamen digna sunt, vt alijs commodentur, & subijciantur omnium conspectui. Dauus ille Terentianus (vt ego etiam aliquid ex relata fabula colligam) aiebat, Dauus sum non Oedipus, actu 1. scena 2. in Andria. significare volens, nō omnes ad obscuriora intelligenda, & clarè explicanda idoneos esse. Oedipus in arborem, in altum fuit eleuatus, & perforatis pedibus, non nisi cunctanter potuit incedere; ideò homines illi, qui nunquam in altum se eleuarunt, quiquè mediocri ingenio non nisi vulgaria quædam, & parum consideratè, & tumultuario congesserunt, non est, cur illa edant; non est, cur Oediporum laudes emulentur.

*Man.* In scribendo multa nè sunt attendenda?

*V. Luc.* Duo, quid scilicet docendum sit, & quomodo. primum respicit inuentionem, alterum dispositionē.

*Scribentes, quæ obseruare, & vitare debeant.*

*Man.* At hæc duo multò plura fortasse continent?

*Luc.* Primum aliud non continet, quàm vt vera, & vtilia doceantur, omittantur quæque vulgaria sunt, & insipida: & ea præcipuè tractentur, quæ ad rem pertinent, vel saltèm cohærent rei, de qua agitur: quæ-

quæcunque autem extranea sunt; non pro cibis, sed pro condimentis; non ad satietatem, sed ad gratiam apponantur. Studium sanè detestandum esset, quando falsa, vel erronea docerentur. Inutilisq. & permolestus esset labor, si ab alijs scripta rescriberentur; vel si indubitata traderentur. At indiscreta res esset, vbi cumularentur, & miscerentur plura extranea, quæ maiorem operis partem vendicarent, præcipuamq. materiam longè excederent.

*Man.* Perindè esset, ac si ab extraneis occupata maiori parte domus, iaceret præcipuus Herus in angulo. Sed alterum in quo consistit?

*Luc.* In duobus, in ordine scilicet, & elocutione. Ad ordinem pertinet, vt omnia suo loco collocentur, non præmittantur, quæ postponenda sunt: nec reijciantur in finem, quæ ante omnia debent explicari. Ità distinguendæ sunt materiæ, congruisq. locis; & sedibus disponendæ; vt vna ad alterius intelligentiam conducat: ne aliàs, rebus confusis, & indistinctis, vnumquodque prorsus ignoraretur.

*Man.* Sententiam probò; quia non est ponendus currus ante boues; nec debet confundi acetum cum vino, milium cum fabis, vetia cum leguminibus: & dolia quæ collocanda sunt in cella vinaria, indecorum esset transferre in cubiculum. Sed ad elocutionem quid pertinet?

*Luc.* Vt vna quæque res congruo sermone explicetur. feruntur leges, vt ab omnibus obseruentur; ergò tali concipiendæ sunt dicendi genere, quo ab omnibus intelligantur. Eduntur libri, vt Lectores discant; ergò quæ docentur, exprimi debent claro, &

Z vsitato



vſitato ſermone, vt ſciri poſſint: itaut nihil obſcurum, nihilq. ambiguum remaneat. in lege nihil magis deſideratur, quàm claritas, l. leges ſacraſſimæ, C. de legibus; c. fin. de conſtit.

*Mau.* Doctores legum acriter reprehenduntur, quòd ineruditè, & barbarè locutiſint; omiſſa prorsus ea dicendi elegancia, qua reſponſa prudentum concepta ſunt, & qua etiam editæ fuerunt Conſtitutiones Imperatorum.

*Luc.* Eadem Iura eiſdem temporibus, quibus emanarunt, clara erant, & vſitato ſermone prolata; at noſtris temporibus propter linguarum varietates, & mutationes idiomatum, difficilia reddita ſunt, & obſcura. Non eſt igitur reprehenſionis locus, dum agitur cum hominibus iſtius temporis, quorum maior pars non olfecit illius elocutionis ſuauitatē; eo tempore vſitatam, & minimè affectatam: dumq. antiqui ſermonis difficultas ſoluitur, & explicatur clare, & vſitato ſermone. Antiquis etiam temporibus præcipiebant Sapientiores, vt quiſque viueret moribus præteritis, & loqueretur verbis præſentibus, vt ait Aul. Gell. lib. i. noſt. actic. c. 10. Et in libro Edictorum Iuſtiniani, & Conſtitutionum Iuſtini Tiberij, & Leonis Auguſtorum, legitur in Conſtit. 77. de falſariorum pœna, Leonem Imperatorem ſcribentem ad Stihanum, dixiſſe in hæc verba. Non arcana quædam ſanctiones legis ſunt, vt à multitudinis intellectu remotæ eſſe debeat; ſed potius, ſi fieri poſſet, neminem illas latere, neque virum, neque puerum, neque mulierem oportebat: quippè quod id ad hominū mores in melius cōuertendos, cōmunisq. vitæ vtilitates, vel maximè cōduceret.

*Mau.*

*Man.* In hanc quæque opinionem descendo, considerans, quòd si mihi nocte ambulanti, quis accensa face obuiam veniret; & statim atque pollicitus esset, me adducere quò tendebam, lumen extingueret, ei non parum succenserem : quòd eisdem tenebris cæcus cæcū ducere vellet; vt ipse non viderē, quid ille mihi ostenderet; simulq. quod mihi demonstraret, ipse ignoraret.

*Luc.* In verbis doctrina non consistit, sed verbis traditur : ignotum autem non docetur per æquē ignotū, minùsq. per ignotius ; & paria sunt nihil respondere , & respondere obscure; nihil interest neget quis an taceat interrogatus ; an obscure respondeat, vt incertum dimittat interrogatorem, l. de ætate, §. nihil, ff. de interrogat. act.

*Man.* Non desunt qui putant, obscuriore stylo tractandas esse scientias, & artes ; ne eas passim omnes assequantur .

*Luc.* Manifestum inditium esset animi inuidi, & proditoris ; si data opera, is qui docere profiteretur, rem difficiliorem redderet ; & discendi cupidos magis deterreret , & à studio repelleret .

*Man.* Omni sanè reprehensionis genere arguendus, & increpandus esset is , qui inuitatis amicis ad cœnā, apponeret studiosè crudas, vel semicoctas carnes ; ne discumbentes manducare possent ; vel saltem ne comederent sine difficultate, & molestia .

*Luc.* Omnia tractanda sunt ex fide ; & in omnibus querenda est Discipulorū utilitas ; & in cuiusvis artis facultate tradenda, non difficultas, non obscuritas, sed claritas, & facilitas requiritur, vt animi dociles citò percipiant, & percepta conseruent.

*Mau.* Adhæreo: & dicaces illi, illi operum omnium derisores, qui secus sentiunt; hauriant sua spontè turbidas aquas; voluant se in horroribus noctis; nihil ad illos claritas, nihil lux ipsa pertineat.

*Luc.* Etsi autem clarum, & vsitatum dicendi genus in legibus tradendis, & explicandis, adhibendum sit; non tamen quilibet sermo sordidus, & demissus admitti debet: nam obscura quæque possunt explicari stylo facili, & polito: à rudi autem, & iniucundo debet quisque abstinere. Et quia legum scientiâ eminet inter alias; non nisi pro dignitate, non nisi rectò eloquio doceri, & tractari debet.

*Mau.* Si rudi, & barbaro sermone leges traderentur, & explicarentur, perindè esset; ac si lauti, pretiosi. cibi in vasis cæno conspurcatis, præpararentur, & mox in alijs luto commaculatis apponerentur. sed aliud quæro, an scilicet sint aliqui abusus in scribendo.

*Luc.* Tres sese offerunt. Vnus est eorum, qui ab alijs inuenta, vel alio loco tractata transcribunt; & quasi ex agris alienis omniû herbarum fasciculum faciunt, & in horreum proprium congerunt, & absque ingenio in lucem proferunt. Alter est illorum, qui quodcunque efficiunt proprio ingenio, pulchrum existimant, & sibi nimium cõplacentes, & philautia decepti, vllò absque consilio edere volunt: cùm tamen quodlibet opus lucernam prius olere, prius peritorum approbatione deberet expectare, antequam prodiret. Postremus est aliorum, qui in titulis, & inscriptionibus librorum, ingentia pollicentur, in libro autem, aut nihil præstât, aut parum, quod vel vtile sit, vel ingeniosum, vel quod ad rem promissam attineat.

*Mau.*

*Man.* Contra Transcribentem quæ ab alijs inuenta, & scripta sunt dicere quod de Formica, quæ vtiliter grana colligit pro se; sed inutiliter ea colligeret pro alijs animalibus, quæ alibi per se maiore copiâ possunt habere.

*Est prudens Formica, sibi quæ grana reponit:*

*Imprudens, quæ alijs pabula ferre putat.*

Et contra præcipitâtes editionem operis parû elimati, dicere prout de Cane, quæ festinâs cæcos parit catulos.

*Expectare Canis non vult, vult edere partum:*

*Ede Canis? quid tum? cæcus erit catulus.*

De illis autem, qui nihil exhibuerunt dignum promissis, dicerem vt de Fulica, quæ tanquam paritura sit totum mundum, parturiens parum plumæ, & parum quid insipidæ carnis vociferatur.

*Parturiens Fulica ingentes, dat Aridula voces:*

*Plumosus pullus nascitur exiguus.*

At quoniam satis intelligo, ea, quæ eduntur ingenio inuenta, ordine disposita, facili explicata, studio elaborata, consilio approbata, digna esse, quæ ab omnibus excipiantur summo cum honore, summaque cû laude, & reuerentia; nunc deueniendo ad Censores, dic quæso, vnde sit, vt plures de libris etiam benè dispositis, & cunctanter editis, malè iudicent?

*Luc.* Triplex istorum hominum genus constituo: vt alij sint indocti, alij docti, medij verò sint quasi semidocti. De indoctis, & imperitis curandum non est, dicant quod lubet, neminem afficiunt; non iudicat cæcus de colore; laus provenit à laudato viro; sine dentibus quis non mordet.

*Man.* Dicam ergo de istis, quod de Muscarum vellationibus.

VI.

De Censoribus librorû.

*Nemo est, qui pereat, quamuis uolet undique, morsu  
Et cunctos tangat, paruula Musca, suo.*

Sed non ità dicemus de doctis:

*Luc.* Ex doctis plerique sunt, qui plus sapere, plus  
castigare volunt, quàm par sit. Perlecto aliquo libro,  
si plura subtilia, & ingeniosa videant, parui faciunt:  
si quid erratum sit, carpere nunquam desinunt:

*Mau.* Dicam de istis, vt de Sue, qui spretis floribus se  
inuoluit etiam paruo luto.

*Cultum percurrens, omissis floribus, agrum;*

*Sistit, cœnosam, Sus ubi tangit aquam.*

Veniamus ad semidoctos.

*Luc.* Ex istis multi sunt, qui ne videantur nihil scire;  
sed vt irrepant in aliquam vulgi opinionem, vt in  
admirationem amicorum se intrudent; semper se of-  
ferunt pugnaturos cum egregio hoste; semper aliena  
virtute sibi laudem comparare contendunt. Isti igi-  
tur, vt librum aliquem, nuper editum, legunt, modò  
vnum mordent, modò aliud: sistunt in vno, quasi id  
melius ipsi fuissent dicturi: sistunt in alio, quasi id  
alibi melius dictum perlegissent: & cum ipsi nihil in-  
uenire, aut in lucem proferre valeant, alienis labori-  
bus insidiantur.

*Mau.* Sunt velut rustici Canes, ad venatum inepti, qui  
post venatores; post venaticos Canes, vt ipsi etiam vi-  
deantur aliquid posse, baubari nunquam desistunt;  
& vt Carmine explicem.

*Infecto naso, nullis venatibus aptus*

*Larrat, vel mordet, rusticus ille Canis.*

Sed dic quæso, si possint aliquo ingenio euitari isto-  
rum criticorum dicacitates?

*Luc.*

*Luc.* Mos inoleuit dedicandi libros viris celeberrimis, quorum auctoritatem, & maiestatem censores timeant; haud tamen sufficit, praesertim ubi sit, quod morderi possit. Opinor ego veteres illos non alia ratione, inter suos Deos posuisse Momum contemplantem opera aliorum Deorum, & carpentem quicquid ab eis fuisset omissum, vel perperam factum, nisi quia sciebant, neminem fore, qui iudicialium, & nasutorum censuras possit euitare. Dedicant Scriptores editos libros viris virtute, & dignitate praestantissimis, ut eorum sint velut Dij tutelares; sed res non succedit ex voto: oppugnabantur etiam antiquitus Vrbes illae, quae Deos tutelares habebant; idque oppugnatores agere didicerunt absque Deorum contemptu: eos enim (ut fertur) euocabant certis carminibus, & rogabant, ut foras exirent; ne cum illis bellum susceptum videretur.

*Man.* Si dicturus sim quid sentiam; non omnino inutile est id hominum genus; & aliquandò necessarium videtur, ut sint, qui ambitioforum arrogantiam deprimant, & auertant. Sed in causa propria, de Lectoribus, & Scholaribus, tertio loco propositis, quid dicemus?

*Luc.* Nihil quod veritati, & honestati non conueniat. Quantam vniuersitatibus vtilitatem afferant legum professores; quantam praecipuis Urbibus gloriam addant legum Interpretes, testis sit Iustinianus Imperator, qui eorum Cathedras constituit in solis Urbibus regijs, in quibus voluit Iura tradi, & non in alijs locis, quae à maioribus tale priuilegium non meruerunt, §. haec autem tria, in proœm. Digestorum. Testes

VII.

De Lectoribus, seu publicis legum professoribus.

sint noſtrorum temporum Principes, Duces, Reges; qui maximam ſemper adhibuerunt diligentiam in erigendis, conſeruandis, augendisq. publicis Gymnaſijs: maximamq. exercuerunt liberalitatem in conducendis viris celeberrimis ſummo cum honore, & emolumento.

*Man.* Sunt tamen, qui putant hodiè in tanta librorum copia ſuperuacaneum eſſe laborem iſtorum legum Interpretum.

*Luc.* De quauis re ſemper aliud iudicat imperitus oculus, & aliud artificis regula: Dum rudes ſumus, non ſufficiunt libri; non habemus à natura ſcientià, ſed ſolam aptitudinem ad ſciendum. Non habent agri inſita frugum ſemina, ſed ſolam diſpoſitionem ad fruges producendas. Non ſufficiunt ſola vaſa feminibus plena, ſed opus eſt Agricola, qui ex ſuis vaſculis eam ſeminis portionem ſumat, quæ conueniat agro, quem priùs diligenter excoluerit. Non igitur ſufficiunt tradita in libris: ſed opus eſt Præceptore, qui ſtudio, & diligentia ex libris tantum ſumat, quantum nec eſſarium ſit diſcere volenti. Nulla doctrina poteſt haberi ſine Præceptore. Et iſi prius voce magiſtra didicerimus, impoſſibile eſt, vt libros intelligere valeamus. Quando verò eruditiores facti ſumus, proſunt quidem libri ſine Præceptore: ſed non irà, vt lectionem præferre debeamus auſcultationi. Quin immò Sapientiores omnes conſuluerunt, meliùs eſſe auſcultare, quàm legere; vbi Præceptoris ſit copia; tametiſi mediocri ſit eruditione: Acriora ſunt, quæ leguntur; ſed altiùs in animo ſedent, hærentq. tenaciùs, & promptiùs occurrunt, quæ pronuntiatio;  
vul-

vultus, gestusq. dicentis affigit. Continent libri plura, & eruditiora, & quasi Præceptores indefessi, nunquam grauantur suam nobis operâ impertire: ita, vt quod ingenij celeritate nequimus, laboris assiduitate consequamur. Possumus in libris singula pressius inspicere, retractare, & expendere. At quoniam sunt muti magistri, non respondent nobis dubitantibus, & nulla facta virium nostrarum exploratione, plura tradunt, eaq. difficiliora. vndè faciliè eueniret, vt dubitationibus confusi, & rerum copia perterriti, omni procul Præceptoris auxilio, deficeremus.

*Mau.* Hunc defectum librorum non videntur Doctores supplere in Scholis; quippè qui solent quasdam quæstiones ferè inutiles ad partes disputare, & totum tempus contere in reiiciendis aliorum opinionibus, & nouis struendis, & firmandis.

*Luc.* Omnia lura clamant, maiorum mores iunioribus sacrosanctos esse debere; maiorum moribus viuendum: fidelissimæ vetustatis mores retinendos. Verustissimus est mos disputandi in Scholis, & confutandi communes opiniones, excogitandiq. singulares; hoc more seruato maiores nostri didicerunt, profecerunt, excelluerunt. Non est igitur contradictioni, reprehensionivè locus. Non consumitur tempus in Scholis, dùm Lectores in confirmanda vna, & reprobanda alia opinione vtuntur lege, ratione, & auctoritate. Non perdunt operam Scholares in publicis Gymnasijs, dùm attentè audientes Lectorem disputantem, notant modum soluendi contraria, ponderant sensus legum, eoque duce limitant regulas, & excitato ingenio limitationes ponderant, considerant  
distin-



distinctiones, declarationes examinant. Non aliò consistit hæc legum professio; non aliò versantur Doctores, quàm in intelligentia legum, & earum applicatione ad contingentes casus, & in responsione ad opposita, & in dijudicando, conciliandoq. opiniones. Ductores militum non sat habent, si tympani sonitu milites euocauerint, si milites stipendio conuento arma sumperint; sed insuper eos ficta quadam pugna, quotidie conantur exercere. Inutilis fortè aliquibus videtur illud fictum præliolum, quo hostis non capitur, nec expugnantur arces; sed vtile est exercitium, vt ad militiam vnusquisque assuescat. Nihil sanè, aut parùm prodesset Scholari, percurrisse libros Institutionum, Digestorum, Codicis, & alios, nisi publici Lectores eorum animos, & ingenia primis elementis, quasi armis assumptis, ad disputationem deindè excitarent, & acuerent: eueniret enim, vt si in contradictionem aliquam, in aliquamve contrarietatem inciderent, siuè in Scholis, siuè in Iudicijs, quasi improviso hoste inuasi, caderent, & metu deiecti nunquam exurgerent.

*Mau.* Sic fabulantur de Vulpe, quæ vt vidit Leonem, quasi metu cecidit; sed vt secundo conspexit, non multum timuit; terriò autem, omni timore postposito, accessit, & animosè Leonem allocuta fuit. Sed si res ita se habet, vndè euenit, vt ex multis, qui ad Gymnasia conueniunt, pauci discant, & pauciores excellant.

VIII.  
De Schola-  
ribus.

*Luc.* Non æquè dispositi sumus, & apti omnes ad quodlibet studium, ad quamlibet scientiam, vel artem. Agri, etsi eiusdem sint naturæ, & continentis soli,

foli, non apti sunt omnes ad eodẽ fructus producendos; proferunt sæpè diuerfos quantitate, vel substantia. Sunt igitur aliqui, qui exploratis proprii ingenij viribus, vel recedunt, vel perdunt operam genio refragante. Sunt alij, qui se ita incautè gerunt, vt cum iactura temporis, cum honoris detrimento in Sirenum scopulos incidunt.

*Man.* Viperarum exemplo isti discere deberent: nam in coeundo (vt aiunt naturales) mas caput in os fœminæ immittit, eoq. dentibus confraeto, statim perit; & ideo hæc Disticon monebo condiscipulos meos.

*Mas coit, & moritur, rabida dulcedine tacta,*

*Dum caput oblatum, Vipera dente ferit.*

Non tamen omnes incidunt in istos laqueos.

*Luc.* Verum dicis. At alij sunt, qui vel ludo, vel crapula consumunt tempus, libros, vestes, & tandem semetipsos.

*Man.* Quos nouero hisce rebus propensos, monebo exemplo Muris.

*Mus rodit vestes, libros, semperq. ligurit,*

*Ad mortem breuius, sic sibi pandit iter.*

Quid modò dicemus de illis, qui patriam reperunt laureati?

*Luc.* Illi, quos à labore ociosus lectulus non prohibuit, non deterruit frigus, æstus non auertit: illi inquam, quos à studijs voluptates non abduxerunt, non seiunxerunt à libris, non remouerunt ab Academijs, & vtilibus exercitationibus, suscepta corona; læto animo reuertuntur; reuersi recipiuntur hilari Conciuium vulku; illisq. offeruntur munera, & parantur honores in Republica. At qui recedunt ignari, perpetuò

petuò silent, & quæcunque audent, ineptè agunt non sinè risu, & contemptu. Iacent quasi inutilia, & mortua Reipublicæ membra.

*Mau.* Istos assimilarem Simiæ, quæ si quid agere tentat, excitat risum, & perperam agit. Habet nihil in se, quod valeat, pellis, caro, ossa, nullius sunt usus. Hoc dicam versu.

*Nascitur ad risum, stat Simia rebus inepta;*

*Pellis eius, carnes, & nihil ossa valent.*

Occurrunt quarto loco Iudices, & Notarij.

**IX.**  
De Iudici-  
bus.

*Luc.* Iudicium necessarium est inter homines, ut exorientes controuersia, lure, non iniuriâ dirimantur; sed quasi æquitatis, & iustitiæ libra, dignoscatur quid præualeat; an ius actoris, vel rei; an actio, vel exceptio; explorata tamen priùs, quasi ad indicem, facti veritate; discussa scilicet instrumentorum fide, discussis testium dictis. Duo itaque præcipua requiruntur in Iudice, Scientia, & Integritas. Sola virtute, non fautoribus ad munus iudicandi quisque debet promoveri. Olim apud Romanos, qui magistratum erant petitori, induebant togam candidam, ut colore tam puro, & minimè inquinato sincerum affectum in petendo ostenderent, & animi candorem in gerendo officio se omninò seruaturos pollicerentur.

*Mau.* Quid agitur nostris temporibus.

*Luc.* Deferuntur hæc munera per electiones, vel Vniuersitatum, vel Principum, & non nisi priùs eorum, qui proponuntur, qualitatibus cognitis, & examinatis.

*Mau.* Sed quid, si aliquis promissam fidem, & integritatem non præstet?

*Luc.*

*Luc.* Recipit digna factis.

*Man.* Si quis verò solo emolumento contentus, oneri cedat, quid euenit?

*Luc.* Aufertur vtrumque, munus, & onus; cum vnum sit propter aliud.

*Man.* Addo iucundam rationem. Iudices eliguntur: electio, ut plurimum, sit per fabas; ergo is, qui eligitur quodammodo fabas comedit. At quoniam fabæ sunt ventosæ, & stomacho molestiam afferunt, sequitur, ut qui ad iudicandi munus eligi voluit, paratus etiam sit officij suscepi incommoda sustinere: audi versus.

*Quisque fabas avidus comedit, sed cogitur inde,*

*Inflati ventri tormina quisque pati.*

*Luc.* Aut nulli sunt, aut pauci, qui laborem iudicandi recusent. Audiuntur quidem multi conquereutes de ludicibus, quòd causas non expediant; sed audiuntur etiam plures lamentantes, quòd sententiæ fuerunt præcipitæ, & processum fuit nimia cum festinatione: si damnosa est cunctatio, periculosa est celeritas; in definitione ergò maturitas; in executione verò facilitas exigitur. Iuuat tamen aliquandò, rem potius in longum proferre, quàm cum aliquo periculo explicare. Legitur, quòd cum inter Calidonios, & Eleos quædam lis esset, vtrique detulerunt rem ad arbitrium Bunæ Atheniensis; & conuenerunt, ut à manibus temperarent; donec ille de negotio pronunciaisset: quod ubi sensisset Bunas, de industria audiebat quidem vtramque partem; cæterum per fictas occasiones rem in longum distulit, nec vnquam de lite voluit pronunciare. Profuit hæc mora, qua durante impeditus remansit furor armorum; sed hoc fieri

fieri potest, vel ab Arbitro, vel à Principe absoluto: cæteri autem Iudices hoc tantum curare debent, vt rectè proprio fungantur officio.

X.  
Iudex an pos-  
sit esse illi-  
teratus.

*Man.* Circumferuntur quædam de Iudicibus axioma-  
ta, quæ prædictis parum videntur conuenire. Vnum  
est, quòd Iudex potest esse illiteratus. Alterum, quòd  
nequit iudicare secundum propriam conscientiam.  
Tertium, quòd non potest inducere partes ad concor-  
diam. Postremum, quòd potest gratificari amico.

*Luc.* Laborem, quem tui causa suscepi, & sustinui, non  
debeo suprema die ægre ferre; hosce etiam scrupulos  
libenter tollam.

Ad primum non debet dari Iudex, qui per se non  
potest cognoscere, quid iustum sit, & qui necesse ha-  
bet aliundè emendicare iudicandi honestatem; & ab  
alijs discere, quid eum deceat eloqui iudicando. Offi-  
cium autem, & administratio habens inter alias cu-  
ras annexum onus iudicandi, committi, & dari po-  
test etiam non habenti legum peritiam; quippè qui  
eam iudicandi partem, per alium poterit explicare:  
exempli gratia, Administratores Principis, Præsides  
Prouinciarum, Gubernatores Ciuitatum, etiam si le-  
gum scientia careant, tamen vti detenti alijs curis,  
iudiciorum complent partem per suos Consiliarios,  
Assessores, seu Locatenentes, explicantes ea, quæ le-  
gum sunt, Auth. de Iudicibus &c. in princ. collat. 6.  
sic etiam Magistris militum concessa est iudicandi fa-  
cultas, vt de eis, quorum peritiam habent per vsum  
quotidianum, iudicent; altercationibus autem illis,  
quæ eorum peritiam excedunt, mediantibus Consi-  
liarijs, & Peritis finem imponant, l. certi iuris, C. de  
iudic.

iudic. sic etiam partes compromittunt quandoque in amicum illitteratum, ea tamen conditione, ut questionem finiat consilio Sapientis. Vnde nunquam datur casus, quod imperitus ex se imperitè debeat iudicare, & statuere, quid Iuris: causæ enim tractandæ sunt per eos Iudices, qui Canonum, Legumve statuta non ignorant, c. 1. de consanguin. & affinit.

*Mau.* Monstruosa, ac penè ridicula res esset, quod Iuris imperitus vellet de iure respondere, & iudicare: & si quem viderem hac similitudine deriderem.

*Est risu dignum, citharam si pulsas Asellus,*

*Vult animos grato, qui refouere, sono.*

Veniamus ad secundum.

XI.

*Iudex an possit sequi propriam conscientiam.*

*Luc.* Iudex est persona publica, non priuata; publicam ergò sequi debet conscientiam, non priuatam. Ex publicis actis publica scientia, ex priuatis suggestionibus priuata nascitur. Ideòq. bonus Iudex ex proprio arbitrio, & voluntate nihil agit; sed opinionem suam concipit, & confirmat, iuxta legum dispositionem: obtemperat Iuri, non propriæ voluntati: iudicat sicut audit, decernit sicut se habet natura negotij, non aduersatur legibus, examinat causæ merita, eaq. non mutat; c. iudicet. 3. q. 7. & ut dicitur in c. summopere 1. 1. q. 3. exercentes publica iudicia, non ex eorum corde, sed secundum quod probatum est, sententiam debent proferre. Damnabilis sanè videretur Iudex velut prodigus suæ famæ, & proprii persecutor honoris, si contrà scientiam, resultantem ex actis, & contrà iustitiam probantis; auderet pronunciare, & se excusare ratione priuatae conscientia. Quinimmo non alia de causa præsumeretur iudicium suum

suum disposuisse, nisi vel per gratiam, vel per sordes.

*Mau.* Ego etiam excandescerem contra huiusmodi Iudicem, & metro exprobrarem.

*Publica libra datur, qua possim pondus habere  
Iustum; tu sensu vii numerare tuo?*

Sæpe errat quisque ducitur solo animi sui motu, & non rarò vnum sumit pro alio, æquiuocat sæpius.

XIII.  
Index non  
debet affe-  
ctu moueri.

*Luc.* Ratione, Lege, & Probat is quisque Iudex moueri debet, non propria Conscientia, minusq. proprio Affectu: & boni Iudices odio habent multiloquia, & quæcunque possunt affectum mouere fugiunt, & præcauent, exemplo Areopagitarum, quorum iudicium exquisitissimum Athenis habebatur. Illi, vt refert Quintilianus lib. 6. prohibuerunt Oratoribus, mouere affectus, quibus Iudicum animi à veritatis luce sæpe numero abducuntur: & dum aliquis audiebatur rem exaggerare ad conciliandos eorum animos, statim prohibebat præco, qui eum tacere iubebat; nec vltra sinebat eum verba fundere; nec rem de qua agebatur verborum in volucris implicare: volebant enim facta, nuda, & aperta cernere, & intelligere; & noctu, & in tenebris solebant iudicare, ne ad dicentes respicere possent, sed ad ea quæ dicebantur; vt etiam refert Budeus in annot. ad pandectas fol. 90.

XIII.  
Muneribus  
Iudex trahi  
non debet.

Similiter boni Iudices munera contemnunt, & respuunt exemplo Balaam, qui vt legitur Num. c. 22. ad nuncios missos per Balac respondit. Si dederit mihi Balac plenam domum suam argenti, & auri, non potero immutare verbum Domini Dei mei, vt plus, vel minus loquar: Et Gentiles benè cognouerunt

runt, dulce esse accipere, sed periculosum: dictabant enim, munera hanc vim habere, ut Deos etiam flecterent. Animaduertendum est etiam, quod aliquando veniunt dona ab aliquo, tanquam ab hoste, quæ solent esse inauspicata, & noxia. Legitur apud Homerum, Iliados lib. 7. de Hectore, & Aiace, quod dona inter se, amici facti, permutarunt; Hector donauit Aiaci gladium, Ajax Hectori dedit balteum. Ajax victus ab Ulyssæ, eodem gladio dono recepto, sibi vitam ademit. Hector per occasionem baltei occisus est ab Achille iuxta muros Troianos. At ubi non sint noxia, sunt tamen permolesta munera Litigatorum, qui petitores sunt, non donatores.

Alterum etiam præcauent boni Iudices, ut integritatem seruent, omnemque suspicionem tollant. Non admittunt quemlibet in familiaritatem, sed diligunt, quem diligant. Non desunt qui siuè Iudicium, siuè etiam Principum se familiares, immo patronos profitentur, & gratiarum venditores sese offerunt, & exponunt cuilibet de populo: coram Domino autem se obsequentes, humiles, & zelantes præbent, & dissimulant. Zoticus, ut narrat Helius Lampridius in vita Æliogabali, familiaritate Imperatoris abutens omnia Æliogabali dicta, & facta vendebat; & fumis quam maximis diuitias enormes sperans, cum alijs polliceretur, omnes fallebat; & quando exhibat modò alloquebatur vnum, modò alterum. vni dicebat de te hoc locutus sum; alteri de te hoc audiui; alteri verò hoc de te futurum est. Aliud autè tristius exemplum refert idem auctor in vita Alexandri Seueri, nempe de Vetronio Turino eiusdem Alexandri fa-

A a

miliari,

XIV.

Non debet  
Iudex admit-  
tere quemli-  
bet in suam  
familiarita-  
tem.



# 179 NONVS, ET VLTIMVS

militari, qui omnibus persuaserat, quòd ad nutum suum omnia Imperator faceret: à nemine non petebat, accipiebat ab utraque parte. Detecto crimine, eoq. probato, Imperator præcipit eum ligari, & fumo apposito, quem è stipulis, & lignis humidis fieri iusserat, necavit, præconie dicente, fumo punitur, qui vendidit fumum.

**Mau.** Audi Carmen de Psittaco satis conueniens in huiusmodi ostentatores.

*Psittacus autè fores loquitur, non Regis ad aures,  
Et verbis homines detinet ipse, leues.*

XV.

Iudex cum consilio, & maturitate debet procedere.

**Luc.** Boni igitur Iudices, iustitiæ cultores, obseruatores legum, affectuum expulsores, contemptores munerum, simulancium hostes, non intelligunt vnquam stateram iustitiæ transgredi, nec quidquam facere præter ius, & æquum. Ideoq. videre volunt acta, iura, & testes; nec sat habent relata auribus audire: optimè scientes, quòd minus fideles hominibus sunt aures, quàm oculi. Si audiunt partes, eas patienter ferunt, cum ingenio tamen, ne contemptibiles esse videantur, vt admonet text. in l. nec quicquam, §. vbi decretum, ff. de off. Proconsulis, & Legati: & vbi causa cognita, discussisq. causarum meritis sententiam ferunt, omnem iusta querimonie causam adimunt, & occasionem.

**Mau.** Habeo promptam similitudinem de Boue.

*Bos qui non currit, sed querit cautius ire,*

*Non se, non quemquam, nec pede ledit humum.*

XVI.

Iudex accipere possit partes ad concordiam.

**Sed ad tertium cur non debent Iudices cogere partes ad concordiam?**

**Luc.** Necessarium est iudicandi munus, l. fin. §. iudicandi,

candi, ff. de mun. & honor. quod igitur ad eorum officium pertinet, non convenit, ut ad alios concordandum, finiendumq. remittant, etiam si causa difficilior videretur.

*Man.* Equi residis vitium est in sefforem excutere, quò descendat ob itineris difficultatē; cum alioquin Equi generosi per montes, & flumina feliciter perducant quodcumque in se assumpserunt, & ut versu explicem;

*Fortis Equus montes, valles, & flumina transit,  
At quodcumque times segnis, & odis iter.*

*Luc.* In rebus quidem arduis Iudex potest suadere concordiam; non autem imperare, Fel. in rubr. de treuga, & pace, quæ si fieri nequeat, non debet Iudex esse clementior lege, §. oportet autem, Auth. de Iudicibus

Ad quartam verò, quòd Iudex possit amico gratificari, res non ita plana est. Necessitatem quidem habet amicitia, ut præ cæteris amicum diligamus, & amici commodo consulamus: necessarij enim latius dicuntur amici, & amicitia dicitur necessitudo: non tamen fas est propter hominem amicum ab honesto iustovè deflectere. refert Aul. Gell. lib. 1. noct. atticæ. 3. quòd Pericles Atheniensis rogatus, ut in causa amici amicitie gratia deiceret, respòdit, amicus sum usque ad aras; olim enim iurantes aram manu tangebant. Scriptum est Deuter. c. 8. Dixi Principibus, & Iudicibus, quòd iustum est iudicare, siue peregrinus sit, siue Civis, nulla erit distantia: ita parum audietis, ut magnum, nec accipietis cuiusque personam. Dicunt quidam, licere Iudici in dubijs gratificari amico, & ut aliquis casus accidit dubius, so-

XVII.

Iudex an possit gratificari Amico.

XXV

lent dicere, esse quæstionem pro amico, & bonum esse, habere Iudicem fauorabilem. Sed hæc opinio nimè vera est; nam nulla sunt Iura, quæ hoc dicant. Benè lex scripta est, quòd in Iudicijs non debet esse acceptio personarum, c. in Iudicijs, de reg. iur. in 6. immo quid in dubijs statuendum sit, iura dicunt, nempe in dubio iudicandum esse pro Reo, c. cum sunt partium, eod. tit. de reg. iur. in 6. & in ambiguis iudicandum esse pro dote, l. in ambiguis, ff. de iure dotium, & sic de alijs. Nulla autem lex dicit, in dubio fauendum esse amico.

*Man.* Ergò laudandi erunt quidam homines, qui ut ad magistratum, dignitatemvè peruenierunt, prioris status oblitri, amicis se abscondunt; delent omne amicitiae signum, velut histriones, qui dum Regè agunt in scena, cæteros alioquin amicos, & pares contemnunt, habent pro ignotis, tanquam si fabula exitum nunquam foret habitura.

*Luc.* Laudandi sunt Iudices, qui ità agunt, ne amicitiae causa violetur æquitas, & iustitia; non tamen studiosè contra amicum debent iudicare; minùsq. eum fugere, quòd maiorem integritatem ostentent: sed ità sententiam ferre debent, prout credunt de Iure esse iudicandum, non habita aliqua ratione amicitiae, odij, vel timoris. Sat dictum est de Iudicibus.

XVIII.  
De Notarijs.

Dicamus pauca de Notarijs, qui an utiles sint, & necessarij in Republica, nemo dubitat. Exigit publica necessitas ut sint, qui acta iudiciorum conscribant, c. quoniam contra, de probat. & Contractuum, vltimarumq. voluntatum Instrumenta conficiant.

*Man.*

*Man.* Appellantur Notarij serui publici; nec desunt, qui eos dicunt viles, & abiectos, & asserunt totum mundum eorum imperitia subuerxi. Et (vt aiunt) in eorum Instrumentis, vel necessaria omittunt, vel apponunt superflua, & clausulas repugnantes, terminos incongruos, & verba intricata inculcant, ferè nescientes quid loquantur; cum Doctores non sint, nec legum periti; adeò vt notandi videantur exemplo Picae.

*Garrula Pica loqui, si quodam didicit vsu;*

*Nescit quaque suo dixerit eloquio.*

*Luc.* Notarius dicitur seruus publicus, l. non aliter enim, ff. de adopt. l. 2. ff. rem pup. saluam fore: non quòd sit seruus: nam lege cautum est, seruum Tabellionem esse non posse, l. generali, C. de tabularijs, lib. 10. Sed quia est persona publica, §. cum autem, Instit. de adopt. Non potest tamen censerì vilis, & abiectus; quia creatur à Principe, vel priuilegio Principis, vt not. Doct. in c. cum P. de fid. Instrum. & in l. infamem, ff. de publi. Iudi. Immo creatur cum aliquali iurisdictione, saltem habitu, & dicitur Iudex cartularius, glos. in l. 1. in verbo, tribunal. & ibi Doct. ff. de Iudic. Quòd autem Notarius sit Doctor legum, vel accuratè sciat lura, minimè necesse est; sufficit enim, quòd sciat ea, quæ in summis, & formularijs traduntur, pertinentia ad artem Notariatus, Bart. in d. l. generali, num. 7. C. de Tabular. lib. 10. Satis est, vt quilibet sciat spectantia ad suum officium, nec aliàs tenetur de imperitia, l. illicitas, §. sicuti, ff. de offic. Præsidis: & in dubio quilibet Notarius præsumitur peritus, Imol. in l. 1. §. si ex fundo, ff. de hæred. instit. &

# 374 NONVS, ET VLTIMVS

sacrilegij instar est, dubitare, an sit idoneus is, quem Princeps elegerit, l. disputare, C. de crim. sacrileg. exemplum itaque quod afferebas de Pica, atque etiam alia exempla posita per Doctores de Pisticis, & Gallis, & de Cantoribus benè cantantibus, sine tamen vlla ratione, referenda sunt ad illos Notarios, quorum imperitia sit manifesta, non ad alios.

XIX.  
De Aduoca-  
tis.

*Man.* Acquiesco his dictis: transeamus ad Aduocatos.

*Luc.* Non minorem vtilitatem Reipublicæ afferunt Aduocati, quàm qui gladijs, clypeis, & thoracibus armati, vulneribus receptis, Patriam, & Parentes seruant: illi scilicet Aduocati, qui negotia lapsa erigunt, fatigata reparant, defendunt Ciuum fortunas, redimunt Reorum vitam, tuentur Posterorum famam, l. Aduocati, C. de Aduocatis diuers. Iudiciorum.

*Man.* Hæc qui præstant?

*Luc.* Aduocati illi, qui agunt quod causa exposcit, & temperantes se ab iniurijs, non sunt procaces, non probris certant, sed rationibus; non ex industria protrahunt iurgium, non aduocant ad turpe compendium; sed ita præbent iurgantibus patrocinia, vt non nisi veræ laudis augmenta quærant, l. quisquis, C. de postulando.

*Man.* Quando euenit, vt Aduocati lapsa erigant?

*Luc.* Tunc quando sententiæ iniustæ, & erroneæ reformatur, & retractantur in melius Aduocatorum cura, & diligentia, vt sensit glos. in d. l. Aduocati, in verbo, lapsa.

*Man.* Cur Aduocati negotia labi sinunt? Cur Iudices non ferunt sententias iustas?

*Luc.*

*Luc.* Ex pluribus accidere solet. Aut enim pars deficit in probationibus, & tunc non Ius deficit; sed probatio, l. duo sunt Titij, ff. de testam. tut. Aut fit error in facto, vel ob patrocinantium incuriam, vel ob Iudicis negligentiam, vel ob facti ambiguitatem; qui error excusabilis est: nam facti interpretatio plerumque etiam prudentissimos fallit, l. 2. ff. de iuris, & facti ignor. Aut error sumitur in Iure, siue ob Advocati imperitiam, siue ob audaciam Iudicis, siue ob Iuris difficultatem: & non est novum, ut Iurisconsulti quandoque errent, sic in l. 3. §. Neratius, ff. de acquir. poss. Bruti, & Manilij Iurisconsultorum erronea deprehenditur opinio, & in l. Mutius, ff. pro Socio, Mutij error elicitur, & omissis alijs, in l. sed an ultro, §. fin. ff. de negot. gest. refertur, Celsum eleganter deridere sententiam Proculi. In obscuris, & ambiguis errare facile est; cum autem lites, & iudicia sint de rebus dubijs, mirum non est, si in sententijs ferendis error accadat; si dubius existat Iudiciorum euentus, l. quod debetur, ff. de peculio. Itaque viri perspicacis ingenij, subtilis doctrinæ, maturi iudicij, qui defectus supplent, emendant errores, qui facto melius discussio, veriusq. intellecto iure, probant quæ probata non sunt, & non deducta deducunt, iuxta tex. in l. eos qui, §. 1. C. de appellat. tanquam erigentes collapsam Iustitiam, & obrutam Veritatem eruentes, digni sunt, qui ab omnibus conspiciantur summo cum honore. pro hoc adduco tex. in l. Diui fratres, ff. de Iure patronatus, vbi refertur, quod quædam sententia, quæ comprobata fuerat plurium Iurisconsultorū opinione, & confirmata imperiali rescripto; tandem

laudatissimi Volusij Metiani diligentia re accuratiùs librata, summa cum Imperatorum læticia, & tanti viri admiratione, reprobata fuit, & commutata.

*Man.* Dic modò; quando contingit, vt Aduocati fatigata reparent?

*Luc.* Tunc quando causas, diù agitatas ad exitum perducunt.

*Man.* Cur Aduocati non curant citò causas expediri? Cur Iudices causas non absoluunt?

*Luc.* Euenit non rarò, quòd lites sint nodosæ, & indissolubiles, velut nodus Hercules, cuius neque principium apparebat, neque finis. & propterea qui eas acriori ingenio enodant, magna digni sunt laude.

*Man.* Dic modò; quando fortunas Ciuium, Reorum vitam, & famam Posterorum defendunt?

*Luc.* Tunc quando vel rem suam vendicanti, vel agenti pro adipiscenda, retinenda, vel recuperanda possessione opem ferunt. & quando Reum defendunt ab objectis criminibus; seruant eius vitam, eiusq. Posterorum famam tuentur.

*Man.* Videris aut nihil, aut parùm dixisse. Sunt hinc indè Aduocati; vnus fouet partem Actoris, alter Rei; nocet vnus, prodest alter. Vnus petit, vrget, offendit. Alter negat, fugit, & defendit; ergò non maior est utilitas, quàm sit damnum, quod ex Aduocatorum professione, & officio prouenit.

*Luc.* Casus, seù (vt melius dicam) tempus auctor est litium: res mutantur: deficiunt personæ: vnus succedit alteri: quæ clara erant, tractu temporis obscuræ fiunt. Prodeunt ergò lites, & Actor, & Reus adeunt

Iudi-

Iudicem, qui nodos dissoluat, & explicet tricas. Qui vnicam habet manum, nullam enodandi vim habet: vbi vna, & altera manus operantur, res quælibet facile explicatur. Duo duarum partium Aduocati sunt velut duæ Iudicis manus; nisi vterque vim faciat, deducat scilicet suæ partis rationes, nequit Iudex intelligere quid agendum sit, quodq. vnus facere, & quid alter præstare debeat. Vtilitas ergò consistit in litium extricatione, quæ non aliundè prouenit, quàm ex Aduocatorum disputationibus.

*Man.* Totam rem optimè percepi, quam; vt memoria facilius conseruem, versu perstringo.

*Sunt nodi lites, trica sunt iurgia, qua fert*

*Casus, & hac Index soluit utraque manu.*

Sed dic modò; qui sunt illi Aduocati; qui agunt, quod causa exposcit?

*Luc.* Qui factum benè examinant, præparant leges, rationes, & auctoritates facto conuenientes; qui non consulunt, nisi quod honestum est, & rectum; non deducunt, nisi quod in facto, iureq. subsistit. Etenim illi, qui in applicatione decipiuntur, qui proponunt leges, & conclusiones alioquin veras, sed à facto discrepantes, non sunt recta illa regula, non sunt vera amissis, qua fabri lapidæque vtuntur ad dirigenda opera.

XX.

Aduocati  
que debant  
obseruare.

*Man.* Quamprimùm ad quendam amicum meum accessero, illum hoc Disticon salutabo.

*Si leges facto, non factum legibus aptes,*

*Optima cuiusvis litis, amissus eris:*

Sed vndè euenit, vt in foro, & contentione plerique iniurijs, & conuicijs certent, & quasi deficiente lingua

XXI.

Aduocati  
que vitare  
debeant.



lingua, loquantur solo manuum crepitu, sola pedum pulsatione, iratoq. vultu, & perturbata corporis agitatione excandescant?

*Luc.* Illi, qui lus non fouent, alioquin periti, ægrè ferunt, si leuès, aut furatæ rationes, quas afferunt, confutentur. Ideòq. præ ira clamant, & manuum, pedumq. sonitu suis dictis addere tentant auctoritatem: & quia non obtinent, irascuntur.

*Man.* Isti notandi sunt velut muti.

*Quod lingua nequit, audet mutus dicere vultu,  
Nec valet: hinc manibus concrepat, & pedibus.*

*Luc.* Alij verò sunt; qui minus instructi ineptas, & extraneas rationes inculcant; & existimantes cæteros non esse maiori ingenio præditos, non esse maiori scientia auctos, ineptè loquuntur, ineptâ repetunt, & exclamant.

*Man.* Notabimus istos vti surdos.

*Non audit surdus, voces ad sidera tollit,  
Et secum surdos semper habere putat.*

*Luc.* Sunt alij deniquè, qui solo quæstui additi, nihil aliud curant, quàm clientum turbæ placere, & semper garruli, quæruliq. obmurmurantes, compendij cuiusuis occasionem perquirunt.

*Man.* Fabulantur Poetæ de quodam Perdice Dædali nepote, qui à patruo ab altâ turri præcipitatus, conuersus est in auem, quæ retinet idem Perdicis nomen, & vilis naturæ, quasi prioris ruinæ memor, vitat sublimia, & humi nidum construit, nec se multum extollit. Ideò Perdicibus assimilare possumus istos, quos dixisti, quadam vili querimonia, æstimare potius quæstum, quàm laudem.

*Aptat*

*Aptat humi nidos, vitat sublimia Perdix,  
Ingemit, atque alas concutiendo, pauet.*

Cæterum vulgus non distinguit, generaliter de  
Aduocatis malè loquitur, quasi trahantur pecuniæ  
sono, dissimulent veritatem, non liberè dicant, quod  
sentiunt, non respondeant ex animo, sed captiosis ver-  
bis rem quamcunque inuoluant, ne Clientes despe-  
rent, & quasi semper verum taceant, & verisimile  
suggerant, quò faciliùs excitent lucri amplioris occa-  
sionem.

XXII.  
Vulgus de  
Aduocatis  
erroneè lo-  
quitur.

*Luc.* Ignarus Vulgus stultè, & inconstanter huc, il-  
lucq. voluitur, & quæ sapienter dicta, gestave audit,  
vel non attendit, vel statim tradit obliuioni, si quid  
malè, perperamve dictum sit, cadere non sinit, per-  
petuò reminiscitur.

*Mau.* Dicam ergò vulgum similem Ranae, quæ lo-  
quax est, & dentibus caret, & natura palustris non  
quærit limpidas aquas, sed impuras. ecce promptum  
carmen.

*Edentata, loquax, puris non voluitur undis,  
Sed bibit impuras Rana palustris, aquas.*

Dic modò, si ista hæc Vulgus omni tempore Ad-  
uocatis obiecerit?

*Luc.* Excellentioribus doctrina, & eloquentia emi-  
nentioribus nullo sæculo pepercit. Demosthenes cõ-  
tra Legatos Millestorum, qui venerant Athenas auxi-  
lij petendi causa, acriter dixerat, ne postulata impe-  
trarent; cum iterum res agenda foret, inuasus est  
morbo, scilicet squinantia; loqui non poterat facun-  
dissimus Demosthenes, prodijt in concionem circũ-  
uoluto collo multa lana, & dum se à dicendo excus-  
bat;

XXIII.  
De Demo-  
sthenæ quid  
dictum fue-  
rit.

bar; quia anginam patiebatur; Inuidus quidam, innuere volens eum à Legatis, ne in contrarium diceret, pecunia redemptum fuisse, exclamauit; non patitur anginam, sed argentanginam; exijt hoc calumniosum prouerbium, quod postea nunquam tacuit Vulgus.

*Man.* Inquiunt naturales, si contingat, vt Lupi prius aliquem videant, illè statim raucus euadit. Credimus ne id euenisse Demostheni?

*Luc.* Athenienses id suspicati sunt; sed qui testes pecuniæ numerationi interfuerint, non legitur. scribit Plutarchus in eius vita hoc vitium datum est Demostheni, quòd muneribus se passus est corrumpi. Legitur apud Valerium Maximum, lib. 9. de auaritia, c. 4. de M. Crasso, & Q. Hortensio, quod M. Crassus, & Quintus Hortensius, qui erant lumina Curia, & ornamenta Fori, benè soluente quodam Lucio Minutio à Græcia misso, defenderunt quoddam testamentum verè falsum; & ità scelus, quod vindicare debebant, inhonesti lucri captura inuitati, auctoritatibus suis texerunt. Hæc, & alia Vulgus notat; inuehiturq. in omnes; sed errat; quia squinantiam non patiuntur omnes, neque Minutij prodigalitate omnes conducuntur. Quisquis tamen sit, qui doctrina excellat, qui eloquentia emineat, honorem potius quàm quæstum ante oculos sibi proponere debet; quia si Virtutes prodeunt, Vicia non latent.

*Man.* Debet ergò laboris præmium negari?

XXIV. *Luc.* Nequaquàm. refert Cornelius Tacitus, lib. 11. annalium, quòd tempore Neronis multi insurrexerunt contrà Aduocatos, & flagitauerunt legem Cinciam,

Aduocatis  
an præmium  
debeatur.

thiam, qua antiquitus cautum fuerat, ne quis ob causam orandam, pecuniam donumvè acciperet: sed magno strepitu se se opposuerunt Suillius, & Cassianus Aduocatorum primi, & accusantes potentiorum superbiam, qui vellent, vt ob Aduocatorum inopiam, nemo posset res suas tueri; optimè probarunt, sublati studiorum pretijs, etiam studia peritura, vt minus decora. Sublato sanè laborum præmio, homines ignaui, ac penitus desides redderentur. Hinc Imperator (non aliter lege Cinthia innouata) certum honorarij modum constituit. Ait Vlpianus in l. r. ff. de var. & extraord. cognit. quòd res sanctissima est ciuili sapientia, quæ pretio nummario non sit æstimanda, nec dehonestanda: quædam enim tametsi honestè accipiuntur, inhonestè tamen petuntur, iurè scilicet actionis vt salarium, seu merces. Idèq. in eadem l. r. §. in honorarijs, dicitur, Iudicem ita versari debere in honorarijs Aduocatorum, vt pro modo litis, proq. Aduocati facundia, & Fori consuetudine, & Iudicij, in quo erat acturus, æstimationem adhibeat. Misera sanè conditio Aduocatorum esset, si omissis curis familiaribus, post tot impensos labores alienis negocijs gratuitò intendere cogerentur. Itaq. dum non exigunt, nisi quod vel Constitutio dat, vel vsus, ab omni procul sunt labore.

*Man.* Idem fateor. Cætera prosequamur Vulgi dicta.

*Luc.* Qui sint illi Aduocati periti scilicet, vel etiam mediocriter instructi (cæteros enim omitto) qui verum dissimulent, qui ex animo non respondeant, vt Vulgus putat; ego quidem nescio, nec fieri potest, vt credam, aliquem inueniri tantæ dementiæ, vel temeri-

XXV.  
Aduocati  
quando excusandi sunt,  
si errant.

meritatis, qui contra expressum casum legis, indubitatasvè Doctorem opiniones sciens, & prudens auderet consulere, & patrocinari. Pro quavis re etiam pretiosissima, propriam existimationem ludere, ministrare æmulantibus iustam detrahendi occasionem, se Reum nulla dignum excusatione Censori cuiuslibet exhibere, stultitia pessima esset, & nefandissima improbitas. Non desunt qui errant, & decipiuntur aliquando, vel ob incuriam, vel ob Iuris, factivè perplexitatem. Nec rarò evenit, ut qui ad primos animi morus aliquid statuendum putat, melius deindè cogitans, sententiam commutet. Hominis non est, ut semper exactam præstet diligentiam. Omnia videre, omnia speculari, omnia subtiliter discernere, transcendens est intellectus. Parcendum est imbecillitati humanæ; quæ naturaliter inest. Quisque tamen cauere debet ne sæpius erret; quia primi lapsus, vel casui dantur, vel imprudentiæ; crebri verò & iterati stultitiæ tribuuntur, vel inscitæ: deridendus foret Citharædus, qui eadem corda semper oberraret. In dubijs, & obscuris quisque dicit, quod sibi videtur, mouetur quisque rationibus, & argumentis, quæ probabiliora credit, & efficaciora. Apud Terentium in Phormione, actu 2. Scena 3. è tribus Aduocatis vnus ait; secundus negat; tertius deliberandum censeret; & apud me tertius plus sapit; quandoquidem in legali scientia, qui plus scit, plus dubitat. Bart. in l. si pater, in princ. C. de Instit. & Substit. Et in nulla re præcipitandum est consilium. Satis dictum est de Aduocatis.

Sequitur, ut dicamus de Procuratoribus.

*Man.*

*Mau.* Sat habebō, si tria mihi explicaueris, qui sint XXVI.  
De Procura-  
toribus.  
Procuratores; in quo differant ab Aduocatis; & quomodò intelligendum sit illud commune dictum, vile esse Procuratoris officium.

*Luc.* Procurator est, qui aliena negocia mandato domini administrat, l. 1. ff. de Procurat. quod nomen, vti generale, comprehendit tam illos, quibus negocia extra iudicium gerenda committuntur, quam illos, quibus mandatur, vt pro alio agant, siue excipiat in iudicio, d. l. 1. §. fin. Apud Græcos non licebat in foro agere Procuratorio nomine, & hoc etiam fuit ab initio in foro Romanorum obseruatū, ex lege 12. Tabularum, quæ præcipiebat, vt quisque in Ius vocatus per se veniret, & vi duceretur; quomodò autem duceretur etiam æger ad Prætores; legitur apud Aul. Gell. noct. attic. c. 1. lib. vlt. Quia autem non minimam incommoditatem habebat, quòd per alium quis non posset agere, vel conueniri; cœperunt homines per Procuratores litigare; nam & morbus, & ætas, & necessaria peregrinatio; itemq. aliæ multæ causæ sæpè hominibus impedimento sunt, quominus rem suam ipsi exequi possint. §. 1. Instit. de ijs, per quos ag. possumus. Ideòq. vsus Procuratorum per quàm necessarius dicitur, d. l. 1. §. fin. ff. de Procurat.

Hæc nomina Procuratoris, & Aduocati inter se XXVII.  
Procurato-  
res in quò  
differant ab  
Aduocatis.  
confunduntur, sæpius vnum ponitur pro alio quatenus significant eos, qui alterum in Iudicio defendunt: sed hæc est inter vtrumque differentia; quia Procurator est, qui absentem defendit in Iudicio cum mandato procuræ. Aduocatus autem est, qui præsentis causam defendit sine mandato. Ideòq. Procurator præstat

stat præsentiam, & operam loco principalis, scilicet comparet in Iudicio, protestatur, instat. Aduocatus autem præstat rationes, & Ius suggerit. Ideòq. Aduocatus debet esse Doctor, & Iurisperitus; Procurator autem potest esse quilibet, sicuti quilibet potest esse Actor, vel Reus, etiam si sit idiota. Est & alia differentia; quia nemo inuitus cogitur mandatum alterius, seu Procuracionem suscipere, l. inuitus, C. de Procurat. Aduocatus autem compelli potest, ut patrocinium suscipiat, l. 1. §. ait Prætor, il. 1. & ibi glos. ff. de postul. l. nec quicquam, §. Aduocatos, & §. fin. ff. de off. Procons.

## XXVIII.

Procuratoris  
officium an  
sit vile.

Ideòq. multi dicunt, Procuratoris officium esse vile, per text. in l. si quis procuracionem, C. de Decur. lib. 10. Idq. per quemcumque, etiam infamem, posse exerceri, per text. in §. fin. Instit. de except. Officium verò Aduocati nemo est, qui nesciat, laudabile esse, l. 1. & l. laudabile, C. de Aduocat. diuers. Iudiciorum. Opinor ego distinguendum esse inter eum, qui alterius mandatum simpliciter suscipit, & inter eum, qui se gerit pro causarum Patrono, & publicè profitetur patrocinari. Primus enim vile lucrum ex sola opera consequitur; secundus verò laudabile, & honestum ex scientia, & virtute. Quò fit, ut quæsitæ per Causidicos, & causarum patronos inter quasi castrensia connumerentur, l. fin. ibi, Iuris disertissimis Patronis causarum, C. de inoff. testam. & non aliter loqui videntur prædicta Iura, si benè considerentur. Dicitur in præleg. l. si quis procuracionem, C. de Decur. lib. 10. Curialem, seu consiliarium immemorem esse sui generis, & infamissimam vtilitatem sequi, si procuracionem

nem

nem facultatum alterius susceperit: & ita loquitur de simplici mandato suscipiendo ad extraiudicialia per eum, qui maiori oneri, & dignitati adstrictus est; non autem de patrocinio in iudicio prestando per Iuris professorem, & patrocinari solitum. Similiter in præalleg. §. fin. de except. prohibet Imperator opponi contra Procuratores exceptionem infamiae; ne dum de his altercatur, ipsius negotij disceptatio proteletur. Idè non permittit, quod verè infamis, ille scilicet, cuius infamia notoria est ex sententia, vel confessione, possit Procuratoris officium exercere: nam talis expressè prohibetur pro alio postulare, l. 1. §. secundo loco, ibi, item notauit personas turpitudine notabiles, ff. de postulan. Sed prohibet dumtaxat exceptionem infamiae opponi contra eos Procuratores, qui nō sunt verè, & notoriè infames, sed tales sunt, vt super tali exceptione infamiae longa altercatio, & cognitio requireretur in præiudicium cognitionis causae principalis. Ensis est gladius militaris, & cæteris nobilior. Detulerunt ensē Imperatores, deferunt Reges, Duces, Principes, Milites, & Equites: ex eo tamen, quod cōsuetudo eius delationem permiserit etiam vilibus, necnon deterioris conditionis hominibus, non idè inferri potest, vile esse ensē deferre. Mandatum ab alio omni tempore ad diuersa negocia susceperūt insignes Viri. Viri nobiles alieno nomine negocia gesserunt. Viri scientia, & moribus celebres omni aeo in foro causas dixerunt. Non idè hæc agere, censeri debet res infamis, etiā si qui homines abiecti generis hæc gerere viderentur. Sed non est opus longiori contentione, habemus text. expressum de Iure Cano-



nico in c. 1. & 2. 3. q. 7. quòd infames non possunt  
 esse Procuratores, vel patroni causarum. Et de Iure  
 Ciuili infamibus prohibitum est ingredi Curiam Prin-  
 cipis, l. sed, & milites, §. scribit autem, ibi, ingredi Vr-  
 bem eis non licet, ff. de excusat. tutor. In omnibus  
 Curijs Principum Procuratoris officio funguntur Do-  
 ctiores, ideòq. pari passu ambulant cum Aduocatis, &  
 Aduocati dicuntur in c. venerabilem, §. quod autem,  
 de elect. æqualiter dicitur carebit Aduocato, & De-  
 fessore. & in c. quia Episcopus, 5. q. 3. dicitur, Episcopus  
 debet habere Aduocatum non malæ famę suspectum,  
 sed bonæ opinionis, & laudabilis artis inuentum, & ibi  
 glossa exponit Aduocatum, idest Procuratorem. In  
 Camera Imperiali, vt refert Gail. practic. obseruat.  
 lib. 1. obseruat. 43. num. 6. & seq. Honorabile est offi-  
 cium Procuratoris ratione personarum, & ratione loci;  
 nemo enim recipitur in numerum Procuratorum nisi  
 sit Doctor, vel Licentiatus; & Camera Imperialis est  
 Concistorium Principis, Imperatoris scilicet, & Sta-  
 tum, ibiq. Procuratores, sicut Aduocati inuiti, tanquã  
 gerentes munus publicum, coguntur patrocinari, nisi  
 ex causa excusentur: ibi deniq. omnis Procurator est  
 etiam Aduocatus, sed non è conuerso. Eorum deniq.  
 Procuratorum cõditio pinguior, & vberior est, gran-  
 diusq. vber habet quàm Aduocatorum. Idem est in  
 Romana Curia vbi Procuratores omni tempore exti-  
 terunt Iuris Vtriusque Doctores scientia, & probi-  
 tate insignes. Vestrus in Praxi lib. 2. cap. 19. Gallef.  
 in opuscul. legal. tit. de usu Iudiciorum Palatii Apo-  
 stolici, vers. idoneus quoque Procurator, ibi dicitur  
 Manu. Inter istos igitur Procuratores, & Aduocatos  
 quznam

XXIX.  
 Procurato-  
 res in magnis  
 Curijs qua-  
 les sint.

Manu

de

quznam

quænam sit differentia, adhuc non intelligo.  
*Lec.* Breuiter dicam. In Iudicijs, vt aliàs diximus,  
 quæritur de duobus, de Facto scilicet & de Iure. Fa-  
 ctum probatur, vel ex rei euidencia, l. si irruptione,  
 ff. fin. regund. vel per confessionem partis, l. 1. ff. de  
 confess. vel per iuramentum, l. 1. ff. de iureiuran. vel  
 per testes, & instrumenta, l. in exercendis, C. de fide  
 instrum. Ius autem probatur vel ratione, l. scire, §. suf-  
 ficit, ff. de excusat. tut. vel lege, §. oportet, authent. de  
 Iudicijs, vel authoritate, l. si chorus, §. his verbis, ff.  
 de legat. 3. Procurator versatur circa Factum; Aduo-  
 catus autem circa Ius. Ille prius factum considerat;  
 probat deindè apud acta; de illo tandem instruit Iu-  
 dicem. Iste iura examinat; leges, & conclusiones in  
 puncto præparat; postremò de eo, quod iura volunt,  
 Iudicem informat. Se habent inter se Procurator, &  
 Aduocatus, quemadmodum Natura, quæ rem produ-  
 cit, & Ars, quæ rem perficit. Sic à Natura producit  
 aurum, idemq. ab Arte perficitur. Indigent Clientes dili-  
 gentia Procuratoris, & studio Aduocati: sicut filij indi-  
 gèt auxilio Matris nutrientis, & opera Patris erudiētis.

Quisquis sit, qui in Curijs magnis Procuratoris  
 munere fungi velit, vltra legum scientiam, quam non  
 mediocriter callere debet, necesse est, vt Seniores, &  
 Peritiores sequatur, à quibus non solis auribus, sed  
 oculis percipiat, quæcunque in causis agendis obser-  
 uanda sunt; ne aliàs semper quasi in tenebris palpita-  
 ret, semper dubius quid ageret, semper incertus quò  
 se verteret, cum Clientum damno, & sui ipsius dede-  
 core experimentum faceret suæ imperitiæ. Ea quæ  
 longum vsum, & exercitium, longamq. requirunt

XXX.

Procurato-  
res quid ob-  
seruare de-  
beant.

tractationem, non est, vt quisque, quouis etiam prædictus ingenio; putet se assecuturum solo cubiculari studio; sectando neminem ex eis, qui practici sunt.

*Mau.* Bubo auis est feralis, debilisq. ad volandum. commoratur in cauernis, audit mugitum Bouis, & ipse etiam vellet mugire, sed longè dissimilem vocem emittit, ideòq. à Boue bubo appellatur. Hinc eos, qui praxim non à Senioribus, & practicis addiscere profiterentur, sed vj proprij ingenij hoc irridere m metro.

*Audit Bubo bouem, sed vocibus à boue differt.*

*Ille grauis mugit, sibilat iste leuis.*

XXXI. *Luc.* Aliud etiam cauere debet quicunque hoc officiū gerere cupit cum vera laude, & honore; vt semper studeat veritatē indagare: neque ita suæ opinioni infideat, vt nullo iure capi, nullaq. ratione moueri patiatur: pertinaciæ enim vitiū reddit homines quoscunque prorsus contemptibiles.

Procuratores quid vitare debeant.

*Mau.* Vidi sæpius Echinos, fuculos illos spinosos, qui in agris, vt aliquid sentiunt, dubitant ne apprehendi possint; & putantes à Venatore se fore tutos, se inuoluunt suis spinis ad modum pilæ; & ita iacent quasi cretæ aculeis: sed nihilominus, vel pedibus, vel baculis à quolibet transeunte voluuntur, & reuoluuntur, & ponuntur in sacco. Eos itaque, qui in sua consistunt opinione, qui in suis dictis perseverant, qui nulla velut ratione moueri. exéplo Echini hoc Carmine notaré.

*Dum timet apprehendi spinis se inuoluit Echinus:*

*Sed pede cuiusuis voluitur, et pulat.*

XXXII. *Luc.* Iam verò tempus est, vt ultimo loco prodeant litigatores.

De litigatoribus infidiis tibus Aduersario.

*Luc.* Inter beneuolos, eosq. qui cōposito animo nihil

vo-

volunt, nisi ut locus sit veritati, & iustitiæ: non dicitur lis propriè, sed iurgium: quasi modica dissensio, quæ facile sedari potest. Inter eos autem, qui accenso pectore student per vim, & iniuriam inimicum supplantare; non iurgium dicitur, sed lis: quasi grauior disceptatio proueniens ab ira, & vlciscendi cupiditate, Omissis ijs, inter quos sola extant iurgia, sermo noster sit de lites habentibus, qui iniucundiores, & intractabiliores sunt quouis graueolente, & delirante infirmo. Infirmorum miseremur ob infirmitatis casum: Litigatoribus succensemur ob eorum animi peruersitatē: quippè qui relicta pace, suis clamoribus, & litibus vellent totum Orbem implere, & perturbare.

*Ma.* Si notaueris aliquas odiosas litigatorum qualitates, facile consentiam.

*Luc.* Nonnulli sunt, qui semper cogitant, quibus insidijs, & fallacijs destruere possint aduersarium: sed ipsi destructi remanent, exemplo Capanei, qui, ut refert Veget. lib. 4. de re militari, ad bellum Thebanum, profectus, nouum genus insidiæ inuenit, admouit primus scalas muris: sed à Thebanis tanta lapidum mole fuit obrutus, ut quasi fulminibus remansit extinctus. Isti iugiter capfas antiquas reuoluentes; commiscētes veteres, corrosasq. scripturas; putantes inimicum superare, cum in ius vocant: at superati deplorant amissam litem, emunctamq. crumenam.

*Ma.* Non rarò euenit, ut dum quis putat, reuoluta aliqua saxorum massa, aliquid pretiosum inuenire; tūc exeat scorpius, & mordeat manum, saxa commouentē:

*Si latet in cumulo saxorum Scorpium, nullum*

*Non laedit: sed tunc mordet, ut eruitur.*

B b 3 *Luc.*

XXXIII. *Luc.*De litigatoribus  
non acceptantibus  
recta consilia.

Alij sunt, qui volentes alicui litem intendere, consulunt quidem Viros probos, & excellentes: qui si causam non probant, si ad litigandum non cohortantur, non impellunt; recusantur ut suspecti; vel prætermittuntur tanquam tardi ingenij. Adeunt itaque alios, donec inueniant aliquem equè duri capitis, qui eorum satisfaciat voluntati; qui simili sensu urgeat ad litem: asseueret nihil scrupuli adesse, & victoriam polliceatur.

*Man.* Idem faciunt Cornices: sumunt nucem rostro, & quia eam frangere nequeunt, quærunt lapidem in quem projiciant, & frangant.

*Cornix obstinata nucem, quam frangere rostro*

*Non potuit duram, projicit in lapidem.*

*Luc.* Consilium est velut cibus, qui si inciderit in animum insincerum corrumpitur, & putrescit. audi litium non seruant recta consilia, quæ dissuadent litem.

XXXIV.

De litigatoribus  
Iudici fucum facien-  
tibus.

Sunt alij artificiosi quidem, sed prauæ naturæ, qui toruo collo Iudici fucum faciunt, quærunt cum mendacijs à recto abducere, & simulatis miserijs in eorum partem trahere.

*Man.* Isti discunt à Vulpe, quæ fingit se mortuam, quando vult volitantes aues vnguibus rapere, & vorare.

*Exemplum est fraudis, quæ se Vulpicula fingit*

*Exanguem, ut faciles fallere possit aues.*

*Luc.* Sed detectis mendacijs accidit, quod legitur de quodam scurra, qui spontè cadebat in terram, & quasi crurè fracto exclamabat, rogabatq. transeuntes, ut eum tollerent: quosunque autem, qui accedebant eum leuaturi, irridebat. Tandem malè cecidit; & verè

crus

crus fregit: implorabat auxilium, nemo commouebatur; quia innotuerat eius simulatio. & hoc est, quod lucrificiunt mendaces, quando vera dicunt, eis non adhibetur fides.

Occurrunt alij istis contrarij, qui proprijs desiderijs obcæcati, postposito pudore audēt conuicijs laceſſere Iudices, & prouocare.

XXXV.  
De litigatoribus Iudices prouocantibus.

*Man.* Si quemquam istius generis cognoscerem, monerem verſu.

*Dum te non ledunt Crabrones ledere noli:*

*Si irritare cupis viribus impar eris.*

*Luc.* Sunt alij, qui aduerſarium tam crudeli perſequantur odio, ut non fundum, non domum, non pecuniam petant: ſed expectant pellem, ſanguinem, vitā, & cor. Famam verò omni tēpore lacerent, & dilaniēt.

XXXVI.  
De perſequentibus aduerſarium, & eius famam lacerantibus.

*Man.* Sunt peiores Coruo, qui cadauera perquirir, & putrida palcitur carne.

*Vrget dira fames Coruum, vrget dira cupido;*

*Corrupta carnis, putrida quæq. vorat.*

*Luc.* Iſtis non diſſimiles ſunt alij, qui non contenti diū creditorem fatigaſſe, potiùs quàm ſoluant, eligunt commutare diem cum nocte.

XXXVII.  
De debitore condamnato & latitante.

*Man.* Verūm eſt, die latitant, noctu ambulant Veſpertilionis more.

*Odit claram Solis Veſpertilio lucem:*

*Alas obſcura nocte capit panidas.*

*Luc.* Sunt alij, qui debitore latitante ob metum mādati, pulchrum prædiolum, amœnum viridarium, domum ornatam pro modico credito, præuia ſubhaſtatione, emptore ſuppoſito, ſibi cum magno debitoris detrimento adiudicant, occupant, uſurpant.

XXXVIII.  
De creditore uſurpante bona debitoris.

*Man.*

*Man.* Imitantur Miluum, qui circuitu quodam placido, & quasi nullo alarū strepitu, rapit Gallinā, & pullos.

*Milvus gallinam incautam, pullosq. volatu*

*Illudit molli: circuit, atque rapit.*

Sed erga eorum defensores quomodo se gerunt litigatores isti?

XXXIX.

De litigatore molli: prociocinatus.

*Luc.* Sunt quidam adeò molesti, ut nulla siuè loci, siuè temporis habita ratione, quouis loco, quauis hora ad latus Procuratoris solliciti confugiunt, anxij garrunt ad aures Aduocati, & semper eandem suæ litis, suæ dubitationis repetunt cantilenam.

*Man.* Infestæ sunt Culices, quæ dormientis, aut quiescentis aures eodem stridore semper obtundunt.

*Permolesta Culex defessi stridet ad aures,*

*Et non mutato murmure, pulsa redit.*

XL.

De litigatore omnia promittente, & nihil dante.

*Luc.* Sunt alij tam garruli, & susurriones, qui suis defensoribus omni tempore omnia pollicentur: sed finita causa, si quid assecuti sunt, secum portant, abeunt nulla relata gratia accepti beneficij.

*Man.* Idem faciunt Hirundines. posteaquam sub nostro tecto suos educarunt pullos, abeunt nulla relata gratia communicati Hospitij.

*Quæ pullos aluit, quæ nidum struxit Hirundo,*

*Immemor Hospitij, non reditura volat.*

XLI.

De paupere litigante cum potentiore.

Sed ego quasi mutata Scena, si placet, repræsentabo alios litigatores miseratione forsan dignos.

*Luc.* Videamus, qui sint.

*Man.* Occurrit primo loco pauper quidam, qui causam amisit, quia litigauit cum potentiore.

*Luc.* Si Catulus prouocat Leonem ad pugnam, necesse est, ut vincat Leo.

*Man.*

*Man.* Haud tamen iustum est, ut pauper quod sibi debetur perdere debeat propter aduersarij potentiam.

*Luc.* Neque etiam rationi, & honestati conuenit, ut quis superbè agat cum eo, cui reuerentia debetur. sine lite, sine odio, sine conuicijs potest faciliùs inferior consequi, quod sibi à potentiore debetur.

*Man.* Ille sæpiùs modestè petijt, volebat transigere: ille parum quid offerebat: iratus tandem pauper voluit totum, & litem cepit.

*Luc.* Contentus igitur sit de toto, qui totum perdidit: Inter fabulas legitur quædam huic proposito satis accommodata, Leo, Asinus, & Vulpes societatem inierunt hoc pacto, ut præda diuideretur. Asinus, qui stolidus est, prædam distribuit in tres æquas partes. Leo indignatus, quia ob maiorem industriam, & dignitatem cæteris nõ esset æquandus, repente Asinum inuadit, & dilaniat. Vulpes, rem meliùs considerans, totam ferè prædam Leoni attribuit; & vix pauca quædam sibi seruat. Leo, comprobata distributione, Vulpi alludit. Humilitate ergo, & dexteritate vincitur, & placatur tumidus animus: & è conuerso flamma quo magis exagitur, magis inualefcit.

*Man.* Insurgit alter, qui conqueritur de contraria sententia lata; inquit ipse, quia nemo intellexit suam rationem.

*Luc.* Solent quidam homines contentiosi, & blaterones semper æquiuocare, & falli in suis argumentationibus. At quoniam ipsi soli ius intelligunt, ipsi soli sibi ius ministrent. Lex erat apud Athenienses, quòd in nuptijs conuiuium non excederet triginta, ad quos numerandos quidam deputabantur Gynoconomi nuncupati.

XLII.

De litigatore conquerente, quòd intellecta non fuerit eius bona ratio.



cupati. Ad quasdam nuptias (vt legitur) accessit parafitus, quidā non vocatus, qui vltimo loco ad cōiuium occubuit. Gynoconomi, qui numerarunt illum fupra triginta, iufferunt abire: at ille dicebat, numerate denuò, à me fumenses initium. Hoc pacto non erat futurus supernumerarius; Eiectus fuit, reiecta fuit eius ratio fallax; Còquerebatur nihilominus de iniuria.

## XLIII.

De litigatore maledicēte Procuratori, qui causam intricauit.

*Man.* Ecce fequuntur alij tres, quorum vnus maledicit fuo Procuratori; Alter Aduocato; Tertius, tanquā arbitrer; damnat Procuratores, & Aduocatos:

*Luc.* Quid ait primus.

*Man.* Dicit elegiffe Procuratorem, qui fibi videbatur diligens, sagax, loquax, & fecundū cor fuum; fed nihil boni fecit; quia intricauit causam, & eam perdidit.

*Luc.* Voluit fuo genio fatifacere; noluit modēstum Procuratorem; parronum prudentē omisit; elegit audacem rabulam, qui pari rabie, pari. stridore cum aduerfario certaret, & contenderet cum Iudice. Si læfus remansit, ipse auctor est fui mali; reus est ipse, non alius.

Sed quid dicit secundus?

## XLIV.

De litigatore maledicēte Aduocato, qui non tetigit punctum.

*Man.* Irascitur, quia eius Aduocatus allegauit multa, nec vnquā tetigit punctum.

*Luc.* Non defunt celebres Aduocati, qui omnes tangunt, tolluntq. difficultates, qui non à longē, non ad balistas, vt vulgò dicitur, allegant. si ex istorum ordine neminem elegit; vadat.

Audiamus tertium.

*Man.* Ille tanquā sapiens, auditis duorum querelis; arbitramentum fert contra Procuratores, & Aduocatos,

catos, quasi nihil curent præter pecunias, & munera.

*Luc.* Ille vir bonus non cognoscit quales sint Clientes: si qui solvunt, non iactant suum; ac multi repertiuntur, qui prima, & secunda vice satisfaciunt quidem, sed tertia, vel quarta prorsus deficiunt.

**XLV.**  
De Clientibus, qui ab initio satis faciunt, deinde deficiunt.

*Man.* Memini legisse de quodam viro, qui magna promissit Iunoni Samiæ, si thesaurum reperisset: illud reperijt, & statim posuit Iunoni ovem auream, sequenti anno argenteam, tertio æream: sequentibus verò nihil. Hinc fortè isti cauti litigatores exemplum sumpserunt.

*Luc.* Sunt etiam alij, qui dedignantur quidquam eorum defensoribus largiri: nimirum putant eos consecutos esse tantam ex patrocinio præstito gloriam, quantam ipsi ex accepto beneficio perceperunt utilitatem.

**XLVI.**  
De magnis clientibus non solventibus, & Chiragra aff. c. 15.

*Man.* Huius sententiæ fuit Dionysius, qui ut refert Aristotel. lib. 9. *Moralium Nicomachiorum* c. 1. in princ. accersivit Citharædum in nuptijs, & promissit, quod quanto melius caneret, tanto maiorem reciperet mercedem. Cum autem suaviter cecinisset Citharædus, posceretq. mercedem: respondit Dionysius, se persoluisse debitum, par pari retulisse, pro voluptate reposuisse voluptatem: quasi tãtam Citharædus percepisset ex eodem cantu, & auditorum attentione voluptatē, & gloriam, quantam Dionysius, & alij ex cantus suavitate voluptatem sensissent, & delectationem.

*Luc.* Dimittendi sunt isti, qui, post laborem eis impensum, afficiuntur Chiragra. Sol occidit, aliud ne superest?

*Man.*

XLVII.  
Gratias Mau-  
rus agit: Lu-  
cio, & datur  
finis Operi:

*Mau.* Nihil. Satis diximus; Peruenimus ad finem diei,  
& operis. Sustulisti omne impedimentum, omnem  
obicem, omnem nebulam, omnem dubitationem.  
Lætus sum: spe firma pergā: prosequar mea studia,  
te auctore, te duce.

*Vine diu Luci, caelestia numina reddant,*

*Reddant pro meritis munera sancta tui.*

*Luc.* Te ducat virtutis amor, spes firmet honoris:

*Sis dulcis dulci parva labore quies.*

*Dispice quid rectum, quid iustum, nosce quid aequum:*

*Et lites odio, Legis Amator habe.*

## F I N I S:

## Pag. Verf. Errata.

## Corrige.

15	8	lib. 1.	lib. 4.
21	0	dant semper	semper dant
25	5	melius marte, adde,	melius esse malle
31	4	nequities	nequities
33	4	libentius	liberius
37	21	Hanc	Nunc
44	21	Sat. 13.	Satirarum lib. 5.
51	9	nimiam	nimiam
70	21	etiam	eam
88	29	ipse magis	inde magis
100	20	virtus	virtutis
106	24	paruas	pauca
106	25	facunda	foecunda
127	3	domus	domui
155	4	Epigram. 10.	Epigramma 50.
169	27	Sat. 6.	Satirarum lib. 2.
170	14	in aularia	in aularia act. 3. scen. 5.
177	23	hac	hac
196	14	honoris qui is, adde,	honoris quod ille qui ijs
198	27	facente	facente
213	28	gregium	gregium
293	26	mugitos	mugitus
336	9	quadam	quodam
363	11	hac	hoc
378	5	furacæ	fucacæ
in apostilla pag. 369. quamlibet		quemlibet	







